

Հարգելի՛ ընթերցող,

Արցախի Երիտասարդ Գիտնականների և Մասնագետների Միավորման (ԱԵԳՄՄ) նախագիծ հանդիսացող **Արցախի Էլեկտրոնային Գրադարանի** կայքում տեղադրվում են Արցախի վերաբերյալ գիտավերլուծական, ճանաչողական և գեղարվեստական նյութեր՝ հայերեն, ռուսերեն և անգլերեն լեզուներով: Նյութերը կարող եք ներբեռնել ԱՆՎՃԱՐ:

Էլեկտրոնային գրադարանի նյութերն այլ կայքերում տեղադրելու համար պետք է ստանալ ԱԵԳՄՄ-ի թույլտվությունը և նշել անհրաժեշտ տվյալները:

Շնորհակալություն ենք հայտնում բոլոր հեղինակներին և հրատարակիչներին՝ աշխատանքների էլեկտրոնային տարբերակները կայքում տեղադրելու թույլտվության համար:



Уважаемый читатель!

На сайте **Электронной библиотеки Арцаха**, являющейся проектом **Объединения Молодых Учёных и Специалистов Арцаха (ОМУСА)**, размещаются научно-аналитические, познавательные и художественные материалы об Арцахе на армянском, русском и английском языках. Материалы можете скачать БЕСПЛАТНО.

Для того, чтобы размещать любой материал Электронной библиотеки на другом сайте, вы должны сначала получить разрешение ОМУСА и указать необходимые данные.

Мы благодарим всех авторов и издателей за разрешение размещать электронные версии своих работ на этом сайте.

Dear reader,

The Union of Young Scientists and Specialists of Artsakh (UYSSA) presents its project - **Artsakh E-Library** website, where you can find and download for FREE scientific and research, cognitive and literary materials on Artsakh in Armenian, Russian and English languages.

If re-using any material from our site you have first to get the UYSSA approval and specify the required data.

We thank all the authors and publishers for giving permission to place the electronic versions of their works on this website.

Մեր տվյալները – Наши контакты - Our contacts

Site: <http://artsakhib.am/>

E-mail: info@artsakhib.am

Facebook: <https://www.facebook.com/www.artsakhib.am/>

ВКонтакте: <https://vk.com/artsakhiblibrary>

Twitter: <https://twitter.com/ArtsakhELibrary>

Անդրանիկ Արշակյան

**ԱՐՅԱԽՅԱՆ
ԳՈՅԱՊԱՅԵԱՐ**

(1985-1992)

YEREVAN STATE LINGUISTIC UNIVERSITY
AFTER V.BRUSOV

ANDRANIK ARSHAKYAN

ARTSAKH STRUGGLE TO SURVIVE
(1985-1992)

Yerevan 2004

ЕРЕВАНСКИЙ ГОСУДАРСТВЕННЫЙ
ЛИНГВИСТИЧЕСКИЙ УНИВЕРСИТЕТ
им. В.Я.БРЮСОВА

АНДРАНИК АРШАКЯН

АРЦАХСКОЕ ПРОТИВОБОРСТВО
(Борьба за выживание)
(1985-1992 гг.)


Ереван 2004

ԵՐԵՎԱՆԻ Վ.ԲՐՅՈՒՍՈՎԻ ԱՆՎԱՆ ՊԵՏԱԿԱՆ
ԼԵԶՎԱԲԱՆԱԿԱՆ ՀԱՄԱԼՍԱՐԱՆ

Ամերանիկ Արշակյան

ԱՐՑԱԽՅԱՆ ԳՈՅՍՊԱՅՔԱՐ
/1985թ.-1992թ./

«ԼԻՆԳՎԱ» հրատարակչություն
ԵՐԵՎԱՆ 2004



ՀՏԴ 325
ԳՄԴ 66.3 (2Հ)
Ա 921

Դրատարակվում է երևանի Վ.Բրյուսովի անվան պետական լեզվաբանական համալսարանի գիտական խորհրդի որոշմամբ երաշխավորված է տպագրության ՀՀ Գիտությունների Ազգային Ակադեմիայի Պատմության ինստիտուտի գիտական խորհրդի և Հայկական պետական մանկավարժական համալսարանի հայոց պատմության ամբիոնի կողմից

Խմբագիր՝

պատմական գիտությունների դոկտոր, պրոֆեսոր **Գ. Գեղամյան**

Գրախոսներ՝

պատմական գիտությունների դոկտոր, պրոֆեսոր,
ԵՊՀ հայոց պատմության ամբիոնի վարիչ՝ **Բ. Հարությունյան**
պատմական գիտությունների դոկտոր՝ **Կ. Ղաիրամանյան**

Արշակյան Ա.Ե.

Ա 921 «Արցախյան զոյապայքար /1985-1992թթ./», /Վ.Բրյուսովի անվան ՊԼՀ, Եր., «Լինգվա», 2004, 246 էջ/:

Մենագրությունն արցախյան զոյապայքարի գիտական հետազոտման առաջին փորձերից է, որում բազմակողմանիորեն և հանգամանորեն լուսաբանված է խնդրո պարկայի հետ կապված հիմնահարցերի մի ամբողջ շարք: Բազմաթիվ փաստեր և փաստաթղթեր գիտական շրջանառության մեջ են դրված առաջին անգամ: Մեծաքանակ փաստական և արխիվային այլ նյութերի, ինչպես նաև հեղինակի, որպես այդ իրադարձություններից շատերի անմիջական մասնակցի, դիտարկումների հիման վրա արված են արժեքավոր մի շարք եզրահանգումներ:

Հանգամանորեն ներկայացված է Արցախյան շարժման սկիզբը 1980-ական թվականների կեսերից և աստիճանական վերածումը համաժողովրդական պայքարի: Վերլուծված են հիմնահարցի զարգացման փուլերը և ԼՂՀ ստեղծման նախադրյալները: Ցույց է տրված, թե ինչպես համաժողովրդական ազատագրական պայքարն աստիճանաբար ստացավ դասական պատերազմի բնույթ: Շեզրիտ լուսաբանված են Շուշիի ազատագրման, Լաչինի միջանցքի բացման և Արցախի մայր Հայաստանի հետ փաստացի միավորման պատմական իրադարձության ռազմաքաղաքական մանրամասները:

Աշխատությունը կարող է հիմք հանդիսանալ պատմաքաղաքագիտական հետազոտ ուսումնասիրությունների համար: Այն հասցեագրված է նաև պատմա-հասարակագիտական ֆակուլտետների ուսանողներին, դպրոցների բարձր դասարանցիներին, ընթերցողներին լայն շրջանակներին:

Ա 0803010413 2004
0134(01)-2004

ԳՄԴ 66.3 (2Հ)

ISBN 99930-79-15-4

© Ա.Արշակյան, 2004

Առաջաբան

1921թ. հուլիսի 5-ին Լեռնային Ղարաբաղը Ադրբեջանին ապօրինի բռնակցվելուց ի վեր, արցախահայությունը շուրջ 70 տարի անընդհատ բողոքել է դրա դեմ և պահանջել միավորվել մայր հայրենիքի հետ: Սակայն Մոսկվայի և Բաքվի իշխանությունները մերժել են այդ արդարացի պահանջը: Ավելին, Ադրբեջանը կանխամտածված խոչընդոտել է Լեռնային Ղարաբաղի տնտեսական, գիտամշակութային զարգացմանը, արգելակել կապը մայր հայրենիքի հետ և աստիճանաբար արտամղելով տեղի հայ բնակչությանը՝ արհեստականորեն ավելացրել է ադրբեջանցիների քանակը: 1980-ական թվականներին ստեղծվել էր այնպիսի վիճակ, որ արցախահայությունը կամ պետք է զանգվածաբար լքեր իր հայրենիքը և արժանանար Նախիջևանի հայության ճակատագրին, կամ պետք է պայքարի ելներ իր բնօրրանը, իր մարդկային, ազգային արժանապատվությունը պաշտպանելու համար: Գորբաչովյան «վերակառուցումը» նպաստեց արցախահայության բացահայտ պայքարի ծավալմանը, և ադրբեջանական բռնատիրությունից նրա ազատագրումը դարձավ օրակարգի հարց:

Արցախյան ազատագրական պայքարի սկզբնավորման, շարժման ակունքների բազմակողմանի քննության ու հաղթական նվաճումների առաջին փուլի գիտական հետազոտումը հայ պատմագիտության կարևոր խնդիրներից է: Այն ունի արդիական և քաղաքական կարևոր նշանակություն:

Արցախահայության հերոսական պայքարի օբյեկտիվ և սուբյեկտիվ նախադրյալների, «վերակառուցումից» դեպի անկախություն տանող ճանր և դժվարին ուղու և այդ նպատակի շուրջ հայ ժողովրդի համագգային միավորման և վերջապես Ադրբեջանի կողմից պարտադրված պատերազմի առաջին փուլում տարած փայլուն հաղթանակների շատ հարցեր դեռևս չեն արժանացել հետազոտողների ուշադրությանը: Եղած գրականությունն ավելի շուտ հանրամատչելի է և հուշագրական բնույթ ունի: ԽՍՀՄ-ի փլուզումից հետո աշխարհաքաղաքական քարտեզի վրա տասնյակ նոր պրոբլեմներ առաջացան, որոնք բազում նոր խնդիրներ առաջադրեցին: Ուստի, անհրաժեշտ է նորովի գնահատել այդ ամենը և վերագնահատել շատ դրույթներ, որոնք հրապարակ են նետվել դեպքերի թարմ հետքերով կամ հորինվել ադրբեջանական գրչակների կողմից: Սույն մենագրությունը Արցախի ազատագրական պայքարի սկզբնավորման և առաջին փուլի բազմակողմանի քննարկման և ընդհանրացման առաջին փորձն է: Այն զգալի նշանակություն ունի նաև նո-

րանկախ Հայաստանի պետականության հաստատման և կառուցման գործընթացն ըմբռնելու գործում:

Ղարաբաղյան հիմնախնդրին նվիրված են բազմաթիվ աշխատություններ, ուսումնասիրություններ, հոդվածներ, գրքեր, հուշագրություններ, ժամանակագրական, վիճակագրական ու փաստագրական ժողովածուներ, օրագրություններ, կինովավերագրեր, գիրք-հուշամատյաններ, տարեգրություններ և այլն: Մենագրության աղբյուրագիտական հիմքը կազմում են ՀՀ հասարակական-քաղաքական կազմակերպությունների փաստաթղթերի կենտրոնական պետական/ՀՀ ՀՔԿՓԿՊԱ/, ինչպես և ՀՀ պատմության կենտրոնական պետական /ՀՀ ՊԿՊԱ/ արխիվներում պահվող փաստաթղթերը¹, Հայկոմնուսի կենտկոմի, շրջկոմների բյուրոների և պլենումների որոշումները, Երևանում և հանրապետության այլ բնակավայրերում տեղի ունեցած հանրահավաքներում ելույթների սղագրությունները, ԽՍՀՄ և Ադրբեջանի բարձրագույն իշխանությունների Արցախի հայ բնակչության ու հասարակական-քաղաքական կազմակերպությունների ուղարկած նամակները, խնդրագրերը, հեռագրերը, Ադրբեջանից, Մոսկվայից և երկրի այլ վայրերից ստացված՝ շարժման հետ առնչվող նյութերը, որոնց զգալի մասը շրջանառության մեջ է դրվում առաջին անգամ: Օգտագործել ենք նաև ինչպես մեր, այնպես էլ այլոց անձնական արխիվներում պահվող այլ նյութեր: Լայնորեն օգտագործվել են նաև ուսումնասիրվող խնդրի վերաբերյալ մամուլում տեղ գտած բազմաթիվ հրապարակումներ:²

Վերլուծություններ և համեմատություններ կատարելու, արժարժվող հարցերն ու խնդիրներն ավելի հստակեցնելու և անհրաժեշտ եզրակացություններ անելու գործում կարևոր դեր են խաղացել մի շարք վիճակագրական ժողովածուներ:³

Շարժման հենց սկզբից Հայաստանում և Լեռնային Ղարաբաղում հրատարակվել են փաստաթղթերի և վավերագրերի ժողո-

¹ ՀՀ ՀՔԿՓ ԿՊԱ, ֆ. 1, ց. 82, 83, 84, 85, 87, 127, ֆ. 4516, ՀՀ ՊԿՊԱ, ֆ. 409, ց. 1, գ. 2710:

² Խորհրդային Հայաստան, Ավանգարդ, Երեկոյան Երևան, Հայրենիքի ձայն, Ուրբաթ, Կոմունիստ, Խորհրդային Ղարաբաղ, Ազդակ Բացառիկ, 20.02.1998 (Բելրոթ), Правда, Известия, Комсомольская правда, Московские новости, Аргументы и факты, Коммунист, Голос Армении, Бакинский рабочий, ՀՀ ՊԱԱ Լրաբեր հասարակական գիտությունների, Արցախ, Դրոշակ, Огонек և այլն:

³ Нагорный Карабах в девятой пятилетке, Степанакерт, 1976, Народное хозяйство Азербайджанской ССР в 1984 году, Баку, 1985 և այլն:

վածուներ,¹ որոնցում շոշափված են արցախյան հիմնախնդրին առնչվող բազմաթիվ հարցեր: Հապշտայ կազմված այդ ժողովածուները, չնայած ժամանակին եական դեր են խաղացել Արցախ-Ղարաբաղի հիմնախնդիրը ճիշտ հասկանալու գործում, սակայն գերծ չեն մի շարք թերություններից: Օրինակ՝ այդ ժողովածուներից դուրս են մնացել Արցախի հիմնախնդրին վերաբերող բազմաթիվ փաստաթղթեր՝ սկսած 1920-ական թվականներից մինչև 1980-ական թվականները: Կարևոր են արցախցիների կողմից վերադաս իշխանություններին ուղարկված բազմաթիվ նամակ-բողոքներն ու պահանջները, որոնց մի մասը ժամանակին հրապարակվել է արտասահմանյան մամուլում: Արցախյան պայքարի առաջին տարում՝ 1988թ., ՀԽՍՀ Գիտությունների ակադեմիան ակադեմիկոս Գ.Գալոյանի և Կ.Խուղավերդյանի խնդրագրությամբ հրատարակեց «Լեռնային Ղարաբաղ» պատմական տեղեկանքը,² որտեղ հավաստի սկզբնաղբյուրների և վավերագրերի հիման վրա տրված է Արցախի համառոտ պատմությունը հնագույն ժամանակներից մինչև մեր օրերը: Դրանում հիմնավորված է արցախյան հիմնախնդիրն ազգերի ինքնորոշման իրավունքի հիման վրա լուծելու անհրաժեշտությունը: Այդ տեղեկագիրը կարևոր դեր խաղաց մանավանդ արցախյան գոյապայքարի սկզբում, երբ առաջ քաշված հիմնախնդրի արդարացի լուծումը հանգեցվում էր Արցախ-Ղարաբաղը Խորհրդային Հայաստանի հետ վերամիավորվելուն: Գիրքն արժեքավոր է նաև նրանով, որ այն Արցախի օրինակով խորհրդային կայսրության իշխանություններին հուշում էր երկրում առկա ազգային հարցի արդարացի լուծման հրատապությունը:

Աղբյուրագիտական առանձնակի նշանակություն ունի Վահան Հարությունյանի կազմած ժամանակագրական ստվարածավալ ժողովածուն,³ որում ընդգրկված են 1988-1997թթ. Արցախի հիմնախնդրի վերաբերյալ մամուլում հրապարակված բազմաթիվ

¹ Թովմասյան Վ., Արաքանյան Վ., Լեռնային Ցու., Ղարաբաղյան հարց, Ստեփանակերտ, 1991, Սեղադրվում են, Երևան, 1989, Нагорный Карабах в 1918-1923гг, Ереван, 1992, Вермяшева Седа, Депортация населения армянских сел НКАО и прилегающих районов, апрель-июнь 1991 года, Ереван, 1995, Статус Нагорного Карабаха, в политико-правовых документах и материалах, Ереван, 1995, Азербайджанская аргументация и ее опровержение, Ереван, 1989, Нагорный Карабах и вокруг него. Глазами независимых наблюдателей, Ереван, 1991 և այլն:

² Нагорный Карабах. Историческая справка, Ереван, 1988.

³ Арутюнян В.Б., События в Нагорном Карабахе, ч.1-6, Ереван, 1990-1997.

նյութերն ու մեկնաբանությունները:

Արցախ-Ղարաբաղի ազատագրական պայքարի վերաբերյալ բազմաթիվ գրքերով ու հոդվածներով հանդես է եկել Բագրատ Ուլուբաբյանը, որը զգալի ներդրում ունի ղարաբաղյան հիմնախնդրի բարձրացման հարցում: Նա «Արցախյան գոյապայքարի տարեգրություն» օրագրային բնույթ կրող գրքում տվել է Արցախում և նրա շուրջ 1988թ. փետրվարի 20-ից մինչև 1994թ. մայիսի հրադադարը տեղի ունեցած իրադարձությունները և հանգամանորեն վերլուծել բազմաթիվ հարցեր: Արցախի ազատամարտի պատմությունը շարադրելու գործում մեծ ներդրում է նաև Բ.Ուլուբաբյանի «Արցախյան գոյապայքարը» աշխատությունը: Մեծ է նաև Ջորի Բալայանի դերը, որի գրքերը և հոդվածները նոր շունչ են տվել արցախյան պայքարին:¹ Նա Արցախի ճակատագրի վերաբերյալ ահագանգ է հնչեցրել աշխարհի մարդկությանը և էական դեր խաղացել Արցախ-Ղարաբաղի հիմնախնդրի միջազգայնացման գործում: Տարեգիր-հրապարակախոսների այդ շարքը լրացնում է Բակուր Կարապետյանը ոչ միայն գրքերով ու հոդվածներով, այլև փաստավարագրական նկարահանումներով:² Նա առաջիններից մեկն էր, որ փորձեց վեր հանել Արցախի հիմնախնդիրը և նկարագրել պայքարի սկզբի իրադարձությունները:

Արցախյան հիմնահարցը միջազգային իրավունքի տեսանկյունից դիտարկելու ուղղությամբ առաջին լուրջ փորձն արեց Յուրի Բարսեղովը:³ Նրա ուսումնասիրության մեջ բերված կարևոր փաստարկներն ու հիմնավորումներն անվիճելի են դարձնում, որ Արցախի հիմնահարցի արդարացի լուծմանը կարելի է հասնել սահմանադրական և ժողովրդավարական ճանապարհով՝ ազգերի ազատ ինքնորոշման իրավունքի համաձայն: Արցախյան շարժման առաջին

ուսումնասիրողներից է Վլադիմիր Գրիգորյանը:¹ Նա արխիվային վավերագրերի հիման վրա շարադրել է 1988-1989թթ. Հայաստանում ու Արցախում տեղի ունեցած իրադարձությունները և փորձել բացահայտել ղարաբաղյան հիմնախնդրի էությունն ու նրա լուծման հնարավորությունները: Սակայն, ցավոք, նա ամեն կերպ փորձել է զերազնահատել Հայոց համազգային շարժման դերը, ինչին չենք կարող համաձայնել: Արցախյան գոյապայքարի արդարացիությունը գիտականորեն հիմնավորող առաջին հեղինակներից է ակադեմիկոս Վլադիմիր Խոջաբեկյանը,² որը բացահայտել է Արցախյան շարժման ազատագրական բնույթը և վեր հանել Լեռնային Ղարաբաղի հայ բնակչության ինքնորոշման իրավունքի խնդրի էությունը: Գրքում կարևոր տեղ է հատկացված Ադրբեջանական ԽՍՀ-ից հայ բնակչության բռնազաղթի ու ցեղասպանության, ինչպես նաև Հայաստանից ադրբեջանցիների արտագաղթի պատճառների բացահայտմանը: Հեղինակը վիճակագրական փաստերի հիման վրա մերկացրել է ադրբեջանցիների կողմից ժողովրդագրական գործընթացները նենգափոխելու փորձերը: Այդ ուղղությամբ արժեքավոր ուսումնասիրություններ է կատարել նաև ակադեմիկոս Գրիգոր Ավագյանը:³ Նա «Լեռնային Ղարաբաղ» գրքում, որն ըստ էության հեղինակի՝ արցախյան հիմնահարցին նվիրված բազմաթիվ նախկինում հրատարակված տարաբնույթ ուսումնասիրությունների ամփոփումն է, ներկայացրել է Ադրբեջանի իշխանությունների կողմից Լեռնային Ղարաբաղի վրա գործադրված բռնաճշմունքների դառն հետևանքները: Գ.Ավագյանը ցույց է տվել, որ նրանք աջակցություն ստանալով ԽՍՀՄ վերադաս մարմիններից՝ կեղծ հիմնավորումներով արցախահայությանը և ամբողջ ադրբեջանահայութանը բռնազաղթի ենթարկելու, նրանց ունեցվածքը բռնագրավելու համար կանգ չէին առնում ոչ մի խոչընդոտի առաջ:

Հայաստանում վերակառուցումից մինչև անկախություն ընկած ժամանակաշրջանում տեղի ունեցած իրադարձությունների վերլուծությանն է նվիրված Ռուբեն Ազիզբեկյանի գիրքը,⁴ որում մանուկում հրապարակված փաստական նյութի և հարցի շուրջ եղած գրքերի հիման վրա համառոտակի լուսաբանված են հայ ժողովրդի 1985-1991թթ. պատմության շրջադարձային էջերը՝ Արցախ-Ղարա-

¹ Ուլուբաբյան Բագրատ, Արցախյան գոյապայքար, Երևան, 1997, **Ցույժի**, Արցախյան գոյապայքարի տարեգրություն, Երևան, 1997 և տասնյակ հոդվածներ ու հրապարակումներ:

² Բալայան Ջորի, Դժոխք և Դրախտ, Երևան, 1995, **Ցույժի**, Բժիշկ Սարուբյանը և նրա «Պատերազմի հետքը երկար կմնա», Երևան, 1999 և հարյուրի հասնող հոդված-հրապարակումներ:

³ Կարապետյան Բակուր, ... Եվ նրա շուրջը, Երևան, 1990, **Ցույժի**, Անգլուհու արցախյան ողիսականը, Երևան, 1994:

⁴ Барсегов Ю.Г., Право на самоопределение-основа демократического решения межнациональных проблем. К проблеме Нагорного Карабаха, Ереван, 1989, его же, Самоопределение и территориальная целостность, Москва, 1993, его же, Народ Нагорного Карабаха — субъект права на самоопределение, Москва, 1993.

¹ Григорян Владимир, Армения 1988-1989, Ереван, 1999.

² Խոջաբեկյան Վ.Ե., Արցախը փորձության ժամին, Երևան, 1991:

³ Авагян Григор, Нагорный Карабах. Ответ фальсификаторам, Ереван, 1991.

⁴ Ազիզբեկյան Ռ.Լ., Հայաստանը վերակառուցումից մինչև անկախություն: Համառոտ ակնարկ, Երևան, 1992:

բաղի ազատագրական շարժման ծավալումը և դեպի ազգային անկախ պետականության վերականգնում տանող դժվարին ուղին: Հեղինակն առանձնահատուկ ուշադրություն է դարձրել արցախյան շարժման պատմառաջնորդի վերհանմանը, որի հենց սկզբից Հայաստանում համերաշխության զանգվածային ելույթների մեծ ալիք էր սկսվել: Եթե համերաշխության աշխատակիցները լայնորեն աջակցում էին արցախյան շարժմանը, ապա, ինչպես իրավացիորեն ցույց է տալիս հեղինակը, բացահայտ էր իշխանությունների կտրվածությունը ժողովրդական զանգվածներից: Շարժման նկատմամբ նրանց անտարբերությունը հանգեցրեց կուսակցական և պետական մարմինների ինքնամեկուսացմանը:

Հյուսիսային Արցախի գոյապայքարի պատմությանը նվիրված՝ Կիմ Ղահրամանյանի արժեքավոր աշխատության երկրորդ մասում¹ անդրադարձ կա ԼՂԻՄ մարզային խորհրդի 1988թ. փետրվարի 20-ի պատմական որոշումից հետո Լեռնային Ղարաբաղում ծավալված իրադարձություններին, որոնք լայն արձագանք գտան Շահումյանի շրջանում և Գետաշենի ենթաշրջանում: Հեղինակը հիմնականում սահմանափակվել է Արցախյան շարժման հետ սերտ կապված Հյուսիսային Արցախում տեղի ունեցած իրադարձությունների լուսաբանմամբ:

Արցախյան գոյապայքարի առաջին շրջանում իրատարակված՝ խիկար Բարսեղյանի «Շճմարտությունը թանկ է...»² գրքում զետեղված են մանուկում տպագրված նրա ավելի քան տասը հոդվածներ և մի քանի տասնյակ փաստաթղթեր, որոնցում գնահատվել են Լեռնային Ղարաբաղի հիմնախնդրին նվիրված բազմաթիվ հարցեր ու մեկնաբանություններ: Գրքում առանձնահատուկ ուշադրության են արժանացել ԼՂԻՄ-ի պատմությունը և հիմնախնդրի պատմագրությունը, վերլուծվել են 1988-1990թթ. տարածաշրջանում տեղի ունեցած իրադարձությունները, և հիմնախնդիրը լուծելու վերաբերյալ արվել են արժեքավոր առաջարկություններ: Հեղինակը հանգել է այն մտքին, որ խնդրի լուծման հիմնական ուղին Լեռնային Ղարաբաղը Հայաստանի հետ վերամիավորելն է: Սերգեյ Չոբանյանի կազմած փաստավավերագրական ժողովածուն³ ներկայացնում է արցախահայության նկատմամբ Ադրբեջանում իրա-

գործված ու նախապես ծրագրված վանդալիզմի և հակահայկական ուղղվածության տարաբնույթ դեպքերի բազմաթիվ ապացույցներ:

Արցախ-Ղարաբաղի հիմնահարցի ակունքների բացահայտմանն ու վերլուծությանը, Արցախում տեղի ունեցած պատերազմական գործողությունների նկարագրությանը և այդ պատերազմում հայ ժողովրդի հերոսական պայքարին են նվիրված Հրանտ Աբրահամյանի մի շարք աշխատություններ,⁴ որոնցում արխիվային հարուստ նյութերի, մանուկում ու գիտական հանդեսներում հրատարակված բազմաթիվ հոդվածների, ինչպես նաև տպագրված աշխատությունների հիման վրա արծածվել են սույն ուսումնասիրության առնչվող բազմաթիվ կենդուտ հարցեր: Օգտագործել ենք նաև մի շարք այլ հեղինակների աշխատություններ⁵ աղբյուրագիտական արժեք ունեցող հուշագրություններ⁶: Ղարաբաղյան հիմնախնդիրը շոշափել են նաև այլ հետազոտողներ,⁷ որոնց աշխատությունները ևս չեն անտեսվել:

Ադրբեջանահայության բռնագաղթին են նվիրված մի շարք

¹ Աբրահամյան Հրանտ, Արցախյան գոյամարտ, Երևան, 1991, **Ուլմի**, Երբ հայրենիքը վտանգի մեջ է, Երևան, 1997, **Ուլմի**, ճակատագրին ընդառաջ, Երևան, 2001:

² Մելքունյան Սերգեյ, Լեռնային Ղարաբաղի Հանրապետություն, Երևան, 1997, **Հասարակական Սեռոր**, Ղարաբաղյան պատերազմ, Երևան, 2001, **Հարությունյան Մ.Ա.**, Արցախյան պատերազմի սկիզբը և Եուզիի ազատագրումը, Երևան, 2000, **Քաղղդասարյան Դ.Ս.**, Դիմակայություն, Երևան, 1998, **Մկրտչյան Շահեն**, Արցախ, Երևան, 1991, **Մկրտչյան Արթուր**, Ի՞նչ է տեղի ունեցել Հաղորթում, Երևան, 1992, **Հակոբջանյան Արտաշես**, Արցախյան ազատամարտի ակունքների մոտ, Երևան, 2001, **Մկրտչյան Լևոն**, Արցախ-Ղարաբաղը իր անցյալով և ներկայով, Աթենք, 1988 և այլն:

³ **Ղետրոսյան Ռազմիկ**, Արցախ. պատերազմ. զինադադար, Երևան, 2001, **Օհանջանյան Փաշա**, Ղարաբաղի ազատագրական պատերազմը, Երևան, 2000, **Սողոմոնյան Նվարդ**, 1991. «Կոլցո», ԼՂ մասեր, Ստեփանակերտ, 1994, 1995, **Ղանիելյան Արմեն**, Բեկորը ինչպես որ կար /հուշապատում/, Ստեփանակերտ, 2000, **Ղարիբյան Գ.**, Արթուրը: Արծվի թռիչք էր նա, Երևան, 1999 և այլն:

⁴ Хуршудян А.А., Истина единственный критерий исторической науки, Ереван, 1989, Манасян А.С., Карабахский конфликт: Ракурсы правового подхода, Ереван, 1998, **Бабанов Игорь**, **Воеводский Константин**, Карабахский кризис, Санкт-Петербург, 1992, Сахаров Андрей о Нагорном Карабахе, Ереван, 1996, **Зоян Сурен**, Нагорный Карабах: проблема и конфликт, Ереван, 2001 և այլն:

¹ **Ղահրամանյան Կիմ**, Հյուսիսային Արցախ. գոյության պայքար, գիրք Բ, Երևան, 1993:

² **Барсегян Хикар**, Истина дороже... К проблеме Нагорного Карабаха-Арцаха, Ереван, 1992.

³ **Чобанян С.С.**, Государственно-организованный терроризм, SOS!, Геноцид армян 1988-1992гг., Ереван, 1992.

գրքեր և հրապարակումներ,¹ որոնց հեղինակները բացահայտել են տեղի հայության նկատմամբ Ադրբեջանի իշխանությունների հրագործած պետական քաղաքականության դաժանությունն ու անբարոյականությունը: Մի շարք հեղինակներ, այդ թվում և տողերիս հեղինակը, հուշամատյաններ են հրատարակել՝ նվիրված Արցախի ազատագրական պայքարում զոհված ազատամարտիկներին և խաղաղ բնակչությանը:²

Արցախյան խնդրին նվիրված բազմաթիվ գրքեր և ժողովածուներ են հրատարակվել նաև Ադրբեջանում:³ Դրանց հեղինակներն առանց բացառության նենգափոխում են պատմական ճշմարտությունը և դեպքերն ու իրադարձությունները ներկայացնում իրենց համար շահեկան կտրվածքով:

Այսպիսով, խնդրո առարկա թեմայի վերաբերյալ հրապարակվել են մեծաքանակ աշխատանքներ, որոնք պարունակում են բազ-

մաթիվ հարցերի պատասխաններ: Սակայն մինչև հիմա չի ստեղծվել որևէ աշխատություն, որում ընդհանրացված լինել Արցախ-Ղարաբաղի ազատագրական պայքարի առաջին փուլի պատմությունը: Ինչպես նշվեց, մենագրությունն առաջին փորձն է՝ լրացնելու այդ բացը:

¹ Մուսետյա Ի., Գովմանյան Ա., Բաբլի ջարդերը, Երևան, 1992, Մելիք-Շահ-Ուզարյան Առն, Ադրբեջանի ռազմական հանցագործությունները Լեռնային Ղարաբաղի Հանրապետության խաղաղ բնակչության դեմ, Երևան, 1998. Кокс Керолайн, Айбнер Джон, Этническая чистка продолжается. Война в Нагорном Карабахе, Ереван, 1998, Мелик-Шахназарян Левон, Гандзак, Неутраченный мир (воспоминание очевидца), Степанакерт, 1996, Г. Улубабян, Золян С., Аршакян А., Сумгаит... Геноцид... Гласность? Ереван, 1989, Заключение комитета Верховного Совета РСФСР по правам человека по итогам слушаний, посвященных конфликтов в ряде районов Азербайджанской Республики и Республики Армения (конец апреля-май 1991 года), Ереван, 1992, Геноцид армян в Азербайджане и Нагорном Карабахе, Степанакерт, 1998, Арабян И., Геноцид и его наказуемость, Ереван, 1999 և այլն:

² Արշակյան Անդրանիկ, Մահ չիմացյալ՝ մահ, մահ իմացյալ՝ անմահություն, Երևան, 1993, Աբրահամյան Զրանտ, Սկրոլյան Շահեն, Արցախի համար զոհված դիզակիցները, Երևան, 2000, Առստամյան Գալյա, Իմ սերը ձեզ հետ է, ողջեր և մահատակներ, Երևան, 1998, Նանագուլյան Սեդրակ, Արծիվները բարձրունք են տենչում, գիրք Ա. Բ.Գ, Երևան, 1992-1993, Շահեն, Երևան, 1993, Եսայան Էռնեստ, Բուլլ մահատակաց, Երևան, 1996, Մուսայելյան Բաբկեն, Հանուն Արցախի և հայրենի Մարտունու, Ստեփանակերտ, 1998, Առաքելյան Վ.Բ., Ազիզյան Գ.Ն., Նրանք փառքով անմահացան, Երևան, 1999, Մարգարյան Սիրվարդ, Մարտակերտ: Չհայտարարված պատերազմի կիզակետ, Ստեփանակերտ, 1999, Արայան Իվան, Ընդմիջտ մեզ հետ, Ստեփանակերտ, 1995:

³ Хроника НКАО, февраль 1988-февраль 1990, Баку, 1990, Конфликт в Нагорном Карабахе, Баку, 1990, К истории образования Нагорно-Карабахской области Азербайджанской ССР 1918-1925, документы и материалы, Баку, 1989, Алиев И., Нагорный Карабах. История, факты, события, Баку, 1989 և այլն:

ԳԼՈՒՍ ԱՌԱՋԻՆ
ԱՐԶԱՆՑԱՆ ՇԱՐԺԱՆ ՍԿՁԲՆԱՎՈՐՈՒՄԸ
1. Շարժման սկզբնավորումը Արցախում

1980-ական թվականներին ԽՍՀՄ-ը տնտեսական ու քաղաքական խոր ճգնաժամի մեջ հայտնվեց: 1985թ. ԽՍՀԿ կենտկոմի գլխավոր քարտուղար Մ.Գորբաչովը փորձեց սոցիալ-տնտեսական մի շարք բարեփոխումների միջոցով երկիրը դուրս բերել այդ ծանր վիճակից և կանխել նրա հետագա քայքայումը: Կուսակցության 27-րդ համագումարը /1986թ./ որոշեց համատարած վերակառուցել երկրի սոցիալ-տնտեսական ու քաղաքական կյանքի բոլոր բնագավառները, քննադատաբար վերանայել ու վերագնահատել նախկինում թույլ տրված սխալներն ու թերությունները: Սակայն այդ որոշումները, որոնք հայտնի են «վերակառուցում» անվան տակ, չէին կարող իրականանալ և արմատական փոփոխություններ առաջ բերել հասարակության մեջ: Այն, ըստ էության, «վերակից» կյանքի կոչված միջոցառում էր, որով փորձ էր արվում փրկել երկրի քաղաքական համակարգը և ամրանդել այն ճգնաժամի հասցրած կոմունիստական կուսակցության մենիշխանությունը: 1980-ական թվականների կեսերին իրականացվող մասնակի, ոչ արմատական բարեփոխումներն ըստ էության հանգեցրին ճգնաժամը խորացնող նոր բարդ և հակասական գործընթացների: Հավատալով «իրապարակայնության» և «բացախոսության» մասին կոչերին, երկրի տարբեր մարզերում, այդ թվում և Արցախում, ժողովրդական զանգվածներն ու թերությունները և պահանջեցին դրանց լուծումը: Սակայն կենտրոնական իշխանությունների անճարակության ու բազում այլ պատճառներով դրանք լուծում չստացան: Դա ավելի ծանրացրեց երկրի սոցիալ-տնտեսական կացությունը: Հատկապես սրվեցին հակասությունները կենտրոնի և ազգային հանրապետությունների միջև: Ձանգվածային բնույթ ընդունեցին ազգամիջյան ընդհարումները, երբ բացահայտվեցին այդ բնագավառում տասնամյակների ընթացքում կուտակված սխալները: «Վերակառուցման» շրջանում ԽՍՀՄ բոլոր հանրապետություններում գաղտնի ու բացահայտ պայքար ծավալվեց ազգային ինքնուրույնության, տեղական մարմինների իրավունքների ընդլայնման համար: Սակայն իշխանությունները բավարարվեցին համընդհանուր խոստումներ տալով, և չձեռնարկվեց որևէ միջոցառում՝ ազգամիջյան հարաբերությունները կարգավորելու, տեղական առանձնահատկությունները հաշվի առնելու, բացահայտված, ցավոտ հարցերին ինչ-որ ձևով լուծում տալու համար:

Ոգևորված «վերակառուցմամբ» հռչակված սխալները հրապարակայնորեն վերագնահատելու կոչով՝ Արցախի հայությունը կրկին բարձրացրեց 70 տարի ծխացող դարաբաղյան հիմնահարցը: Սակայն այն խաղաղ, մարդկայնորեն լուծելու հույսերն այս անգամ ևս հորս ցնդեցին: Արցախահայությունն իր մարդկային ու ազգային արժանապատվությունը հետագա ոտնահարումից փրկելու, իր հողն ու պատիվը պաշտպանելու, մայր հայրենիքի հետ վերամիավորելու համար բացահայտ պայքարի ելավ: Այլ ելք չկար, քանի որ ստեղծվել էր մի այնպիսի վիճակ, երբ Արցախը կամ պետք է արժանանար Նախիջևանի ճակատագրին և լրիվ հայաթափվեր, կամ էլ կեցաց ու մահի կռվի ելներ իր բնօրրանը, մարդկային իրավունքները և պատիվը պաշտպանելու համար: Արցախահայությունն ընտրեց երկրորդ ուղին և աշխարհին ցույց տվեց իր անկոտրում կամքը: Այս անգամ ևս արցախցիներն իրենց պայքարը սկսեցին ստորագրահավաքով: ԼՂԻՄ-ում ոչ պաշտոնական ստորագրահավաք կազմակերպելու համար երևանից այնտեղ մեկնեցին ծնունդով արցախցիներ Սլավիկ Սարգսյանը, Շահեն Ասոյանը, Սամվել Կարապետյանը, Մանվել Սարգսյանը և ուրիշներ:¹ Նրանք տեղի մի խումբ ակտիվիստների հետ կազմակերպեցին ստորագրահավաքը: Այն կատարվում էր գաղտնի, քանի որ պետամվտանգության մարմիններն ամեն ինչի մասին անմիջապես հաղորդում էին Քաբու:

Այսպիսով, Ղարաբաղյան շարժման նոր փուլը սկսվել է գործաշուկյան «վերակառուցման» հենց սկզբից:²

Լեռնային Ղարաբաղը Հայաստանի հետ վերամիավորելուն միտված քարոզչական աշխատանքը մարզում լայն ժավալ ընդունեց 1986թ. ամառվանից, որում ակտիվորեն ներգրավվեցին Ստեփանակերտի մանկավարժական ինստիտուտի հայկական բաժնի մի խումբ ուսանողներ: Ստեղծվեցին շարժումը խթանող փոքր խմբեր, որոնք կազմակերպում էին գաղտնի ժողովներ, հայթայթում դրամական միջոցներ, ձեռք բերում զենք ու զինամթերք: Նախատեսվում է մարզում «ոչ պաշտոնական հանրաքվե» կազմակերպել, գյուղական, ավանային ու քաղաքային խորհուրդների նիստեր գումարել և քննարկել «Հայկական ԽՍՀ-ին Լեռնային Ղարաբաղի վերամիավորման հարցը», պատվիրակություններ ուղարկել ԽՍՀՄ Գերագույն խորհուրդ և ԽՍՀԿ կենտկոմ, ինչպես նաև միջոցներ ձեռք առնել «ա-

¹ Голос Армении, 10.03.1998.

² Չենք կարող համաձայնվել նրանց հետ, ովքեր Ղարաբաղյան պայքարի նոր շրջանի սկիզբը համարում են 1988-ի փետրվարի 20-ը: Իրոք, Ղարաբաղյան շարժումը նախապատրաստվել է երկար տարիների ընթացքում: Սակայն այն նոր թափ ստացավ 1985թ. հետո, երբ սկսվեց գործաշուկյան «վերակառուցումը»:

ռաջին առճակատման ժամանակ ինքնապաշտպանության համար»¹

Ղարաբաղյան շարժման առաջին ակտիվիստներից Սերժ Առուշանյանը վկայում է, որ 1986թ. հուլիսին Ստեփանակերտում հիմնվել է ընդհատակյա կազմակերպություն, որը 1987-ին ստացել է «Արցախյան միություն» անունը: Այն ղեկավարում էր 11 հոգուց բաղկացած կոմիտե: Միությունն ուներ ծրագիր և կանոնադրություն:² 1987թ. աշնանը «Արցախյան միության» բաժանմունք է ստեղծվում Ստեփանակերտի մանկավարժական ինստիտուտում, որին անդամագրվում են 13 ուսանող: Միությունը բաժանմունքներ է հիմնում նաև մարզի շրջաններում: Դրանք Հաղորթուն ղեկավարում էին Արթուր Մկրտչյանն ու Էմիլ Աբրահամյանը, Մարտունիում՝ Վլադիմիր Խաչատրյանը, Գրիգոր Ուլուբաբյանը և Անգելինա Հովսեփյանը, Ասկերանում՝ Սլավիկ Առուշանյանը, Սլավիկ Միրզոյանը և Կոմիտաս Դանիելյանը, Մարտակերտում՝ Վիգեն Շիրինյանն ու Վահիֆ Գալստյանը:³

Սերժ Առուշանյանը նաև վկայում է, որ 1987թ. ամռանը և աշնանն իրագործվեց միության նվազագույն ծրագիրը. անցկացվեց ԼՂԻՄ-ը Հայաստանի հետ միավորելու ոչ պաշտոնական հանրաքվե, և հավաքվեց ավելի քան 80 հազար ստորագրություն:⁴ Նույն թվականի նոյեմբերի վերջին Մոսկվա մեկնեց մի պատվիրակություն, որը ԽՍՀՄ կենտրոն ներկայացրեց հավաքված ստորագրությունների փաթեթը:

1986թ. փետրվարին տեղի ունեցած ԽՍՀՄ 27-րդ համագումարի նախօրյակին Մ.Գորբաչովին և ԽՍՀՄ Գերագույն խորհրդի նախագահության նախագահ Ա.Գրոմիկոյին Լեռնային Ղարաբաղի վերաբերյալ ներկայացվեց նամակ՝ ազգությամբ հայ հինգ ակադեմիկոսների, երեք գեներալների և երեք ԽՍՀՄ ժողովրդական արտիստների ստորագրությամբ: Նրանց թվում էր Աբել Աղանբեգյանը, որն այդ ժամանակ Մ.Գորբաչովի խորհրդականն էր: Դա առիթ տվեց

¹ Հայոց աշխարհ, 21.01.1998:

² ԼՂ Հանրապետություն, 22.01.1998:

³ Նույն տեղում, նաև՝ Հայոց աշխարհ, 24. 01. 1998, Արշակյան Ա., Արցախյան շարժման սկիզբը /Կրթությունը և գիտությունը Արցախում, 2002, N1-2, էջ 61-67/:

⁴ ԼՂ Հանրապետություն, 22. 01. 1998, Нагорно-Карабахская Республика, Степанакрт, 2001, стр. 80 և այլն: Իգոր Մուրադյանն իր հուշերում /Հայոց աշխարհ, 21.01.98/, նշում է, թե Ղարաբաղում անցկացված ստորագրահավաքին ստորագրել են 125 հազար մարդ, որը հավանական չէ թեկուզ այն պարզ պատճառով, որ այդ ժամանակ մարզի ամբողջ հայ բնակչությունը չէր անցնում 130 հազարից:

կարծելու, թե իբր Ղարաբաղյան շարժումը նախածեռնված է ԽՍՀՄ կենտրոնի քաղբյուրոյի կողմից:¹

Քանի որ Մոսկվան շարունակում էր լռել, նոր պատվիրակություն ուղարկելը դարձավ օրախնդիր: Պատվիրակությունը Երևանից Մոսկվա մեկնեց 1988-ի հունվարի 5-ին՝ ԽՍՀՄ Գերագույն խորհրդի պատգամավոր Վազգեն Բալայանի գլխավորությամբ:² Այն Մոսկվա տարավ Լեռնային Ղարաբաղի բոլոր մակարդակների պատգամավորների և ղեկավար աշխատողների 260 ստորագրությամբ հանրագիր և մարզի տնտեսությանը, պատմությանն ու մշակույթին վերաբերող 84 փաստաթուղթ:³ Մոսկվայում պատվիրակության գործունեությունը ղեկավարում էին Ջորի Բալայանն ու Իգոր Մուրադյանը: Պատվիրակությանը հունվարի 8-ին ընդունում է ԽՍՀՄ Գերագույն խորհրդի նախագահության նախագահի առաջին տեղակալ, ԽՍՀՄ կենտրոնի քաղբյուրոյի անդամ Պ.Դեմիչևը, որին և հանձնվում են տարված փաստաթղթերն ու հանրագիրը:⁴ Նրա հետ ըննարկվում է Լեռնային Ղարաբաղը Հայկական ԽՍՀ-ի հետ վերամիավորելու հարցը: Պ.Դեմիչևը պատասխանում է, թե իբր խորհրդային իշխանությունները մտահոգված են Լեռնային Ղարաբաղի հարցով, և, ըստ երևույթին, կստեղծվի Գերագույն խորհրդի հանձնաժողով՝ հարցը հանգամանորեն ուսումնասիրելու համար: Նա նաև նշում է, որ «խորհրդային կառավարությունը Լեռնային Ղարաբաղը Հայաստանի հետ վերամիավորելու պահանջը չի համարում ազգայնական, առավել ևս հակախորհրդային: Այն բոլոր միջոցները ձեռք կառնի՝ այդ հարցը բարձրացնող անձանց դեմ տեղական իշխանությունների անօրինական ձեռնարկումները խափանելու համար»:⁵

Մարզի բնակչության զանգվածային ելույթները նախապատրաստելու համար 1988թ. հունվարի կեսերին Ասկերանի Նորագյուղ գյուղում հրավիրվեց այդ շրջանի կոլտնտեսությունների և գյուղ-խորհուրդների 40 նախագահների մասնակցությամբ գաղտնի ժողով, որը կարևոր նշանակություն ունեցավ արցախահայության շարժմանը նոր թափ հաղորդելու համար: Ի վերջո «խտակեցվեց գլխավորը՝ Ղարաբաղը պատրաստ է կազմակերպված ելույթի»: Նորագյուղի ժողովի մասին շուտով իմացան ամբողջ Ղարաբաղում: Դա ոգևորեց շատերին և խթանեց պայքարի հետագա ծավալումը:


¹ Ուլուբաբյան Բազրատ, Արցախյան գոյապայքար, էջ 292, ԼՂ Հանրապետություն, 22.01.1998:

² Հայոց աշխարհ, 22. 01. 1998:

³ ԼՂ Հանրապետություն, 22. 01. 1998:

⁴ Նույն տեղում:

⁵ Ուլուբաբյան Բազրատ, Արցախյան գոյապայքար, էջ 293:



Բացի այդ, «Ասկերանի շրջանի բնակչության կազմակերպվածությունը խիստ կարևոր էր Ստեփանակերտում հնարավոր ձեռնարկմանն աջակցելու համար»:¹

Սկսված ազատագրական պայքարի ալիքն ընդգրկեց ամբողջ Արցախը: Բոլորն անհամբեր սպասում էին բաղձալի լուրի, սակայն Կրեմլը շարունակում էր համառորեն լռել: Արցախցիները ստիպված վաչե Սարուխանյանի ուղեկցությամբ Մոսկվա ուղարկեցին նոր պատվիրակություն: Այն Երևանից Մոսկվա մեկնեց փետրվարի 8-ին և երկու օր անց ընդունվեց ԽՄԿԿ կենտկոմի ազգային հարաբերությունների սեկտորի վարիչ Վ.Միխայլովի կողմից: Հայաստանի պետանվտանգության կոմիտեի մի զեկուցագրից երևում է, որ Մոսկվայում Արցախի պատվիրակությանը և նրանց համախոհներին «հասկացրել են, որ պետք է նախ դիմել մարզային խորհրդին և կարողանալ որոշում ընդունել տալ ԼՂԻՄ-ը Հայաստանին միավորելու մասին և այն ուղարկել ըստ ատյանների...»:² Այս հարցադրման բովանդակությունը մտորումների տեղիք է տալիս: Մոսկվան կամ կամենում էր այդ ուղիով լուծել հարցը, կամ էլ, ընդհակառակը, ձգտում էր այդ կերպ խճճել հարցը, դրա լուծումը ձգծել ու հանել օրակարգից:

Փետրվարի սկզբից Արցախում շարժումը գլխավորում էին Արկադի Մանուչարովը, Ռոբերտ Քոչարյանը, Ռազմիկ Պետրոսյանը, Համլետ Գրիգորյանը, Մաքսիմ Միրզոյանը, Վասիլի Աբաջանյանը, Մուրադ Պետրոսյանը, Վարդան Հակոբյանը, Ռուես Աղաջանյանը, Արկադի Կարապետյանը և ուրիշներ: Նրանց կոչերով մարզի բոլոր ձեռնարկություններում, կոլտնտեսություններում, ուսումնական հաստատություններում և մշակույթի օջախներում տեղի էին ունենում ժողովներ, կուսակցական ու կոմերիտական կազմակերպությունների նիստեր, գյուղական, ավանային, քաղաքային և շրջանային խորհուրդների նստաշրջաններ, որտեղ քննարկվում էին ԼՂԻՄ-ը Հայաստանի հետ վերամիավորելու հարցը: Այն ժամանակ Ստեփանակերտի էլեկտրատեխնիկական գործարանի տնօրեն Բորիս Առուշանյանը հետագայում նշել է, որ առաջին ժողովը տեղի է ունեցել իր տնօրինած ձեռնարկությունում 1988թ. փետրվարի 8-ին: Այնտեղ ընդունվել է Արցախը Հայաստանի հետ միավորվելու մասին հռչակագիր, որը «մեծ իրարանցում է բարձրացրել մարզի ղեկավարության շրջանում»: Իսկ փետրվարի 10-ից սկսած նմանատիպ ժողովներ են կազմակերպվել քաղաքի մի շարք հիմնարկ- ձեռնար-

կություններում:¹ Ընդունված որոշումներն ու առաջարկություններն արժանացան Ստեփանակերտի կուսբաղկոմի և Մարտակերտի, Ասկերանի, Մարտունու ու Հաղորտի կուսշրջկոմների հավանությանը:

Մոսկվան և Բաքուն օր օրի ուժեղացնում էին շարժման դեմ ճնշումը: Փետրվարի 14-ին Ստեփանակերտ տեղափոխվեց 12 միավորից բաղկացած տանկային մի շարասյուն: Դա պարզապես նախազգուշացում էր շարժման կազմակերպիչներին: Հաջորդ երկու-երեք օրերին ավելի մեծ թվով զինվորներ կուտակվեցին քաղաքում:² Փետրվարի 15-ին ԼՂԻՄ կուսմարզկոմի առաջին քարտուղար Բորիս Կևորկովը հանդիպելով շարժման ակտիվիստների հետ՝ ընթերցում է Մոսկվայից ստացված մի փաստաթուղթ, որտեղ «ղարաբաղյան շարժման առաջնորդները ճանաչվում են որպես էքստրեմիստներ և խստագույն կերպով պիտի պատժվեն»: Շարժումը գլխատելու համար կազմվում է «էքստրեմիստների» ցուցակ, որի մեջ մտնում էին 27 հոգի: Նրանց նկատմամբ կիրառվում են տարբեր բնույթի պատիժներ:³ Ելույթ ունենալով ԼՂԻՄ մարզկոմի բյուրոյում՝ Ադրբեջանի կոմկուսի կենտկոմի բաժնի վարիչ Ռ.Ասադովը հայտարարում է, թե «հարյուր հազար ադրբեջանցիներ պատրաստ են ցանկացած ժամանակ ներխուժել Ղարաբաղ և կազմակերպել սպանդ»: Փետրվարի 15-ին գիշերվա ժամը 1-ին Ստեփանակերտի քաղկոմի առաջին քարտուղար Ջավեն Մովսիսյանն այդ մասին հաղորդում է մարզի բոլոր խոշոր ձեռնարկությունների ղեկավարներին:⁴

1988թ. փետրվարի 16-ից մինչև մարտի 2-ը ցուցարարներից շատերը օր ու գիշեր «մնում էին իրապարակում, որտեղ վրաններ էին սարքել, խարույկներ էին վառում: Գյուղերից ցուցարարների համար փայտ, հաց, մթերք էին բերում»:⁵

Քանի որ շարժումն ընթանում էր տարերայնորեն, և չկար ընդհանուր ղեկավարություն, ուստի իրանայական պահանջ դարձավ ունենալ ղեկավար մարմին: Ստեղծվում է նախաձեռնող խումբ, որը ղեկավարում էր Արկադի Մանուչարովը:⁶ Շարժումը ղեկավարող

¹ Ազատ Արցախ, 19.03.2002:

² Եղիցի լույս, N 5, 2000:

³ Ելում տեղում:

⁴ Нагорный Карабах и вокруг него. Глазами независимых наблюдателей, ст. 77.

⁵ Ազատ Արցախ, 12.03.2002:

⁶ Արկադի Մանվելի Մանուչարովը Լեռնային Ղարաբաղը Հայկական ԽՍՀ-ի հետ վերամիավորելու վերաբերյալ 1965թ. հունիսին կազմված և Մոսկվա ուղարկված նամակի 13 հեղինակներից է: Նա Արցախից արտաքսվել էր 1965-ին և այնտեղ էր վերադարձել 1977թ. ու նշանակվել Ստեփանակերտի շինանյութերի կոմբինատի տնօրեն:

¹ Հայոց աշխարհ, 24. 01. 1998, Արցախի համալսարան, N 2-3, 1998, **Պանինյան Կոմիտաս**, նշվ. աշխ., էջ 28 և այլն:
² ՀՀ ՀԿԳԿ ԿՊԱ, ֆ.1, ց. 87, գ. 11, ք. 83:

նախաձեռնող խմբի շտաբ է ընտրվում «խորհրդային Ղարաբաղ» բերթի խմբագրությունը:

Այդ օրերին Ստեփանակերտի հիմնարկ-ձեռնարկությունների աշխատողների և Լեճինի անվան հրապարակում հավաքվածների ներկայացուցիչներից կազմված պատվիրակությունը Արկադի Սանուչարովի գլխավորությամբ հանդիպում է Բ.Կևորկովի հետ և նրանից պահանջում կանգնել ժողովրդական պայքարի գլուխ: Բ.Կևորկովը կտրուկ հրաժարվում է և պատվիրակությունից պահանջում ցուցարարներին համոզել վերադառնալ իրենց տներն ու գյուղերը: Փետրվարի 15-ին Հաղործում տեղի ունեցած շրջանային համընդհանուր ցույցը շրջկոմի բյուրոյից պահանջում է դիմել ԽՄԿԿ կենտկոմ և պահանջել ԼԴԻՄ-ը դուրս բերել Ադրբեջանի կազմից ու վերամիավորել Հայաստանի հետ: Համանման ցույցեր էին տեղի ունենում նաև մարզի մյուս շրջաններում: Մարզի մյուս կուսըջկոմները, բացի Շուշիից, փետրվարի 16-ին հեռագրեր են ուղարկում ԽՄԿԿ կենտկոմ և խնդրում հանձնաժողով ուղարկել Լեռնային Ղարաբաղ՝ տեղում հարցը վճռելու համար: Այդ հեռագրերի առթիվ փետրվարի 17-ին քրեական գործ է հարուցվում, որի հետաքննությունը վարում էին Ադրբեջանի դատախազության ներկայացուցիչները: Փետրվարի 19-20-ը անց են կացվում ԼԴԻՄ ժողովրդական պատգամավորների շրջանային խորհուրդների նստաշրջաններ, որտեղ պահանջվում է հրավիրել մարզխորհրդի արտահերթ նստաշրջան և որոշում ընդունել Լեռնային Ղարաբաղը Հայաստանի հետ միավորելու մասին:

Փետրվարի 18-ին Ստեփանակերտի քաղխորհրդի 52 պատգամավորները քաղխորհրդի գործկոմից պահանջում են հրավիրել արտահերթ նստաշրջան և քննարկել ԼԴԻՄ-ը Ադրբեջանի կազմից դուրս բերելու և Հայկական ԽՍՀ-ին վերամիավորելու հարցը: Փետրվարի 20-ի առավոտյան հրավիրվեց Ստեփանակերտի քաղխորհրդի 20-րդ գումարման չորրորդ արտահերթ նստաշրջանը, որին 110 պատգամավորներից մասնակցեցին 98-ը: Նստաշրջանը 90 ձայնով որոշեց «խնդրել ԼԴԻՄ-ի մարզխորհրդի գործկոմին՝ նստաշրջանում քննարկել ԼԴԻՄ-ը Ադրբեջանի կազմից հանելու և Հայաստանին միավորելու հարցը»:²

Այսպիսով, ԼԴԻՄ մարզային խորհրդի արտահերթ նստաշրջան հրավիրելու պահանջը դարձել էր համաժողովրդական: Մարզխորհրդի գործկոմի նախագահ Վ.Օսիպովին փետրվարի 19-ի

կրեկոյան տեղեկացվում է, որ մարզխորհրդի 67 պատգամավորներ պահանջում են փետրվարի 20-ին հրավիրել մարզխորհրդի արտահերթ նստաշրջան: Վ.Օսիպովը կտրուկ մերժում է այդ պահանջը: Միևյդեռ Լեճինի անվան հրապարակում հավաքված տասնյակ հապարավոր ցուցարարներ անընդհատ վանկարկում էին՝ սեսիա: Հետևյալ Ստեփանակերտ են ժամանում Ադրբեջանի կոմկուսի կենտկոմի առաջին քարտուղար Բ.Քաղիբովը և ԽՄԿԿ կենտկոմի պրոպագանդայի բաժնի հրահանգիչ Վ.Յաշինը: Ստեփանակերտ տանող բոլոր ճանապարհները փակվում են, որպեսզի մարզխորհրդի պատգամավորները չկարողանան շրջաններից հասնել Ստեփանակերտ: Սակայն նրանք տեղ են հասնում լեռնային ճանապարհներով և կաժաններով: Պատգամավորներին Ստեփանակերտ հասցնելու գործում կարևոր դեր են խաղում հատկապես նախաձեռնող խմբի և նրա շրջանային ենթախմբերի անդամները: Առանձնապես ակտիվ էր Ռազմիկ Պետրոսյանի խումբը:¹

Մարզխորհրդի արտահերթ նստաշրջանը սկսվեց երեկոյան ժամը 20 անց 20 թուփին, երբ հայտնի դարձավ, որ մարզխորհրդի 149 պատգամավորներից ներկայացել են 110-ը: Մարզխորհրդի արտահերթ նստաշրջանին հրաժարվեցին մասնակցել ադրբեջանցի պատգամավորները: Նստաշրջանը խանգարելու իշխանությունների բոլոր փորձերը ձախողվում են:

1988-ի փետրվարի 20-ի օրվա վերջին Ստեփանակերտի Լեճինի անվան հրապարակում և նրան հարակից փողոցներում հավաքված արցախցիների թիվը հասել էր ավելի քան 50 հազարի: Նրանք շրջապատել էին ԼԴԻՄ մարզխորհրդի շենքը և անհամբեր սպասում էին նստաշրջանի որոշմանը: Նստաշրջանում ելույթ ունեցած բոլոր 44 պատգամավորները միանշանակ արտահայտվեցին ԼԴԻՄ-ը Ադրբեջանական ԽՍՀ կազմից հանելու և Հայկական ԽՍՀ կազմի մեջ մտցնելու անհրաժեշտության օգտին: Ի վերջո նստաշրջանն ընդունում է հետևյալ պատմական որոշումը. «Լսելով և քննարկելով ժողովրդական պատգամավորների ԼԴԻՄ խորհրդի պատգամավորների ելույթները «ԼԴԻՄ-ը Ադրբեջանական ԽՍՀ-ի կազմից Հայկական ԽՍՀ-ի կազմ հանձնելու համար Ադրբեջանական ԽՍՀ և Հայկական ԽՍՀ Գերագույն խորհուրդների առջև միջնորդելու մասին»՝ նստաշրջանը որոշում է.

Ընդառաջելով ԼԴԻՄ-ի աշխատավորների ցանկություններին՝ խնդրել Ադրբեջանական ԽՍՀ Գերագույն խորհրդին ու Հայկական ԽՍՀ Գերագույն խորհրդին խորն ըմբռնման զգացում դրսևորել Լեռնային Ղարաբաղի հայ բնակչության իրձերին և լուծել ԼԴԻՄ-ը

¹ Աբրահամյան Գրանտ, Ճակատագրին ընդառաջ, էջ 18: Այդ օրերին Բ.Կևորկովի հետ հանդիպել է նաև շարժման ակտիվիստ Ռազմիկ Պետրոսյանը /տես՝ Կարապետյան Բակուր, ... Եվ նրա շուրջ, էջ 41-42/:

² Կարապետյան Բակուր, ... Եվ նրա շուրջ, էջ 42-44:

¹ Եղիցի լույս, N 5, 2000:

Աղբբեջանական ԽՍՀ կազմից Հայկական ԽՍՀ-ի կազմ հանձնելու հարցը, միաժամանակ միջնորդել ԽՍՀՄ Գերագույն խորհրդի առջև՝ ԼԴԻՄ-ը Աղբբեջանական ԽՍՀ-ի կազմից Հայկական ԽՍՀ-ի կազմ հանձնելու հարցի դրական լուծմանը:¹

Մարզի Լենինի անվան հրապարակում հավաքված ցուցաբարները ցնծությամբ են ընդունում այդ որոշումը:

ԼԴԻՄ մարզխորհրդի արտահերթ նստաշրջանի նյութերը և ընդունած որոշումը հրապարակվեցին փետրվարի 21-ին «Խորհրդային Ղարաբաղ» և «Սովետսկի Կարաբախ» մարզային թերթերում: Փետրվարի 21-ի թերթերը հասցվեցին Երևանի Թատերական հրապարակ, որտեղ տասնյակ հազարավոր ցուցաբարներ անհամբեր սպասում էին Արցախից ստացվող լուրերին:

Ի պատասխան արցախցիների օրինական խնդրանքի՝ ԽՍՀԿ կենտկոմը փետրվարի 21-ին հապշտապ որոշում ընդունեց «Լեռնային Ղարաբաղի իրադարձությունների մասին», որում ԼԴԻՄ մարզխորհրդի որոշումը բնութագրվեց որպես մի խումբ «անջատողականների» գործողության արդյունք: Այդ որոշման մեջ պնդվում էր, թե իբր ԼԴԻՄ-ը Աղբբեջանական ԽՍՀ-ից անջատելը հակասում է հայ և աղբբեջանական ժողովուրդների շահերին ու ցանկություններին:²

Ստեփանակերտում լուր է ստացվում, թե աղբբեջանցիները հարձակումներ են գործում Արցախ եկող հայաստանյան համարանիշներով ավտոմեքենաների վրա: Փետրվարի 21-ին տեղի ունեցած ԼԴԻՄ մարզկոմի բյուրոն անտեսում է այդ ահազանգերը և փոխարենը որոշում ընդունում՝ միջոցառումներ ձեռնարկել ԽՍՀԿ կենտկոմի վերոհիշյալ որոշումն իրագործելու վերաբերյալ: Դրան ի պատասխան՝ Շախաձեռնող խմբի կոչերով Ստեփանակերտում և մարզի շրջկենտրոններում շարունակվում էին բազմամարդ միտինգները: Փետրվարի 22-ին, երբ Ասկերանում նոր էր ավարտվել շրջանային ակտիվի նիստը, որին մասնակցում էին Աղբբեջանի կոմկուսի կենտկոմի քարտուղարներ Հասան Հասանովը և Թելման Օրուշը, լուր է ստացվում, թե մի խումբ աղբբեջանական ծայրահեղական ազգայնամուլների գլխավորությամբ 8-10 հազար աղբբեջանցիներ Աղդամի կողմից հարձակվել են Ասկերանի շրջանի վրա: Կատաղած ամբոխը, «կրակի մատնելով հայկական գյուղերի խաղողի այգիների ցանկապատերն ու վազերը, ճամփամերձ շինությունները՝ այրողաց, ֆերմա, խանութ, ճաշարան, պատահած մեքենաները ջարդուփշուր անելով կամ վառելով, ուղևորներին ծեծել-

¹ Խորհրդային Ղարաբաղ, 21.02.1988:

² Правда, 22.02.1988.

յարդելով... իր արածից բավականին գոհ, անպատժելիության գիտակցումից լկտիացած՝ հանգիստ, անարգել առաջանում էր, կարգուկանոնի մի խումբ «պահապանների»՝ միլիցիոներների ուղեկցությամբ...»¹

Դեռևս փետրվարի 21-ի երեկոյան Աղդամում տեղի էր ունեցել բաղաձային կուսակցական ակտիվի նիստ, որին մասնակցել է Բ.Կերկովը:² Հենց այդտեղ էլ կոչեր էին հնչել ներխուժել Լեռնային Ղարաբաղ ու անեն ինչ հողին հավասարեցնել: Ասկերանի մոտ ակոսի և մոտակա գյուղերի բնակիչները փակում են ջարդարարների ճանապարհը: Նրանց օգնում են տեղական կայազորի զորամասերը: Փետրվարի 26-ի երեկոյան կենտրոնական լրատվամիջոցները հարյուրում են ԽՍՀՄ Գերագույն դատախազի տեղակալ Ա.Կատուսևի տարիչ ելույթը: Նա հայտնում է, թե բախման ժամանակ սպանվել են երկու աղբբեջանցի, չնչելով, որ հայերից 25 հոգի ստացել էին ծանր մարմնական վնասվածքներ: Այդ հաղորդումն ավելի է սրում իրադրությունը, և աղբբեջանցիները դա ընդունում են որպես նոր գործողությունների անցնելու կոչ: Իրականում երկու աղբբեջանցիները սպանվել էին աղբբեջանցի միլիցիոներների կրակոցներից: Դա հետո վկայել է սպանված 22-ամյա Ալի Հաջիևի եղբայրը՝ Արիֆ Խաջիևը:³

Լեռնային Ղարաբաղում Բ.Կերկովի և աղբբեջանամետ մյուս պաշտոնյաների նկատմամբ օր օրի ավելի էր մեծանում համընդհանուր ատելությունը: Բ.Կերկովին մարզկոմի առաջին քարտուղարի 15-ամյա պաշտոնավարությունից ազատելը դարձել էր երկրամասի հայության պահանջը: Հենց արցախահայության պահանջով փետրվարի 23-ին տեղի ունեցած Աղբբեջանի կոմկուսի ԼԴԻՄ մարզկոմի պլենումը պաշտոնազրկում է Բ.Կերկովին և մարզկոմի առաջին քարտուղար ընտրում Հենրիխ Պողոսյանին:

1988թ. փետրվարի 26-ին Մ.Գորբաչովն ընդունում է Ջորի Բալայանին և Սիլվա Կապուտիկյանին: Ջրույցից պարզվում է, որ Մ.Գորբաչովը մանրամասն տեղյակ էր Ղարաբաղում և Հայաստանում տեղի ունեցող իրադարձություններին: Հայ մտավորականության ներկայացուցիչները փորձում են երկրի ղեկավարին բացատրել, որ արցախահայությունն ավելի քան 60 տարի գտնվելով

¹ Դանիելյան Կոմիտաս, նշվ. աշխ., էջ 60: Այդ վայրենությունը տեղի ունեցավ այն օրը, երբ ԽՍՀԿ քաղբբյուրոյի անդամության թեկնածուներ Գ.Ռազունովսկին և Պ.Դեմիչևը գտնվում էին Ստեփանակերտում, իսկ քաղբբյուրոյի անդամության թեկնածուներ և կենտկոմի քարտուղարներ Վ.Դուգիխն ու Ա.Լուկյանովը՝ Երևանում:

² Бабанов Игорь, Воеводский Константин, նշվ. աշխ., էջ 6:

³ Եղիցի լույս, N6, 2000:

Աղդրեջանի իշխանության տակ՝ փաստորեն արժանանում է Նախիջևանի հայության դառը ճակատագրին: Ա.Գորբաչովը վստահեցնում է, որ առաջիկայում խՍՀՄ կենտրոնի ազգային հարցին նվիրված պլենումը կանդրադառնա Ղարաբաղի հարցին: Նա նաև զգուշացնում է, թե պետք է մտածել Բաքվում գտնվող ավելի քան 200 հազար հայերի մասին:¹ Սա, փաստորեն, արցախյան շարժման ծավալումը կանխելու միտված ակնարկ էր:

Այս հանդիպումը և Ա.Գորբաչովի խոստումը արցախահայերին հույս չներշնչեց, չնայած նրանք համար գորբաչովյան «վերակառուցման» կուրսի պաշտպանումը մտնում էր որպես հիմնական ռազմավարություն: Ղարաբաղյան շարժման նախաձեռնողները ջանում էին մարզի բնակչությանը հասկացնել, որ գորբաչովյան «վերակառուցման» կուրսը նպաստում է իրենց պայքարին և, հետևապես, պետք է այն պաշտպանել: Ա.Գորբաչովը փորձելով մոլորության մեջ գցել հայ ժողովրդին՝ «Լեռնային Ղարաբաղում և նրա շուրջ ստեղծված իրադարձությունների կապակցությամբ» փետրվարի 26-ին դիմում է հղում «Աղդրեջանի և Հայաստանի աշխատավորներին, ժողովուրդներին»: Նա նշում էր, որ «ինքնավար մարզը Աղդրեջանական խՍՀ-ից Հայկական խՍՀ-ի կազմի մեջ անցնելու հարցին այնպիսի սրություն և դրամատիկություն է հաղորդվել, որոնք հանգեցրել են լարվածության և անգամ օրենքի շրջանակներից դուրս եկող գործողությունների»: Գլխավոր քարտուղարը չէր թաքցնում, որ խՍՀՄ կենտրոնն անհանգստացած է իրադարձությունների նման զարգացումից, որը «հղի է ամենալուրջ հետևանքներով»: Ապա նշելով, որ Լեռնային Ղարաբաղի Ինքնավար Մարզում քիչ թերություններ ու դժվարություններ չեն կուտակվել, նա կարևոր էր համարում ստեղծված իրավիճակի հաղթահարման, Աղդրեջանում և Հայաստանում տնտեսական, սոցիալական, բնապահպանական և այլ պրոբլեմների լուծման վրա կենտրոնանալը՝ «ամբողջ երկրում իրականացվող վերակառուցման ու նորացման քաղաքականության ոգով»:²

Ինչպես և պետք էր սպասել, այդ դիմումն արցախահայության համար ոչ մի արժեք չունեցավ:

Այն օրերին, երբ արցախահայերը փորձում էին իրենց պայքարը շարունակել խաղաղ, քաղաքակիրթ ձևերով, Աղդրեջանում գերադասեցին նրանց դեմ պայքարել բիրտ ուժով և ահաբեկչությամբ: Դրա վառ օրինակը եղավ 1988թ. փետրվարի 27-29-ը Բաքվից 25 կմ հեռավորության վրա գտնվող 220 հազար բնակ-

չություն ունեցող Սումգայիթ քաղաքում ապրող 18 հազար հայերի նկատմամբ իրագործված եղեռնագործությունը: Սումգայիթին հայտնիեցին Կիրովաբադի, Մինգչաուրի, Շուշիի, Աղդամի, Շամախու, տալա Բաքվի և մյուս հայաշատ բնակավայրերի հայության ջարդերը: Սկսվեցին հայերի զանգվածային տեղահանությունները: ԽՍՀՄ մյուս տարածաշրջաններում //Թուրքմենստան, Ֆերգանա, Կովկիզ, Ռուսեն, Թբիլիսի, Աբխազիա, Մերձբալթիկա/ լարվածության մի ընդհանուր շղթա էր գոյացել: Այդ ընդհանուրի մեջ Սումգայիթը առանձնանում է որպես նախօրոք պլանավորված և հետևողականորեն իրագործված ամնախաղեպ վայրագություն: Սումգայիթը կազմակերպվել էր Ղարաբաղի հիմնախնդրի լուծումը վիժեցնելու նպատակով:

Սումգայիթում հայերի ջարդերի կազմակերպիչը և ամենամեծ հանցագործը Աղդրեջանի իշխանություններն էին: Նոր «սումգայիթներից» հնարավոր էր խուսափել, եթե Մոսկվան այդ սպանդին տար քաղաքական գնահատական և օրենքի խստությամբ պատժեր հանցագործներին: Սումգայիթյան ջարդերի հաջորդ օրը Աղդրեջանի կոմկուսի կենտրոնի պատասխանատու աշխատողներից մեկը հայտարարում է, թե արդեն ոչնչացվել են ջարդերի բոլոր վկայությունները: Հանցագործության հետքերը կորցնելուն մեծապես նպաստեցին միութենական լրատվամիջոցներն ու խՍՀՄ գլխավոր դատախազությունը: Ոչ պատահաբար քրեական գործը մասնատվեց բազմաթիվ առանձնացված մասերի, դատաքննությունը տեղի ունեցավ 12 տարբեր դատարաններում, և, ամենակարևորը, սումգայիթյան հանցագործությունը չորակվեց որպես ցեղասպանություն:¹

Արխիվային նյութերից, հրապարակված աշխատություններից և փաստաթղթերից երևում է, որ Սումգայիթում հայերի նկատմամբ իրագործվել են վանդալիզմ և աննկարագրելի բարբարոսություններ: 1988թ. գարնանը Հայկոմկուսի կենտրոնում ստացված մի փաստաթղթում նշվում է, որ Սումգայիթում սպանվել են ոչ թե 26 հայ, այլ ավելի քան 400 և խեղվել ու տուժել են մոտ 1000 հոգի, որոնց շարքում մեծ թվով կանայք, ժերուհիներ և երեխաներ: Հետքերը թաքցնելու համար դիակները տարվել են Բաքու, հանրապետության այլ քաղաքներ կամ էլ նետվել ծովը: «Փաստերը խոսում են այն մասին, որ արյունալի դատաստանը եղել է նախօրոք մտածված և նախապատրաստված Աղդրեջանի վերադաս իշխանության ղեկավարների կողմից»,² կարդում ենք այդ տեղեկանքում: Նախօրոք արդրե-

¹ Ուլուբայան Բագրատ, Արցախյան գոյապայքարի տարեգրություն, էջ 72:

² Երեկոյան Երևան, 26.02.1988:

¹ Сумгант... Геноцид... Гласность?, ст. 30.

² ՀՀ ՀԶԿՓ ԿՊՍ, Ծ. 1, ց.87, գ. 18, ք.10:

ջանքի «փախստականներին» կենտրոնացրել էին Սումգայիթում, ադրբեջանցիներին զգուշացվել էր այդ գիշեր լույսը չմարել, որպեսզի հեշտ լինելը հայերին գտնել: Դեռևս հունվարին կազմվել էին հայերի ցուցակները, ճշտվել հասցեները, անջատվել հեռախոսները: Նախօրոք պատրաստվել էին հարյուրավոր սրածայր ծողեր: Հայերը երեք օր շարունակ թողնվել էին լրիվ անպաշտպան: Բաքվի մոտ տեղակայված խորհրդային բանակի ստորաբաժանումներն «ուշացան» ճիշտ այնքան, որքան անհրաժեշտ էր հայերի նկատմամբ ծայր առած վանադալիզմն ավարտելու համար: Որպեսզի Սումգայիթից ուշադրությունը շեղվի, այդ նույն օրերին հայկական ջարդեր էին կազմակերպվել նաև Ադրամում, Շամխորում, Կիրովաբադում և հայաշատ այլ բնակավայրերում: Դեռևս Սումգայիթից առաջ՝ հունվարի կեսերին, Ադրբեջանի մամուլում տպագրված Ջ.Բունիաթովի և ուրիշների հակահայկական բազմաթիվ հոդվածներ և նամակներ էին ուղարկվել Հայաստանի իշխանություններին, որոնցում զգուշացվում էր, թե Ադրբեջանում կկազմակերպվի 1915 թիվ: Ադրբեջանի ներքին գործերի նախարարության կողմից հանրապետության բոլոր վայրերում հայերից հավաքվել էին որսորդական հրացանները: Ադրբեջանը՝ այդ երկրորդ թուրքիան, դարձել էր խորհրդային ժամանակաշրջանի հայոց նոր գերեզմանոց:¹

Ինչպես տեսնում ենք, արցախյան ազատագրական շարժումը խոր արմատներ և օբյեկտիվ բնույթ ուներ: «Վերակառուցումն» արագացրեց, սկիզբ դրեց ազգամիջյան վեճերին, և հայ ժողովուրդը ոտքի ելավ իր մարդկային և ազգային արժանապատվությունը պաշտպանելու համար:

2. Շարժման վերածնունդը համազգային պայքարի

Բրեժնևյան լճացման տարիներին ինչպես ամբողջ երկրում, այնպես էլ Հայաստանում ավելի էր ամրապնդվում վարչաիրամայական համակարգը: Օր օրի ավելի էին ընդլայնվում կուսակցական ու պետական ղեկավար մարմինների արտոնությունները: Այդ պաշտոնյաների մի ստվար մասը, որպեսզի պահպանեին իրենց դիրքն ու արտոնյալ վիճակը, դառնում էին կենտրոնական իշխանությունների հնազանդ կամակատարներ: Այդ տարիներից Հայաստանում բարգավաճող տնտեսական մաֆիան սերտաճել էր կուսակցական և պետական մարմինների հետ, որի հետևանքով կառավարման բոլոր օ-

¹ Նույն տեղում, ք.10-12:

ղակներին բնորոշ էր բարոյական այլասերումն ու կազմալուծումը: Այդ բացասական երևույթները չհանդուրժող առանձին ազնիվ կուսակցական պետական աշխատողներ և քաղաքացիներ ենթարկվում էին տարաբնույթ հալածանքների:

Չնայած 1985թ. ապրիլին տեղի ունեցած ԽՄԿԿ կենտկոմի պլենումն ընդունեց հասարակության արմատական «վերակառուցման» կուրս, սակայն այն լինելով իրեն սպառած խորհրդային համակարգի գեղահարդարման փորձ՝ ոչ միայն խորացրեց երկրի կյանքի բոլոր ոլորտներում առկա ճգնաժամը, այլև արագացրեց խորհրդային կայսերապետության փլուզման գործընթացը: 1980-ական թվականների կեսերից սկսած՝ այդ ամենը Հայաստանում դրսևորվեց յուրահատուկ գծերով: Այստեղ խորհրդային Սիությանն առանձնահատուկ դժվարություններին ավելացան Արցախյան խնդիրը, Սպիտակի երկրաշարժի ծանր հետևանքները, հարյուր հազարավոր փախստականների առկայությունը, տնտեսական շրջափակումը և այլն: Այդ ամենը հանրապետության ընդհանուր կացությունը դարձրեցին աղետալի:

1980-ական թվականների երկրորդ կեսին Հայաստանում ծայր առած ժողովրդական շարժումը սկզբում բնապահպանական խնդիրներ էր հետապնդում: Բանն այն է, որ հանրապետության բազմաթիվ լեռնահանքային, շինանյութերի ու քիմիական ձեռնարկություններ, ինչպես նաև Մեծամորի ատոմակայանը բնապահպանական լուրջ խնդիրներ էին հարուցել: Վտանգավոր վիճակ էր ստեղծվել Երևանում, Արուստամուն, Ալավերդիում, Վանաձորում և հանրապետության այլ բնակավայրերում: Հենց դա էլ նպաստեց Հայաստանում բնապահպանությանը նպատակաուղղված ժողովրդական ընթուստության և ելույթների ծավալմանը:

Երևանում այդ բողոքներն ու ելույթները սկիզբ էին առել դեռևս 1987թ. ամառվանից: Դրանց տեղի էին ունենում Թատերական ու Մարտիրոս Սարյանի անվան հրապարակներում, ուսանողական հանրակացարաններում, որոշ արդյունաբերական ձեռնարկություններում, գիտական ելույթ էին ունենում Զորի Բալայանը, Սիլվա Կապուտիկյանը, Իգոր Մուրադյանը, Սոս Սարգսյանը, լրագրողներ, գիտնականներ, արտադրության ներկայացուցիչներ: Նրանք հիմնականում շոշափում էին սոցիալ-տնտեսական, բնապահպանական և Արցախի հիմնախնդրի հետ առնչվող հարցեր: Շարժման ակտիվիստները լինելով ոչ հակախորհրդային և ոչ էլ «այլախոհներ»՝ ստացել էին «ազնիվ ազգայնականներ» անունը:¹

¹ Հայոց աշխարհ, 20.01.1998:

1988թ. փետրվարի կեսերից երևանում ամեն օր հանրահավաքներ էին տեղի ունենում: Երևանցիները տեղյակ լինելով, որ պետք է զումարվի ԼԴԻՄ մարզխորհրդի արտահերթ նստաշրջան և քննարկվի ԼԴԻՄ-ը Ադրբեջանի կազմից դուրս բերելու ու Հայաստանի հետ վերամիավորելու հարցը, հավաքվում էին Թատերական հրապարակում և ապաստում ուրախալի լուրերի: Փետրվարի 20-ին այնտեղ հավաքված հազարավոր միտինգավորներ ընդունեցին «Ղարաբաղ. այսօր կամ երբեք» կարգախոսը: Փետրվարի 21-ին Ի-գոր Մուրադյանը հրապարակում հավաքվածներին հայտնեց ԼԴԻՄ մարզխորհրդի նստաշրջանի ու ընդունած որոշման մասին, իսկ երեկոյան ստացվեցին «խորհրդային Ղարաբաղ» և «Սովետսկի Կարաբախ» թերթերի այդ օրվա համարները, որոնք ձեռքից ձեռք էին անցնում: Հանրահավաքի մասնակիցները կոչ էին անում դիմել համընդհանուր գործադուլի և կենտրոնական իշխանություններից պահանջել առանց ուշացնելու իրագործել արցախահայության արդարացի ու սահմանադրական պահանջը:

Հաջորդ օրը՝ փետրվարի 22-ին, հանրահավաքի էին եկել ավելի մեծ թվով մարդիկ: Աստիճանաբար ծավալվող ու համաժողովրդական բնույթ ընդունող Ղարաբաղյան շարժումը ղեկավարելու և կազմակերպված հունի մեջ դնելու համար անհրաժեշտ էր ստեղծել ղեկավար մարմին: Նույն գիշերը ձևավորվեց «Ղարաբաղի պաշտպանության կոմիտեն», որը կարճ անվանվեց «Ղարաբաղ» կոմիտե: Կոմիտեի առաջին կազմի մեջ մտան Ի-գոր Մուրադյանը /տնտեսագետ/, Վաչե Սարուխանյանը /թատերական գործիչ/, Գագիկ Սաֆարյանը /մանկավարժ/, Մանվել Սարգսյանը /ծառայող/, Սամսոն Ղազարյանը /մանկավարժ/ և ուրիշներ:¹ Միևնույն ժամանակ ստեղծվեց Ավագների խորհուրդ, որի մեջ մտնում էին շարժման ակտիվ մասնակից գրողներ, գիտնականներ, մշակութային և հասարակական գործիչներ: «Ղարաբաղ» կոմիտեի հիմնական խնդիրը արցախահայության օրինական պահանջը բավարարելու համար համայն հայությանը և խորհրդային Միության մյուս ժողովուրդներին ուղքի հանելն էր:

Ի պաշտպանություն արցախահայերի պահանջի՝ փետրվարի 22-ին հայտարարվում է համընդհանուր գործադուլ, իսկ հաջորդ օրը Թատերական հրապարակում դարձյալ տասնյակ հազարավոր մարդիկ են հավաքվում: Կոչ է արվում՝ հրավիրել ՀԽՍՀ Գերագույն խորհրդի արտահերթ նստաշրջան և քննարկել արցախցիների խնդրանքը: Փետրվարի 24-ին կայացած հանրահավաքում առաջարկվում է հանրապետությունում անցկացնել Ղարաբաղյան հար-

ցին նվիրված հանրաքվե, որը ավելի արդյունավետ կլինի, քան նստաշրջանի հրավիրումը:

Հաջորդ երկու օրերին՝ փետրվարի 25-26-ին, երևանում ցույցարարների թիվը հասել էր աննախադեպ չափերի: Դա ԽՍՀՄ պատմության մեջ ամենախոշոր ցույցն էր, որի ընթացքում առաջ քաշված պահանջները լիովին համապատասխանում էին երկրի սահմանադրությանը:

Երևանում և հանրապետության մյուս քաղաքներում տեղի ունեցած հանրահավաքներն ու ցույցերը և դրանցում առաջ քաշված պահանջներն անհանգստացրեցին հանրապետության ղեկավարությանը: Փետրվարի 21-ին շտապ հրավիրվեց ՀԿԿ կենտկոմի Երևանի նիստ, որը հավանություն տվեց ԽՄԿԿ կենտկոմի որոշմանը, որովհետև Հայաստանի մի շարք իշխանավորներ ձգտում էին հարաբերությունները չբարդացնել վերադասի հետ և պահել իրենց պթոռները: Նաև որոշվում է հրավիրել հանրապետական ակտիվի նիստ և քննության առնել Լեռնային Ղարաբաղի շուրջ ստեղծված վիճակը: Հանրապետության նախարարների խորհրդին հանձնարարվում է Լեռնային Ղարաբաղի վերաբերյալ սոցիալ-տնտեսական բնույթի առաջարկություններ նախապատրաստել և անհարժեշտության դեպքում ներկայացնել ԽՍՀՄ Նախարարների խորհուրդ: Հաստատվում է ընդունված որոշումն իրագործելու վերաբերյալ մշակված միջոցառումների պլանը:¹

Հաջորդ օրը տեղի ունեցած ՀԿԿ կենտկոմի բյուրոյի հերթական նիստը նպատակահարմար է գտնում խնդրել ԽՄԿԿ կենտկոմին՝ ապագայում ազգային հարցը քննարկելիս չմոռանալ Լեռնային Ղարաբաղի հարցը:² Այդ նույն օրը տեղի ունեցած Հայաստանի կուսակցական ակտիվի ժողովը նույնպես հավանություն տվեց ԽՄԿԿ կենտկոմի փետրվարի 21-ի որոշմանը և քաղկոմներին, շրջկոմներին ու սկզբնական կուսակցական կազմակերպություններին հանձնարարեց «վճռական միջոցառումներ ձեռնարկել ստեղծված վիճակը բարելավելու, մասսաների և աշխատանքային կոլեկտիվների շրջաններում բացատրական լայն աշխատանք ծավալելու» ուղղությամբ:³

Փետրվարի 26-ին տեղի ունեցավ ՀԿԿ կենտկոմի պլենում, որի աշխատանքներին մասնակցեցին ԽՄԿԿ կենտկոմի քարտուղարներ Վ.Դուլգինը և Ա.Լուկյանովը: Պլենումում ՀԿԿ կենտկոմի առաջին քարտուղար Կարեն Դեմիրճյանը պաշտպանեց Մ.Գորբաչովի կոչը՝ ավելացնելով, որ պետք է «կարգ հաստատենք և իրագործենք Գոր-

¹ Ազիզբեկյան Ռ.Լ., նշվ. աշխ., էջ 21:

¹ ՀՀ ՀԹԿՓ ԿՊԱ, ֆ.1, ց.82, գ.21, ք. 2-3:

² Նույն տեղում, ք. 13:

³ Խորհրդային Հայաստան, 24.02.1998:

բաշովի առաջ քաշած պահանջները»¹ Երիցս ճիշտ էր Սիլվա Կապուտիկյանը, երբ 1990թ. հունվարին Բաքվում տեղի ունեցած ջարդերից հետո 344 կենտկոմում հրավիրված խորհրդակցությունում շեշտեց, որ «հայ ժողովրդի սխալներից մեկն էլ այն է, որ հավատաց գորբաշովյան վերակառուցմանը: Իսկ այդ կույր հիվանդությանը ամենից առաջ տառապում էր հայ ժողովրդի ուղեցույց Յայկունկուսը»:² Պլենումում 29 ելույթ ունեցողներից շատ քչերն են քննադատական խոսք ասում հայ ժողովրդին «ժայրահեղականներ» և «ազգայնամուլներ» անվանելու առթիվ, սակայն բոլորն էլ վերադաս մարմիններից պահանջում են արդարացիորեն լուծել Լեռնային Ղարաբաղի հիմնահարցը:³ Պլենումը կոչ է անում ամրապնդել հայ-ադրբեջանական բարեկամությունը և հույս հայտնում, որ Լեռնային Ղարաբաղի հարցը կուսումնասիրվի և կքննարկվի այլ հարցերի համալիրում ու կղաճախ խՍԿԿ Կենտկոմի պլենումի քննության հարց: Պլենումը տեղական իշխանություններին հանձնարարում է «անհրաժեշտության դեպքում օգտագործել իրենց տրված լիազորությունները՝ խստագույնս ապահովելու օրինականությունը և հասարակական կարգը հանրապետության ամբողջ տարածքում»:⁴

1988թ. մարտի 3-ին 344 կենտկոմի բյուրոն քննության առնելով «Լեռնային Ղարաբաղում և նրա շուրջ տեղի ունեցող իրադարձությունների հետ կապված հանրապետությունում վիճակը կայունացնելու ուղղությամբ աշխատանքներն ուժեղացնելու» հարցը՝ շեշտում էր, որ ամենակարևորը հանրապետությունում աշխատանքային ռիթմի և հասարակական կյանքի կայունացումն է: Բյուրոն գտնում էր, որ պետք է «թույլ չտալ կոլեկտիվներում ինչ-որ խմբերի ստեղծում՝ կապված ԼՂԻՄ-ը Հայկական խՍՀ-ին միավորելու հետ» դա բացատրելով ԼՂԻՄ-ի շուրջ վիճակը բարելավելու գործում դրանց կործանարար լինելով:⁵

1988թ. մարտի 20-ին 344 կենտկոմի բյուրոն դարձյալ անդրադառնալով «Հանրապետությունում իրավիճակը նորմալացնելու անհետաձգելի միջոցառումների մասին» հարցին՝ նշեց, որ Հայաստանում իրավիճակը մնում է լարված ու պայթուցավտանգ, որ «Ղարաբաղ» կոմիտեն ընդլայնում է իր գործունեությունը, կուսակցական և պետական մարմինների նկատմամբ դիմում է սպառնալիքի ու շանտաժի և անցնում է օրինականության սահմանները: Շեշտվեց, որ «Ղարաբաղ» կոմիտեի գաղափարական չեզոքացման ուղ-

ղությամբ կատարվող աշխատանքներն անհրաժեշտ արդյունքներ չեն տալիս, և որ վիճակն ավելի է սրվել Սումգայիթում տեղի ունեցած իրադարձությունների հետևանքով: Նշվեց նաև, որ Սումգայիթից և Ադրբեջանի այլ վայրերից Հայաստան է եկել 595 ընտանիք՝ 2364 մարդ, և որ Հայաստանից հեռանում են ադրբեջանցիներ:¹

Ղարաբաղյան շարժումն օր օրի ներառում էր ավելի մեծ զանգվածներ: Այդ մասին հայտարարվեց փետրվարի 28-ին գրողների տանը տեղի ունեցած «Ղարաբաղ» կոմիտեի ընդլայնված նիստում, որին մասնակցեցին հանրապետության հիմնարկ-ձեռնարկությունների ու տեղական կոմիտեների ավելի քան 300 ներկայացուցիչներ: Իգոր Սուրադյանը ներկաներին տեղյակ պահեց, որ վերանայվել է «Ղարաբաղ» կոմիտեի կազմը, և նրանում ընդգրկվել են Լեռնային Ղարաբաղի վեց ներկայացուցիչներ: Հաղորդվեց նաև, որ կոմիտեն որոշել է բոլոր ձեռնարկություններում, հիմնարկներում, կազմակերպություններում և քննարկել Ղարաբաղյան հիմնահարցի հետ կապված խնդիրներ: Առաջարկվեց կուսակցական կազմակերպությունների ժողովներում որոշումներ ընդունել ԼՂԻՄ-ը Հայկական խՍՀ-ին միավորելու վերաբերյալ և դրանց տեքստերն ուղարկել խՍԿԿ կենտկոմ ու «Ղարաբաղ» կոմիտե: Քանի որ նախօրոք որոշվել էր մարտի 23-ին անցկացնել Լեռնային Ղարաբաղի հետ համերաշխության միջոցառումներ, առաջարկվեց այդ օրը տեղափոխել մարտի 26-ը՝ շաբաթ օր, որպեսզի վնաս չհասցվի արտադրությանը: Նիստի մանակիցներին տեղյակ պահվեց, որ Լեռնային Ղարաբաղը Հայաստանի հետ միավորելու օգտին միտինգներ և հանրահավաքներ են տեղի ունենում նաև երկրի այլ քաղաքներում:²

1988թ. փետրվարի վերջին և մարտի սկզբներին, մանավանդ սումգայիթյան ողբերգության մասին իմանալուց հետո, ոտքի էր կանգնել ամբողջ Հայաստանը: Հայ ժողովրդի արդար պայքարին իրենց համերաշխությունն էին հայտնում հանրապետությունում ապրող ազգային փոքրամասնությունների ներկայացուցիչները: Նրանք՝ ռուս, եզդի, բուրդ և այլ ազգերի ներկայացուցիչները, դատապարտում էին սումգայիթյան եղեռնագործությունը, վճռականորեն պահանջում Սումգայիթում տեղի ունեցածին տալ քաղաքական գնահատական և խստագույնս պատժել այդ ողբերգության: Կազմակերպիչներին: Նրանք նաև բոլոր քրդերին կոչ արեցին համընդհանուր պայքար սկսել Ադրբեջանում քրդերի իրավունքները վերականգնելու համար, պաշտպանել ԼՂԻՄ-ը Հայկական խՍՀ-ի

¹ ՀՀ ՀԹԿՓ ԿՊԱ, Ֆ.1, ց.82, գ.21, ք. 4-5:

² Նույն տեղում, գ.1, ք. 80:

³ Նույն տեղում, գ.1, ք. 2-51:

⁴ Նույն տեղում, գ.21, ք. 25:

⁵ Նույն տեղում, ք. 36:

¹ ՀՀ ՀԹԿՓ ԿՊԱ, Ֆ.1, ց.82, գ.21, ք. 36:

² Նույն տեղում, ք. 43, նաև՝ Հայաստանի Հանրապետություն, 23.03.1988:

հետ վերամիավորելու համաժողովրդական շարժումը:¹

Խորհրդային Հայաստանի աշխատավորները հանրապետության իշխանություններից համառորեն պահանջում էին կանգնել հայ ժողովրդի ազգային շահերի պաշտպանության դիրքերում և ստրկամտորեն չծառայել Կրեմլին: Նրանք ամեն օր բազմաթիվ նամակներ և հեռագրեր էին ուղարկվում հանրապետության բարձրագույն իշխանություններին, որոնցում կոնկրետ առաջարկություններ էին անում և պահանջում «անմիջապես դադարեցնել «Ղարաբաղ» կոմիտեի ենթակոմիտեների և ակտիվիստների նկատմամբ սպառնալիքներն ու ճնշման փորձերը»:²

1988թ. մարտի 19-ին Կինոյի տանը տեղի ունեցավ «Ղարաբաղ» կոմիտեի ընդլայնված նիստը, որի ընթացքում ելույթ ունեցան Ղարաբաղյան շարժման ղեկավարները: Նրանք խստագույնս դատապարտեցին «սոււմգայիթ» կազմակերպողներին և Հայաստանի իշխանություններից պահանջեցին մարտի 25-ին հրավիրել ՀԽՍՀ Գերագույն խորհրդի նստաշրջան ու քննարկել Լեռնային Ղարաբաղը Հայաստանի հետ վերամիավորելու հարցը: Նաև կոչ արեցին անհրաժեշտության դեպքում դիմել համընդհանուր զործադուլի, համահայկական ճակատ ստեղծելով՝ պայքարել մինչև վերջ, բացառել բոլոր տեսակի ահաբեկչությունները, Ադրբեջանում հայերի նկատմամբ կատարվող բռնարարքները կանխելու համար դիմել միջազգային դատարան, Մոսկվայից պահանջել հատուկ հանձնաժողով ուղարկել Հայաստան և միասին վճռել Արցախի հարցը:

ԽՍՀՄ Գերագույն խորհրդի նախագահության մարտի 24-ին տեղի ունեցած նիստում Մ.Գորբաչովը դեմ արտահայտվեց ԼՂԻՄ պատկանելիությունը փոխելուն: Նիստը որոշեց «անթույլատրելի համարել... ազգային-պետական և ազգային-վարչական սահմանների փոփոխությունը»:³ Մինչ այդ որոշման ընդունումը՝ մարտի 21-ին, վերակառուցման գլխավոր գաղափարախոս Ա.Յակովլևը հանդիպելով Անդրեյ Սախարովի հետ՝ ասել էր, թե «ոչինչ չի կարելի փոխել վարչա-ազգային կառուցվածքում, որովհետև դա ընդհանրապես անսովոր և վտանգավոր նախադեպ է»: Նա նաև նշել է, որ ԽՍՀՄ-ում շատ «տաք կետեր» կան, որտեղ ցանկացած պահի կարող են բորբոքվել ազգային կրքեր:⁴ Իրոք, հակախորհրդային

¹ ՀՀ ՀՀԿԳ ԿՊԱ, Ֆ.1, ց. 87, գ. 11, ք. 135-136:

² Նույն տեղում, գ. 12, ք. 76-77:

³ Правда, 25.03.1988.

⁴ St'u Koks Kэpолайн, Айбнер Джон, նշվ. աշխ., էջ 52-53: Տես նաև՝ **Վրչակյան Անդրանիկ** Արցախյան շարժման համաժողովրդական բնույթը /1988թ. փետրվար-մարտ/ /Հայոց պատմության հարցեր, Երևան, 2002, էջ 200-212/:

խմորումներ և ընթացություններ առաջ էին եկել նաև երկրի մյուս ազգային շրջաններում: Արցախահայության պայքարն ընդհանուր շրթայի մի օղակն էր, այդ ժամանակ ամենատուրը:

1988թ. փետրվարյան իրադարձություններից և սոււմգայիթյան ողբերգությունից հետո Լեռնային Ղարաբաղում վիճակը խիստ չարված էր: Փետրվարի 22-ին մարզում սկսվել էր համընդհանուր գործադուլ: Փետրվարի 27-ին կենտրոնական իշխանությունների մի խումբ պատասխանատու աշխատողների հետ Լեռնային Ղարաբաղ ժամանեց ԽՍՀՄ կենտկոմի բաժնի վարիչ Կ.Բրուտենցը: Նրանք պետք է մոտիկից ծանոթանային մարզի տնտեսական վիճակին և կենտկոմ ներկայացնեին համապատասխան զեկուցագիր: Ուստի հանդիպեցին Ղարաբաղյան շարժման արցախցի ղեկավարների ու ակտիվիստների հետ, այցելեցին արդյունաբերական ձեռնարկություններ և հիմնարկներ: Արցախցիները Կ.Բրուտենցի միջոցով մի շարք փաստաթղթեր և մամակ-բողոքներ ուղարկեցին միութենական ամենավերին իշխանություններին:

Հանրահավաքներն ու ցույցերը կարգավորելու նպատակով Ստեփանակերտի քաղխորհուրդը մարտի 1-ին ընդունեց «Ստեփանակերտի փողոցներում, հրապարակներում և պուրակներում ժողովներ, միտինգներ, փողոցային երթեր, ցույցեր և այլ միջոցառումներ անցկացնելու ժամանակավոր կանոնների ու կարգի մասին» որոշումը:¹ Այդ նույն օրը նախաձեռնող խումբը որոշում է մարտի 2-ից, Մ.Գորբաչովի ծննդյան առթիվ, դադարեցնել զործադուլը: Արցախցիներն այդ մասին հեռագրով հայտնում են Մ.Գորբաչովին, շնորհավորում նրա ծննդյան օրը և հույս հայտնում, որ նա արդարացի կլուծի իրենց պահանջը: Մարտի 1-ի լույս 2-ի գիշերը Ստեփանակերտի Լենինի անվան հրապարակում հավաքված տասնյակ հազարավոր արցախցիները որոշում են նախաձեռնող խումբը փոխարինել կոմիտեով: Այդտեղ քաղաքի հիմնարկ-ձեռնարկությունների աշխատանքային կոլեկտիվները և հասարակական կազմակերպություններն ընտրում են 66 հոգու, որոնք հավաքվելով «Սովետական Ղարաբաղ» թերթի խմբագրության դահլիճում՝ ընտրում են 11 հոգուց քաղկացած խորհուրդ, որին տրվում է «Կռունկ» անունը: Այն մի շարք սկզբնաղբյուրներում գործ է ածվում նաև կոմիտե անունով: Խորհրդի նախագահ է ընտրվում Արկադի Մանուչարովը, տեղակալ՝ Վարդան Հակոբյանը, քարտուղարներ՝ Սերգեյ Խաչատրյանը, Կարեն Հովհաննիսյանը և Կարեն Անտյանը: Հենց այդ առաջին նիստում կ'առեղծվում են 10 հանձնաժողովներ, որոնցում ընդգրկվում են մոտ 50 հոգի: Խորհրդի մարտի 3-ի ընդլայնված նիստում

¹ Խորհրդային Ղարաբաղ, 2.03.1988:

քննարկվում է «Կռունկի» կանոնադրության նախագիծը և միաձայն ընդունվում: Ստեփանակերտի քաղխորհրդի գործկոմը մարտի 5-ին՝ զրանցում է «Կռունկ» հասարակական կազմակերպությունը և հաստատում նրա կանոնադրությունը:¹

«Կռունկն» իր ձևավորման սկզբից լայն աշխատանք էր տանում բնակչության շրջանում: Այն, ի հիշատակ Սունգայիթի զոհերի, մարտի 6-ին կազմակերպեց սգո հանրահավաք, որի ընթացքում հնչեցին ցատունճալից ելույթներ, և ծաղիկներ ու ծաղկեպսակներ դրվեցին Սունգայիթում զոհվածների հուշարձանին: Հաջորդ հանրահավաքը տեղի ունեցավ մարտի 8-ին: Քանի որ մարզական համալիրը շրջապատված էր զինվորներով, այն տեղի ունեցավ Մեծ հայրենականի թանգարանի դիմաց: Ելույթ ունեցողներն անարգանքի սյունին գամեցին սունգայիթյան բարբարոսներին և Ադրբեջանի ղեկավարներին: Այդ նույն օրը «Կռունկի» խորհուրդը որոշեց յոթ հոգուց քաղկացած նոր պատվիրակություն ուղարկել Մոսկվա: Պատվիրակության անդամներ առաջադրվեցին Ռոբերտ Քոչարյանը /ղեկավար/, Մաքսիմ Միրզոյանը, Իվան Աբայանը, Սաիդա Օրբելյանը, Քնարիկ Առաքելյանը, Սվետլանա Սրբոլևան և Սերգեյ Շահվերդյանը: Պատվիրակությունը մարտի 11-ին ընդունվեց Ե.Լիգաչովի կողմից: Վերջինս փարիսեցիաբար Սունգայիթում կատարվածը համարում է խուլիգանների գործ և հայտնում, որ ԽՍՀՄ կենտկոմը, տարածքային փոփոխություններ չի նախատեսում, բայց ձեռնարկում է միջոցառումներ՝ ԼՂԻՄ-ի տնտեսական վիճակը բարելավելու համար: Այսպիսով, Մոսկվայից պատվիրակությունը վերադառնում է անարդյունք:²

«Կռունկը» մշտական կապի մեջ էր կուսակցության ԼՂԻՄ մարզկոմի ու մարզխորհրդի հետ և ջանում էր համատեղ ուժերով մարզում վերականգնել աշխատանքային ռիթմը, ապահովել բնակչության անվտանգությունը: Սակայն մարզի ղեկավարությունը դեռևս կուրորեն հավատում էր, որ ԽՍՀՄ կենտկոմը «խորն ըմբռնումով է վերաբերվում ինքնավար մարզում կատարված ոչ քիչ թերություններին ու դժվարություններին», ԼՂԻՄ-ի հիմնախնդրի վերաբերյալ «հատուկ հանձնարարություններ է տվել և անմիջականորեն կհետևի դրանց իրականացմանը»: ԽՍՀՄ ղեկավարությանը դեռևս հավատացող մարզի ղեկավարությունը բնակչությանը կոչ էր անում «պահպանել հանգստություն, դրսևորել ողջամտություն, քաղաքական հասունություն և զսպվածություն, սթափ գնահատել

ուտեղծված իրավիճակը, որը կարող է հասցնել լուրջ բարդությունների, անկանխատեսելի հետևանքների»:¹

«Կռունկի» խորհուրդը մարզային իշխանություններից պահանջում էր աներկբա ժողովրդական պայքարի գլուխ կանգնել և հետևողականորեն պայքարել մարզխորհրդի փետրվարի 20-ի որոշումն իրականացնելու համար: Այն նաև պահանջում էր չենթարկվել Ադրբեջանի ղեկավարությանը և չկատարել նրա հրահանգները: Խորհուրդը պատրաստում է «Ղարաբաղի հերոսական ժողովուրդը» վերտառությամբ կոչ: Նրանում նշվում է, որ Հայաստանի հետ վերամիավորվելու համար Արցախի սկսած պայքարը հասել է վճռական պահի, և որ կենտրոնական իշխանությունները փորձում են երկրամասի բնակչության աչքերը փակել մարզի տնտեսական զարգացման պլանով: Կոչ էր արվում անճահանջ պայքարում ցուցաբերել «համբերություն, խելամտություն և յուրաքանչյուր քայլի, յուրաքանչյուր բառի հավասարակշռություն, հոգեպես չլնկճվել, մինչև վերջ կանգնել», քանի որ միայն «ժողովրդի միասնությունն ու համախմբվածությունը մեզ կհասցնի հաղթանակի: Դեմոկրատիան, վերակառուցումը և հրապարակայնությունը բնություն են հանձնում Ղարաբաղում: Մեր գործն արդար է, մենք կհաղթենք»:²

1988թ. մարտի 2-ին ԽՍՀՄ կենտկոմի հանձնարարությամբ Ստեփանակերտ ժամանեց գիտնականների մի խումբ, որի կազմում էին ԽՍՀՄ Գիտությունների ակադեմիայի ակադեմիկոսներ Տ.Խաչատուրովը, Ե.Ենիկոլոպովը, թղթակից անդամներ Ի.Աթաբեկովը, Ս.Սարգսիսովը, պրոֆեսորներ Մ.Արարիսովը և Ռ.Սրապյանցը: Մի շարք մնալով Լեռնային Ղարաբաղում՝ նրանք կազմեցին մարզի սոցիալ-տնտեսական, մշակութային ու այլ հարցերին վերաբերող հիմնավորված զեկուցում և ներկայացրին ԽՍՀՄ կենտկոմ, ինչպես նաև Հայաստանի ու Ադրբեջանի իշխանություններին: Նրանք գտնում էին, որ ստեղծված վիճակից դուրս գալու միակ և ճիշտ ելքը ԼՂԻՄ-ը Հայկական ԽՍՀ-ին միավորելն է:³

Մարտի 16-ին Ստեփանակերտ է ժամանում ԽՍՀՄ Սի-նիստրների խորհրդի, ԽՍՀՄ պետալանի և մի շարք այլ նախարարությունների ու գերատեսչությունների պատասխանատու աշխատողներից կազմված խումբ, որի նպատակն էր կուսակցության ԼՂԻՄ մարզկոմի բյուրոյին և մարզխորհրդի գործկոմին ժամոթացնել ԽՍՀՄ Սինիստրների խորհրդի և ԽՍՀՄ կենտկոմի պատրաստած՝

¹ Արձանագրություն N 6, որոշում՝ 3/65: Պատճենը՝ մեր անձնական արխիվ:

² Ազատ Արցախ, 14.03.2002:

¹ Խորհրդային Ղարաբաղ, 2.03.1988:

² Կոչի պատճենը՝ մեր անձնական արխիվ:

³ Арутюнян В.Б., նշվ. աշխ., մաս 1, էջ 48-49:

ԼԴԻՄ-ի սոցիալ-տնտեսական զարգացման վերաբերյալ որոշման նախագծի հետ: Մարզկոմի բյուրոն և մարզգործկոմը դրան ծանոթանալով՝ հայտարարում են, թե Ղարաբաղի հայությունը պահանջում է նախ վճռել մարզը Հայկական ԽՍՀ-ի հետ միավորելու հարցը, որից հետո միայն կարելի կլինի խոսել երկրամասի սոցիալ-տնտեսական զարգացման հարցի շուրջը: Մարզի ակտիվն իր հերթին «Կռունկի» գլխավորությամբ հավաքվելով Լեռնի անվան հրապարակում՝ մարզկոմից և մարզխորհրդից պահանջում է մերժել այդ օրապակաս նախագիծը: Առանց դրական պատասխան ստանալու՝ հանձնաժողովը հաջորդ օրը հեռանում է Արցախից: Մի քանի օր անց ԽՍՀՄ Մինիստրների խորհրդի սոցիալական հարցերի գծով բյուրոյի նախագահի առաջին տեղակալ Վ.Լախտինը պատասխանելով «Իզվեստիա» թերթի թղթակցի հարցին՝ չի թաքցնում, որ ԼԴԻՄ-ի բնակչությանն ավելի շատ հետաքրքրում են մարզի կարգավիճակի փոփոխման, քան թե տնտեսական հարցերը:¹

ԼԴԻՄ մարզխորհրդի 1988թ. փետրվարի 20-ի որոշումից անցել էր երկու շաբաթ, սակայն կուսակցության ԼԴԻՄ մարզկոմը դեռևս չէր ասել իր վճռական խոսքը, մինչդեռ երկրամասի բնակչությունը նրանից պահանջում էր ցուցաբերել վճռականություն և առանց երկմտանքի հանդես գալ մարզի աշխատավորների շահերի պաշտպանությամբ: Փետրվարի վերջին և մարտի սկզբին մարզի կուսակցական սկզբնական կազմակերպություններում ստորագրություններ են հավաքվում պահանջելով հրավիրել մարզային կուսակցական կազմակերպությունների արտահերթ կոնֆերանս և քննարկել Արցախի հիմնահարցը: Մարզի 285 սկզբնական կուսակցական կազմակերպություններից հավաքվում է 7260 ստորագրություն:² Սակայն մարզկոմը շարունակում էր հապաղել և չէր համարձակվում կոնֆերանս հրավիրել: Ուստի արցախցիները մարտի 15-ին կրկին դիմում են համընդհանուր գործադուլի: Ի վերջո մարզկոմը տեղի է տալիս: Մարտի 17-ին տեղի է ունենում կուսակցության մարզկոմի պլենում, որի աշխատանքների մասնակցում են ԽՍՀՄ կենտկոմի կուսակցական-կազմակերպչական աշխատանքների բաժնի վարիչի տեղակալ Գ.Խարչենկոն, Կենտկոմի պատասխանատու աշխատող Ի.Շվեցը և Ադրբեջանի կոմկուսի կենտկոմի քարտուղար Թ.Օրուջը: Պլենումը քննարկում է «Ադրբեջանի և Հայաստանի ժողովուրդների ԽՍՀՄ կենտկոմի գլխավոր քարտուղար Մ.Գորբաչովի հղած դիմումից բխած՝ Լեռնային Ղարաբաղի մարզային կուսակցական խնդիրների մասին» և «ԼԴԻՄ-ը Հայկական

ԽՍՀ-ին միացնելու հարցի վերաբերյալ ինքնավար մարզի աշխատավորների, կոմունիստների պահանջի մասին» հարցերը: Ձեկուցումով հանդես է գալիս մարզկոմի առաջին քարտուղար Հենրիխ Պողոսյանը: Ելույթ են ունենում պլենումի 16 անդամներ և Մոսկվայից ու Քաղվից ժամանածները: Առաջին հարցի վերաբերյալ ընդունված որոշմամբ վստահություն է հայտնվում, որ ԼԴԻՄ-ի «կուսակցական կոմիտեները, սկզբնական կազմակերպությունները, բոլոր կոմունիստները ամիրաժեշտ միջոցառումներ կծեռնարկեն մարզի իրադրության առողջացման և Մ.Ս.Գորբաչովի դիմումից բխած խնդիրների կատարման համար, իսկ երկրորդ հարցի վերաբերյալ ընդունված որոշումում ասվում է. «Հաշվի առնելով ինքնավար մարզի հայ բնակչության իղձերը, Լեռնային Ղարաբաղի ճնշող մեծամասնության կամքը՝ խնդրել ԽՄԿԿ կենտկոմի քաղբյուրոյին քննարկել և դրականորեն լուծել Արցախի ինքնավար մարզը Հայկական ԽՍՀ-ին միացնելու հարցը՝ դրանով իսկ ուղղելով 20-ական թվականների սկզբին Լեռնային Ղարաբաղի տարածքային պատկանելիությունը որոշելու ժամանակ թույլ տված պատմական սխալը»:¹

Պլենումի մասնակիցները գիշերվա ժամը 3-ին միանում են Լեռնի հրապարակում հավաքված ցուցարարներին: Արկաղի Մանուչյանովն ամբողջ հայ ժողովրդի անունից շնորհակալություն է հայտնում մարզկոմի պլենումի անդամներին և հույս հայտնում, որ Արցախ-Ղարաբաղը ընդմիջտ կլինի մայր հայրենիքի հետ: Արցախցիները դեռևս հավատացած էին, թե Մոսկվան կնահանջի իր հակահայկական դիրքորոշումից: Սակայն «Պրավդայի» 1988թ. մարտի 21-ի համարում տպագրված «Հույզեր և բանականություն» վերտառությամբ սադրիչ հոդվածը ցույց տվեց հակառակը: Ի պատասխան այդ հոդվածի՝ արցախահայությունը մարտի 24-ին դիմեց համընդհանուր գործադուլի, որը շարունակվեց մինչև ապրիլի 5-ը: «Կռունկը» փորձեց կանխել գործադուլը, սակայն չկարողացավ: «Պրավդայում» տպագրված այդ հերյուրանքը վիրավորական էր ոչ միայն արցախահայության, այլև աշխարհասփյուռ հայության համար: ԼԴԻՄ կուսմարզկոմի բյուրոն իր հերթին քննարկելով այդ հոդվածը՝ հիմնավորված և մերկացնող պատասխան ուղարկեց «Պրավդայի» խմբագրությանը, որը, ինչպես և պետք էր սպասել, չտպագրվեց:

1988թ. մարտի 24-ին ԽՄԿԿ կենտկոմը և ԽՍՀՄ Մինիստրների խորհուրդն ընդունեցին «Ադրբեջանական ԽՄՀ Լեռնային Ղարաբաղի ինքնավար մարզի սոցիալ-տնտեսական զարգացումը 1988-1995թթ. արագացնելու միջոցառումների մասին» օրապակաս

¹ Известия, 20.03.1988.

² Арутюнян В. Б., նշվ. աշխ., մաս 1, էջ 76:

¹ Խորհրդային Ղարաբաղ, 18.03.1988:

որոշումը: Այդ նպատակով հատկացվում էր 400 միլիոն ռուբլի, որը պետք է իրացվեր Ադրբեջանի իշխանությունների կողմից, ինչը ձեռնարկու էր ԼՂԻՄ-ին: Ակնհայտ է, որ Մոսկվան այդ գումարը տրամադրել էր Ադրբեջանին՝ Արցախի հիմնահարցն իսպառ ջնջելու համար: Այլ հարց էր, եթե այդ գումարն ուղղակի հատկացվեր Լեռնային Ղարաբաղին: Բնականաբար, արցախահայությունը կտրուկ մերժեց Մոսկվայի այդ պլանը: Այդ նույն օրը՝ մարտի 24-ին, Ադրբեջանական ԽՍՀ Գերագույն խորհուրդն ընդունեց «Լեռնային Ղարաբաղի, Ադրբեջանական և Հայկական ԽՍՀ-ների իրադրությունների առթիվ միութենական հանրապետությունների դիմումներին առնչվող միջոցառումների մասին» որոշումը, որով հանձնարարվում էր «տասնօրյա ժամկետում մշակել Լեռնային Ղարաբաղի ինքնավար մարզի տնտեսական և սոցիալ-մշակութային զարգացման հասունացած հարցերի լուծման նպատակին ուղղված համալիր միջոցառումներ... և ընդունել համապատասխան որոշում»:¹ Այդ նույն որոշմամբ արգելվեց «Կռունկի» և նրա ղեկավար մարմնի գործունեությունը: Հետագայում՝ 1990թ. փետրվարի 16-ին, Արկադի Մանուչարովը Մոսկվայի Բուստրյան բանտում հայտարարել է. «Իմ և իմ գլխավորած «Կռունկ» կոմիտեի գործունեությունը կրում էր խաղաղ և սահմանադրական բնույթ և իմ ժողովրդի նկատմամբ պրոֆուկացիայի ոչ մի առիթ չի տվել»:² Պարզապես Մոսկվայից թելադրված նույն սցենարով միաժամանակ արգելվեցին «Ղարաբաղ» կոմիտեն և «Կռունկը»: Վերոհիշյալ որոշման պահանջների իրագործումը դրվում էր Ադրբեջանի իրավապահ մարմինների վրա: «Կռունկի» անդամները, մասնավորապես խորհուրդը, որոշեցին անցնել ընդհատակ:

«Ղարաբաղ» կոմիտեի և «Կռունկի» արգելումը մեծ բողոք առաջ բերեց ոչ միայն Հայաստանում և Արցախում, այլև ամբողջ խորհրդային Միությունում և սփյուռքահայության շրջանում: Հրապարակախոս Հ.Բորովիկի հետ 1988թ. մարտի 28-ին ունեցած հանդիպման ժամանակ Սիլվա Կապուտիկյանը հայ ժողովրդի անունից խիստ անհանգստություն հայտնեց «Ղարաբաղ» կոմիտեի և «Կռունկի» գործունեությունն արգելվելու առթիվ: Նա այսպես ավարտեց իր խոսքը. «Վերջերս վերացվեց Ղարաբաղի հարցը տնօրինող մեր հանրապետական կոմիտեն, և պարզ է, որ կոմիտեականները դեռևս հնարավորություն կունենան ազատ ու հանգիստ շարունակելու իրենց առօրյա գործն ու կյանքը: Իսկ ի՞նչ պիտի կատարվի Ղարաբաղի այդ նույն կոմիտեի անդամների հետ: Մենք չենք մոռացել այն-

տեղ տասնամյակներ մոլեգնած շովինիզմի և բռնությունների հակահայկական դեպքերը: Ուրեմն մենք պարտավոր ենք սատար կանգնել մեր արյունակիցներին ու վերին ղեկավարության միջամտությունն ապահովել, որպեսզի Ղարաբաղը այս անգամ ևս չդառնա դաժան հաշվեհարդարի ասպարեզ»:¹

1988-ի մարտի վերջերից Ղարաբաղյան շարժումը մտավ պայքարի նոր փուլ և ընդգրկեց ժողովրդական զանգվածների ավելի լայն շրջան:

Այսպիսով, 1988թ. փետրվարի վերջից մինչև մարտի վերջը Ղարաբաղյան շարժումը վերածվեց համազգային պայքարի, որի ժամանակ հարյուր հազարավոր հայեր դուրս գալով համընդհանուր պայքարի՝ առաջ մղեցին Արցախի հիմնահարցը և խորհրդային կայսերապետության վերադաս մարմիններից պահանջեցին այն լուծել ժողովրդավարական պահանջներին ու ազգերի ինքնորոշման սկզբունքներին համապատասխան: Այդ ժամանակաշրջանում հայ ժողովրդի պայքարը տարվում էր կռու ու միասնական, ժողովրդավարական պայքարի սկզբունքներին համապատասխան: Սակայն կենտրոնական իշխանությունները և Բաքուն հայ ժողովրդի այդ ժողովրդավարական պայքարին պատասխանեցին բռնություններով և վանդալիզմով, որի արդյունքը եղան Մոսկվայի ռոլբերգությունը և «Ղարաբաղ» ու «Կռունկ» կոմիտեների նկատմամբ իրագործված հետապնդումները:

¹ Бакинский рабочий, 25.03.1988.

² Թովմայան Վ. Հ., Արաքանյան Վ. Ա., Ներսիսյան Յու. Բ., Եզվ. աշխ., էջ 150:

¹ Ուլուբաբյան Բագրատ, Արցախյան զոյապայքարի տարեգրություն, էջ 61:

ՉԼՈՒԽ ԵՐԿՐՈՐԴ
ՁԻՆՎԱԾ ԸՆԴՀԱՐՈՒՄՆԵՐԻՑ ՄԻՆՉԼ ԱՐՑԱՆԻ ԱՆԿԱՆԱՑՈՒՄ
/1988թ. ԳԱՐՈՒՆ – 1991թ. ՍԵՊՏԵՄԲԵՐ/

**1. Իրավիճակը 1988թ. մարտի վերջից մինչև ԽՍՀՄ Գերագույն
խորհրդի 1988թ. հուլիսի 18-ի նախագահության նիստը**

Համաժողովրդական բնույթ ստացած Ղարաբաղյան շարժու-
նը վարկաբեկելու նպատակով խորհրդային Միության կենտրոնա-
կան լրատվամիջոցները նորանոր հերյուրանքներ էին հորինում, սա-
կայն պայքարը գնալով ավելի սուր բնույթ էր ընդունում: Արցախա-
հայության՝ «Եթե մեր պահանջը չկատարվի, ապա պարտիզանա-
կան պատերազմ կսկսվի»¹ կոչը լայն արձագանք գտավ ամբողջ
երկրում: Միության տարբեր անկյուններից բազմաթիվ նամակներ և
հեռագրեր էին ստացվում, որոնցում «ողջախոհության» էին հորդո-
րում արցախցիներին: Դրա հետ մեկտեղ, երկրի ականավոր շատ
գիտնականներ, գրողներ ու մշակույթի ներկայացուցիչներ պաշտ-
պանում էին Արցախի ձգտումը և բարձրագույն իշխանություններից
պահանջում հիմնախնդրի արդարացի լուծում: Խաղաղության և
Մ.Գորբաչովին ուղղած նամակում անհանգստություն էր հայտնում
Լեռնային Ղարաբաղում տիրող իրադարձությունների համար, որը
խորհրդային Ադրբեջանին բռնակցվելուց հետո դարձել էր «ազգա-
միջյան բախումների մշտական աղբյուր», որտեղ «տեղ են գտել ազ-
մանականության, թելադրանքի, հայկական մշակույթի սահ-
մանափակման բազմաթիվ փաստեր»:² Ա.Սախարովն իր նամակում
բացահայտում էր խորհրդային բարձրագույն իշխանությունների
կողմից հայ ժողովրդի նկատմամբ իրագործված հակասահմանադ-
րական և վարկաբեկիչ գործողությունները: «Խորհրդային իշ-
խանության մարմնի միջնորդության նորմալ, սահմանադրու-
թյուններով ընդհանրական փոխարեն, - գրել է նա, - սկսվեցին գերազանցապես
հայերին ուղղված խուսանավումներն ու հորդորները, միաժամա-
նակ մամուլում ու հեռուստատեսությամբ երևան եկան հաղորդում-
ներ, որոնցում իրադարձությունները շարադրվում էին ոչ լրիվ և
միակողմանի, իսկ հայ բնակչության օրինական խնդրանքները
սկսեցին հայտարարվել որպես ծայրահեղական, և կարծես թե նա-
խօրոք կանխորոշվում էր բացասական պատասխանը: Ցավոք, հար-
կադրված ենք արձանագրել, որ արդեն առաջին անգամ չէ սրված ի-
րադրության մեջ իրապարակայնությունը ճնշվում հենց այն ժամա-

նակ, երբ հատկապես պետք է»:¹ Հայտնի իրավապաշտպանը հույս
ունեն, որ «երկրի ղեկավարությունը, քաղաքապետը, ԽՍՀՄ կենտրոնը
և ԽՍՀՄ Գերագույն խորհուրդը կգտնեն իրադրությանը համապա-
տասխան վճռական, ժողովրդավարական և սահմանադրական մի-
ջոց»:²

Արցախահայության ազգային-ազատագրական պայքարի
շտաբը՝ «Կռունկը», արգելվելուց հետո խորհրդի անդամներն աշ-
խատանքները շարունակում էին ընդհատակում: Երկրամասում
շարունակվում էր գործադուլը, չէին դադարում ցույցերն ու հանրա-
հավաքները: Քանի որ Լեռնի անվան հրապարակը շրջափակվել էր
ոստիկանական ուժերով, «Կռունկը» և պայքարի ակտիվիստները ո-
րոշեցին հանրահավաքները շարունակել Հաղթանակի հրապար-
ակում:

1988թ. մարտի վերջերին, իբրև շարժման ղեկավար, «Կռուն-
կին» փոխարինեց Տնօրենների խորհուրդը, որը ստեղծվել էր
խորհրդային օրենքների հիման վրա՝ դեռևս 1980-ական թվական-
ների սկզբին, սակայն վերջին տարիներին նրա գործունեությունը
խիստ թուլացել էր: Խորհրդի նախագահ ընտրվեց Ստեփանակերտի
էլեկտրատեխնիկական գործարանի տնօրեն Բորիս Առուշանյանը:
«Կռունկի» խորհրդի անդամները կարող էին մասնակցել Տնօրեն-
ների խորհրդի նիստերին, հանդես գալ ելույթներով և առաջար-
կություններով:

1988թ. մարտի 28-ի երեկոյան տեղի է ունենում «Կռունկի»
խորհրդի վերջին նիստը, որը լսում է ղեկավարության հաշվետ-
վությունը:³ «Կռունկի» և նրա խորհրդի գործունեությունը գնահատ-
վում է դրական, և որոշվում է աշխատանքները շարունակել ընդհա-
տակում: Աշխատանքները պետք է տարվեն Տնօրենների խորհրդի
հետ համատեղ:

Այդ օրերին մարզի աշխատավորները գործադուլը շարունա-
կում էին: ԼՂԻՄ կուսմարզկոմը դիմելով երկրամասի բոլոր կոմու-
նիստներին և աշխատավորներին՝ խնդրում էր «դրսևորել հանգրս-
տություն, զսպվածություն և տոկունություն ու վերադառնալ աշխա-
տատեղերը»:⁴ Մարզի աշխատանքային ռիթմը վերականգնելու
հարցը դարձել էր հրատապ խնդիր: ԼՂԻՄ կուսմարզկոմի բյուրոն
մարտի 31-ին քննարկելով Ստեփանակերտի արդյունաբերական
ծեռնարկություններում ստեղծված վիճակը կարգավորելու հարցը՝

¹ Известия, 24.03.1988.

² Андрей Сахаров о Нагорном Карабахе, ст. 5.

¹ Андрей Сахаров о Нагорном Карабахе, ст. 5.

² Սույն տեղում, էջ 6:

³ Известия, 30.03.1988.

⁴ Խորհրդային Ղարաբաղ, 24.03.1988:

որոշեց կուսմարզկոմի, մարզգործկոմի և կոմբեխտմիության մարզկոմի անունից դիմել մարզի աշխատավորներին՝ կոչ անելով «վճռականորեն հրաժարվել ամեն տեսակի հրահրողներից, պրովկատորներից, բանսարկուներից, մեր ընդհանուր գործի հակառակորդներից, ունկնդրել բանակառության ծայրին, դրսևորել պատասխանատվություն, քաղաքացիական և քաղաքական հասունություն, կազմակերպված դուրս գալ աշխատանքի»:¹ Այդ կոչն ունեցավ դրական նշանակություն, և հարյուրավոր աշխատողներ վերադարձան աշխատատեղեր:

Հայաստանում, Արցախում և Ադրբեջանում կատարվող իրադարձություններն անաչառ լուսաբանելու նպատակով մարտի վերջերին իր ստեղծագործական խմբով երևան, Ստեփանակերտ և Բաքու այցելեց անվանի հեռուստալրագրող ու հրապարակախոս, Կենտրոնական հեռուստատեսության «Դիրքորոշում» հաղորդաշարի հեղինակ և վարող Հենրիխ Բորովիկը: Նա ամենուր կինոխցիկի առաջ ազատ արտահայտվելու հնարավորություն տվեց մարդկանց:

Գործադուլից դուրս գալու համար լայն աշխատանքներ էին ծավալել սկզբնական կուսկազմակերպությունները: Ղարմետաքսկոմբինատի կուսկազմակերպության քարտուղար, Տնօրենների խորհրդի անդամ Ռոբերտ Քոչարյանը մարտի 30-ին լրատվամիջոցներին տեղեկացնում է, որ կոմբինատում աշխատանքի են դուրս եկել ընդամենը 308 հոգի, որը կազմում էր կոմբինատի բոլոր ախատողների հինգերորդ մասը: Նա գտնում էր, որ «Ստեփանակերտում աշխատանքի չգալը հասարակական-ժողովրդավարական զարգացման հակառակորդներին առիթ է տալիս հայտարարելու, թե ժողովրդին չպետք է ազատություն տալ: Միա և արդյունքը»: Իսկ վաստակավոր դերասանուհի ժաննա Գալստյանը, որը «Կռունկի» անդամ էր և ղեկավարում էր միտինգներն ու ցույցերը կազմակերպող հանձնաժողովը, նույնպես լրատվամիջոցներին դժգոհություն է հայտնում ղարաբաղցիներին «ծայրահեղական» պիտակավորելու համար՝ շեշտելով, որ «մենք բարոյական իրավունք չունենք մի կողմ քաշվել և մեզնից հանել մեր հողի վրա տեղի ունեցող իրադարձությունների պատասխանատվությունը»: Նա պնդում էր, որ «աշխատանքի դուրս չգալը միայն խանգարում է մեզ հուզող հարցի ճիշտ վճռին» և բոլորին կոչ էր անում դուրս գալ աշխատանքի:² Ի վերջո ապրիլի 4-5-ը գործադուլը դադարեցվեց, և աստիճանաբար վերականգնվեց աշխատանքային ռիթմը: Աշխատանքները վերսկսվեցին նաև կոլտնտեսություններում, մշակույթի օջախներում

¹ Խորհրդային Ղարաբաղ, 1.04.1988:

² Известия, 1.04.1988.

և ուսումնական հաստատություններում: ԼՂԽՄ կուսմարզկոմի բյուրոյի անդամների և թեկնածուների անունից ԽՄԿԿ կենտկոմի քաղբյուրո ուղարկվեց նամակ, որում մեկ անգամ ևս խնդրվում էր «Լեռնային Ղարաբաղի հիմնախնդիրները վճռել ազգերի ինքնորոշման ոգուն համապատասխան, հաշվի առնելով նրա բնակչության ճնշող մեծամասնության կամքը»:¹

Ապրիլի 26-ին կենտրոնական հեռուստատեսությամբ ցուցադրվեց Հենրիխ Բորովիկի «Լեռնային Ղարաբաղ, բարձրաձայն խորհում» հաղորդումը՝ նվիրված Արցախին: Հեռուստադիտողների ցանկությամբ հաղորդումը մայիսի 12-ին կրկնվեց: Այդ հաղորդումն առաջին հաջող փորձն էր՝ ճշմարիտ խոսք ասելու Ղարաբաղյան հիմնախնդրի մասին:

1988-ի մայիսմեկյան տոնակատարությունը Ստեփանակերտում վերածվեց համընդհանուր ցույցի, որի հիմնական պահանջը Արցախի վերամիավորումն էր Հայաստանին: «Հավատում ենք, լեռնիցյան դիրքերից կվճռվի Ղարաբաղի խնդիրը» կարգախոսը տանում էին գրեթե բոլոր հիմնարկ-ծեռնարկությունների կոլեկտիվները:²

Այդ օրերին Շուշիում բնակվող ադրբեջանցիներն ակտիվացնում են հակահայկական գործողությունները: Շուշիում տեղի ունեցող հանրահավաքները, որոնց մասնակցում էին նաև հարևան գյուղերից եկած ադրբեջանցիները, կրում էին բացահայտ հակահայկական բնույթ: Շուշիի ադրբեջանցիները սպառնում էին հաշվեհարդար տեսնել քաղաքի հայ բնակչության հետ, ինչպես դա արվել էր 1920թ. մարտին: Նրանք Ադրբեջանի իշխանություններից պահանջում էին լուծարել Լեռնային Ղարաբաղի ինքնավար Մարզը: Քաղաքի հայերին թույլ չէին տալիս գնալ աշխատանքի, իսկ երեխաներին՝ դպրոց: Մայիսի 16-ից սկսած, երեք օրվա ընթացքում, Շուշիի հայերի մեծամասնությունը վտարվում է քաղաքից, իսկ նրանց տներն ու ամբողջ ունեցվածքը՝ կողոպտվում: ԼՂԽՄ կուսմարզկոմի բյուրոն մայիսի 17-ին քննարկելով «Շուշի քաղաքում պրովոկացիաների մասին» հարցը՝ խստորեն դատապարտում է Շուշիում հակահայկական գործողությունների կազմակերպիչներին:

Արցախահայերը դեռևս այն կարծիքին էին, որ Մոսկվան չի անտեսի իրենց պահանջը: Այդ հույսով էլ կրկին Մոսկվա ուղարկվեց պատվիրակություն՝ Համլետ Գրիգորյանի գլխավորությամբ:³ Այն

¹ Арутюнян В.Б., նշվ. աշխ., մաս 1, էջ 68-75:

² Խորհրդային Ղարաբաղ, 3.05.1988:

³ Պատվիրակության կազմը հետևյալն էր. Լեռնիդ Մալիցյան, Վաղարշակ Հայրապետյան, Արգիլ Մխիթարյան և Լավրենտ Ղալայան:

Մոսկվայում ունեցավ բազմաթիվ հանդիպումներ, սակայն շոշափելի արդյունքի չհասնելով՝ մայիսի 24-ին վերադարձավ Երևան: Հաջորդ օրը ելույթ ունենալով Թատերական հրապարակում տեղի ունեցած բազամահազարանոց հանրահավաքում՝ Համլետ Գրիգորյանը նշեց, որ Մոսկվայում Ղարաբաղի պատվիրակությանը հասկացրել են, որ առաջին Լեռնային Ղարաբաղի հարցը չի քննարկվում ոչ Հայաստանի և ոչ էլ Ադրբեջանի Գերագույն խորհուրդներում, առանց որի հնարավոր չէ լուծել այդ հարցը: Ելնելով դրանից՝ նա կոչ արեց Հայաստանի Գերագույն խորհրդից պահանջել քննարկել ԼՂԻՄ մարզխորհրդի 1988թ. փետրվարի 20-ի որոշումը:

Ադրբեջանի կոմկուսի կենտկոմի պլենումը 1988թ. մայիսի 21-ին զբաղեցրած պաշտոնից ազատեց Զ.Բաղդիրովին և կենտկոմի առաջին քարտուղար ընտրեց Ա.Վեզիրովին: Պլենումում հսկված կենտկոմի քարտուղար Եգոր Լիզաչովը հայտարարեց, թե հսկված կենտկոմում ԼՂԻՄ-ը Հայաստանին վերադարձնելու հարց չի քննարկվելու, քանի որ կենտկոմը միտում չունի Միությունում տարածքային փոփոխություններ կատարելու: Իշխանությունները սկսեցին նոր հավածանքներ. Ստեփանակերտում ամենուր զրահաբաճկոններով հանդերձավորված, դազանակներով ու վահաններով զինված զինվորականներ էին: Փողոցներում չորս հոգուց ավելի մարդկանցով խմբվելն արգելվում էր: Ձինվորականները շրջապատել էին մի շարք հիմնարկ-ձեռնարկություններ, հատկապես մանկավարժական ինստիտուտը: Շարժման ղեկավարներն ու ակտիվիստները խիստ հսկողության տակ էին:

Ս.Գորբաչովի հրավերով ԼՂԻՄ կուսմարզկոմի առաջին քարտուղար Յ.Պողոսյանը հունիսի 9-ին մեկնում է Մոսկվա: Ս.Գորբաչովի հետ հանդիպմանը մասնակցում են նաև Ադրբեջանի և Հայաստանի կոմկուսների կենտկոմների առաջին քարտուղարները: Մոսկվայից վերադառնալով՝ Յ.Պողոսյանը պատմում է Ս.Գորբաչովի հետ հանդիպման մասին՝ նշելով, որ երկրի ղեկավարությունը չի ցանկանում կարեկից լինել Լեռնային Ղարաբաղի հոգսերին և արցախահայության ցավերին: Այդ հանդիպման ժամանակ Ս.Գորբաչովը Հայաստանի և Ադրբեջանի կոմկուսների կենտկոմների առաջին քարտուղարներին հանձնարարել էր իրենց հանրապետությունների Գերագույն խորհուրդներում քննարկել ԼՂԻՄ մարզխորհրդի 1988-ի փետրվարի 20-ի որոշումը և ընդունել համապատասխան որոշումներ: Ադրբեջանական հսկված Գերագույն խորհրդի նախագահությունը հունիսի 13-ին քննարկելով հարցը՝ որոշում է, որ իբր այն հակասում է «հայ և ադրբեջանցի ժողովուրդների շահերին» և չի

համապատասխանում «մեր երկրի բոլոր ժողովուրդների բարեկյանության ամրապնդմանը, վերակառուցման խնդիրներին»:¹ Այդ որոշումը հաստատվում է Ադրբեջանական հսկված Գերագույն խորհրդի հունիսի 17-ին տեղի ունեցած արտահերթ նստաշրջանում: Իսկ մինչ այդ՝ հունիսի 15-ին, Հայկական հսկված Գերագույն խորհրդի նստաշրջանը համաձայնություն էր տվել ԼՂԻՄ-ը ընդունել Հայկական հսկված Գերագույն Կազմի մեջ: Այդ որոշման առաջին կետում ասված է. «Համակողմանիորեն ուսումնասիրելով Ադրբեջանական հսկված Լեռնային Ղարաբաղի Ինքնավար Մարզի ժողովրդական պատգամավորների մարզային խորհրդի 1988 թվականի փետրվարի 20-ի արտահերթ նստաշրջանի որոշումը և իրավիճակը, ինչպես նաև ԼՂԻՄ-ի և Հայկական հսկված Գերագույն Կազմի արտահայտությունը, ղեկավարվելով ազգերի ազատ ինքնորոշման իրավունքի մասին հսկված Միության 70 հոդվածով, համաձայնություն տալ Լեռնային Ղարաբաղի Ինքնավար Մարզը Հայկական հսկված Կազմի մեջ մտնելուն»:²

Երբ Արցախում հայտնի դարձավ, որ հուլիսի 18-ին տեղի ունեցավ հսկված Գերագույն խորհրդի նախագահության միստում պետք է քննարկվի ԼՂԻՄ-ի հիմնահարցը, ժողովրդի ճնշման տակ հունիսի 12-ին տեղի ունեցավ ԼՂԻՄ-ի մարզխորհրդի 20-րդ գումարման ութերորդ արտահերթ նստաշրջան: Այն քննարկեց «Լեռնային Ղարաբաղի Ինքնավար Մարզի» Ադրբեջանական հսկված Կազմից դուրս գալու հռչակման մասին» հարցը և ընդունեց համապատասխան որոշում: Հաշվի առնելով ստեղծված վիճակը, Արցախի բնակչության ճնշող մեծամասնության պետական կամքը և ելնելով միասնական միութենական բազմազգ պետության ազգային պետական կառուցման արժեքները ընկած ազգերի ինքնորոշման իրավունքի մասին լեռնային սկզբունքից՝ այն հռչակում էր «Ադրբեջանական հսկված Կազմից Լեռնային Ղարաբաղի Ինքնավար Մարզի դուրս գալը»: Ի նկատի ունենալով, որ Ադրբեջանական հսկված Կազմի հետ կապերը զործնականում խզված են, «մարզի համար միակ ընդունելին» էր համարվում «Լեռնային Ղարաբաղի հարցի վերաբերյալ Հայկական հսկված Գերագույն խորհրդի 1988 թվականի հունիսի 15-ի նստաշրջանի որոշման իրագործումը»:³ Ե.Լիզաչովը Մոսկվայից անմիջապես զանգում է Հենրիխ Պողոսյանին ու պահանջում հրավիրել կուսմարզկոմի բյուրոյի միստ և ըստ արժանվույն գնահատական տալ մարզխորհրդի որոշմանը:

¹ Бакинский рабочий, 14.06.1988.

² խորհրդային Հայաստան, 16.06.1988:

³ խորհրդային Ղարաբաղ, 13.07.1988:

ԼԴԻՄ մարզկոմի բյուրոն հուլիսի 13-ին քննության առնելով Ե.Լիզաչովի պահանջը՝ արձանագրում է, որ մարզկոմի բյուրոն բազմիցս է հայտարարել, թե համամիտ է մարզի բնակչությանն ու կոմունիստներին և պաշտպանում է ԼԴԻՄ-ը Հայաստանին միավորելու պահանջը:¹ Այդ օրերին լիտվացիների կողմից Մ.Գորբաչովին ուղարկված հեռագրում պահանջվում էր Լեռնային Ղարաբաղի հիմնահարցը լուծել հանրաքվեի միջոցով, բոլոր հանրապետությունների դիտորդների մասնակցությամբ:² Այսպիսին էր իրավիճակն Արցախում ԽՍՀՄ Գերագույն խորհրդի նախագահության 1988 թ. հուլիսի 18-ի նիստից առաջ:

«Ղարաբաղ» կոմիտեն արգելվելուց հետո Հայաստանում համաժողովրդական պայքարը չթուլացավ: Հանրապետությունում հասունանում էր Ղարաբաղի կարգավիճակի հարցում կենտրոնին չենթարկվելու գաղափարը: Սակայն Հայաստանի ղեկավարությունը գտնվում էր շարժման հակառակորդի ճամբարում: Կ.Դեմիրճյանը մարտի 23-ին հանդես գալով Հայաստանի հեռուստատեսությամբ՝ փորձում էր ժողովրդին համոզել, որ «միտինգային մեթոդներով» դժվարին հարցերի որոշումը հնարավոր չէ:³

Մարտի վերջին գործ մտցվեց Երևան, և Թատերական հրապարակն օղակվեց: Մայրաքաղաքի երկնքում սավառում էին ռազմական ուղղաթիռները՝ փորձելով բնակչության վրա ահ ու սարսափ տարածել: Մարտի 21-ին «Պրավդայում» տպագրվեց «Հույզեր և բանականություն» հոդվածը, որը թարգմանաբար տպագրվեց «խորհրդային Հայաստան» թերթի մարտի 23-ի համարում: Այն հարված էր արցախահայության, ինչպես և ամբողջ հայ ժողովրդի ազատագրական պայքարի դեմ: Անցած մեկ ամսվա ընթացքում հանրապետությունում ավելի սրվեցին հակասությունները խորհրդային իշխանությունների և Շարժման մասնակիցների միջև:

Ավելին, 1988թ. մայիսմեկյան շքերթի ժամանակ կոմիտեականները գնում էին իրենց կարգախոսներով: Այդ օրը Հայաստանի իշխանությունների կողմից ձեռքակալվեցին շարժման ութ մասնակիցներ: Այդ և այլ իրադարձություններ հանրապետությունում վիճակն ավելի սրեցին: Մայիսի սկզբին լուր տարածվեց, թե Բաքվից Երևան է գալիս հատուկ տուրիստական գնացք՝ բարեկամական ժեստով: Հազարավոր մարդիկ հավաքվելով ՀԽՍՀ Գիտությունների ակադեմիայի նախագահության շենքի դիմաց՝ հանրապետության

իշխանություններից պահանջեցին չընդունել այդ գնացքը:¹ Ակադեմիկոս Վիկտոր Համբարձումյանը հայտարարեց, որ ակադեմիան միշտ եղել է ժողովրդի հետ, հիմա էլ պաշտպանում է նրա արդարացի պահանջները: Նա վստահեցրեց, որ այդ տուրիստական գնացքը երևան չի մտնի:² Եվ, իսկապես, այն Թբիլիսիից հետո վերադարձավ:

1988թ. մայիսի 17-ից Երևանում հանրահավաքները տեղի էին ունենում դրամատիկ իրավիճակում, որը հիմնականում կապված էր «Ղարաբաղ» կոմիտեի ներսում տեղի ունեցող խմորումների հետ: 1988թ. մայիսի երկրորդ կեսին Հայաստանում հանրահավաքներն ու ցույցերը լիովին համազգային բնույթ էին կրում: Սակայն հանրահավաքներում բորբոքվում էին ներքին երկպառակությունները: Ցավոք, կոմիտեում ղեկավարության ձգտող նորեկների իսկական նպատակն ամեն գնով իշխանության հասնելն էր: Ըստ էության, Ղարաբաղյան հիմնախնդիրը չէր հետաքրքրում նրանցից շատերին ու լոկ ժողովրդին խաբելու քող էր: Նրանց ճանապարհին լուրջ խոչընդոտ էր «Ղարաբաղ» կոմիտեն, որի բուն նպատակը Հայաստանի հետ Լեռնային Ղարաբաղը վերանիավորելն էր: Այդ հարցում անզիջում էր մամաձանդ Իգոր Սուրադյանը: Այդ իսկ պատճառով նրան և նրա համախոհներին կոմիտեից հեռացնելը դարձավ նորեկների հիմնական կարևոր խնդիրը: Մայիսի 19-ի հանրահավաքում նորեկ կոմիտեականները հայտարարեցին, թե հանրապետության ղեկավարները ժողովրդի հետ չեն եղել և չեն լինի, քանի որ կաշառվում են ադրբեջանցիների կողմից: Ապա սպառնացին, որ «կոմիտեի մեծամասնությունը կթողնի ու կհեռանա, և ամբողջ պատասխանատվությունը թող ընկնի Իգոր Սուրադյանի վրա»:³

«Ղարաբաղ» կոմիտեն պառակտելու և նրա առաջին ղեկավարներին ասպարեզից հանելու գործում պակաս դեր չունեց նաև Հայաստանի ՊԱԿ-ը: Պա է ապացուցում նրա նախագահ Մ.Յուզբաշյանի ստորագրությամբ 1988թ. հուլիսի 14-ին Հայկոմկուսի կենտրոնում ուղարկված գաղտնի զեկուցագիրը: Այնտեղ ասված է, թե «Ղարաբաղ» կոմիտեում գլուխ է բարձրացրել «եկրորդ սերունդը», որը «նեղելով առաջին սերնդին»՝ «գրավել է նրա տեղը»: Նա չէր քաքցում, որ երկու սերունդները գործում էին միասին և «հանրապետության ՊԱԿ-ը գործադրել է որոշ ջանքեր, որպեսզի նրանց միջև սեպ խրի և քայքայի կոմիտեն»: Ըստ ՊԱԿ-ի մեկնաբանության՝ «առաջին սերունդը» հասկանում էր «եկրորդ սերնդի» վտանգավոր նպատակները և «պատասխանատվությունը» նրանց առաջ քաշելու

¹ Арутюнян В.Б., նշվ. աշխ., մաս 1, էջ 117:

² Նույն տեղում:

³ խորհրդային Հայաստան, 24.03.1988:

¹ ՀՀ ՀԶԿՓ ԿՊԱ, ֆ.1, ց.87, գ.18, թ.66:

² Նույն տեղում:

³ Նույն տեղում, գ.19, թ.13-14:

գործում»։ Մ.Յուզբաշյանը գտնում էր, որ կոմիտեի «երկրորդ սերունդն» ավելի ազդեցիկ է։¹

Եվ այսպես, «Ղարաբաղ» կոմիտեից դուրս մղվեց «առաջին սերունդը», այսինքն՝ Իգոր Սուրբադյանը և նրա ընկերները, ովքեր Ղարաբաղյան շարժման գլուխ էին կանգնած հենց սկզբից։ Հայկոմկուսի կենտկոմի շենքի դիմաց 1988թ. մայիսի 31-ին տեղի ունեցած հանրահավաքի ժամանակ հայտարարվեց, որ «Ղարաբաղ» կոմիտեն համալրվել է նոր անդամներով՝ Վազգեն Մանուկյան, Համբարձում Փալստյան, Աշոտ Մանուչարյան, Սամսոն Ղազարյան, Սամվել Քևորգյան և Վանո Սիրադեղյան։²

1988թ. մայիսի 21-ին Երևան ժամանեցին ԽՍՀՄ կենտկոմի քաղբյուրոյի անդամ Ա.Յակովլևը և անդամության թեկնածու Վ.Դոլգիլը։ Այդ նույն օրն էլ կայացած Հայկոմկուսի կենտկոմի պլենումը «Կ.Գեմիլրձյանին ազատեց Հայաստանի կոմկուսի կենտկոմի առաջին քարտուղարի և կենտկոմի բյուրոյի անդամի պարտականություններից»՝ իբր առողջական վիճակի պատճառով կենսաթոշակի անցնելու կապակցությամբ։ Պլենումը ՀԿԿ կենտկոմի առաջին քարտուղար ընտրեց Ս.Հարությունյանին։³

Հայաստանի կոմկուսի կենտկոմը և Մինիստրների խորհուրդը մայիսի 26-ին համատեղ որոշում ընդունեցին ԽՍՀՄ Մինիստրների խորհրդի մայիսի 24-ի՝ «Ադրբեջանական ԽՍՀ Լեռնային Ղարաբաղի Ինքնավար Մարզի սոցիալ-տնտեսական զարգացումը 1988-1995թթ. արագացնելու միջոցառումների մասին» որոշումն իրագործելու վերաբերյալ։ Դրանում հիմնական տեղը հատկացվում էր Արցախում հեռուստահաղորդումների որակի բարձացմանը, պատմական հուշարձանների վերականգնմանը, ավտոճանապարհների շինարարությանը և նման բնույթի այլ խնդիրների լուծմանը։⁴

1988թ. մայիսի վերջին և հունիսի առաջին կեսին Հայաստանում տեղի ունեցած իրադարձությունները հիմնականում առնչվում էին հանրապետությունում գործադուլներն ու ցույցերը կանխելու և հունիսի 15-ին տեղի ունենալիք Հայկական ԽՍՀ Գերագույն խորհրդի նստաշրջանին նախապատրաստվելու խնդիրների հետ։ Դրանց քննարկումն ընթանում էր սուր հակասությունների պայմաններում։

Ղարաբաղյան շարժման նվիրյալները հունիսի 4-ից սկսում են ստորագրահավաք՝ Հայկական ԽՍՀ Գերագույն խորհրդի պատգամավորներից պահանջելով առաջիկա նստաշրջանում պաշտպանել

ԼՂԻՄ մարզխորհրդի փետրվարի 20-ի որոշումը։ Միայն հունիսի 4-ին և 5-ին ստորագրել և համաձայնության էին տվել 100 պատգամավոր։ Երևանի բնակիչներն ակտիվորեն պաշտպանում էին այդ նախաձեռնությունը և նրանց ներկայացրած պահանջը։²

ՊԱԿ-ի տվյալներով, Թատերական հրապարակում հունիսի 12-ի հանրահավաքին մասնակցում էր շուրջ 70 հազար մարդ։ Իսկ հունիսի 14-ին չէին աշխատում Երևանի բազմաթիվ խոշոր արդյունաբերական ձեռնարկություններ։ Փորձեր արվեցին կանգնեցնելու նաև մետրոն և քաղաքի տրանսպորտային մյուս միջոցները։

Դեռևս հունիսի 9-ին Հայկական ԽՍՀ Գերագույն խորհրդի նախագահությունը մի խումբ պատգամավորների նախաձեռնությամբ հունիսի 15-ի Գերագույն խորհրդի նստաշրջանի օրակարգի մեջ էր մտցրել «Լեռնային Ղարաբաղի Ինքնավար Մարզը Ադրբեջանական ԽՍՀ-ի կազմից Հայկական ԽՍՀ-ի կազմի մեջ մտցնելու վերաբերյալ Ադրբեջանական ԽՍՀ Գերագույն խորհրդի առջև միջնորդելու մասին» Ադրբեջանական ԽՍՀ Լեռնային Ղարաբաղի Ինքնավար Մարզի ժողովրդական պատգամավորների մարզային խորհրդի 1988 թվականի փետրվարի 20-ի արտահերթ նստաշրջանի որոշման մասին» հարցը։

1988թ. հունիսի 15-ին տեղի ունեցավ Հայկական ԽՍՀ 11-րդ գումարման Գերագույն խորհրդի յոթերորդ նստաշրջանը։ Գերագույն խորհրդի կուսակցական խմբի և Ավագների խորհրդի աջակցությամբ նստաշրջանը, ինչպես նշվել է, որոշում ընդունեց «համաձայնություն տալ Լեռնային Ղարաբաղի Ինքնավար Մարզը Հայկական ԽՍՀ կազմի մեջ մտնելուն»։ Միևնույն ժամանակ՝ ԽՍՀՄ Գերագույն խորհրդին խնդրվում էր քննարկել և դրական լուծել Լեռնային Ղարաբաղի Ինքնավար Մարզը Ադրբեջանական ԽՍՀ կազմից Հայկական ԽՍՀ կազմի մեջ անցնելու հարցը։ Բացի այդ, Հայկական ԽՍՀ Գերագույն խորհուրդը, դիմելով Ադրբեջանական ԽՍՀ Գերագույն խորհրդին, հույս էր հայտնում, որ այդպիսի որոշումը չի խախտի երկու հանրապետությունների ավանդական բարիդրացիական հարաբերությունները և ընթանումով կընկալվի ադրբեջանական ժողովրդի կողմից։³

Հայ ժողովուրդը ԽՍՀՄ 19-րդ կուսկոնֆերանսից որոշ սպասումներ ուներ։ Կոնֆերանսի հասցեով Մոսկվա ուղարկվեցին հարյուրավոր հեռագրեր և նամակ-խնդրագրեր, որոնցում ներկայացվում էր Լեռնային Ղարաբաղում տիրող ծանր վիճակը, և պա-

¹ ՀՀ ՀԶԿՓ ԿՊԱ, ֆ.1, ց.87, գ.87, գ.15, թ.36-37:

² Նույն տեղում, գ.14, թ.156-157:

³ Խորհրդային Հայաստան, 22.05.1988:

⁴ ՀՀ ՀԶԿՓ ԿՊԱ, ֆ.1, ց.87, գ.14, թ.1-3:

¹ ՀՀ ՀԶԿՓ ԿՊԱ, ֆ.1, ց.87, գ.87, գ.15, թ.36-37:

² Նույն տեղում, գ.14, թ.156-157:

³ Խորհրդային Հայաստան, 22.05.1988:

⁴ ՀՀ ՀԶԿՓ ԿՊԱ, ֆ.1, ց.87, գ.14, թ.1-3:

հանջվում կոնկրետ միջոցառումներ ձեռնարկել: Սակայն կոնֆե-
րանսը չարդարացրեց հայ ժողովրդի հույսերը:

Ժողովրդական պայքարի սկզբից Հայաստանում վիճակը ոչ
մի անգամ այնքան լարված չէր, որքան հուլիսի սկզբին: Թվում է, թե
տեղի ունեցած իրադարձություններն իրար հետ կապ չուներ, բայց
այդպես չէր: Տեղի ունեցած իրեղարձություններից մեկ ամիս անց՝ օ-
գոստոսի 14-ին, Հայաստանի ՊԱԿ-ի մի զեկուցագրում տրվել է այս-
պիսի բացատրություն. Երևան նոր գործառնախարհի տեղափոխելու հա-
մար պահանջվում էր 118 ինքնաթիռ: Դա նշանակում էր օդանավ-
ակայանը որոշ ժամանակով փակել ուղևորների համար: Ան-
հանգստացած հարյուրավոր մարդիկ ՀՀԸ-ականների կոչով քաղա-
քական հրապարակից ավտոբուսներով մեկնում են «Զվարթնոց» օ-
դանավակայան՝ իբր իմանալու ճշմարտությունը: Նրանք պատ-
րաստվում էին վերադառնալ, երբ զինվորականները գրոհում են օ-
դանավակայանի վրա: Դրա հետևանքով զոհվում են երկու հոգի, ո-
րոնցից մեկը՝ զինվորների զնդակից, իսկ մյուսը՝ սրտի կաթվածից:
Տասնյակ մարդիկ վիրավորվում են: Դեպքերին ակնատես մի լե-
նինգրադցի պատմելով «զինվորների անխղճության» մասին՝ կար-
ծիք է հայտնել, որ ՊԱԿ-ն անմասն չէր այդ գործողություններից:¹
Մյուս կարևոր իրադարձությունն այն է, որ հուլիսի 4-ից Երևանում
կոմիտեականների ճնշմամբ սկսվել էր ընդհանուր գործադուլ:
Սոցիալիստական աշխատանքի հերոս Սուրեն Պետրոսյանը հան-
դես գալով հեռուստատեսությամբ՝ օրինակ էր բերում, թե ինչպես
կոմիտեականները գալով «Նաիրիտ» գիտարտադրական միա-
վորում՝ պահանջել են անմիջապես դադարեցնել աշխատանքը: Նա
կոչ էր անում ցուցաբերել ողջամտություն և չզնայ սադրանքների:²
Հենց հուլիսյան այդ օրերին էր, որ «Գարուն» կարի արտադրական
միավորման Մասիսի մասնաճյուղում թունավորվեցին 51 հոգի: Լուր
էր տարածվել, թե իբր բանվորներին թունավորել էին աղբբեջանցի-
ները: Սակայն ԽՍՀՄ առողջապահության նախարարության
հանձնաժողովը հանրապետական հանձնաժողովի հետ միասին
պարզեց, որ թունավորումը մարդկային գործոնի հետևանք չէ:³
Այնուամենայնիվ ինքը՝ փաստը, նոր թափ է հաղորդում գոր-
ծադուլային շարժանը:

Ամենայն Հայոց կաթողիկոս Վազգեն Ի-ը 1988թ. հուլիսի 7-ին
հանդես գալով հայկական հեռուստատեսությամբ՝ նախ ցավ հայտ-
նեց «Զվարթնոց» օդանավակայանի շրջակայքում տեղի ունեցածի
առթիվ, ապա շեշտեց, որ արցախահայության պահանջը սահմա-

նադրական է և օրինական. «Երկու ամիս շարունակ, - նշեց նա, -
ունդի ունեցած հավաքներ զանգվածային միասնությամբ ու կարգա-
պահությամբ, առանց որևէ չափով խանգարելու մեր երկրի բնակա-
նուն կյանքի ընթացքը, ամեն ոք իր աշխատանքին լծված մնաց»: Վե-
հավառը հույս էր հայտնում, որ Դարաբաղյան հարցի «արդար
լուծումը պիտի շարունակվի հետապնդվել, մանավանդ որ կենտրո-
նական վերին մարմինները ևս լրջորեն մտախոզված են և ցան-
կանում են նպաստել հարցի լուծման սահմանադրության նախա-
տեսումների ու ժողովուրդների բարեկամության ուխտի հիմքի
վրա»: Նա կոչ էր անում չնոռանալ «ժողովրդի և հայրենիքի գե-
լուստունը շահերը», խնայել Արարատին:¹

Այսպիսով, 1988թ. հուլիսի կեսերին, երբ մոտենում էր ԽՍՀՄ
Պրագույն խորհրդի նախագահության միստի օրը, Արցախում ու
Հայաստանում մթնոլորտը շիկացած էր և պայթուցավտանգ:

Ի վերջո 1988թ. հուլիսի 18-ին կայացավ ԽՍՀՄ Գերագույն
խորհրդի նախագահության միստը, որը քննարկեց Լեռնային Դարա-
բաղի մասին Հայկական ԽՍՀ և Աղբբեջանական ԽՍՀ Գերագույն
խորհուրդների ընդունած որոշումները: Նիստում ելույթ ունեցան 29
հոգի, այդ թվում Հայաստանից՝ ակադեմիկոսներ Վիկտոր Համբար-
ձումյանն ու Սերգեյ Համբարձումյանը, ինչպես նաև Հրանտ Ոս-
կանյանը, Վարդգես Պետրոսյանը, Սուրեն Հարությունյանը և Հեն-
րիկ Պողոսյանը: Հայկական ԽՍՀ և Աղբբեջանական ԽՍՀ Գե-
լուստուն խորհուրդների նախագահներ Հ.Ոսկանյանի և Ս.Թաթևիկի
խսրդուղումներից հետո ելույթ ունեցավ Մ.Ս.Գորբաչովը: Նա միս-
տում տեղի թե անտեղի ընդհատում էր ելույթները, հաճախ էր փոր-
ձում դրանց տալ իրեն ցանկալի ուղղություն:

Մ.Գորբաչովն իր ելույթում սկզբում տալով քննարկվող հարցի
բաղաբական նշանակությունը՝ նշեց, որ այն «համամիութենական
մասշտաբի պրոբլեմ է», և բոլորը կենսականորեն շահագրգռված են,
որ «ամենամեծ և բարդ հարցերը լուծվեն հանգիստ, հիմնավորա-
պես» և «ընդհանուր շահերին համապատասխան»: Ըննարկվող
հարցը բնորոշելով «գերկարևոր... և գերբարդ», նա գտնում էր, որ
դրանք լուծելու համար «պետք է շատ հաստատական և խիզախ
բայլ կատարել, և որ գլխավորն է, հարկավոր են հանդիպական քայ-
լեր»: Այնուհետև Մ.Գորբաչովը Աղբբեջանի և Հայաստանի բոլոր քա-
ղաքացիներին կոչ արեց դրսևորել հասունություն, իսկական հայ-
րենասիրություն, առավելագույն ջանքեր գործադրել նորմալաց-
նելու իրադրությունը, կարգավորելու մարդկանց լավ հարա-

¹ ՀՀ ՀԶԿԹ ԿՊԱ, ֆ.1 ց.87, գ.15, ք.30:

² Հայաստանի Հանրապետություն, 10.07.1988:

³ Նույն տեղում, 3.07.1988:

¹ Հայրենիքի ծայն, 13.07.1988:

բերությունները»:¹

Արցախահայությունը և, ընդհանրապես, ամբողջ հայությունը ջերմությամբ ընդունեցին Հենրիխ Պոդլոսյանի ելույթը: Նա ասաց, որ «Լեռնային Ղարաբաղը մշտնջենական բնակեցված է եղել հայերով և հանդիսանում է նրանց հայրենիքի մի հատվածը», որը հետո Ի.Ստալինի և մյուսների մեղքով հայտնվել է Ադրբեջանի կազմում և 65 տարի շարունակ ենթարկվել «ստորացման, վիրավորանքների և ամեն տեսակի ճնշումների»: Այնուհետև նա համոզիչ փաստերով ցույց տվեց, թե խորհրդային իշխանության տարիներին Լեռնային Ղարաբաղի բնակչությունն ինչպիսի տնտեսական, քաղաքական ու մշակութային ճնշումների է ենթարկվել Ադրբեջանի կողմից: Նա ի լուր բոլորի հայտարարեց, որ «Լեռնային Ղարաբաղի ճակատագիրը կարող են լուծել միայն Լեռնային Ղարաբաղի բնակիչները», և նշեց. «Սուნიզայիթի ուրվականով և բազմաթիվ սպառնալիքներով պատին սեղմված Բաքվի և Ադրբեջանական ԽՍՀ այլ վայրերում ապրող հայերը հարկադրված են ստորագրել ցանկացած փաստաթղթի տակ, միայն թե անվտանգ լինի իրենց և իրենց երեխաների ապագան»: Արցախի ներկայացուցիչը վերջում անվարան հայտարարեց, որ «ստեղծված իրավիճակում միակ ճշմարիտ լուծումը կարող է լինել Լեռնային Ղարաբաղի դուրսբերումը Ադրբեջանի կազմից»:²

Ի վերջո ԽՍՀՄ Գերագույն խորհրդի նախագահությունն ընդունեց որոշում: Դրանում ասված է, որ ԽՍՀՄ Գերագույն խորհրդի նախագահությունը քննարկելով Լեռնային Ղարաբաղի հարցի առթիվ Հայկական ԽՍՀ և Ադրբեջանական ԽՍՀ Գերագույն խորհուրդների որոշումները՝ «անհնար է համարում Հայկական ԽՍՀ-ի և Ադրբեջանական ԽՍՀ-ի սահմանների և սահմանադրության հիման վրա հաստատված նրանց ազգային-տարածքային բաժանման փոփոխումը»: ԽՍՀՄ Գերագույն խորհրդի նախագահությունը ելնում էր այն դրույթից, թե «միութենական հանրապետության տարածքը չի կարող փոխվել առանց նրա համաձայնության»: ԽՍՀՄ Գերագույն խորհրդի նախագահությունը երկու հանրապետությունների կոչ էր անում «հնարավոր ամեն ինչ անել, որպեսզի վերականգնվեն ադրբեջանական և հայ բնակչության բարի, եղբայրական հարաբերությունները»: Նպատակահարմար էր դիտվում քննարկվող հարցի «ուսումնասիրումը հանձնարարել Ազգությունների խորհրդի հատուկ ստեղծվող հանձնաժողովին, որն իր առա-

ջարկությունները պատրաստ լինելուն պես կներկայացնի ԽՍՀՄ Գերագույն խորհրդի նախագահության քննարկմանը»:¹

Այսպիսով, ԽՍՀՄ Գերագույն խորհրդի նախագահության այս օրապակաս որոշումը, որն ընդունվեց միաձայն, ոչինչ չտվեց հայ ժողովրդին և, ընդհակառակը, ավելի բարդացրեց Ղարաբաղյան հիմնախնդիրը: Արդյունքում հայ-ադրբեջանական հարաբերություններն էլ ավելի սրվեցին:

2. Մոսկվայի և Բաքվի հակահայկական դիրքորոշման նոր դրսևորումները (1988թ. հուլիս- 1989թ. մայիս)

ԽՍՀՄ Գերագույն խորհուրդի նախագահության հուլիսի 18-ի նիստի նյութերը մասնուլում տպագրվելուց և ընթացքը կենտրոնական հեռուստատեսությամբ ցուցադրվելուց հետո պարզ դարձավ, որ հայկական կողմը չի հասել իր նպատակին: Ամբողջ Ադրբեջանը տոնախմբության մեջ էր, և հակահայկական հիստերիան անցել էր բոլոր սահմանները: Նիստի հաջորդ օրը լրագրողների հետ հանդիպմանը մասնակցեցին ԽՍՀՄ կենտկոմի քաղքուրոյի անդամության թեկնածուներ, ԽՍՀՄ Գերագույն խորհրդի նախագահության նախագահի տեղակալներ Պ.Դեմիչևը և Ա.Սուխարովը ու ԽՍՀՄ գլխավոր դատախազ Ա.Վլասովը: Նրանք փորձում էին արդարացնել ԽՍՀՄ Գերագույն խորհրդի նախագահության ընդունած որոշումը՝ կեղծելով, թե իբր ԼՂԻՄ տնտեսությունը 1965-1987թթ. աճել է վեց անգամ և ապօրինի գնահատեցին հայերի պահանջը՝ Լեռնային Ղարաբաղը Ադրբեջանի կազմից դուրս բերելու վերաբերյալ:

Թե՛ Հայաստանում և թե՛ Լեռնային Ղարաբաղում ժողովուրդը խիստ դժգոհ էր այդ որոշումից: Ամենուր տեղի էին ունենում ժողովներ ու հանրահավաքներ, որոնցում ընդունվում էին որոշումը դատապարտող փաստաթղթեր, և բողոք-մամակներ էին ուղարկվում Մոսկվա: Այսպես, օրինակ, «Հայկոմմունալսագիծ» ինստիտուտից 346 հոգու ստորագրությամբ ուղարկված բողոք-մամակում ասվում էր, որ Մոսկվան բացահայտ ատում է հայ ժողովրդին և ոտնահարում նրա շահերը:² Որոշման դեմ բողոքներով հանդես եկան նաև Երևանի մի շարք այլ հիմնարկ-ձեռնարկություններ:³

1988թ. հուլիսի 18-ից Հայաստանում, իսկ 24-ից Լեռնային Ղարաբաղում գործադուլները դադարեցվեցին: Աշխատավորները կորցրածը վերականգնելու համար հաճախ աշխատում էին նաև շաբաթ և կիրակի օրերին: Արդեն հուլիսի երրորդ տասնօրյակի սկզբին

¹ Правда, 20.07.1988.

² Խորհրդային Ղարաբաղ, 24.07.1988:

¹ Խորհրդային Հայաստան, 20.07.1988:

² ՀՀ ՀԶԳԾ ԿՊԱ. Ֆ.1, ց.127, գ.568, ք.99-112:

³ Նույն տեղում, գ.553, ք.61-77:

Երևանի Լեճիկյան շրջանում աշխատավորների 96 տոկոսը վերադարձել էին աշխատատեղեր: Սակայն աշխատանքային դիմը դանդաղ էր վերականգնվում և շրջանի արդյունաբերական ձեռնարկությունները հուլիսի սկզբի տվյալներով 25 մլն. ռուբլով պակաս արտադրանք էին տվել: Բաց թողնվածը լրացնելու նպատակով շրջանի ձեռնարկությունների 15 տոկոսը աշխատում էին շաբաթ, իսկ 10 տոկոսը՝ նաև կիրակի օրերին: «Անդրկաբել» և «Հայկենցաղ-քիմ» արտադրական միավորումները պլանավորել էին բաց թողնվածը լրացնել սինչև հուլիսի վերջը:¹

Երևանի Խորհրդային շրջանի 29 հիմնարկ-ձեռնարկություններում աշխատանքները բնականոն անցնելու նպատակով կազմակերպվում են բանվորական դրուժինաներ, որոնցում ընդգրկվում են 435 մարդ: Բաց թողնվածը լրացնելու համար հուլիսի 23-ին՝ շաբաթ օրը, աշխատում են 23 ձեռնարկություն:² Բացի այդ «Հայավիաշին» տրեստը պլանավորում է պետական պատվերներից դուրս 7 տարվա ընթացքում Ստեփանակերտում իրականացնել 20 մլն. ռուբլու շինմոնտաժային աշխատանքներ, «Անդրխողովակաշարշին» տրեստի կոլեկտիվը վճռում է կառուցել Գորիս-Լաչին մայրուղին, իսկ «Պետագրոարդշին» N 12 շինտրեստը որոշում է սեփական շահույթների հաշվին Լեռնային Ղարաբաղում կառուցել 1.5 հազ. քառ. մետր բնակատարածություն:³ Նման նախաձեռնություններ էին հանդես բերում նաև բազմաթիվ այլ հիմնարկ-ձեռնարկություններ:

ԽՍՀՄ Գերագույն խորհրդի նախագահության 1988թ. հուլիսի 18-ի որոշումից հետո Մոսկվայի իրահանգով ուժեղացվում է ճնշումը Շարժման ակտիվիստների նկատմամբ: Հայաստանի գիտությունների ակադեմիայի Արևելագիտության ինստիտուտում 1988թ. օգոստոսի 5-ին կազմված և երկրի տարբեր հասցեներով ուղարկված մի նամակում ասված է, որ ԽՍՀՄ Գերագույն խորհրդի նախագահության հուլիսի 18-ի անարդարացի որոշումից հետո «զանգվածային տեղեկատվության միջոցների կողմից հետապնդման, հերյուրանքի և բացահայտ լուտանքների լայն կամպանիա» է սկսվել «Կռունկ» ու «Ղարաբաղ» կոմիտեների անդամների դեմ, այսինքն՝ ընդդեմ «Ժողովրդի կողմից բազմահազարանոց միտինգներում ընտրված հայ ժողովրդի լավագույն ներկայացուցիչների, որոնց գործունեությունը երբեք չի անցել խորհրդային սահմանադրության սահմանները: Հայ հասարակությունն այդ կամպանիան ընկալում է

որպես ողջ հայ ժողովրդի դեմ ուղղված հարձակումներ և հետապնդումներ»:

1988թ. հուլիսի 18-ի որոշումը դատապարտվեց ոչ միայն հայ ժողովրդի, այլև երկրի առաջադեմ մտավորականության և մի շարք սկանալոր գիտնականների կողմից: Նիստից անմիջապես հետո Անդրեյ Սախարովը նոր նամակ հղեց Մ.Գորբաչովին, որը հրապարակվեց բավականին ուշ՝ «Նեզավիսիմայա զագետա»-ի 1992թ. հոկտեմբերի 27-ի համարում: Այդ նամակում Ա.Սախարովը Ղարաբաղյան հիմնախնդրի հետ կապում է ոչ այնքան բարեփոխումների ճակատագիրը, որքան մարդու իրավունքները և ապրելու իրավունքը: Նա գտնում էր, որ Լեռնային Ղարաբաղի հիմնահարցը դարձել է վերակառուցման քաղաքականության փորձաքարը, և շեշտում, որ որոշումը հիասթափեցրել է հայ ժողովրդին, իսկ Լեռնային Ղարաբաղում՝ պարզապես հուսահատեցրել:⁴ Հակադրվելով Մ.Գորբաչովին՝ Ա.Սախարովը գտնում էր, որ Սումգայիթում կատարվածն առանձին խուլիգանների ձեռքի գործ չէ և ոչ էլ բանակի երեք ժամ ուշանալու հետևանք: Նա վճռականորեն նշում էր, որ Սումգայիթի դեպքից հետո Ադրբեջանից Լեռնային Ղարաբաղի անջատումը և Հայաստանի հետ միացումը դարձել է անհետաձգելի խնդիր: Այդ հիմնախնդրի լուծման փոխգիշումային տարբերակը, եզրակացնում է Ա.Սախարովը, ամբոխավարություն է, որից պետք է հրաժարվել:⁵ Մեծ իրավապաշտպանի, գիտնականի և հումանիստի մտորումները միս ու արյուն չստացան, որովհետև երկրի դեկը գտնվում էր այլ արժեքներին տուրք տվող մարդկանց ձեռքում:

1988թ. հուլիսի 26-ին մամուլում հրապարակվեց ԽՍՀՄ կենտկոմի և ԽՍՀՄ Գերագույն խորհրդի նախագահության ընդունած՝ «Լեռնային Ղարաբաղի վերաբերյալ ԽՍՀՄ Գերագույն խորհրդի նախագահության ընդունած որոշումը գործնականում իրազործելու միջոցառումների մասին» որոշումը, որի համաձայն ԼՂԻՄ ուղարկվեց ԽՍՀՄ կենտկոմի և ԽՍՀՄ Գերագույն խորհրդի նախագահության ներկայացուցիչ Ա.Վոլսկին, որի հիմնական խնդիրը պետք է լիներ կազմակերպել և համակարգել Ադրբեջանի, Հայաստանի ու Լեռնային Ղարաբաղի կուսակցական մարմինների գործունեությունը և իրագործել Լեռնային Ղարաբաղի վերաբերյալ ընդունված որոշումները: Դրան զուգահեռ կազմակերպվեց ԽՍՀՄ Գերագույն խորհրդի Ազգությունների խորհրդի պատգամավորներից կազմված «հատուկ հանձնաժողով»:

¹ Նույն տեղում, ֆ.1, ց.87, գ.553, ք.2-3:

² Նույն տեղում, ք.19-20:

³ Նույն տեղում, ք.24:

⁴ ՀՀ ՀԹԿՓ ԿՊԱ, ֆ.1, ց.127, գ.651, ք.50:

⁵ Андрей Сахаров о Нагорном Карабахе, ст.13.

⁶ Նույն տեղում, էջ14-15:

Երևանում և հանրապետության այլ քաղաքներում չէին դադարում հանրահավաքները, երթերը: Սեպտեմբերի սկզբին կրկին սկսվեցին նստացույցերը, դասադուլները և հացադուլները: Տեղի էին ունենում նաև գործադուլներ: Պահանջները նույնն էին՝ Արցախը միացնել Հայաստանին, աղբեջանցիների կողմից հայերի նկատմամբ բռնարարքները դադարեցնել, Սումգայիթի հանցագործներին արժանի պատիժ տալ, Ղարաբաղի ու Հայաստանի շրջափակումները վերացնել և այլն: «Ղարաբաղյան շարժման Հայաստանի կոմիտեն» հուլիսի 28-ին քննարկելով Շարժման հեռանկարների հարցը՝ եզրակացրեց, որ պետք է ժամանակավորապես դադարեցվեն գործադուլներն ու հանրահավաքները, մշակվի պայքարի նոր ռազմավարություն, բանակը դուրս բերվի հանրապետությունից, ամբաստանվի տնտեսական համագործակցությունը Հայաստանի և ԼՂԻՄ-ի միջև՝ իբրև Արցախը Հայաստանի հետ միավորելու ամենաճիշտ և հուսալի ուղի: Հարկ էր համարվում վերականգնել Գորիս-Ստեփանակերտ ավիաջվեթները և այլն:¹

Հայաստանի իշխանություններն իրենց հերթին ձգտում էին ծավալել ակտիվ գործունեություն: Օգոստոսի 13-ին հանրապետական մանուլում հրապարակվեց Հայկոմկուսի կենտկոմի՝ ժողովրդին ուղղված դիմումը, որում հիմնականում խոսվում էր հանրապետությունում ստեղծված սոցիալ-տնտեսական ու քաղաքական ծանր վիճակի մասին և ժողովրդին կոչ էր արվում պայքարել այն շտկելու համար: Օգոստոսի 19-ի հանրահավաքում «Ղարաբաղ» կոմիտեն հրապարակեց պայքարի նոր ծրագիր, որը դարձավ 1989թ. նոյեմբերի սկզբին տեղի ունեցած Հայոց համազգային շարժման /ՀՀԸ/ առաջին համագումարում ընդունված կանոնադրության հիմքը: «Ղարաբաղյան շարժման Հայաստանի կոմիտեն, որը նախկին ձևով իրեն կոչում էր «Ղարաբաղ» կոմիտե, հայտարարեց, թե ներկա ժամանակաշրջանում հայ ժողովրդի պայքարի միակ և ճիշտ ճանապարհը ԼՂԻՄ-ի թնջուկի քաղաքական լուծումն է, և որ ստեղծված պայմաններում ԼՂԻՄ-ի ու Հայաստանի սոցիալ-տնտեսական կապերի համաձուլումը հնարավոր չէ, որովհետև դրան խիստ խոչընդոտում են Մոսկվան և Բաքուն:² Ի լուր բոլորի, Վազգեն Մանուկյանը հայտարարեց, թե Ղարաբաղյան շարժման Հայաստանի կոմիտեն, այսինքն՝ «Ղարաբաղ» կոմիտեն, վերածվել է Հայոց համազգային շարժման /ՀՀԸ/, որի հիմնական նպատակը Լեռնային Ղարաբաղի միացումն է Հայաստանին: Նա նաև նշեց, որ ՀՀԸ-ն կազմել է նոր փաստաթուղթ, որում, բացի Ղարաբաղյան հիմ-

նախնդրից, առաջ են քաշվում համազգային հարցեր:¹ «Ղարաբաղ» կոմիտեի «երկրորդ սերունդը» որքան էլ «համազգային խնդիրներ» առաջ քաշեր, միևնույն է, հիմնական նպատակ ուներ իշխանության հասնելը: Ղա հստակ երևաց 1988թ. օգոստոսի 19-ին տարածված «Հայոց Համազգային Շարժում» վերատառությամբ փաստաթղթից, որտեղ ասված էր, թե Ղարաբաղյան շարժումը, որին 1988թ. փետրվարից սկսած մասնակցում է ամբողջ հայ ժողովուրդը, առաջ է եկել Արցախի հայության ինքնորոշման բնական և արդար իրավունքի իրագործման նպատակով: «Ամեն խնդիր չէ, - կարդում ենք այդ փաստաթղթում, - որ կարող է արթնացնել ժողովրդին և ազգը միավորել մի այնպիսի միասնական գաղափարի շուրջ, ինչպիսին հանդիսացավ Արցախի վերամիավորման հարցը: Ձարթոնք ապրող ազգն արդեն սկսում է ավելի սուր զգալ նաև իր մյուս չլուծված խնդիրների ցավը, հասկանալ, որ այդ բոլոր խնդիրները կազմում են մեկ շղթա, և դրանցից յուրաքանչյուրի լուծումը պայման է ստեղծում առաջիկայում քայլեր կատարել մյուս խնդիրների լուծման ուղղությամբ»: Քանի որ Արցախի և Հայաստանի վերամիավորման համար հայ ժողովուրդն ընտրել էր սահմանադրական ուղին, բնական է, Հայոց համազգային շարժումը ևս, որը ծնվել է Ղարաբաղյան շարժումից, որդեգրեց պայքարի նույն ուղին:²

1988թ. սեպտեմբերի 9-ի Թատերական հրապարակում տեղի ունեցած հանրահավաքում Հաղորդի երկրագիտական քանգարանի տնօրեն Արթուր Սկրտչյանը հայտնեց, որ արցախցիները չեն ընդունում ԼՂԻՄ-ի վերաբերյալ ԽՍՀՄ Գերագույն խորհրդի նախագահության հուլիսի 18-ի որոշումը և կպայքարեն մինչև վերջնական հաղթանակ: Նա նաև նշեց, որ արցախցիները հայ ժողովրդից ուպասում են ավելի վճռական գործողություններ: Հռետորը քննադատական խոսք հնչեցրեց Հայաստանի լրատվական միջոցների հաս-վեին, որոնք պահանջված ձևով չէին պաշտպանում Արցախի հիմնախնդիրը:⁴

1988թ. սեպտեմբերի կեսերից Հայաստանում և Արցախում վիճակն ավելի բարդացավ: Գործադուլային և դասադուլային կոչերը լայն արձագանք էին գտնում հանրապետության ու մարզի հիմնարկ-մեռնարկություններում և ուսումնական հաստատություններում: Ամեն օր տեղի էին ունենում հանրահավաքներ ու ցույցեր, Թատերական հրապարակի հարթակից անընդհատ հնչում էին գործադուլի կոչեր: Այդ օրերին տեղի ունեցած Հայկոմկուսի կենտկոմի պլենումը

¹ ՀՀ ՀԶԿԳ ԿՊԱ, ֆ.1. g.87, գ.15, ք.40-41:

² ՀՀ ՀԶԿԳ ԿՊԱ, ֆ.1. g.87, գ.22, ք.229:

¹ Նույն տեղում, ք.135:

² Նույն տեղում, գ.15, ք.113:

³ Նույն տեղում, ք.115-116:

⁴ Նույն տեղում, ֆ.1. g.87, գ.23, ք.16:

խիստ անհանգստություն հայտնեց հանրապետությունում ստեղծված ընդհանուր վիճակի առթիվ և որոշեց այն կարգավորելու քայլեր ձեռնարկել:¹

Սեպտեմբերի 25-ին Թատերական հրապարակում շարունակվող հանրահավաքում առաջ քաշվեց Հայկական ԽՍՀ Գերագույն խորհրդի արտահերթ նստաշրջանի հրավիրելու և ԼՂԻՄ-ը Հայաստանի հետ վերամիավորելու վերաբերյալ որոշում ընդունելու պահանջը: Առաջարկվեց սեպտեմբերի 26-ից սկսել պայքարի նոր փուլ՝ «ընդդեմ տանկերի», այսինքն՝ պահանջել բանակը դուրս բերել Հայաստանից:² Այդ նույն օրը հանրահավաքներ և ցույցեր տեղի ունեցան նաև Կիրովականում, Լենինականում, Չարենցավանում, Աբովյանում և այլուր: Չարենցավանում տեղի ունեցած միտինգում շրջկոմի առաջին քարտուղար Գ.Զոթանջյանը և Չարենցավանի քաղխորհրդի նախագահ Խ.Հարությունյանը պաշտոնապես հայտարարեցին, որ եթե շարունակվեն չթույլատրված միտինգները, ապա գործող օրենքների հիման վրա «միջոցառումներ կկիրառվեն կազմակերպիչների նկատմամբ»:³

Հանրապետությունում հանրահավաքները, ցույցերը, գործադուլներն ու դասադուլները շարունակվում էին նաև 1988թ. հոկտեմբեր-նոյեմբերին: Այդ ժամանակ «Ղարաբաղ» կոմիտեի անդամներից ոմանք հաճախակի էին լինում Արցախում, ոգևորում արցախցիներին և նրանց վստահեցնում, որ ամբողջ հայությունը կանգնած է նրանց թիկունքում և պաշտպանում է նրանց արդարացի պայքարը: ԳՂԸ-ականներ կայացուցիչները հանրահավաքներում պահանջում էին Հայաստանի Գերագույն խորհուրդը «դառնա ժողովրդական խորհրդարան, որը պետք է վճռի հայ ժողովրդի խնդիրները»:⁴ Նրանք նաև շեշտում էին, որ «առանց Ղարաբաղի Հայաստանը գոյություն ունենալ չի կարող: Հետևապես պայքարը պետք է ավելի զանգվածային բնույթ ընդունի»:⁵ Զանի որ Արցախի աղբյուրներում ավարտվում Աղբյուրների իշխանությունները ծավալել էին շինարարական լայն աշխատանք, ուստի Երևանում տեղի ունեցող հանրահավաքներում կոչ էր արվում ամեն կերպ խոչընդոտել դրան և «Ղարաբաղում Աղբյուրների շինարարությանը հակադրել Հայաստանի շինարարությունը»:⁶

Արցախ-Ղարաբաղում շինարարական լայն աշխատանք ծա-

վալելու վերաբերյալ «Ղարաբաղ» կոմիտեի կողմն էր արձագանք գտավ Հայաստանում: Մի քանի օրվա ընթացքում կազմվեց շինանյութերով բեռնավորված երկու ավտոշարասյուն: Դրանցից առաջինը՝ բաղկացած 60 ավտոմեքենայից, հանրապետության Մի-նիստրների խորհրդի նախագահ Ֆարեյ Սարգսյանի գլխավորությամբ ճանապարհվեց Գորիս-Հաղորթ ուղղությամբ, իսկ երկրորդը՝ բաղկացած 20 ավտոմեքենայից, շարժվեց Իջևան-Ստեփանակերտ ուղղությամբ: Երկու շարասյուները տեղ են հասնում լուրջ դժվարություններ հաղթահարելով: Արդեն նոյեմբերի 16-ին և 17-ին Թատերական հրապարակում հայտարարվում է, որ շուտով կկազմակերպվի երրորդ ավտոշարասյունը: Արցախցիները երախտագիտությամբ են ընդունում Հայաստանի օգնությունը: Նոյեմբերի 17-ին Թատերական հրապարակում հայտնի է դառնում, որ նոյեմբերի 16-ին Արցախում բանակի և ժողովրդի միջև տեղի է ունեցել ընդհարում, ըստ որում, բանակը ուժ գործադրելով ցրել է Ստեփանակերտում կազմակերպված ցույցը: Բանակի կողմից Ստեփանակերտում կատարվել էին ձեռքբախություններ: Նաև հաղորդվում է, որ վերջին օրերին Արցախ է ուղարկվել 200 ավտոմեքենա շինանյութ:

1988թ. նոյեմբերի 24-ին բանակը մտցվել էր Երևան, և ժամը 24-ից քաղաքում հայտարարվել էր պարետային ժամ: Հանրապետության 16 շրջաններում պարետային ժամ մտցվեց դեկտեմբերի 5-ից: Հայ ժողովուրդը խիստ վրդովված էր և պահանջում էր պարետային ժամը վերացնել թե՛ Հայաստանում և թե՛ Լեռնային Ղարաբաղում:

Երևանի ռադիոֆիզիկայի չափումների գիտահետազոտական ինստիտուտի աշխատողների կողմից 1988թ. դեկտեմբերի սկզբին ԽՍՀՄ Գերագույն խորհրդի նախագահություն, ԽՍՀՄ և ՀԿԿ կենտրոններ ուղարկված նամակում դատապարտվում էր Երևանում պարետային ժամ մտցնելը: Շեշտվում էր, որ փետրվարից սկսած՝ Երևանում տեղի ունեցած հանրահավաքների ժամանակ ոչ մի անգամ բռնության և որևէ ժողովրդի դեմ ուղղված կոչեր չեն հնչել: Ընդհակառակը, այդ միտինգներն ուղղված են եղել ժողովուրդների ինքնորոշման լեհիմյան ազգային քաղաքականության պաշտպանությանը, դեմոկրատիայի խորացմանն ու ընդլայնմանը: Փոխանակ ուղիներ որոնելու և լուծելու հայության արդարացի պահանջը, որը բխում էր ԽՍՀՄ սահմանադրության պահանջներից, ասված էր նամակում, ձգձգվում էր հարցի լուծումը, որը վերջին հաշվով, տարածաշրջանում առաջ բերեց ազգամիջյան հարաբերությունների

¹ Խորհրդային Հայաստան, 18.09.1988:

² ԳԳ ՀԶԿԳ ԿԳԱ, ֆ. 1, ց. 87, գ. 15, ք. 217:

³ Նույն տեղում, ք. 218:

⁴ Նույն տեղում, ֆ. 1, ց. 87, գ. 24, ք. 55:

⁵ Նույն տեղում, ք. 113-114:

⁶ ԳԳ ՀԶԿԳ ԿԳԱ, ֆ. 4516, գ. 1, ք. 10, ք. 38:

¹ Նույն տեղում, ֆ. 1, ց. 87, գ. 25, ք. 7:

սրում: Այնուհետև նշվում էր, որ Երևանում պարետային ժամ մտցնելը դիտվում է որպես փորձ՝ ուժային մեթոդներով ճնշելու Հայաստանի աշխատավորների դեմոկրատական կամքի ազատությանը և թույլ չտալու հանրապետության Գերագույն խորհրդի նստաշրջանի շարունակումը: Նաև ասված էր, որ Երևանում պարետային ժամ մտցնելը ստեղծում է լրացուցիչ լարվածություն: Ելնելով վերոհիշյալներից՝ նամակի հեղինակները պահանջում էին «վիճակը լիցքաթափելու համար անհապաղ բեկանել պարետային ժամը Երևանում և գործաձուլել տեղափոխել Կիրովաբադ, Նախիջևան և Բաքու, որտեղ չեն դադարում հայ ժողովրդի նկատմամբ իրագործվող վանդալիզմը և բռնությունները»:¹

1988-ի դեկտեմբերի 4-ին էլ միասնաբար տեղի ունեցավ այդ օրերի վերջին հանրահավաքը, որտեղ հիմնականում խոսվում է Ադրբեջանից եկած փախստականներին օգնություն ցույց տալու մասին և պահանջվում է կազմել գործողությունների կոմկրետ պլան:² Սակայն իրադրությունը փոխվեց 1988-ի դեկտեմբերի 7-ին տեղի ունեցած Սպիտակի երկրաշարժի հետևանքով:

ԽՍՀՄ Գերագույն խորհրդի նախագահության 1988թ. հուլիսի 18-ի որոշումը ծանր ազդեցություն ունեցավ արցախահայության վրա:

Արցախ-Ղարաբաղում լարվածության թուլանալու միտում չկար: Ադրբեջանի իշխանությունները ջանում էին իրենց քարոզչությամբ Հայաստանից հեռացնել մահմեդականներին և նրանց բնակեցնել Շուշիում, մարզի ադրբեջանաբնակ գյուղերում ու այդ ճանապարհով հօգուտ ադրբեջանցիների փոխել մարզի ազգային կազմը: Շուշիում գտնվող Ադրբեջանի կոմկուսի կենտկոմի քարտուղար Թ. Օրուջևի կարգադրությամբ Հայաստանից Շուշի եկած ազերիներից 100 ընտանիք օգոստոսի 4-9-ը տեղափոխվեցին Մալիբեյլու, Խոջալու, Խոջավենդ, Կրկժան և այլ ադրբեջանաբնակ գյուղեր: Օգոստոսի 13-ին և 15-ին Ստեփանակերտում տեղի ունեցած հանրահավաքները մարզի ղեկավարությունից պահանջեցին թույլ չտալ մարզի տարածքում տեղավորել Հայաստանից տեղափոխված ադրբեջանցիներին և չթուլացնել Հայաստանի հետ վերահաստատվելու համար պայքարը: Ա. Վեգիրովը ստիպված էր տեղի տալ և հայտարարել, թե մինչև օգոստոսի 15-ը Հայաստանից ԼՂԻՄ եկած ադրբեջանցիներին կտեղափոխի այլ շրջաններ: Սակայն դա հերթական աճապարարություն էր, որովհետև օգոստոսի 16-ի

դրությամբ Հայաստանից գնացած 1842 ադրբեջանցիներից հանրապետության այլ շրջաններ տեղափոխվել էին միայն 288-ը:¹

1988թ. օգոստոսի 11-ին Ստեփանակերտի կուսակազմակերպությունների քարտուղարների և հիմնարկ-ձեռնարկությունների ղեկավարների խորհրդակցությունում հաղորդումով հանդես գալով՝ Ա. Վոլսկին փորձեց ներկաներին համոզել, որ իբր ԼՂԻՄ-ի վերաբերյալ վերադաս իշխանությունների ընդունած վերջին որոշումները բխում են արցախահայության շահերից, և պետք է ձգտել կատարել այդ որոշումները: Նա նաև փորձեց մեկ օր առաջ տարերայնորեն տեղի ունեցած հանրահավաքի հարցում մեղադրել քաղաքի կուսակցական և պետական ղեկավարներին:² 1988թ. օգոստոսի 19-ին Ստեփանակերտում տեղի ունեցած համաման խորհրդակցությունում ելույթ ունենալով՝ Յենրիխ Պողոսյանը և Արկադի Վոլսկին կոչ արեցին հետևել կարգ ու կանոնին և ապահովել ձեռնարկությունների անխափան աշխատանքը: Օգոստոսի 20-ին Ստեփանակերտում տեղի ունեցած թույլատրված հանրահավաքն ընդունեց բանաձև և երկրի ղեկավարներին ուղղված կոչ, որոնցում ԽՍՀՄ Գերագույն խորհրդի նախագահության հուլիսի 18-ի որոշումը բնորոշվեց որպես «հարցի վերջնական որոշման» ոչ բավարար տարբերակ:³

1988-ի օգոստոսի 24-ին տեղի ունեցավ ԼՂԻՄ մարզխորհրդի 20-րդ գումարման 9-րդ նստաշրջանը, որը քննարկելով «1988-1995 թվականներին Լեռնային Ղարաբաղի Ինքնավար Մարզի սոցիալ-տնտեսական զարգացման արագացման միջոցառումների մասին» ԽՍԿԿ կենտկոմի և ԽՍՀՄ Մինիստրների խորհրդի 1988 թվականի մարտի 24-ի որոշման կատարման ընթացքի և նրա իրականացման ուղղությամբ մարզի տեղական խորհուրդների խնդիրների մասին» հարցը՝ հավանություն տվեց մարզի աշխատանքային կոլեկտիվների նախաձեռնությանը՝ Հայկական ԽՍՀ համապատասխան ձեռնարկությունների հետ հաստատելու համագործակցություն: Որոշման մեջ նաև ասվում է, թե մարզի տնտեսական և սոցիալական միջոցառումների իրականացումը, առանց խնդիրներն ամբողջությամբ լուծելու, չի համապատասխանում Լեռնային Ղարաբաղի բնակչության ճնշող մեծամասնության պահանջին, որը ձևակերպված է նախորդ նստաշրջանի որոշումներում: Մարզխորհրդի նստաշրջանը մեկ անգամ ևս հաստատեց մարզի աշխատավորության վճռակառությունը՝ հասնելու ԼՂԻՄ-ն Ադրբեջանական ԽՍՀ վարչական

¹ ՀՀ ՀԶԿՓ ԿՊԱ, ց.127, գ. 651, ք. 72-73:

² Նույն տեղում, ք.1, գ. 87, գ. 25, ք. 106-107:

¹ Арутюнян В.Б., նշվ. աշխ., մաս 1, էջ 133:

² Նույն տեղում, էջ 131, նաև խորհրդային Ղարաբաղ, 12.08.1988:

³ Арутюнян В.Б., նշվ. աշխ., մաս 1, էջ 134:

ենթակայությունից հանելուն և Հայկական ԽՍՀ-ին վերամիավորելուն: ԼՂԻՄ ժողովրդական պատգամավորների խորհրդի նստաշրջանը նաև ԽՍՀՄ Գերագույն խորհրդի Ազգությունների խորհրդի հանձնաժողովին խնդրեց ընդհանրացնել և ԽՍՀՄ Գերագույն խորհրդի նախագահությանը ներկայացնել Լեռնային Ղարաբաղի խնդիրն արդարացի լուծելու առաջարկությունները:¹

Սեպտեմբերի կեսերին Ստեփանակերտում լուր տարածվեց, թե աղբբեջանցիները շտապ հեռանում են քաղաքից, և որ, իբր, հայերի կողմից նրանց նկատմամբ սեպտեմբերի 18-ին իրագործվելու է ահաբեկչություն: Լուր էր տարածվել, թե հենց այդ օրն են ջարդելու քաղաքի աղբբեջանցիներին: Վերջիններս շտապ քաղաքից հեռանում էին տանելով իրենց ամբողջ գույքն ու ունեցվածքը: Այդ նույն օրը Հայաստանից Արցախ եկող ավտոմեքենաները Աղդամում և Խոջալուում ջարդվում և թալանվում են, իսկ ուղևորները՝ ծեծվում: Սեպտեմբերի 18-ի երեկոյան հանրահավաքում իմանալով այդ մասին՝ միտինգավորները ոտքով շարժվում են դեպի Խոջալու: Հասնելով այնտեղ՝ նրանք ընդհարվում են աղբբեջանական զինված ջոկատների հետ: Երկու կողմերից էլ լինում են վիրավորներ: Հայերից վիրավորվում են 40 հոգի, որոնցից 23-ը տեղափոխվում են հիվանդանոց: Այդ օրերին Ստեփանակերտի Կրկժամ թաղամասից, որտեղ հիմնականում ապրում էին աղբբեջանցիներ, անընդհատ հրետակոծվում էին մոտակայքում գտնվող հայերի բնակարանները: Որպես կենտրոնական իշխանությունների դեմ բողոքի նշան՝ սեպտեմբերի 19-20-ը Ստեփանակերտում սկսվում է նստացույց, որին մասնակցում էին ուսանողներ, դասախոսներ և հիմնարկ-ձեռնարկությունների աշխատողներ:

Արցախ-Ղարաբաղում ստեղծված ժանր վիճակի առթիվ մի խումբ կոմունիստներ, պատերազմի և աշխատանքի վետերաններ, թվով 51 հոգի, սեպտեմբերի 20-ին դիմելով Ա. Վոլսկուն, նշում էին, որ իրենք իրենց խաբված են գգում խորհրդային վարչակարգից և կառավարության ոչ ճիշտ քաղաքականությունից: Նամակի հեղինակներն իրենց բարոյական իրավունքն էին համարում պնդել, որ «ստեղծված ներկա իրադրությունը պահանջում է մեր պորբլեմի վերջնական և արդարացի լուծում»:² Ի պատասխան մարզում տեղի ունեցող գործողությունների՝ Ա. Վոլսկին սեպտեմբերի 21-ին ընդարձակ կոչով դիմում է մարզի բնակչությանը: Նա հիշեցնում է, որ կուսակցությունն ու կառավարությունն ընդունել են ԼՂԻՄ-ի զարգացման վերաբերյալ մի շարք որոշումներ, որոնք «որոշ խմբի չեն բա-

վարարում», ինչի հետևանքով էլ իրադրությունը մարզում խիստ բարդացել է: Ա. Վոլսկին նկարագրելով վերջին օրերին Ստեփանակերտում և ամբողջ Արցախում տեղի ունեցած իրադարձությունները՝ պահանջում էր «մեղավորներին և սադրիչներին» պատժել: Նրա կարծիքով՝ ստեղծված վիճակի ամբողջ պատասխանատվությունն ընկնում էր թալանչիների ու կաշառակերների վրա, և մարզում կարգ ու կանոն հաստատելու միակ ճանապարհը պրովոկատորների և կարգազանցների դեմ մղվող պայքարին ժողովրդին մասնակից դարձնելն է: «Երբ այդուհի է հեղվում, պետությունը չի կարող մի կողմ քաշվել», - նշում էր նա և առաջարկում Լեռնային Ղարաբաղում ու Աղդամի շրջանում մտցնել հատուկ դրություն հաստատելով պարետային ժամ: Փորձելով հանգստացնել վրդովված արցախահայությանը՝ Ա. Վոլսկին հայտարարում էր, թե այդ միջոցառումը «կրում է ժամանակավոր բնույթ»:¹ Այսպիսով, 1988թ. սեպտեմբերի 22-ից Լեռնային Ղարաբաղում և հարակից Աղդամի շրջանում մտցվեց հատուկ դրություն և սահմանվեց պարետային ժամ: Դա հարուցեց հայ ժողովրդի խոր վրդովմունքը: ԼՂԻՄ-ի և Աղդամի շրջանի ռազմական պարետի հրամանով արգելվեցին այդ տարածքներում ցույցերի, հանրահավաքների, փողոցային երթերի, ժողովների անցկացումը, ինչպես և ցանկացած ձևի գործադուլները: 16 տարեկանից բարձր տարիք ունեցողներին արգելվեց առանց անձը հաստատելու փաստաթղթի տնից դուրս գալը, բնակարանում կամ էլ այլ տեղեր հրազենի և պայթուցիկ նյութերի պահումը, երեկոյան ժամը 21-ից մինչև առավոտյան ժամը 6-ը առանց հատուկ անցաթղթի տեղից տեղ գնալը և այլն:²

Մոսկվան և Բաքուն ավելի էին ուժեղացնում ճնշումը Լեռնային Ղարաբաղի վրա: Ստեփանակերտի Տճօրենների խորհրդի ներկայացուցիչը սեպտեմբերի 25-ին Թատերական հրապարակում հայտնեց, թե Ստեփանակերտ է ժամանել 8 հոգուց բաղկացած քննչական խումբ՝ Բոգոմոլսկու գլխավորությամբ: Այն անմիջապես երեք օրով փակել էր թաղման բյուրոն, հետո անկարգություն սարքել քաղաքային գերեզմանոցում: Այդ անօրինությունը կազմակերպել էր Աղբբեջանի գլխավոր դատախազ Իսմայլովը: Նրանց գլխավոր նպատակն էր քրեական գործ սարքել Արկադի Մանուշարովի. տպարանի տնօրեն Յուրի Ներսիսյանի, մետաքսի կոմբինատի տնօրեն Ռաֆիկ Աթաջանի և Շարժման այլ ակտիվիստների ու ղեկավարների նկատմամբ: Ի պատասխան դրա՝ մարզում սեպտեմբերի 12-ից հայտարարվեց հանընդհանուր գործադուլ՝ պահանջելով մինչև

¹ Խորհրդային Ղարաբաղ, 25.08.1988:

² Խորհրդային Ղարաբաղ, 1.10.1988:

¹ ԳԳ ՀԶԿՓ ԿՊԱ, ֆ. 1, ց. 127, գ. 564, թ. 87-92:

² Նույն տեղում:

սեպտեմբերի վերջը Ղարաբաղից դուրս բերել բոլոր ադրբեջանցի «փախստականներին», դադարեցնել նրանց օգնություն ցույց տալը և բնակարաններ հատկացնելը, մինչև ԼՂԻՄ-ի հիմնախնդրի լուծումը դադարեցնել հիմնարկ-ձեռնարկությունների բոլոր տեսակի ստուգումներն ու վերստուգումները, ԼՂԻՄ դատախազությունը հանել Ադրբեջանի դատախազության ենթակայությունից և թողնել ԽՍՀՄ Գերագույն դատախազության ենթակայության տակ, դադարեցնել Շուշիի և Ադրամի հայերի նկատմամբ բոլոր տեսակի ստորացումները:¹ Այդ նույն համարահավաքում նաև կարդացվում է հայ ժողովրդին ուղղված՝ Ստեփանակերտի Տնօրեններին խորհրդի 17 անդամի ստորագրությամբ նամակը, որը յուրահատուկ պատասխան էր ԽՍՀՄ Գերագույն խորհրդի հուլիսի 18-ի որոշմանը և Ա.Վոլսկու դիրքորոշմանը: Նամակը վերջանում էր այն համոզվածությամբ, որ «ոչ մի ուժ չի կարող սեպ խրել Արցախի և Հայկական ԽՍՀ-ի միջև»:²

Մոսկվան և Բաքուն աճապարում էին արցախահայությանը զինաթափել և զրկել հետագա պայքարի հնարավորությունից: 1988թ. սեպտեմբերի վերջին և հոկտեմբերի սկզբին հավաքվեցին արցախցիների որսորդական հրացանները: Հոկտեմբերի 2-ի դրությամբ հավաքվել էր 834 միավոր որսորդական հրացան, որոնցից միայն ութն էր ապօրինի:³ Մեկ օր առաջ՝ հոկտեմբերի 1-ին, Երևանի Թատերական հրապարակում հայտարարվել էր, թե Լեռնային Ղարաբաղում հայերն ունեն 2500 որսորդական հրացան, նույնքան էլ ունեն Ղարաբաղում ապրող ադրբեջանցիները, սակայն հայերից բռնագրավել են 950-ը, իսկ ազերիներից 220-ը:⁴ Այսպիսով, Մոսկվան և Բաքուն փորձում էին հայերին լրիվ զինաթափել: Սակայն, չնայած Ադրբեջանի անվտանգության մարմինների համառ ջանքերին, նրանց չհաջողվեց գտնել զենքի որևէ պահեստ:

Ադրբեջանի իշխանությունների հակադարաբաղյան գործողությունների հաջորդ քայլը եղավ Ստեփանակերտի մանկավարժական ինստիտուտի ժամանակավոր փակումը: Ղա կատարվեց ԽՍՀՄ Մինիստրների խորհրդի նախագահ Նիկոլայ Ռիժկովի 1988թ. հոկտեմբերի 18-ի հրամանով՝ առանց որևէ համոզիչ հիմնավորման: Ստեփանակերտի մանկավարժական ինստիտուտի հայկական բաժնի ուսանողներին առաջարկվում էր մինչև նոյեմբերի մեկը տեղափոխվել և ուսումը շարունակել Երևանի, Կիրովականի և Լեռնա-

կանի մանկավարժական ինստիտուտներում: Այդ ինստիտուտների ռեկտորներին հանձնարարվեց ուսանողներին ապահովել հանրակացարաններով, իսկ դասախոսներին աշխատանքի տեղափոխելու մրցույթը գործող օրենքների համաձայն ապահովել երկու տարու:⁵ Ստեփանակերտի մանկավարժական ինստիտուտի փակումը նպատակ ուներ Ղարաբաղից հեռացնել հայ մտավորականությանը և հարված էր արցախահայության ազատագրական պայքարին: Ի պատասխան դրան՝ Ստեփանակերտում հոկտեմբերի 20-ից սկսվեց դասախոսների և ուսանողների հացադուլ ու նստացույց:⁶

Հայկոմկուսի կենտկոմի բյուրոն 1988-ի հոկտեմբերի 31-ին բննարկելով Ստեփանակերտի մանկավարժական ինստիտուտի ուսանողներին և դասախոսներին Հայաստանի մանկավարժական ինստիտուտներում տեղավորելու հարցը՝ հանձնարարեց Ստեփանակերտից տեղափոխված ուսանողների և դասախոսների համար ստեղծել «հնադավոր բոլոր պայմանները»:⁷ Նպատակահարմար գտնվեց Ստեփանակերտից տեղափոխված բոլոր ուսանողներին և դասախոսներին տեղավորել միայն Կիրովականի մանկավարժական ինստիտուտում:

Արցախցիները հերթական գործադուլը դադարեցրին հոկտեմբերի 9-ին, որովհետև թե Արկադի Վոլսկին և թե Ստեփանակերտ ժամանած ԽՍՀՄ Գերագույն խորհրդի Ազգությունների խորհրդի նախագահի տեղակալ Ավգուստ Վոսոբ ինչ-որ հույսեր էին ներշնչել նրանց: Ա.Վոլսկին շարժման ակտիվիստների հետ հանդիպման ժամանակ փորձում էր նրանց համոզել պաշտպանել գորբաշովյան կուրսը՝ այն համարելով ճիշտ:

Հոկտեմբերի սկզբին երկրորդ անգամ Լեռնային Ղարաբաղում եղավ Սուրեն Հարությունյանը, որը հանդիպումներ ունեցավ Ա.Վոլսկու, Զ. Պողոսյանի և Բաքվից ժամանակ Ա.Վեգիբովի հետ: Հայկոմկուսի կենտկոմի բյուրոն հոկտեմբերի 13-ին լսելով Լեռնային Ղարաբաղում ունեցած հանդիպումների մասին Ս.Հարությունյանի հաղորդումը՝ ստեղծված վիճակից դուրս գալու համար առաջարկեց որոնել Ադրբեջանի հետ փոխհամաձայնության տարբերակ, մեկը մյուսին ընդառաջ գնալ՝ ելնելով «ամբողջ երկրի և մարզի աշխատավորների շահերից», և, ամենակարևորը, «կանխել երկու ժողովուրդների խորթացումը... արագորեն կայունացնել վիճակը»: Ոյուրոն գտնում էր, որ «ԼՂԻՄ-ի պրոբլեմը հնարավոր է լուծել միայն

¹ Խորհրդային Ղարաբաղ, 24.09.1988:

² ՀՀ ՀՔԿԳ ԿՊԱ, ֆ. 4516, ց. 1, գ. 15, թ. 23-24:

³ Арутюнян В.Б., նշվ. աշխ., մաս 1, էջ 143:

⁴ ՀՀ ՀՔԿԳ ԿՊԱ, ֆ. 1, գ. 87, գ. 24, թ. 3:

⁵ Ստեփանակերտի մանկավարժական ինստիտուտի հետ կապված փաստաթղթերի պատճենները տես Հրամտ Արտահանյանի անձնական արխիվ:

⁶ ՀՀ ՀՔԿԳ ԿՊԱ, ֆ. 1, ց. 87, գ. 16, թ. 142:

⁷ Նույն տեղում, ց. 82, գ. 104, թ. 2:

հանգիստ պայմաններում, ցուցաբերելով ճկուն, հավասարակշռված մոտեցում, գնալով փոխադարձ կոմպրոմիսի»¹։

Ադրբեջանը Մոսկվայի օգնությամբ շարունակում էր իր «հաղթարշավը»։ Քանի որ Շուշին հսկում էր Գորիս-Ստեփանակերտ, իսկ Խոջալուն Ադղամ-Ստեփանակերտ ճանապարհը, այդ բնակավայրերի ամրապնդումը Ադրբեջանի համար ռազմավարական կարևոր նշանակություն ուներ։ Հոկտեմբերի 17-ին Ադղամում հավաքվեցին Ադրբեջանի կառավարության անդամներն ու այլ ղեկավար պաշտոնյաներ և մի ամբողջ շաբաթ քննարկեցին Խոջալուում ու Շուշիում շինարարությունն ավելի ծավալելու հարցը։ Այդ օրերին Ադղամ էին գալիս շինարարական հզոր տեխնիկա, շինանյութերով բարձրած բեռնատար ավտոմեքենաներ, աշխատող ուժ, մասնագետներ։ Հենց այդ նույն գիշերն էլ Խոջալուում թափ առավ շինարարությունը։ Ադրբեջանը պլանավորել էր 2500 բնակիչ ունեցող Խոջալուն շատ կարճ ժամկետում դարձնել քաղաք։ Այնտեղ նախատեսված 220 ֆիննական տներից 45-ը ավարտվեցին երեք օրում, մինչդեռ մարզում փախստականների համար նախատեսված նման 500 տներից մեկ ամսում կառուցվել էին ընդամենը տասը։ Շուշիում փախստականների անվան տակ կուտակվել էին Հայաստանից հեռացած 14000 ադրբեջանցիներ։ Որոշվել էր քաղաքի բնակչությունը հասցնել 100 հազարի։ Ա. Վեզիրովը հանդես գալով հեռուստատեսությամբ՝ կոչ էր անում շատ կարճ ժամկետում իրագործել այդ պլանը։ Դրան հակառակ՝ արցախցիները չունեին ո՛չ շինանյութ, ո՛չ տեխնիկա։ Հայաստանի ՊԱԿ նախագահ Վ. Բաղադյանցը գտնում էր, որ Լեռնային Ղարաբաղում Ադրբեջանի կողմից կատարվող շինարարությունը մարզը «ադրբեջանացնելու» քայլերից է, և որ Ադրբեջանն այդ «նպատակաուղղված քաղաքականությունը» իրականացնում է մարզի սոցիալ-տնտեսական զարգացման միջոցների հաշվին²։

Վերադաս իշխանությունների կողմից մարզի ադրբեջանաբնակ վայրերում ծավալված շինարարությունը վրդովեցնում էր ԼՂԻՄ ղեկավարությանը։ Երևանում լույս տեսնող «Կոմունիստ» թերթին 1988թ. նոյեմբերի 4-ին տված հարցազրույցում Հենրիխ Պողոսյանը հայտնեց մարզի բնակչության անհանգստությունը Խոջալուում և մարզի մյուս ադրբեջանաբնակ վայրերում ծավալված ապօրինի շինարարության առթիվ։ Նա նաև նշեց, որ Ստեփանակերտում 500 փախստականներ կան միայն Շուշիից, իսկ Սումգայիթից, Բաքվից, Ադղամից, Միրբաշիրից, Սինգեչաուրից և Ադրբեջանի այլ

վայրերից բռնագաղթվածներին մարզում բնակեցնելը կապված է չափազանց բարդ խնդիրների հետ. չկա աշխատանք, բնակարան և տարելու միջոցներ, հանրապետական ծեռնարկությունները զրեթե չեն աշխատում։ Հ. Պողոսյանը նշեց, որ արցախահայությունը բաժանված է երկու հատվածի. Սկզբում հարց դրվեց միանալ Նայաստանին։ Քանի որ դա հանդիպել էր լուրջ դիմադրության, ուստի ստիպված են պահանջել ժամանակավոր լինել Մոսկվայի ենթակայության տակ։ «Կարծում ենք, - ասում էր կուսմարզկոմի քարտուղարը, - որ երկրի կառավարման մարմիններին ենթարկվելը մարզին թույլ կտա նորից ապրել նորմալ, լիարյուն կյանքով։ Պրոբլեմի նման լուծումը կբավարարեր Ղարաբաղի հայ բնակչությանը» և կվերացներ հատուկ դրությունը։ Հ. Պողոսյանը հույս ուներ, որ նոյեմբերյան տոներից հետո կհանվի պարետային ժամը, ձերբակալված շՑ հոգու գործերի քննությունը կավարտվի, և նրանք ազատ կարծակվեն։

1988թ. հոկտեմբերի 18-ին Մոսկվայում սկսվել էր Սումգայիթի հսնցագործների դատավարությունը։ Հայաստանից, Ղարաբաղից և Կրկրի այլ վայրերից ուղարկվում էին հազարավոր հեռագրեր և նամակներ, որոնց հեղինակները պահանջում էին արժանի պատիժ տալ ոճրագործներին։ Հայաստանի ՊԱԿ-ի նոյեմբերի 3-ի հաղորդումից իմանում ենք, որ «սումգայիթյան դատավարությանը մասնակցելու և ճնշում գործադրելու համար» Մոսկվա են մեկնել Սիլվա Կուսուտիկյանը, Ջորի Բալայանը, Գևորգ Էմինը, «Ղարաբաղ» կոմիտեի անդամներ Հ. Գալստյանը, Վ. Սիրադեղյանը, Սումգայիթի ողբերգությունը հետազոտող Հ. Ուլուբաբյանը և ուրիշներ։ Նրանք խնդրում էին այնտեղ ուղարկել Նաև Մարո Մարգարյանին, Արտաշես Պողոսյանին, ինչպես և դրամ Մոսկվայում գտնվող սումգայիթցի փախստականներին օգելու համար¹։

Ադրբեջանի գանգվածային լրատվության միջոցները շարունակում էին «մրոտել» հայ ժողովրդին։ Այդ ամենն արցախահայությանը ստիպեց նոյեմբերի 14-ից յոթերորդ ամսամ դիմել համընդհանուր գործադուլի, որը շարունակվեց մինչև դեկտեմբերի 7-ը։ Գործադուլավորների պահանջներն էին՝ 1. ԼՂԻՄ-ից ընտրված ԽՍՀՄ Գերագույն խորհրդի պատգամավորներից պահանջել բննարկման մտցնել Լեռնային Ղարաբաղը Հայաստանի հետ միավորելու հարցը։ 2. Պահանջել ԽՍՀՄ Գերագույն խորհրդից քաղաքական գնահատական տալ փետրվարի 27-29-ը Սումգայիթում տեղի ունեցած սպանդին և պատասխանատվության ենթարկել կազ-

¹ ՀՀ ՀԶԿՓ ԿՊԱ, ֆ. 1, ց. 87, գ. 16, ք. 165:

² Նույն տեղում, ֆ. 1, ց. 87, գ. 16, ք. 165:

¹ ՀՀ ՀԶԿՓ ԿՊԱ, ֆ. 1, ց. 87, գ. 16, ք. 186: Բաքվից իր հերթին Մոսկվա էր նեկնել մի մեծ խումբ՝ Սումգայիթի դահիճներին սատարելու համար:

մակերպիչներին: 3. Աղրբեջանի ղեկավարությունից պահանջել Լեռնային Ղարաբաղից դուրս բերել «հայաստանցի փախստականներին»: 4. Անհապաղ դադարեցնել ապօրինի շինարարությունները: 5. Վերացնել պարետային ժամը: 6. Պաշտոնից հեռացնել ԽՍՀՄ դատախազության ներկայացուցիչ Վասիլենկոյին: 7. ԼՂԻՄ-ում դադարեցնել բոլոր տեսակի ստուգումներն ու վերաստուգումները: 8. Մարզային ղեկավարներին հնարավորություն տալ հանդես գալ կենտրոնական մամուլի էջերում և կենտրոնական հեռուստատեսությամբ: 9. Անհապաղ վերացնել Հայաստանից Լեռնային Ղարաբաղ տանող ճանապարհների շրջափակումը:¹

Մինչ այդ՝ նոյեմբերի 4-ին, տեղի ունեցած ԼՂԻՄ մարզխորհրդի 20-րդ գումարման մարզային խորհրդի 9-րդ նստաշրջանն ընդունել էր «Լեռնային Ղարաբաղի հիմնախնդրի լուսաբանման նկատմամբ զանգվածային լրատվական միջոցների վերաբերմունքի մասին» որոշումը, որում դատապարտվում էին «կենտրոնական և Աղրբեջանի հանրապետական մամուլում ու հեռուստատեսության մեջ տեղ գտած միտումները և սադրիչ ելույթները որպես քաղաքականապես վնասակար, որոնք վիրավորում են հայ ժողովրդի ազգային արժանապատվությունը»:²

Արցախահայության նկատմամբ բացահայտ թշնամություն էր այն, որ փորձ արվեց ձերբակալել Արկադի Մանուչարովին: Նրա ձերբակալման հրամանը տվել էր տխրահռչակ Կատուսևը: Նոյեմբերի 17-ի լույս 18-ի գիշերը հինգ տանկ և 500 զինվորներ շրջապատեցին այն շենքը, որտեղ գտնվում էր Արկադի Մանուչարովի բնակարանը: Այդ գործողությունը գլխավորում էին ԽՍՀՄ դատախազության աշխատողները: Սակայն շարժման ակտիվիստներին հաջողվում է Ա.Մանուչարովին փրկել ձերբակալությունից: Ա.Մանուչարովը տեղափոխվում է Երևան, որտեղ նոյեմբերի 28-ին Հայաստանի ներքին գործերի նախարարության կողմից ձերբակալվում է ու հանձնվում Աղրբեջանի իշխանությունների հոշոտմանը: Ա.Մանուչարովին ձերբակալելու փորձի գիշերը զինվորականները քահեերով և դագանակներով անխնա ծեծում են աղմուկի պատճառով փողոց դուրս եկած ծերունիներին ու կանանց և մարմնական վնասներ պատճառում: Շուրջ 40 հոգի դիմում են բժշկական օգնության: Այդ առթիվ արված լուսանկարներն ու գրավոր բողոքները նոյեմբերի 19-ին հանձնվում են Ստեփանակերտ ժամանած ԽՍՀՄ

Պարագույն դատախազ Ա.Սուխարևին:¹

Նման չափազանց լարված իրավիճակում 1988-ի նոյեմբերի 2-ին տեղի ունեցած կուսակցության ԼՂԻՄ կուսմարզկոմի պլենումը նշեց, որ Աղրբեջանի կոմկուսի ղեկավարությունը և հանրապետության կառավարությունը իրագործում են հակահայկական գործողություններ՝ մանավանդ Բաքվում, Կիրովաբադում և այլ հայաբնակ բնակավայրերում: Մարզկոմի պլենումն ընդառաջելով մարզի հայ կոմունիստների միահամուռ պահանջին՝ անվտանգություն հայտնեց Աղրբեջանի կոմկուսի կենտկոմին: Դա նշանակում էր, որ անհնարին է ԼՂԻՄ մարզային կուսկազմակերպության նուտագ գտնվելը Աղրբեջանի կոմկուսի կազմում: Պլենումը ԽՄԿԿ կենտկոմին խնդրում է կուսակցության դարաբաղյան կազմակերպությունն ուղղակի ենթարկեցնել իրեն այն կոչելով ԽՄԿԿ Լեռնային Ղարաբաղի մարզային կոմիտե:²

1988թ. նոյեմբերի 29-ին իր աշխատանքները սկսեց ԽՍՀՄ Գերագույն խորհրդի 12-րդ նստաշրջանը: Հայկական ԽՍՀ պատգամավորների խմբի կողմից արվում է հարցապնդում, որտեղ ասված էր. «Աղրբեջանական ԽՍՀ-ում և Հայկական ԽՍՀ-ում ԼՂԻՄ-ի հարցի շուրջը իրավիճակի կտրուկ սրման ու բավարար տեղեկատվության բացակայության կապակցությամբ Հայաստանի պատգամավորների խումբը առաջարկում է այս նստաշրջանում լսել 1988 թվականի հունիսի 18-ի ԽՍՀՄ Գերագույն խորհրդի Ազգությունների խորհրդի հանձնաժողովի նախագահ Ա.Վոսի հաղորդումը՝ հանձնաժողովի աշխատանքի ընթացքի և դրա նախնական արդյունքների մասին և ԽՄԿԿ կենտկոմի և ԽՍՀՄ Գերագույն խորհրդի նախագահության ներկայացուցիչ Ա.Վոլսկու հաղորդումը տարածաշրջանում իրադրության և դրա նոր սրման պատճառների մասին»:³ Հարգապնդմանը պատասխանեց Արկադի Վոլսկին: Նա նշեց, որ Լեռ-

¹ ՀՀ ՀԶԿԾ ԿՊԱ, ֆ. 4516, ց. 1, գ. 10, ք. 62-63:

² Խորհրդային Ղարաբաղ, 6.11.1988:

¹ Արահամյան Գրամոտ, ճակատագրին ընդառաջ, էջ 68: Արկադի Մանուչարովին, որի գլուխն Աղրբեջանում գնահատվել էր 5 մլն ռ., Երևանից տեղափոխում են Շուշիի բանտ, որտեղ 45 օր նա ենթարկվում է կտտանքների: Հայաստանի և Արցախի հասարակայնության պահանջներից հետո նրան փոխադրեցին Սուվկայի Բուտիրյան բանտ: 1989թ. նոյեմբերի 4-ին ակադեմիկոս Ա.Սախարովը և Գալինա Ստարովոյտովան այցելում են բանտ և նրան հանձնում ՀԽՍՀ Գերագույն խորհրդի պատգամավորի վկայականը /«Տնտեսուգետ», 1989, N 32-33/: Արկադի Մանուչարովը կալանքից ազատվեց 1990թ. մայիսի 29-ին: Լեռնային Ղարաբաղի Հանրապետության նախագահի 2002թ. մայիսի 8-ի հրամանագրով նա պարգևատրվել է «Սերոպ Մաշտոց» շքանշանով:

² Арутюнян В.Б., նշվ. աշխ., մաս 1, էջ 151-153:

³ Правда, 30.11.1988.

նային Ղարաբաղում տնտեսությունը գտնվում է խիստ բարձրորդի վիճակում, չափազանց ծանր են սոցիալական պայմանները: «Եվ մերում չկա այն անձանց, - հայտարարեց նա, - ովքեր մյան վիճակի են հասցրել այդ լեռնային երկրամասը, որտեղ ապրում են բարի և աշխատասեր մարդիկ»: Ա.Վոլսկին այնուհետև հայտնեց, որ տարածաշրջանում ընդհարումները սկսվել են ազգամիջյան հակասությունների հիման վրա և ճիշտ համարեց մեկ շաբաթ առաջ Բաքվում և Ադրբեջանի մի շարք այլ քաղաքներում, ինչպես նաև Երևանում, հատուկ դրություն մտցնելն ու պարետային ժամի սահմանումը: Նա չժխտեց, որ Բաքվում տեղի ունեցող հակահայկական հանրահավաքները ծանր տպավորություն են թողնում: Ա.Վոլսկին նաև նշեց, թե իբր Հայաստանում ազգային երկպառակությունը բորբոքում է «Ղարաբաղ» կոմիտեն, որն ամեն գնով փորձում է արմատավորվել քաղաքական կառուցվածքների մեջ, նախադրյալներ ստեղծել որպես իշխանություն իր օրինականացման համար»:¹

ԽՍՀՄ Գերագույն խորհրդի նստաշրջանը ընդունեց որոշում, որով ԽՍՀՄ Գերագույն խորհրդի նախագահությանը հանձնարարվում էր կուսակցական, պետական և հասարակական կազմակերպությունների ներկայացուցիչների մասնակցությամբ ԼՂԻՄ-ից, Ադրբեջանական ԽՍՀ-ից և Հայկական ԽՍՀ-ից ընտրված պատգամավորների հետ տարածաշրջանում իրավիճակը կարգավորելու նպատակով անցկացնել խորհրդակցություններ և վերականգնել ինտերնացիոնալ քարեկանությունը հայերի ու ադրբեջանցիների միջև:² Այդ խորհրդակցությունն անցկացվեց Մոսկվայում դեկտեմբերի 1-ին: Իսկ մինչ այդ Հենրիխ Պողոսյանը Մոսկվայից հետ ուղարկվեց Ստեփանակերտ: Նրա փոխարեն Մոսկվա կանչվեց մարզխորհրդի գործկոմի նախագահ Սեմյոն Բաբայանը, որը Ղարաբաղից ԽՍՀՄ Գերագույն խորհրդի պատգամավոր Սամվել Մամոնցի հետ մասնակցեց խորհրդակցությանը և Մ.Գորբաչովի հետ հանդիպմանը:

¹ Նույն տեղում: Մոսկվայի էմիսարը, թերևս, չէր սխալվում: Այդ առթիվ մեջ բերենք արխիվային մի փաստաթուղթ: 1988-ի հոկտեմբերի 5-ին Հայաստանի ՊԱԿ-ի կողմից Հայկոմկոմի կենտրոնում ուղարկված գաղտնի գեկուցագրում ասված է, թե «Ղարաբաղ» կոմիտեն «իր գործունեության մեջ հիմնականում պայքարում է իշխանության համար» և ամեն կերպ ուժ է գործադրում «հանրապետության կուսակցական և պետական մարմինների վրա»: Ապա նշվում է, որ կոմիտեականներն «իրենց նպատակին հասնելու համար ակտիվորեն օգտագործում են Ղարաբաղյան շարժումը» /ՀՀ ՀԳԿԿ ԿՊԱ, ֆ. 1, ց. 87, գ. 16, թ. 21/:

² Նույն տեղում:

Դեկտեմբերի 1-ին «Ղարաբաղյան շարժման Հայաստանի կոմիտեն» դիմելով աշխարհի ժողովուրդներին, Միավորված Ազգերի կազմակերպությանը և նրա անդամ երկրների կառավարություններին ու խորհրդարաններին՝ հայտնեց, որ վերջին օրերին ԽՍՀՄ կառավարության թողտվությամբ Ադրբեջանի կառավարությունը լրատվության բոլոր միջոցներով ադրբեջանցիներին բացահայտ դրդում է հայ բնակչության նկատմամբ բռնի գործողությունների: Օրինակ էին բերվում Կիրովաբադում հայերի դեմ իրագործված վայրենությունները: Նաև նշվում էր, որ Հայաստանը և նրա մայրաքաղաքն օկուպացված են խորհրդային պատիժ գողերի կողմից, ինչը հայ ժողովրդին կաշկանդում է օգնություն ցույց տալ իր եղբայրներին: Կոմիտեն աշխարհի բոլոր պետություններին խնդրում էր իրենց ծայնը բարձրացնել՝ ի պաշտպանություն Ադրբեջանում ապրող հայերի: Այն նաև խնդրում էր հրավիրել ՄԱԿ-ի Անվտանգության խորհրդի կառուցվածքում Ադրբեջանում ստեղծված կացությունը:¹

«Ղարաբաղ» կոմիտեն միանգամայն ճիշտ էր. 1988թ. նոյեմբերի վերջին և դեկտեմբերի սկզբին ոչ միայն Լեռնային Ղարաբաղում, այլև ամբողջ Ադրբեջանում ապրող հայերի նկատմամբ իրագործվում էին բռնարարներ, նրանց ստիպում էին հեռանալ հանրապետությունից: Դեկտեմբերի 4-ին Աբուլֆազ Էլչիբեյի գլխավորությամբ Ադրբեջանում ստեղծված Ադրբեջանական ժողովրդական ճակատը /ԱԺԾ/ իր վրա էր վերցրել «Ադրբեջանից հայերին լքելու» պարտականությունը:

Հայության համար մեծագույն ողբերգություն էր 1988թ. դեկտեմբերի 7-ի Սպիտակի ահավոր երկրաշարժը, որն ընդգրկեց հանրապետության տարածքի 40 տոկոսը: Սգի մեջ էր նաև ամբողջ Արցախը: Գործադուլն անմիջապես դադարեցվեց, և դեկտեմբերի 8-ից աշխատանքները վերսկսվեցին: Ստեփանակերտի քաղաքային պոլիկլինիկայում և հիվանդանոցում բազմաթիվ մարդիկ արյուն էին տալիս երկրաշարժի պատճառով տուժածների համար: Արցախցիները պատրաստակամություն հայտնեցին երկրամասում տեղավորել անօթևան մնացած մի քանի հազար ընտանիքի: Ստեփանակերտի բնակսոցքանկում աղետյալներին օգնելու համար բացվեց հատուկ հաշվի համար: Արդեն դեկտեմբերի 19-ի դրությամբ այդ հաշվին փոխանցվել էր 4477800 ռուբլի, այդ թվում 625500ռ. կանխիկ:² Ստեփանակերտից աղետի գոտի մեկնեց ավտոշարասյուն աղետյալներին օգնելու համար: Հարյուրավոր արցախցիներ մասնակցեցին փրկարարական աշխատանքներին: Դրանք ղեկավար

¹ Սեղադրվում են, Երևան, 1989, էջ 86:

² Арутюнян В.Б., նշվ. աշխ., մաս 1, էջ 160:

րող Ն.Ռիժկովը և ԽՄԿԿ կենտրոնի քարտուղար Ն.Սյունկովը դեկտեմբերի 15-ին Երևանում ընդունեցին ԼՂԻՄ-ի պատվիրակությանը, որը գլխավորում էր ԼՂԻՄ մարզխորհրդի նախագահի տեղակալ Շմավոն Պետրոսյանը:¹ Այդ հանդիպման ժամանակ մասնավորապես քննարկվեց Ղարաբաղի և Հայաստանի միջև անվտանգ ավտոբուսային հաղորդակցության ապահովման հարցը: Նիկոլայ Ռիժկովը խոստացավ այդ հարցը կարգավորել կարճ ժամանակամիջոցում: Սակայն դա մնաց միայն խոստում, որովհետև դեկտեմբերի 19-ից սկսած՝ Հայաստան-Արցախ ավտոբուսային երթևեկությունը լրիվ դադարեց: Գրեթե փակվեց նաև օդային կապը: Լավագույն դեպքում շաբաթական լինում էր 3-4 չվերթ: Երևանի «Էրեբունի» օդանավակայանում, երկաթուղային կայարանում և ավտոկայանում հազարավոր արցախցիներ օրերով ու շաբաթներով սպասում էին և չէին կարողանում մեկնել հայրենիք, որովհետև Ադրբեջանի իշխանությունները դիտավորյալ ստեղծել էին արհեստական արգելքներ: Դեկտեմբերի 20-ին Երևանում Ն.Ռիժկովը, Ն.Սյունկովը, Յ.Մասիովը և Դ.Յագովը հանդիպելով Հայաստանի ստեղծագործական միությունների և մշակույթի ներկայացուցիչների հետ՝ նշեցին, որ Լեռնային Ղարաբաղի հիմնախնդիրը կարող է վճռվել փոխզիջումային ճանապարհով: Այդ նույն օրը Մոսկվայի մեկ ուրիշ ներկայացուցիչ՝ Վ.Սիդորովը, Ստեփանակերտում հանդիպելով մարզային և քաղաքային խորհուրդների ղեկավարների ու փախստականների հետ և վերլուծելով Հայաստանում ու Արցախում ստեղծված վիճակը՝ կոչ արեց հեռու մնալ բոլոր տեսակի հակասությունները խորացնող քայլերից և նրանցից, ովքեր սադրանքի կոչեր են հնչեցնում: Անշուշտ, երկու դեպքում էլ հարվածն ուղղված էր ժողովրդական պայքարի, նրա առաջամարտիկների դեմ:

1988թ. դեկտեմբերի 24-ին Լեռնային Ղարաբաղ այցելեց Ա.Սախարովը՝ կնոջ՝ Ելենա Բոնների հետ: Նրանց ուղեկցում էին պատմագիտության դոկտոր Լեոնիդ Բարկինը, գիտությունների թեկնածուներ Գալինա Ստարովիտովան և Անդրեյ Ջուրովը: Մինչև Լեռնային Ղարաբաղ ժամանելը, նրանք Բաքվում հանդիպել էին Ա.Վեզիրովի հետ: Վերջինս, փոխանակ խոսելու Ղարաբաղյան հիմնախնդիրը լուծելու հնարավորությունների ու պայմանների մասին, հայ-ադրբեջանական հարաբերությունների շուրջ «դասախոսություն» էր կարդացել: Նրան հիշեցվել էր, որ «եղբայր ժողովուրդները պետք է իրենց անհաշտությունը մոռանան դժբախտության օրերին, իսկ այդպիսի ողբերգություն է Հայաստանում տեղի ունեցած երկրաշարժը, և հենց հիմա ամենահարմար պահն է Ղարաբաղը

հանձնելու Հայաստանին»: Ա.Վեզիրովը պատասխանել էր, որ «Հողը չէն նվիրում: Հողը նվաճում են: Արյամբ»:¹

Անդրեյ Սախարովը Ստեփանակերտում և Շուշիում հանդիպեց փախստականների, Արցախի մտավորականության և մարզի ղեկավարության հետ: Նա հանդիպում պահանջեց այդ ժամանակ Շուշիի բանտում գտնվող Արկարի Մանուչարովի հետ: Սակայն նրան միայն թույլատրեցին նայել բանտախցի դռնակի փոքրիկ անցքից:

Մեծ գիտնականն ու հումանիստը մինչև մահ պաշտպանում էր արցախցիների արդար դատը: Մինչև Ղարաբաղ գալը՝ դեռևս հոկտեմբերի 13-ին, պատասխանելով լրագրողներից մեկի հարցին՝ նա հստակ ասել էր, որ պետք է «դադարեցնել Ղարաբաղի ենթակայությունը Ադրբեջանին», քանի որ Սումգայիթից հետո «հնարավոր չէ ադրբեջանցիների հետ միասին ապրել»: Նա նաև նշել էր, որ ԽՍՀՄ Գերագույն խորհրդի նախագահության հուլիսյան որոշումից հետո «ոչ մի լավ բան տեղի չի ունենում, իրավիճակը ավելի է սրվում»: Միակ ելքը, շեշտել էր Ա.Սախարովը, «Ղարաբաղը Ադրբեջանի կազմից դուրս բերելն է» և այնտեղ «կենտրոնական իշխանության կառավարում» ստեղծելը: Նրա կարծիքով՝ երկրի նախագահի կողմից նշանակված ներկայացուցիչը պետք է իր վրա վերցնի մարզի կառավարումը: Ըստ Ա.Սախարովի՝ երկիրն ունի ուժեղ բանակ, որը կարող է մտնել Ադրբեջան և կանխել հնարավոր ազգամիջյան ընդհարումները: Իսկ «մինչ այդ, - շեշտել էր ակադեմիկոսը, - պետք է ճիշտ ձևակերպվի խնդիրը, Լեռնային Ղարաբաղի բնակչության կամքի համաձայն, ժողովրդական հիմքի վրա: Այդ դեպքում ոչ մի նոր սումգայիթ չի լինի: Դա ձեռնտու կլինի նաև Ադրբեջանին»:² Հետո՝ 1989թ. սեպտեմբերի 30-ին, «Մոնդ» թերթին տված հարցազրույցում նա ավելացրել է, թե պետք է գտնել այնպիսի տարածքային կառուցվածքային ձև, որը բացառի «անհավասարության և շահագործման ցանկացած ձև»: Նա բացատրել է, որ Ղարաբաղում ողբերգությունը սկսվեց այն ժամանակ, երբ այդ մարզն ապօրինի միացվեց Ադրբեջանին: Ըստ Ա.Սախարովի՝ պետք է «սկզբում Ղարաբաղ մտցվելին ՆԳՆ ուժերը, որպեսզի կարողանային որոշումներ ընդունել խաղաղ պայմաններում: Քանի որ այդ հնարավորությունը ձեռքից բաց է թողնվել, դրա համար էլ հատուկ կոմիտեն Ղարաբաղում տեղավորվեց 1989թ. հունվարին, մինչդեռ կարելի էր դա կատարել 1988-ի ամռանը, երբ սկսվեցին

¹ Մեղադրվում են, էջ 86:

¹ Андрей Сахаров о Нагорном Карабахе, ст. 18, տես նաև Коммунист, 19.06.1990.

² Սույն տեղում, ст. 19-20.

ջարդերը...»¹ Նա Լեռնային Ղարաբաղում հատուկ կառավարում մտցնելը դիտում էր որպես երկրամասը Ադրբեջանից դուրս բերելու միջոց:²

Ս.Գորբաչովի Երևան ժամանելու հաջորդ օրը՝ դեկտեմբերի 10-ին, «Ղարաբաղ» կոմիտեի որոշ անդամներ ձեռքակալվեցին: Անկասկած, դա կատարվել էր նրա պահանջով: Ձեռքակալությունները ձևակերպվեցին որպես վարչական կալանք՝ կապված արտակարգ դրության ռեժիմի «խախտումների» հետ: Այդ ժամանակ վարչական կալանքի առավելագույն ժամկետը 30 օր էր: Ազատ մնացած կոմիտեականները գործում էին ընդհատակում: Ձեռքակալվածների վարչական կալանքի ավարտից երկու օր առաջ ձեռքակալվեցին նաև կոմիտեի ազատ մնացած անդամները: 1989թ. հունվարի 9-ին նրանց տեղափոխեցին Մոսկվայի բանտերը, որտեղ պահվեցին շուրջ հինգ ամիս՝ մինչև 1989թ. մայիսի վերջը:

Հայաստանում և Ղարաբաղում սոցիալ-տնտեսական և հասարակական կյանքն արագորեն անկում էր ապրում: 1988-ի դեկտեմբերի վերջի տվյալներով Ադրբեջանից Հայաստան էին եկել 170 հազար փախստականներ, հանրապետությունում ինքնալուծարվել էին ավելի քան 90 սկզբնական կուսակցական կազմակերպություններ, տեղական խորհուրդներից հեռացել էին ավելի քան 2000 պատգամավորներ, փակվել էին ավելի քան 80 դպրոց և 10 բուժկետ:³ Հատուկ շրջանի պարետ գեներալ Ա.Մակաշովի ստորագրությամբ «Ղարաբաղ» կոմիտեի մասին վարկաբեկիչ նյութեր էին հաղորդվում Հայաստանի և կենտրոնական լրատվամիջոցներով: Սուրեն Հարությունյանն իր հերթին դեկտեմբերի 17-ին հանդես գալով Հայաստանի հեռուստատեսությամբ՝ «Ղարաբաղ» կոմիտեին համարեց հայ ժողովրդի թիվ մեկ թշնամի:

1989թ. գրանցվեցին ազատագրական պայքարի առաջին նահատակները՝ թվով 7 հոգի:⁴

1989թ. հունվարի 11-ին Մոսկվայում տեղի ունեցավ Ադրբեջանի և Հայաստանի ղեկավարների խորհրդակցություն, որտեղ քննարկվեցին Լեռնային Ղարաբաղին առնչվող խնդիրներ: Այդ նույն օրը տեղի ունեցավ նաև ԽՍՀՄ Գերագույն խորհրդի նախագահության նիստ, որտեղ քննարկվեց ԼՂԻՄ-ի հարցը: Ընդունվեց հրամանագիր՝ «Ադրբեջանական ԽՍՀ Լեռնային Ղարաբաղի Ինքնավար Մարզում կառավարման հատուկ ձև սահմանելու մասին»:

Վրա առաջին կետի համաձայն՝ ԼՂԻՄ-ը թողնվում էր Ադրբեջանական ԽՍՀ կազմում: Երկրորդ կետում ասված էր, որ «Հատուկ կառավարման կոմիտեն ենթարկվում է անմիջականորեն ԽՍՀՄ պետական իշխանության և կառավարման քարծրագույն մարմիններին, լրիվ ծավալով օժտված է ինքնավար մարզի ժողովրդական պատգամավորների խորհրդի և նրա գործադիր կոմիտեի լիազորություններով, իսկ կոմիտեի նախագահը՝ ժողովրդական պատգամավորների մարզային խորհրդի գործադիր կոմիտեի նախագահի իրավունքներով ու պարտականություններով»:¹ ԼՂԻՄ 20-րդ գումարումն ժողովրդական պատգամավորների խորհրդի լիազորությունները դադարեցվում էին մինչև խորհրդի նոր կազմի ընտրությունների անցկացումը: Կոմիտեի վրա էին դրվում տեղական պետական իշխանությունների և Լեռնային Ղարաբաղի Ինքնավար Մարզի ղեկավարումը, ինչպես նաև ժողովրդական պատգամավորների մարզային խորհրդի գործադիր կոմիտեի լիազորությունները: Մարզի բոլոր մշակութային, լրատվական, հրատարակչական, կրթական և այլ մարմիններ պետք էր ենթարկվեին կոմիտեի ղեկավարին կամ նրա ներկայացուցչին, իսկ դատարանն ու դատախազությունը՝ ըստ ենթակայության:

Որ մարզի տնտեսությունը մնում էր Ադրբեջանից կախվածության մեջ, երևում էր հրամանագրի ձևակերպումից: Ըստ դրա՝ մարզի տարածքում գտնվող միութենական և հանրապետական ենթակայության ձեռնարկությունները, հիմնարկություններն ու կազմակերպությունները, ինչպես նաև դրանց մասնաճյուղերը, ստորաբաժանումներն ու մյուս կառուցվածքային ստորաբաժանումները կոմիտեին ենթարկվում էին այն հարցերում, որոնք որոշում էր ԽՍՀՄ Մինիստրների խորհուրդը՝ հաշվի առնելով Ադրբեջանական ԽՍՀ Մինիստրների խորհրդի կարծիքը: Ադրբեջանական ԽՍՀ Գերագույն խորհրդի նախագահությանը հանձնարարվում էր «հրամանագրից բխող համապատասխան որոշումներ» ընդունել: Սահմանվում էին ԼՂԻՄ Հատուկ կառավարման կոմիտեի իրավունքներն ու պարտականությունները: Հրամանը պետք է կիրարկվեր 1989թ. հունվարի 20-ից: Հաստատվեց Հատուկ կառավարման կոմիտեի կազմ բաղկացած ութ հոգուց: Կոմիտեի նախագահ հաստատվեց Ա.Վոլսկին:² Մի քանի օր անց կուսակցության ԼՂԻՄ մարզկոմի առաջին քարտուղար Գ.Պողոսյանը պաշտոնից ազատվեց՝ «առողջական վիճակի պատճառով»:³

¹ Андрей Сахаров о Нагорном Карабахе, էջ 20-21:

² Նույն տեղում, էջ 21:

³ Коммунист, 27.12.1988.

⁴ Արշակյան Անդրանիկ, նշվ. աշխ., էջ 6-18:

¹ Правда, 15.01.1989.

² Известия, 21.01.1989.

³ Խորհրդային Ղարաբաղ, 9.02.1989:

Մոսկվա-Քաբու համաձայնությանը ծնված ԽՍՀՄ Գերագույն խորհրդի նախագահության այդ հրամանագիրը, անկասկած, նպատակ էր հետապնդում պայմաններ ստեղծել Ղարաբաղը կրկին հանձնելու Ադրբեջանի տնօրինությանը: Հրամանագրի հրատարակման հետ միասին «Պրավդայում» տպագրվեց Ա.Վոլսկու «Խաղաղություն Ղարաբաղի հողին» ծավալուն հոդվածը, որտեղ Հատուկ կառավարման կոմիտեի նախագահը փորձում էր հիմնավորել Լեռնային Ղարաբաղում կառավարման հատուկ ձև մտցնելու անհրաժեշտությունը՝ պնդելով, թե իբր այն բխում է Ղարաբաղի, Ադրբեջանի և Հայաստանի ժողովուրդների շահերից: Ա.Վոլսկին կոչ էր անում անրապնդել ժողովուրդների բարեկամությունը, հեռու մնալ ազգայնական գաղափարախոսությունից և բարոզությունից: Նա խոստանում էր զարգացնել Ղարաբաղի տնտեսական կապերը Հայաստանի, Ադրբեջանի, Ռուսաստանի, Ուկրաինայի և Երկրի մյուս հանրապետությունների հետ, զարկ տալ մարզի տնտեսությանն ու մշակույթին: Նա շեշտում էր, որ Ղարաբաղի կյանքի արմատական հարցերը կարող են լուծվել միայն մարզի բնակչության ուժերով: «Մարզն ինքնուրույն կլուծի այն ամենը, ինչ որ նա կարող է լուծել կադրային հարցերից մինչև ինքնաֆինանսավորումը»: Ա.Վոլսկին Մոսկվայից վերադառնալով Ղարաբաղ՝ հունվարի 26-ին մեկնեց Քաբու հանդիպելու Ադրբեջանի ղեկավարության հետ և ներկայացնելու Ա.ԴԻՄ-ում իրավիճակը նորմալացնելու կայուն աշխատանք ապահովելու և արմատական տնտեսական բարեփոխումներ իրագործելու խնդիրները: Քննարկվեց նաև փախստականներին իրենց բնակավայրերը վերադարձնելու հարցը: Քաբվից վերադառնալով՝ նա հունվարի 28-ին մեկնեց Երևան և Հայաստանի ղեկավարության հետ հանդիպման ժամանակ քննարկեց Ղարաբաղում ինքնուրույն տնտեսաշարժում աշխատող միավորումներ ստեղծելու հարցը, որում կարևոր դեր պետք է ունենային կուսակցական և պետական մարմինները:՝ Փետրվարի 6-ին Ա.Վոլսկին հանդիպելով Ստեփանակերտի կոշիկի ֆաբրիկայի աշխատողների հետ՝ հայտարարեց, թե Լեռնային Ղարաբաղի հիմնախնդիրը կլուծվի փուլ առ փուլ, աստիճանաբար: Իսկ դրա առաջին և խոշոր քայլն աշխատելն է:՝¹ Դրանից հետո մի հարցազրույցում նա նշեց, որ հայերի և ադրբեջանցիների համար շատ ավելի վատ կլիներ, եթե հատուկ դրություն չմտցվեր: Աստ նրա՝ պետությունն այլ ելք չի ունեցել: «Ճիշտ է, - պնդում էր նա, - հատուկ կոմիտե մտցնելն ինչ-որ տեղ նվաստացնում է Ղարա-

¹ Правда, 27.01.1989.

² Նույն տեղում, 29.01.1989:

³ Социалистическая индустрия, 30.01.1989

բաղի բնակչության մի քանի իրավունքներ, սահմանափակվում են «սոցիալին խորհրդի իրավունքները... կանգնեցված է կուսակցության մարզկոմի գործունեությունը: Կրկնում եմ, դա միակ ենթարկող ելքն էր, եթե կուզենաք, ամենամարդասիրական և ժողովրդավարական քայլն էր գործադրվող բռնության հանդեպ: Անշուրտ մեր երկրում սահմանադրական նման քայլ չի կիրառվել, սոցիալիստ փորձ չենք ունեցել: Մարզի բնակչությունն ընդունում է, որ հետապնդված քայլը եղել է արդարացված: Դրանում ոչ մի կասկած չկա»:

Լեռնային Ղարաբաղում Հատուկ կառավարման կոմիտեի ստեղծումով ի հայտ եկան կյանքի աշխուժացման որոշ նշաններ, հատկապես կոոպերատիվների գործունեության բնագավառում: Նախուժվեց մարզում կառուցել համակցված կերտի գործարան, վերականգնեց Ստեփանակերտի ջրամատակարարման և էլեկտրամատակարարման համակարգերը: Անհատական շինարարությունը բուլլալանելու համար մշակվեց լրացուցիչ հողամասեր հատկացնելու և շինանյութերի առևտրի կազմակերպման պլան, որոշվեց Ստեփանակերտի կահույքի ֆաբրիկան մտցնել «Հարավկահույք» հզոր արտադրական միավորման կազմի մեջ, ստեղծել շինափայտի մթերոստ, վերանշակման և բնակչությանը փայտից պատրաստված արտադրատեսակների վաճառքի ֆիրմա: Կոմիտեն աշխատում էր ուժեղացնել տնտեսության յուրաքանչյուր ոլորտի և սոցիալական զարգացման հատուկ գործողությունների ծրագիր: Քայլեր էին ձեռնարկվում մարզում ստեղծելու նրա նյութատեխնիկական մատակարարման տարածքային մարմին, որը պետք է ուղիղ ենթարկվեր ԽՍՀՄ պետմատին:

Երկու ամիս անց կոմիտեն ավելի ընդարձակեց Լեռնային Ղարաբաղում կատարվելիք աշխատանքների ծրագիրը: Ա.Վոլսկին ետևորարեց, թե Ստեփանակերտի յուրամատիկական թատրոնի աշխատողները կմտնեն Հայաստանի թատերական գործիչների միության մեջ, կկազմակերպվի կոմպլեքսային հնագիտական վերականգնիչ արշավախումբ, որը կզբաղվի մարզի պատմության և մշակույթի հուշարձանների վերականգնման աշխատանքներով, Առաքյալի վանական համալիրը վերականգնելու միջոցներ կտրամուղվեն: Նաև հայտարարվեց, թե ԽՍՀՄ կառավարությունը թույլատրել է թթի օդու թորումը և արտահանումը, Ղարաբաղի գյուղատնտեսությունն ազատվում էր բոժոժի արտադրությունից, օրակարգ մտցվեց մսի կոմբինատի վերակառուցումը, ոչխարների

Խորհրդային Ղարաբաղ, 24.03.1989:

զլխաքանակի շեշտակի նվազեցումը և այլն, որոնք բխում են արցախահայության կենսական շահերից:¹

Դա վատ ծրագիր չէր, սակայն մարզի սոցիալ-տնտեսական զարգացման համար տրված 400 միլիոն ռուբլին ծախսվում էր մարզի աղքեղանաբնակ բնակավայրերում: ԼՂԻՄ-ում օր օրի ավելանում էին փախստականները: Արդեն 1989թ. փետրվարի սկզբի տվյալներով մարզում կային 11,5 հազար փախստականներ, որոնցից 8,5 հազարը Ստեփանակերտում: Քաղաքի դպրոցներում արտասովոր ծանրաբեռնվածություն էր. մեկ դասարանում պարապում էին 60 երեխաներ, մանկապարտեզներում 2-3 երեխաների բաժին էր ընկնում մեկ մահճակալ:² Քաղաքային գրադարանը, երաժշտական դպրոցը և մշակույթի շատ օջախներ վատթար վիճակում էին: Հատուկ կառավարման կոմիտեի անդամ Վալերի Սիդորովը փորձում էր արցախցիներին համոզել, թե այդ ամենը կհարթվի, և որ մարզը պետք է հասնի լիակատար ինքնուրույնության, ինքը լինի իր կյանքի տերը:³

Արցախահայության համար չափազանց ծանր էր 1989թ. և հաջորդ երկու տարիներին մտցված անձնագրային ռեժիմը: Միայն 1989թ. հունվար-փետրվարին զանազան խախտումների և անձը պարզելու համար մարզում ուժային մարմիններ են տարվել 10 հազար մարդ:⁴ Հայերին արգելում էին մարզկենտրոնից մեկնել շրջաններ: Բռնվածները նվաստացվում էին:

Լեռնային Ղարաբաղի վրա շատ ծանր էին անդրադառնում գործադուլները: Այդ մասին հանգամանորեն խոսվեց 1989թ. փետրվարի 8-ին Հատուկ կառավարման կոմիտեի անդամների և մարզի պրոպագանդիստների հանդիպման ժամանակ: Գործադուլների պատճառով նախատեսված 35 հազար քառակուսի մետր բնակտարածությունից գործարկվել էր ընդամենը 2,5 հազարը: Չէր կառուցվել ոչ մի դպրոց, հիվանդանոց, նախադպրոցական մանկակալ հիմնարկ, բնակարանամուտ տոնելուց զրկվել էր 1600 ընտանիք:⁵

1989թ. փետրվարի 13-ին լրանում էր Լեռնային Ղարաբաղի զանգվածային պայքարը սկսվելու մեկ տարին: Այդ օրը մարզում հայտարարվեց մեկօրյա գործադուլ: Իսկ փետրվարի 20-ին մարզխորհրդի հայտնի նստաշրջանի և նրա ընդունած պատմական որոշման տարելիցը մարզում և Հայաստանում նշվեցին մեծ պաթոտով: Մարտի 6-ին մարզում սկսվեց նոր գործադուլ, որը շարունակ-

¹ Խորհրդային Ղարաբաղ, 24.03.1989:

² Նույն տեղում, 9.02.1989:

³ Գրական թերթ, 24.02.1989:

⁴ Խորհրդային Ղարաբաղ, 8.03.1989:

⁵ Նույն տեղում, 10.02.1989:

վեց մինչև մարտի 13-ը, որի հիմնական պատճառը մարզի բնակչության անվտանգությունն էր Հատուկ կառավարման կոմիտեի նկատմամբ: Ա.Վոլսկին իր հերթին գործադուլի պատճառ էր համարում պարետային ժամը վերացնելու մարզի բնակչության պահանջը:¹

Արցախցիները մեկ տարի շարունակ համառորեն պայքարում էին, սակայն նրանց պահանջը չէր լուծվում: Ձախտոլվում էր նաև տունզայիթյան դատավարությունը: Աղքեղանը հարձակման էր անցել թուր ճակատներով լրատվությունից մինչև շրջափակում և ծայրամասային գյուղերի վրա հարձակումից մինչև մարդկանց պատանդ վերցնելը: Առանձանպես զանգվածային բնույթ էին ընդունել տնասնագողությունը և հայերի ունեցվածքի հափշտակումները: Կլանավորված էր մարտի 9-ին Մոսկվայում անցկացնել ԽՍՀՄ Միևիստրոների խորհրդի նիստ, որտեղ պետք է քննարկվեր ԼՂԻՄ-ի տնտեսության կառավարման կազմակերպման հետ կապված հարցը, սակայն այն վիժեցվեց Աղքեղանի կողմից: Բաքվում և Աղքեղանի մյուս քաղաքներում չէին դադարում հակահայկական հանրահավաքներն ու ցույցերը, որոնց հիմնական կարգախոսներն էին «Հայեր, կորեք աղքեղանական հողից», «Հայերը մեր թշնամիներն են» և այլն:

1989թ. մարտի 26-ը ԽՍՀՄ Գերագույն խորհրդի պատգամավորների ընտրությունների օրն էր:² Տնօրենների խորհրդի, «Կռունկի» նախկին անդամների և Շարժման զործուն մասնակիցների, հատարակական կազմակերպությունների, կուսակցական ու պետական մարմինների ղեկավար ուժերի ակտիվ աշխատանքի շնորհիվ քաղաքական նշանակություն ունեցող այդ միջոցառումն Արցախում կազմակերպվեց բարձր մակարդակով, և առաջադրված բոլոր թեկնածուներն էլ ընտրվեցին պատգամավոր: Նախընտրական քաղաքական ժամանակ Հատուկ կառավարման կոմիտեի անդամ Վիկտոր Միշինը հայտարարեց, թե «Ղարաբաղյան ժողովրդական

¹ Նույն տեղում, 8.03.1989:

² Թեկնածուներ էին առաջադրվել Հենրիխ Պողոսյանը /Ստեփանակերտի լսողային-տարածքային ընտրական շրջան/, Ջորի Բալայանը /Ասկերանի ընտրական շրջան/, Վաչագան Գրիգորյանը /Մարտունու և Հաղորթի ընտրական շրջան/, Վահան Գրիգորյանը /Մարտակերտի ընտրական շրջան/, Բորիս Դադամյանը /ԼՂԻՄ տարածքային ընտրական շրջան/, Վազիֆ Ջաֆարովը /Շուշիի ընտրական շրջան/ և Արկադի Կոլսկին /ԼՂԻՄ և հարակից աղքեղանական չորս շրջանները միավորող տարածքային ընտրական շրջան/:

չարժուժն արդեն ապացուցել է իր միասնությունը, իր ուժը, իր հանրահայտությունը»¹։

Այդ ժամանակ «Խորհրդային Ղարաբաղը» մարզի միակ զանգվածային թերթն էր, որի յուրաքանչյուր համար Արցախում և նրա սահմաններից դուրս սպասվում էր անհամբերությամբ։ Թերթի բաժանորդների թիվը հասել էր անհասխարհաբար քանակի՝ 40 հազարի։ Քանի որ նման տպաքանակ ապահովելը մարզային տպարանի համար դժվար էր, Արցախում ստաժում էին թերթի տպաքանակի մի մասը տպագրել Երևանում։ Վալերի Սիդորովը փետրվարի 21-ին Չայկովկուսի կենտրոնի քարտուղար Գալուստ Գալոյանին ուղարկած նամակով խնդրեց ընդառաջել արցախցիների ցանկությանը, որը և կատարվեց²։

1989թ. մարտի 5-ին Ստեփանակերտում տեղի ունեցավ Չայկական արցախյան բարեգործական «Ամարաս» ընկերության հիմնադիր համագումարը։ Դրանում ընդունված ծրագրային փաստաթղթի բնորոշմամբ «Ամարասը» զանգվածային հասարակական կազմակերպություն էր, որը հիմնված էր աշխատավորների հայրենասիրական ակտիվության վրա և հանդես էր գալիս հանուն մարդկային փոխհարաբերությունների հումանիզացման ու հասարակության բարոյական մաքրման։ Պաշտպանելով մարդու կյանքի և ազատության իրավունքը՝ «Ամարասը» հետևողականորեն հանդես էր գալիս հանուն խաղաղության, դատապարտում բռնությունը, մարտնչում ինչպես առանձին քաղաքացիների, այնպես էլ հասարակական խմբերի ու ժողովուրդների հանդեպ ամեն մի անարդարության և կամայականության դեմ։ «Ամարասը» հանդես էր գալիս ամեն տեսակ ազգային անարդարության դեմ, մերժում ռասիզմը, ազգայնամոլությունը։ Ընկերությունն իր ամենազխամկոր խնդիրներից մեկն էր համարում բոլոր կարիքավորներին, երեխաներին, հիվանդներին, ծերերին, հաշմանդամներին անշահախնդիր օգնություն ցույց տալը։ Համագումարն ընկերության վարչության նախագահ ընտրեց Բորիս Դադայանին³։

Հայոց Առաքելական եկեղեցու Արցախի թեմը դադարել էր գործելուց 1920թ. գարնանը՝ թուրքերի կողմից Շուշիի ավերման ժամանակ Վահան եպիսկոպոսի սպանվելուց հետո։ 1920-ական թվականների սկզբին այն վերականգնվել էր, կենտրոն ունենալով

¹ Խորհրդային Ղարաբաղ, 24.03.1989:

² ՀՀ ՀԶԿՓ ԿՊԱ, ֆ. 1, ց. 83, գ. 68, թ. 24:

³ Ամարաս, 1989, N 3: Տես նաև՝ Չայրենիքի ծայն, 1989, N 22: Իմօջիայլոց, «Ամարասը» Արցախում ստեղծված առաջին բարեգործական ընկերությունն էր, որը կարճ գոյություն ունեցավ։ Նրա պաշտոնական օրգան «Ամարասը» ունեցավ երեք համար:

Գանձասարը։ Ադրբեջանի իշխանությունների կողմից Արցախի հավատացյալների նկատմամբ իրագործվող բռնությունների և հալածանքների արդյունքում 1933թ. դադարեցվել էր Արցախի թեմի գործունեությունը։ Գորբաչովյան «վերակառուցման» շրջանում ազգային-ազատագրական շարժման վերելքի հետ միասին վերականգնվեց նաև Արցախի հոգևոր կյանքը, և վերածնունդ ապրեց յրիւստոնեությունը։ Արկադի Վոլսկու միջամտությամբ 1989թ. ապրիլից Արցախի եկեղեցիները գործելու իրավունք ստացան։ Առաջինը Կոլանջեցին Ամարասի, ապա՝ Գանձասարի զանգերը։ Ամենայն հույսով կաթողիկոս Վազգեն Առաջինի օծությամբ 1989թ. հունիսի 6-ին Արցախի թեմի առաջնորդ ձեռնադրվեց Պարզև սրբազան Մարտիրոսյանը²։

1989թ. մայիսի 1-ին մարզում տարածվեցին թուլցիկներ, որոնցով կոչ էր արվում դադարեցնել աշխատանքը, սկսել համընդհանուր գործադուլ և հատուկ կառավարման կոմիտեին ներկայացնել մի շարք պահանջներ։ Մայիսի 3-ին Ստեփանակերտի արվարձանաբերական ձեռնարկությունների և հիմնարկների մեծամասնությունում դադարեցվեցին աշխատանքները։ Սա արդեն 10-րդ գործադուլն էր 1988թ. փետրվարից սկսած, որը շարունակվեց ավելի քան 3,5 ամիս՝ մինչև օգոստոսի 21-ը։ Մարզի հայ բնակչությունը խիստ դժգոհ էր հատուկ կառավարման կոմիտեից, որի բոլորովնությամբ Ադրբեջանի իշխանությունները մարզի ադրբեջանաբնակ բնակավայրերում ծավալել էին արդյունաբերական ձեռնարկությունների, սոցիալ-տնտեսական օբյեկտների, Շուշի քաղաքից ադրբեջանական բնակավայրեր տանող ճանապարհների լայնածավալ շինարարություն։ Առանց մարզային և շրջանային իշխանությունների ինացության, Խոջալուում կառուցվում էին 600 բանվորական տեղով տեքստիլ ֆաբրիկա, Բարդայի կարի ֆաբրիկայի 100 տեղանոց մասնաճյուղ, 50 մահակալով հիվանդանոց, 500 աշակերտական տեղով դպրոց, մանկապարտեզ, մշակույթի պալատ և այլ օբյեկտներ։ Նույնը կատարվում էր նաև մարզի ադրբեջանաբնակ մյուս գյուղերում, ինչպես նաև Ստեփանակերտի մեջ ձևավորվող Կրկժան քաղամասում, որտեղ նախատեսվել էր կառուցել կարի և տրիկոտաժի 500 տեղով ֆաբրիկաներ, ստեղծել ավտոշարասյուն, ընդարձակել գործող արդյունաբերական ձեռնարկությունները, կառուցել դպրոցական նոր շենք և այլն։ Եվ դա այն դեպքում,

¹ ՀՀ ՊԿՊԱ, ֆ. 409, ց. 1, գ. 2740, թ. 1:

² Պարզև սրբազանը ծնունդով հյուսիսային Արցախի Չարդախլու գյուղից է, աշխարհական անունը Գուրգեն է։ Նրան հոգևոր Պարզև անունը տվել է վեհապետ Վազգեն Ա-ն։ Պարզև սրբազանը եպիսկոպոս էր ձեռնադրվել 1985թ.:

երբ շինանյութերի բացակայության պատճառով մարզի հայկական բնակավայրերում գրեթե դադարել էին շինարարական աշխատանքները: Մարզի կուսակցական և խորհրդային մարմինների մի խումբ ղեկավարներ մարզի աշխատավորների անունից մայիսի 3-ին բաց նամակով դիմելով Մ.Գորբաչովին՝ նշում էին, որ նույնիսկ կառավարման հատուկ ձև մտցնելը մարզը չի պաշտպանել Ադրբեջանի կոպիտ, անպարկեշտ միջամտությունից: «Ի հակակշիռ ԼՂԻՄ սոցիալ-տնտեսական զարգացման մասին ընդունված որոշումների, - գրում էին նամակի հեղինակները, - տեղի է ունենում միջոցների նպատակային հատկացում և ադրբեջանական գյուղերի հապշտապ կառուցապատում, որտեղ աշխատանքներ են ընթանում արդյունաբերական և սոցիալական նշանակության օբյեկտների, ճանապարհների, բնակարանների շինարարության ուղղությամբ»: Արցախի ղեկավարները գտնում էին, որ «կառավարման հատուկ ձևը չպետք է փոխարինի տեղական կուսակցական և խորհրդային մարմինների կառուցվածքներին, այլ պետք է վեր կանգնի նրանցից՝ փոխարինելով հանրապետության ղեկավարությանը, որը լրիվ վարկաբեկել է իրեն և նախկին շովինիստական քաղաքականությունն է շարունակում Լեռնային Ղարաբաղի նկատմամբ»: Նրանք պահանջում էին քաղաքական գնահատական տալ Սունգալիթի կոտորածին և պնդում ԼՂԻՄ-ը դուրս բերել Ադրբեջանական ԽՍՀ ենթակայությունից ու միավորել Հայաստանի հետ:¹

1989թ. մայիսին ադրբեջանական զինված ավազակախմբերը շարունակում էին անասնազոդությունն ու կողոպուտները: Մինչդեռ Արևադի Վոլսկին հպարտանում էր, թե բոլորին զինաթափել են և առգրավել 3,5 հազար միավոր տարբեր տեսակի զենքեր: Բանն այն է, որ մարզի հայերից վերցրել էին բոլոր որսորդական հրացանները, մինչդեռ ադրբեջանցիների զենքի միայն մի չնչին մասն էին առգրավել: Ա.Վոլսկին նպատակ ունենալով արցախահայությանը հանգստացնել և Հատուկ կառավարման կոմիտեի համար հեղինակություն ստեղծել՝ հայտարարեց, թե որոշում է ընդունվել մարզում կառուցել 13 մլն ռուբլու արժողությամբ մարզային հիվանդանոց, թոքախտաբուժական դիսպանսեր և կարգավորել Ստեփանակերտի ջրամատակարարումը: Նաև ավելացրեց, թե ընթացիկ տարվա երկրորդ կեսին մարզը կանցնի տարածքային տնտեսաշվարկի, իսկ դրա համար պիտի կարողանալ ապահովել երկու ազգությունների հանգստությունն ու կյանքը և ամուր հիմքի վրա դնել մարզի բազմակողմանի զարգացումը:² Այդուհանդերձ, Հատուկ կառավար-

¹ Խորհրդային Ղարաբաղ, 5.05.1989:

² Коммунист, 3.05.1989.

ման կոմիտեն սկսել էր համոզվել, որ արցախցիներն ունեին միայն մեկ գերխնդիր. կամ վերամիավորել Հայաստանի հետ, կամ էլ ժամանակավորապես ենթարկվել Մոսկվային:

Հատուկ կառավարման կոմիտեն չկարողացավ և չէր էլ կարող կրկու ժողովուրդների միջև վստահության կամուրջ հիմնել: Չկարողացավ, որովհետև Մոսկվայի կամակատարն էր և չէր կարող դուրս գալ նրա գծած շրջանակներից: Նա չկարողացավ նաև կանխել Ադրբեջանի իշխանությունների կողմից մարզի ադրբեջանական բնակավայրերում մեծ թափով ընթացող ապօրինի շինարարությունը և ոչ էլ կարողացավ բեկումն մտցնել մարզի շինարարական աշխատանքներում: Ղարաբաղ էլ պարզ էր, որ առանց Ղարաբաղի հիմնադրարդի լուծման հազիվ թե այլ բնույթի որևէ եական դրական քայլ կատարվեր: Որ Հատուկ կառավարման կոմիտեի խոստումները և որոշումները չափից դուրս առատ էին, իսկ կատարվածը՝ չնչին, տեսնում էին բոլորը: Արցախցիները ծանծրացել էին դատարկ խոստումներից և սին հույսերից: Այսպես օրինակ՝ նախատեսված էր մարզում կապիտալ շինարարության ծավալն ավելացնել երեք անգամ, ոսկայն այն զիջում էր նախորդ տարիների նույնիսկ միջին մակարդակին: Մարզի շինարարական ամենամեծ կազմակերպությունը՝ 9-րդ շինտրեստը, տարվա պլանով իրեն հատկացված միջոցների նույնիսկ 10 տոկոսը չէր իրացրել: Թերությունները բավականին շատ էին, իսկ դրանց վերացման գերխնդիրը մնում էր չլուծված: Ընկնում էր հիմնական պատճառը, որ կուսակցության Ստեփանակերտի քաղկոմը, մարզի կուսշրջկոմների առաջին քարտուղարները, շրջխորհուրդների նախագահները, մարզից ԽՍՀՄ Գերագույն խորհրդի առանձին պատգամավորներ և Հատուկ կառավարման կոմիտեի որոշ անդամներ տարածաշրջանի իրավիճակը ներկայացնող բաց նամակով դիմելով Մ.Գորբաչովին՝ պնդում էին Ադրբեջանական ԽՍՀ-ից ԼՂԻՄ-ի անհապաղ, իրական դուրսբերման անհրաժեշտությունը և գտնում, որ հարցի ճիշտ լուծումը եղել և մնում է ԼՂԻՄ-ի վերամիավորումը Հայաստանի հետ:¹

1988թ. փետրվարից սկսած՝ Ղարաբաղյան շարժման վերաբերյալ մոսկովյան ոչ մի քննարկում դրական արդյունք չէր տվել, որովհետև ընդունված ոչ մի որոշում չէր բխել բուն հիմնախնդրից և ի սկզբանե մերժված էր: Ավելին, կոսմետիկ որոշումները միայն բացառական հետևանքներ էին թողել, ավելի էին շիկացրել մթնոլորտը տարածաշրջանում, էլ՝ ավելի բորբոքել հայ ժողովրդի ազգային պղպանակները:

¹ Խորհրդային Հայաստան, 18.05.1989:

1989թ. մայիսի 25-ին Մոսկվայում իր աշխատանքները սկսեց ԽՍՀՄ ժողովրդական պատգամավորների առաջին համագումարը: Այդ օրերին Հայաստանից և Լեռնային Ղարաբաղից հարյուրավոր հեռագրեր, նամակներ ու դիմումներ ուղարկվեցին համագումարին խնդրելով կամ պահանջելով վերականգնել պատմական արդարությունը և Լեռնային Ղարաբաղը վերամիավորել Հայաստանի հետ: Հայ ժողովուրդը փայփայում էր այն միտքը, թե համագումարն ի վիճակի կլինի լուծելու ղարաբաղյան հիմնախնդիրը: Արցախահայությունը և Շարժման ղեկավարությունն ուշադիր հետևում էին համագումարի աշխատանքներին: Նրանք ամենօրյա կապի մեջ էին Լեռնային Ղարաբաղից ընտրված պատգամավորների հետ: Ի-մանալով, որ մերձբալթյան հանրապետություններից, Մոսկվայից, Լենինգրադից, ինչպես և երկրի այլ տարածաշրջաններից բավականին թվով պատգամավորներ պաշտպանում են արցախահայության պահանջը, նրանք հույսեր էին փայփայում, թե Ղարաբաղի հիմնախնդիրը կլուծվի դրականորեն: Համագումարի ամբիոնից Հենրիխ Պոդոսյանի, Ջորի Բալայանի, Բորիս Դադամյանի, Հայաստանից մի շարք պատգամավորների առաջարկություններն արժանանում էին բազմաթիվ պատգամավորների հավանությանը: Մինչև անգամ Լե-նինգրադից Ա.Սոբչակը և Ա.Դենիսովը հայտարարեցին, թե իրենք հրաժարվում են ԽՍՀՄ Գերագույն խորհրդում իրենց տեղից՝ հօգուտ Լեռնային Ղարաբաղի ներկայացուցիչների: Սակայն աղբյե-ջանցի պատգամավորները բոլոր քանքերը գործադրում էին՝ խոչընդոտելու ԼՂԻՄ-ից և Հայաստանից պատգամավորների գործունեությունը: Համագումարին տված զեկուցման մեջ Մ.Գորբաչովը նշեց. «Ազգային ինքնորոշման սկզբունքը, որն առաջ է քաշել Լե-նինը, եղել և մնում է կոմունիստական կուսակցության ազգային բա-ղաքականության գլխավոր տարրերից մեկը»¹ սակայն դրանք լոկ խոսքեր էին: Որպես դրա պատասխան՝ մի քանի օր անց համագու-մարի ամբիոնից Բորիս Դադամյանը հարց դրեց. «Եկեք ինքներս մեզ հարցնենք, թե հանուն ինչի՞, հանուն այդ ո՞ր բարձրագույն սկզբունքների պետք է տառապի Ղարաբաղի հայ ժողովուրդը: Դա ի՞նչ ինքնորոշում է, եթե փոքրաթիվ ազգը ինքնորոշման համար պետք է թուլատվություն խնդրի ավելի մեծ ազգից: Վերջինս կարող է ողորմաժաբար թուլատրել կամ ամբարտավանորեն արգելել: Սա ի՞նչ մեծապետական թուլատրական ինքնորոշում է»² Այսպես էլ՝ ԽՍՀՄ ժողովրդական պատգամավորների ոչ առաջին և ոչ էլ հա-

յուրդ համագումարները ոչինչ էլ չարեցին Ղարաբաղի հիմ-նախնդիրը լուծելու հարցում:

Խորհրդային Հայաստանը ծանր ու դժվարին օրեր էր ապրում: Այլ կողմից երկրաշարժը, մյուս կողմից հանրապետությունում հարյուր հազարավոր փախստականների առկայությունը, Երևանում շարունակվող պարետային ժամը և կոմիտեականների ձերբա-կալությունը ստեղծել էին խիստ պայթուցավտանգ վիճակ: Չնայած հիմնական ղեկավարների ձերբակալությանը՝ «Ղարաբաղ» կոմի-տեն շարունակում էր գործել: Տեղական կոմիտեները լայն աշխա-տանք էին ծավալում հանրապետության գրեթե բոլոր հիմնարկ-ձեռ-նարկություններում և գյուղերում: Վ.Բադամյանցի 1989թ. հունվարի 20-ի մի գաղտնի զեկուցագրից իմանում ենք, որ հանրա-պետությունում «Ղարաբաղյան շարժման» ակտիվիստները փոր-ձում էին ԽՍՀՄ ժողովրդական պատգամավորների թեկնածուներ ա-ռաջադրել կոմիտեի ձերբակալված ամդամներին: Ըստ այդ զեկու-ցագրի՝ կոմիտեին պաշտպանողները դիմում էին «չանտաժի, սպառնալիքի, հոգեբանական ճնշման, ձգտում էին վարկաբեկել նեոնարկությունների ղեկավարներին, հիմնարկ-ձեռնարկություն-ների կուսակցական կազմակերպություններին»: Ըստ ՊԱԿ-ի նախա-գահի՝ կոմիտեականների և նրանց համախոհների գործունեությունն ույնքան բացահայտ է, որ որոշ ձեռնարկությունների ղեկավարներ առիպված էին դիմել իրավապահ մարմիններին նրանց նկատմամբ միջոցներ ձեռնարկելու համար: Օրինակ էր բերվում Երևանի Ռելեի գործարանը, որի ղեկավարությունը դիմել էր հանրապետության դա-տախազությանը՝ խնդրելով միջոցների ձեռնարկել Շարժման ակտիվիստներ Վ.Իվանյանի և Օ.Հարությունյանի նկատմամբ, ո-րոնք բանվորներին կոչ էին անում գործադուլի և ծախողում նախընտրական աշխատանքները: Նրանք վարչական կարգով ձեր-բակալվել էին 30-ական օրով:¹

Շարժման ակտիվիստների նկատմամբ նման ճնշիչ միջոցներ նեոնարկվում էին նաև հանրապետության մյուս քաղաքներում ու բնակավայրերում: Հանրապետության կուսակցական և պետական շատ ղեկավարներ վախենում էին հանրահավաքներից ու երթերից: Կուսակցական, կոմերիտական և արհմիութենական կազմակերպու-թյունները քայլեր էին ձեռնարկում հասարակության ղեկավարումն իրևից ձեռքում պահելու համար: Սակայն, հակառակ այդ ամենին, հանրապետության բնակչությունը չէր կորցրել պայքարի կորովը: Ըստ ԽՍԿԿ կենտկոմ Սուրեն Հարությունյանի ուղարկած նամակ-զեկուցագրի՝ մարտի 8-ին ժամը 12-ին Երևանի դրամատիկական

¹ Известия, 31.05.1989.

² Խորհրդային Հայաստան, 8.06.1989:

թատրոնի դիմացի պուրակում հավաքվել էին մոտ 500 մարդ, այդ թվում՝ 200 կին և երեխաներ: Երանք այնտեղ գնացած իշխանության ներկայացուցիչներից պահանջել էին ազատել «Ղարաբաղ» կոմիտեի անդամներին, կոչ էին արել պայքարել Արցախի համար մինչև վերջ, ապա պահանջել էին վերացնել պարետային ժամը, բացակը քաղաքից դուրս բերել, փախստականներին ապահովել բնակարաններով: Այդ գործողության ակտիվ մասնակիցները ձերբակալվեցին և տույժի ենթարկվեցին:¹ Իսկ մինչ այդ, ԳԿԿ Երևանի քաղկոմի քարտուղար Մ.Մինասբեկյանը փետրվարի 11-ին Հայկոմկուսի կենտկոմ ուղարկած նամակում հաղորդում էր, թե քաղկոմը տեղեկություն է ստացել, որ առանձին ժայռահեղական խմբեր նախապատրաստվում են նշել փետրվարի 18-ը՝ «որպես դաշնակցության խոռվության օր»: Քաղկոմի քարտուղարը կենտկոմին առաջարկում էր «ձեռնարկել բոլոր անհարժեշտ միջոցները՝ միտինգները, երթերն ու ժողովները կանխելու համար»: Եւ առաջարկում էր փետրվարի 18-ին նախորդած օրերին հանրապետության մամուլում և հեռուստատեսությամբ «դաշնակցության ռեակցիոն քաղաքականությունը մեղկացնող» հոդվածներ տպագրել և կազմակերպել նման հաղորդումներ:

Հայաստանի իշխանությունները չէին դադարում շարժման ակտիվիստների վրա ուժ և ճնշում գործադրելուց: Հանրապետության ներքին գործերի նախարար Գուսակ Հարությունյանի մի զեկուցագրից իմանում ենք, որ միայն 1989թ. մարտին վարչական կալանքի են ենթարկվել 25 հոգի, տուգանվել են 12-ը, 87-ը ստացել են նախազգուշացում, 2 հոգի ենթարկվել են քրեական պատասխանատվության: Երևանում, Էջմիածնում, Սևանում և Կիրովականում թուրքիկներ տարածելու համար ձերբակալվել է 12 հոգի, իսկ ժողովնատիտուտի ուսանող Ա.Սարգսյանը ձերբակալվել էր այն բանի համար, որ կոչ էր արել բոլկոտել ԽՍՀՄ Գերագույն խորհրդի ընտրությունները: Ներքին գործերի նախարարը Հայկոմկուսի կենտկոմին հաղորդում էր, որ երթի դուրս եկած բնակչությանը «չըջափակել էին ՆԳԿ ուժերը», որոնք նրանցից խլել էին 5 եռագույն դրոշ, 6 ցուցապաստառ՝ հետևյալ գրություններով՝ «Օկուպանտներ, հեռացե՛ք Հայաստանից», «Ղաղարեցնել բռնությունները», «Ազատություն «Ղարաբաղ» կոմիտեին», «Մեր պատգամավորը Պ.Հայրիկյանն է» և այլն: Մասնակի ընդհարումների հետևանքով միլիոնի 7 աշխատողներ ստացել էին թեթևակի վնասվածքներ: Ձեր-

բուկալվել էին 17 օրինազանցներ: Այդ ամենը կազմակերպողների գործերն ուղարկվել էին դատախազություն:¹

Հանրապետության բնակչության զանգվածային բողոքներն իշխանություններին ստիպեցին թույլատրել հանրահավաքներն ու դուլցերը: Մայիսի 11-ին թույլատրված առաջին հանրահավաքում երույթ ունեցողները պահանջեցին վերացնել անցաթղթային համակարգը, դժգոհություն հայտնվեց Հայաստանի իշխանությունների դանդաղկոտության համար, տեղյակ պահվեց, որ Ա.Վոլսկու ղեկավարած կոմիտեն ոչինչ չի անում ԼՂԻՄ-ը Հայաստանի հետ վեյտամիավորելու համար և այլն:

Մայիսի 30-ին Մատենադարանի դիմաց տեղի ունեցած ցույցի ժամանակ հայտարարվեց, որ «Ղարաբաղ» կոմիտեի անդամները բանտից ազատվել են և վերադարձել Երևան: Որ «Ղարաբաղ» կոմիտեի անդամներին կալանքից ազատելը ամենից առաջ հայ ժողովրդի հերոսական պայքարի արդյունք էր, անկասկած է: Դրանում շուրհագրված էին նաև մոսկովյան իշխանությունները, որոնց նպատակն էր այդ քայլով Հայաստան-Արցախի իշխանություններին հետ պահել Ղարաբաղյան շարժումից:

3. Արցախի և Հայաստանի վերամիավորման համազգային շարժման նոր փուլը /1989 թ. հունիս – 1991թ. սեպտեմբեր/

1989թ. մայիսի 28-ին Ստեփանակերտում առաջին անգամ զանգվածաբար նշվեց Հայաստանի առաջին Հանրապետության հռչակման տարելիցը: Հազարավոր ստեփանակերտցիներ, անտեմկով հատուկ դրությունը, հավաքվեցին քաղկոմի շենքի դիմաց, սույա՝ Ս.Շահումյանի անվան մարզադաշտում, ուր և տեղի ունեցավ ռազմահազարանոց հանրահավաք: Երույթ ունեցողները պահանջում էին ԽՍՀՄ Գերագույն խորհրդի համազուտարի օրակարգում ունցնել Լեռնային Ղարաբաղի հարցը: Միտինգավորները վանկարկում էին՝ «Հայաստան», «Ազատություն կալանավորներին», «Արդարացի դատ ոճրագործներին» կարգախոսները: Հունիսի 4-ին Հաղթանակի հրապարակում տեղի ունեցած հանրահավաքում բանաստեղծ Գուրգեն Գաբրիելյանը, պետական դրամատիկական թատրոնի տնօրեն Աշոտ Ստեփանյանը, Ղարամետաքս կոմբինատի կուսկոմիտեի քարտուղար Ռոբերտ Քոչարյանը, աշխատանքի վետերան Իշխան Ավետիսյանը, Ստեփանակերտի քաղկոմի քարտուղար Հասուրիկ Միքայելյանը և ուրիշներ խստորեն դատապարտեցին Բաքվի

¹ ՀՀ ՀԶԿՓ ԿՊԱ, ֆ.1, ց.127, գ.735, թ.1-2:

² Նույն տեղում, ֆ.1, գ. 698, թ. 28-29:

¹ ՀՀ ՀԶԿՓ ԿՊԱ, ֆ.1, ց. 87, գ. 37, թ. 2 և 39:

իշխանությունների հակահայ գործունեությունը և հույս հայտնեցին, որ Արցախը կմիավորվի մայր Հայաստանի հետ: Միտինգավորները շնորհավորեցին բանտից ազատված «Ղարաբաղ» կոմիտեի անդամներին և բազմաթիվ հեռագրեր ուղարկեցին Երևան: Արցախցիները նաև պահանջում էին ազատել Արկադի Մանուչարովին:

Ա.Գորբաչովը հունիսի 19-ին ընդունեց Լեռնային Ղարաբաղի մի խումբ պատասխանատու աշխատողներին:¹ Ընդունելությանը ներկա էին նաև Ն.Ռիժկովը, Վ.Չեբրիկովը և Ա.Վոլսկին: Մ.Գորբաչովը խոստացավ մոտակա օրերին վերականգնել մարզխորհուրդը, որոշ ժամանակ անց՝ կուսակցության մարզկոմը, ինչպես նաև ընդլայնել Հատուկ կառավարման կոմիտեի իրավունքներն ու լիազորությունները: Սակայն Մ.Գորբաչովի խոսքը դարձյալ գործի չվերածվեց:

Արցախահայության ազգային-ազատագրական պայքարը զնալով ավելի էր խորանում և ամրանում: Շարժման ղեկավարները հատուկ ուշադրություն էին դարձնում պայքարի առաջին շարքերում գտնվող բանվորների համախմբմանը: Ստեփանակերտի կահույքի ֆաբրիկայի արտադրամասի պետ Ռաֆայել Գաբրիելյանը առաջարկեց ստեղծել բանվորական խումբ, որը ցանկացած պահի պետք է պատրաստ լիներ կատարելու «Կռունկի» և Տնօրենների խորհրդի հանձնարարությունները: Շուտով քաղաքի արդյունաբերական ձեռնարկություններից ընտրվեցին «հատուկ բանվորներ», որոնց առաջին հավաքը տեղի ունեցավ 1988-ի մայիսին, սպայի տանը: Բանվորական խմբի հետ կապը պահպանում էր Տնօրենների խորհրդի անդամ Ռոբերտ Քոչարյանը: Խմբի երկրորդ հավաքը, որը տեղի ունեցավ նույն թվականի աշնանը, նրա նախագահ ընտրեց Ռաֆայել Գաբրիելյանին: Բանվորական խումբը մասնակցում էր հանրահավաքների, երթերի կազմակերպմանը, զենքի և զինամթերքի ձեռքբերմանը, ընդհատակյա ռազմակայանի ստեղծմանը, թուցիկների տարածմանը, հանդիպումներ ունենում Ա.Վոլսկու հետ և այլն:²

Մայիսի 31-ից սկսած՝ Ստեփանակերտում չէին դադարում չարտոնված հանրահավաքներն ու միտինգները: Արդեն երկու ամիս էր, ինչ մարզի արդյունաբերական ձեռնարկությունները չէին աշխատում: Ծանր կացության մեջ գտնվող Արցախն օգնություն էր ստանում դժվարին պայմաններում գտնվող Հայաստանից և այլ

տեղերից: Հուլիսի վերջին Ստեփանակերտ հասավ հատուկ ավտոչարասյուն՝ բաղկացած 7 բեռնատար ավտոմեքենաներից, որոնք վրաստանի Բոգդանովկայի շրջանից Ղարաբաղ հասցրին 36 տոննա սննդամթերք, 20 տոննա այլուր, 2 տոննա շաքար, 2 տոննա սրևածաղկի յուղ, պանիր, բրինձ և այլն:¹

Մարզում օր օրի ավելանում էր փախստականների թիվը: 1989թ. հուլիսի 1-ին նրանց թիվը հասել էր 18525-ի:² Վիճակը ծանրանում էր նրանով, որ «Կռունկը» չկար, իսկ Տնօրենների խորհուրդը փաստորեն չէր գործում: Ահա այդպիսի իրավիճակում անհետած գելի դարձավ նոր կազմակերպության ստեղծումը, որն ի վիճակի կլիներ գլխավորել ժողովրդական շարժումը և մարզը դուրս բերել ճգնաժամային վիճակից: 1989թ. հունիսի 27-ին Հաղթանակի կրավարակում տեղի ունեցավ արտոնված հանրահավաք, որի ընթացքում ելույթ ունեցան Հատուկ կառավարման կոմիտեի անդամներ Սեմյոն Բաբայանը և Վլադիմիր Թովմասյանը, Ստեփանակերտի քաղկոմի առաջին քարտուղար Վալերի Աթաջանյանը, Մարտունու և Մարտակերտի կուսերջկոմների առաջին քարտուղարներ Վաչագան Գրիգորյանն ու Վահան Գաբրիելյանը: Նրանք երկրի իշխանություններից պահանջում էին կատարել Մ.Գորբաչովի տված վերջին խոստումները և վերականգնել կուսմարզկոմն ու մարզխորհուրդը: Ավելի գործնական էր Ռոբերտ Քոչարյանի ելույթը: Նա առաջարկեց մարզում ստեղծել ժողովրդական ճակատ, որպեսզի հնարավոր լիներ կենտրոնացնել համաժողովրդական պայքարի ղեկավարումը: Այդ առաջարկությունն արժանացավ միտինգավորների հավանությանը:

1989թ. հուլիսի 8-ին Ղարաբաղում կոմերիտի ակումբում տեղի ունեցավ «Միացում» ժողովրդական շարժման քաղաքային կիսնաղիբ կոնֆերանսը:³ Սերժ Սարգսյանի բացման խոսքից հետո նախաձեռնող խմբի աշխատանքների և առաջարկությունների մասին զեկուցեց Ռոբերտ Քոչարյանը: Կոնֆերանսը հաստատեց Հայոց համազգային շարժման հետ «Միացում» ժողովրդական շարժման միավորման հնարավորության հարցը: Կոնֆերանսն ընտրեց «Միացում» ժողովրդական շարժման քաղաքային խորհուրդ՝ բաղկացած 11 հոգուց:⁴ Բաց քվեարկությամբ խորհրդի նախագահ

¹ Ջորի Բալայան, Վալերի Աթաջանյան, Սեմյոն Բաբայան, Վահան Գաբրիելյան, Վաչագան Գրիգորյան, Մաքսիմ Սիրոգոյան, Հենրիխ Պողոսյան և Վլադիմիր Թովմասյան:

² Բանվորական խմբի գործունեության մասին մանրամասն տե՛ս «Ազատ Արցախ» թերթի 1999թ. մայիս ամսվա համարներում տպագրված Ռաֆայել Գաբրիելյանի հուշերը:

1 Արևահայան Զրանտ, Ճակատագրին ընդառաջ, էջ 86:

2 Арутюнян В.Б., նշվ. աշխ., մաս 2, էջ 87:

3 Նույն տեղում: «Միացում» ժողովրդական շարժման Ստեփանակերտի կիսնաղիբ կոնֆերանսի նյութերը տե՛ս «Միացում» տեղեկագրի առաջին համարում /9.08.1989./:

4 Քաղաքային խորհրդի անդամներ ընտրվեցին Ռուբեն Աղաջանյանը, Գրիգոր Աֆանասյանը, Հանլետ Գրիգորյանը, Արմեն Դանիելյանը, Էնեստ Հայ-

ընտրվեց Ռոբերտ Քոչարյանը, տեղակալ՝ Սերժ Սարգսյանը: «Միացում» ժողովրդական շարժման առաջնահերթ նպատակը ԼՂԻՄ-ի վերամիավորումն էր Հայկական ԽՍՀ-ի հետ, որը «մարզի հասարակական-քաղաքական կյանքը բնականոն հունի մեջ կմտցնի և թույլ կտա ըստ փուլերի վճռել համազգային ու համադեմոկրատական խնդիրները»:¹

Կոնֆերանսի ընդունած «Հռչակագրում» նշված էր, որ Ստեփանակերտում ստեղծվել է հասարակական-քաղաքական նոր կազմակերպություն, որը ներկայացնում է բնակչության բոլոր խավերին և միավորում շարժման բոլոր մասնակիցներին: Այնտեղ նաև ասված էր, որ «Հայոց արցախյան «Միացում» ժողովրդական շարժումը համերաշխ է ինքնորոշման, դեմոկրատիայի և սոցիալական արդարության սկզբունքները հարգող բոլոր շարժումների հետ, մերժում է ազգային խտրականությունը և շովինիզմը՝ դրանց ցանկացած դրսևորումներով»:²

«Միացում» ժողովրդական շարժման Ստեփանակերտի հիմնադիր կոնֆերանսը հանդես եկավ հայ ժողովրդին ուղղված դիմումով: Այնտեղ ասվում էր, որ «հայ ժողովրդի երկու արհեստականորեն բաժանված հատվածների նպատակներն ու ձգտումները չեն կարող ամջատ լինել իրարից, ուստի դիմում են Հայոց արցախյան «Միացում» ժողովրդական շարժումը Հայոց համազգային շարժման բաղկացուցիչ մաս ճանաչելու խնդրանքով»՝ հույս հայտնելով, որ դա «կդառնա Մայր Հայաստանի հետ Արցախի միավորման նախագուշակ»: Նաև նշվում էր, որ «այսօր ամեն մի հայ, անկախ իր քաղաքական համոզմունքներից, ապրում է Հայաստանի հետ Արցախի վերամիավորման... գաղափարով»:³

Ռոբերտ Քոչարյանը, պատասխանելով «Միացում» տեղեկագրի խմբագրության հարցերին, նշում էր, որ «հենց վերակառուցման սկզբից էլ հասկացվում էր, որ ԼՂԻՄ-ում ժողովրդի զարթոնքը անխուսափելիորեն կստանա ազգային-ազատագրական շարժման ձև, իսկ դա չփոխակցվեց վերակառուցման գաղափարախոսների կողմից: Արցախը Հայաստանի հետ վերամիավորելու ազգային-ժողովրդական պայքարն ըստ էության ուղղված էր կաստայացած քաղաքական համակարգի փոփոխմանը: Ստացվեց այնպես, որ Ղարաբաղյան հիմնախնդրի ամիմն ձգձգումը հայ բնակչության մեջ ձևավորեց քաղաքական, սոցիալական, տնտեսական, մշակութային

րապետյանը, Էդուարդ Ղուկասյանը, Լևոն Միրզոյանը, Գարիկ Պետրոսյանը, Գեորգի Պետրոսյանը, Սերժ Սարգսյանը և Ռոբերտ Քոչարյանը:

¹ Միացում, 1989, N 1:

² Նույն տեղում:

³ Նույն տեղում:

հարցերի լուծման նկատմամբ ուժերի վստահության հաստատում համոզմունք»:¹

Այդ ժամանակ Ադրբեջանում հակահայ մոլուցքը զանգվածային բնույթ էր ստացել: Վայրենացած ադրբեջանական ամբոխը 1989թ. հուլիսի 13-ին Շուշիում պղծեց Խորհրդային Միության կրկնակի հերոս Լեյլան Ստեփանյանի, ականավոր պետական գործիչ Իվան Թևոսյանի, Բաքվի 26 կոմիսարներից Բաղդասար Ավագյանի և Արամ Կոստանդյանի կիսանդրիները: Բարբարոսները կիրովաքաղում նույն կերպ վարվեցին Խորհրդային Միության կրկնակի հերոս, Խորհրդային Միության մարշալ Հովհաննես Բաղրամյանի կիսանդրու, Բաքվում՝ Ստեփան Շահումյանի և հայ այլ ականավոր գործիչների հուշարձանների հետ: Բաքվում ոչնչացվում էր հայկական ամեն ինչ: Այնտեղ հանրահավաքներում կոչեր էին նրանում՝ ոչնչացնել հայերին և դուրս քշել քաղաքից: Այդ հակահայ կրկնակի, հակադարաքաղյան հիստերիան բորբոքում էին պատմության հայտնի կեղծարար Ջիա Բունիաթովը և նրա գաղափարակիցները:²

Այդ ամենն ի նկատի ունենալով՝ կուսակցության Ստեփանակերտի քաղկոմի քարտուղար Վալերի Աթաջանյանի և քաղխորհրդի գործկոմի նախագահ Մաքսիմ Միրզոյանի ստորագրությամբ հուլիսի 10-ին տազնապալի հեռագիր ուղարկվեց ԽՍՀՄ Գերագույն խորհրդի նստաշրջանին, որտեղ ասված էր. «ԼՂԻՄ-ի ադրբեջանցի բնակչության կողմից վերջին օրերին հաճախակի ու առավել դաժան են դարձել հայերի դեմ գործադրվող դավերը, որոնք խրախուսվում են հանրապետության ղեկավարության կողմից: Դրա նպատակն է, իհարկե, հայերին հրահրել համապատասխան գործողությունների: Մարզի շուրջ բոլոր ճանապարհները փակված են, գտնվում են ադրբեջանցիների հսկողության տակ: Ջարդում են հայերի մեքենաները: Մակայն զինվորականությունը չի կանխում, չի արգելում այդ վայրագությունները: Իսկ հայ բնակչության կողմից կիրառվող որևէ գործողություն արժանանում է խստագույն պատժի: Անհասկանալի է գործանասերի հրամանատարության այս միակողմանիությունը: Դրությունը բարդ է, հղի ամենածանր հետևանքներով: Խնդրում ենք ձեր անհետաձգելի միջամտությունը»:³ ԼՂԻՄ Հատուկ կառավարման կոմիտեի կուսակցական ապարատի 7 բաժինների վարիչների ու 26 պատասխանատու աշխատողների ստորագրությամբ հուլիսի 12-ին Ս.Գորբաչովին ուղարկված հեռագրում

¹ Միացում, 1989, N 1:

² Ջիա Բունիաթովը սպանվել է Բաքվում, 1997թ. փետրվարին:

³ Ուլուբաբյան Բագրատ, Արցախյան գոյապայքարի տարեգրություն, էջ 110:

նշվում էր, որ Լեոնային Ղարաբաղի հիմնախնդրի վճռման ձգձգումը հասցրել է իրավիճակի հերթական լարվածության. մարզը գտնվում է շրջափակման մեջ, զոհվում են մարդիկ, ձեռնարկությունները ենթարկվում են ջարդարարության և հրդեհման: Այդ ամենը կատարվում է ՆԳՆ աշխատողների և խորհրդային բանակի աչքի առաջ, որոնք կոչված են կանխելու նման հանցավոր գործողությունները: Դրան նպաստում են նաև «ժամանակ» ծրագրի ակախակական հաղորդումները: Բնակչությունը վրդովված է, որ հանցագործները մնում են անպատիժ: Բանը հասել է նրան, որ Շուշիում տեղի ունեցած հանրահավաքի ժամանակ որոշում են ընդունել հայերին արտաքսել Լեոնային Ղարաբաղից: Հեռագրի հեղինակները պահանջում էին անհետաձգելի միջոցառումներ ձեռնարկել:¹

Հատուկ շրջանի նոր պարետ գնդապետ Սուսատույը հուլիսի 11-ին դիմում հղեց Ստեփանակերտի և մարզի բնակչությանը՝ կոչ անելով չխանգարել Մոսկվայից եկող հանձնաժողովի աշխատանքներին, չընդհարվել գինավորականների և միլիցիայի աշխատողների հետ,² այն դեպքում, երբ հենց նրանք էին սադրանքներ կազմակերպում, անհիմն ձերբակալում մարդկանց, ծեծում կամ այլ պատիժների ենթարկում: Միայն 1989թ. յոթ ամիսների ընթացքում տարբեր պատճառներով մարզում կալանավորվել էր 15200 մարդ, որոնցից 14836-ը՝ հայ: ԽՍՀՄ դատախազության տվյալներով՝ 1988-ից մինչև 1992-ի մայիսը ԼՂԻՄ-ում և Հայաստանի սահմանամերձ գյուղերում սպանվել էին 388 և բռնագաղթվել 302 հազար հայ:³

ԽՍՀՄ Գերագույն խորհրդի Ազգությունների խորհրդի հերթական հանձնաժողովը Գ.Տարազևիչի գլխավորությամբ Լեոնային Ղարաբաղ ժամանեց 1989թ. հուլիսի 20-ին: Նրա հիմնական խնդիրն էր տեղում լսել մարդկանց, նյութեր հավաքել, ծանոթանալ իրավիճակին և զեկուցագիր ներկայացնել ԽՍՀՄ Գերագույն խորհուրդ: Հանձնաժողովը Լեոնային Ղարաբաղում մնաց մինչև հուլիսի 28-ը և հանդիպեց մարզի աշխատավորների, պատերազմի ու աշխատանքի վետերանների, կրթության և մշակույթի աշխատողների հետ: Սակայն, ըստ էության, այդ հանձնաժողովը նույնպես գործնական ուժի մեջ չարեց: Եվ պատահական չէ, որ հետո, երբ հանձնաժողովի կատարած աշխատանքը գնահատվում էր, Բորիս Օլեյնիկը ելույթ ունեցավ ԽՍՀՄ Գերագույն խորհրդի նստաշրջանում՝ գոթեթ գլխիվայր ներկայացրեց իրական պատկերը՝ խեղաթյուրելով այն ամենը, ինչ տեսել ու լսել էին Լեոնային Ղարաբաղում: Այդ նիստի

տեսագրությունը, ինչպես և Բորիս Պաղամյանի ելույթը, աղբրեջանական կողմի խնդրանքով կենտրոնական հեռուստատեսությամբ չհաղորդվեց:¹

1989թ. հուլիսյան իրադարձությունների համապատկերում արևմտնացվում է շահումյանցիների համարձակ քայլը:² Շահումյանի շրջանային խորհրդի նստաշրջանը հուլիսի 26-ին որոշում ընդունեց շրջանը ԼՂԻՄ-ին վերամիավորելու վերաբերյալ: Շահումյանցիները նման որոշում ընդունել էին նաև 1919 թվականին: Սակայն 1923թ.՝ ինքնավար մարզի ստեղծման ժամանակ, Աղբրեջանի իշխանությունները սահմաններն այնպես վերածնեցին, որ ամբողջ կուսիսային Արցախն անջատվեց Լեոնային Ղարաբաղից:³ Մի բանի օր անց՝ օգոստոսի 6-ին, Շահումյանի կուսաշրջկոմի առաջին քարտուղար, Բաբվի դրածո Ռոլանդ Միրզոևը պաշտոնանկ արվեց, և առաջին քարտուղար ընտրվեց Վլադիմիր Աղաջանյանը:

Խորհրդային իշխանության տարիներին բազմիցս հարց էր բարձրացվել Շահումյանի շրջանն ընդգրկել ԼՂԻՄ-ի կազմի մեջ, սակայն միշտ էլ մերժվել էր Աղբրեջանի իշխանությունների կողմից: Ղարաբաղյան շարժման հենց սկզբից Շահումյանի շրջանի և Գետալենի ենթաշրջանի հայ բնակչությունն ակտիվորեն պահանջում էր Լեոնային Ղարաբաղի հետ միառիմ միավորվել Հայաստանին:

Արցախում ստեղծված բարդ իրադրության պայմաններում, չնայած իր բավականին ակտիվ գործունեությանը, «Միացում» շարժումը չկարողացավ գլխավորել Ղարաբաղյան շարժումը: Դրա հիմ-

1 Խորհրդային Ղարաբաղ, 8.08.1989:

2 Ավելի քան 4000 շահումյանցիներ 1989թ. հուլիսի 25-ին շրջկենտրոնում հավաքվելով միտինգի՝ պահանջեցին անհապաղ հրավիրել շրջխորհրդի նստաշրջան և որոշում ընդունել շրջանը ԼՂԻՄ-ի հետ վերամիավորելու վերաբերյալ: Հենց այդ նույն միտինգում էլ որոշվում է նստաշրջանը հրավիրել հաջորդ օրը՝ ժամը 16-ին: Իսկ երբ պարզվում է, որ Բաբվից պիտի ժամանեն էմիսարներ, շահումյանցիները որոշում են նստաշրջանը սկսել մինչև նրանց գալը՝ ժամը 11-ին: Շրջխորհրդի 75 պատգամավորներից ներկա էին 69-ը: Աղբրեջանցի 9 պատգամավորներ հեռացել էին նիստից: Ելույթ ունեցան 25 հոգի (Գրական թերթ. 2.08.1989, Арутюнян В.Б., նշվ. աշխ. մաս 2, էջ 119):

Սյո ժամանակ էլ պատմական Գյուլիստանի մեջիցության տարածքը միացվել էր Գանձակի շրջանին: 1930թ. այն առանձնացվել էր, և ստեղծվել Շահումյանի գյուղական շրջան՝ 583 ք. կմ տարածքով, որտեղ 1989թ. մարդահամարի տվյալներով ապրում էր 20625 մարդ, որից 15973-ը՝ հայ, 2889-ը՝ աղբրեջանցի և 763-ը՝ ռուս: 1940-ական թվականներին Կասում Իսմայիլի շրջանից Ձեյվա, Շաֆագ, Գյուլգալար, իսկ Խանլարի շրջանից՝ Տոզան գյուղերը միավորել էին Շահումյանի շրջանին: Այն ԼՂԻՄ-ի հետ ուներ պելելի բուն 50 կիլոմետր երկարությամբ սահման:

1 Арутюнян В.Б., նշվ. աշխ., մաս 2, էջ 93-95:

2 Նույն տեղում, էջ 90-92:

3 Աբրահամյան Հրանտ, ճակատագրին ընդառաջ, էջ 84-85:

նական պատճառը շարունակվող հանընդհանուր գործադուլն էր: Շրջափակման և գործադուլի մեջ գտնվող Արցախը շնչահեղձ էր լինում: Հայաստանից եկող ավտոշարասյունները տեղ չէին հասնում, իսկ Բաքվից ուղարկվող ապրանքները չէին ընդունվում արցախցիների կողմից: Երրորդ ամիսն էր, ինչ մարդիկ աշխատավարձ չէին ստանում: Անգամ ԽՍՀՄ ներքին գործերի մինիստր Յ.Շատալինը լինելով Ստեփանակերտում ու Լաչինի շրջանում՝ չկարողացավ անվտանգ դարձնել Գորիս-Ստեփանակերտ ճանապարհը: Ստեփանակերտում օգոստոսի 4-ին տեղի ունեցած հանրահավաքը՝ ելնելով ստեղծված իրավիճակից՝ բնակչությանը կոչ արեց դադարեցնել գործադուլը հատկապես շինարարական օբյեկտներում և վերականգնել աշխատանքային ռիթմը, որպեսզի փախստականների համար կառուցվեին բնակարաններ: Իրոք, Արցախը ծանր վիճակից դուրս բերելու ճիշտ ուղին գործադուլը դադարեցնելն էր: Բայց ո՞վ կարող էր իր վրա վերցնել գործադուլավորներին հանդգելու պատասխանատվությունը: Հատուկ կառավարման կոմիտեն ի վիճակի չէր, որովհետև արցախցիները նրան չէին հավատում ու վստահում: Ահա այստեղ էր, որ օգոստոսյան հասավ Ղարաբաղի հերոսական անցյալի փորձը: Նպատակահարմար գտնվեց 1918թ. օրինակով ստեղծել Ազգային խորհուրդ, որը կգլխավորեր ազատագրական պայքարը: Այդ նպատակով օգոստոսի 7-ին Շոշ գյուղում տեղի ունեցավ հավաք, որին մասնակցեցին Ասկերանի, Հադրութի, Մարտունու, Մարտակերտի կուսըղկոմների քյուրուների, մարզային արհմիութենական խորհրդի նախագահության, մարզի կոմերիտմիության քյուրույի, «Միացում» կազմակերպության վարչության անդամները, ԼՂԻՄ մարզային, քաղաքային և շրջանային խորհուրդների ժողովրդական պատգամավորները: Հավաքը քննարկեց դժվարին պայմաններում կուսակցական և պետական մարմինների, հասարակական ու քաղաքական կազմակերպությունների գործողությունների միասնականությունն ապահովելու հարցը: Որոշվեց հետագա գործողությունների ծրագիր մշակելու համար շուտափույթ հրավիրել ԼՂԻՄ բնակչության լիազոր ներկայացուցիչների համագումար: Այն նախապատրաստելու համար ստեղծվեց կազմկոմիտե՝ մարզգործկոմի նախագահի տեղակալ Շամվոն Պետրոսյանի գլխավորությամբ:

Որպես համագումարին նախապատրաստվելու գործնական քայլ՝ օգոստոսի 11-ին Ստեփանակերտում հրավիրվեց հանրահա-

վաք, որը Հատուկ կառավարման կոմիտեից պահանջեց երեք օրվա ընթացքում վերացնել մարզի շրջափակումը և բողոք ներկայացրեց ԽՍՀՄ բարձրագույն իշխանություններին՝ պահանջելով կալանքից ազատել Արկադի Մանուչարովին:¹

1989թ. օգոստոսի 16-ին Ստեփանակերտի պետական դրամատիկական թատրոնի շենքում տեղի ունեցավ Լեռնային Ղարաբաղի ազգաբնակչության լիազոր ներկայացուցիչների համագումարը: ԼՂԻՄ Հատուկ կառավարման կոմիտեի կողմից համագումարին մասնակցեց Ա.Կուպրև: Մարզում ստեղծված իրավիճակի մասին զեկուցումով հանդես եկավ Վ.Թովմասյանը: Մտքերի փոխանակությանը մասնակցեցին շուրջ քսան հոգի: Համագումարի անուցից դիմումներ հղվեցին համապատասխան մարմիններին՝ Արկադի Մանուչարովի և Չափարի գյուղի անհիմն ձերբակալված բնակիչների նկատմամբ ընտրված խափանման միջոցը փոխելու պահանջով: Համագումարը որոշում ընդունեց «Մարզում ստեղծված իրավիճակի մասին», «Հռչակագիր Լեռնային Ղարաբաղն անկախ հայտարարելու վերաբերյալ», դիմում՝ «Հատուկ շրջանի պարետին, խորհրդային բանակի և ԽՍՀՄ ՆԳՍ ստորաբաժանումների սպաներին»: Համագումարը խստագույն կերպով մերժում էր մարզի ներքին գործերին Ադրբեջանի կառավարության կողմից միջամտություն ցույց տալու յուրաքանչյուր փորձ և ինքնավար մարզի հանդեպ անընդունելի էր համարում թելադրանքի քաղաքականությունը: Որոշվեց «որպես պետական իշխանության խորհրդանիշ, մարզի տարածքում ընդունել ԽՍՀՄ պետական դրոշմը»: Համագումարն ընդգծում էր, որ «ԽՍՀՄ սահմանադրությունը ոչ մի մարմնի, այդ թվում և ԽՍՀՄ Գերագույն խորհրդի նախագահությանը իրավունք չի վերապահում դադարեցնել նույնիսկ գյուղական և ավանային խորհուրդների գործունեությունը», և որ «ԽՍՀՄ Գերագույն խորհրդի նախագահության 1989թ. հունվարի 12-ի հրամանագրով հատուկ կառավարման կոմիտեին այդպիսի իրավունքով օժտելը հիմնական օրենքի երկրորդ հոդվածի կոպիտ խախտում է»: Հռչակվեց, որ «Ազգային խորհուրդը անկախ է իր գործունեության մեջ, վերահսկելի միայն համագումարի կողմից: Նրա որոշումները պարտադիր են Լեռնային Ղարաբաղի ամբողջ տարածքում կատարելու համար»: Հռչակագրում նաև նշված էր, որ «ԼՂԻՄ-ի գործերին Ադրբեջանական ԽՍՀ-ի միջամտությունը գնահատվելու է որպես ագրեսիայի ակտ և կստանա համարժեք պատասխան»: Համագումարը դիմելով աշխարհի դեմոկրատական պետությունների կառավարություններին և ՄԱԿ-ի գլխավոր քարտուղարին՝ խնդրում էր օժանդակել Լեռ-

¹ Այդ հանրահավաքում ելույթ ունեցան մարզային հիվանդանոցի գլխավոր փրկաբույժ, Շարժման առաջամարտիկ Է.Ղուկասյանը, Ասկերանի շրջող-կրթաժամար Ա.Գրիգորյանը, փախստականների կոմիտեի նախագահ Յու.Դանիելյանը և ուրիշներ:

¹ Арутюнян В.Б., նշվ. աշխ. մաս 2, էջ 143-144:

նային Ղարաբաղի հայ բնակչության ինքնորոշման և անկախության ձգտումներին։¹

Համագումարն ընտրեց 80 հոգուց կազմված Ազգային խորհուրդ և 21 հոգանոց նախագահություն։ Ազգային խորհրդի նախագահն ընտրվեց Մարտունու կուսշրջկոմի առաջին քարտուղար Վաչագան Գրիգորյանը, տեղակալներ՝ Վ.Աթաջանյանը և Վ.Թովմասյանը։ Համագումարի կոչով օգոստոսի 21-ից գործադուլը դադարեցվեց, և արդեն 28-ին բոլոր ձեռնարկություններն աշխատում էին։ Ինչպես և սպասվում էր, ԼՂԻՄ լիազոր ներկայացուցիչների համագումարն ու նրա որոշումները սվիններով ընդունվեցին Ադրբեջանի կողմից։ Ադրբեջանական ԽՍՀ Գերագույն խորհուրդն իր օգոստոսի 23-ի նիստում որոշում ընդունեց արձակել Լեռնային Ղարաբաղի լիազոր ներկայացուցիչների կողմից ընտրված Ազգային խորհուրդը։ Նիստում պատգամավորների պահվածքն ու վարքագիծը խուլիգանական էր։ Նրանց հանգստացնելու համար Ա.Վեգիրովը հայտարարեց, որ թե՛ պատգամավորները և թե՛ ժողովուրդը չպետք է անհանգստանան, քանի որ «Լեռնային Ղարաբաղը մերն է, միշտ էլ կմնա մերը, որովհետև մեր թիկունքում կանգնած են և մեզ պաշտպանում են Մ.Գորբաչովն ու Ե.Լիգաչովը»։²

Մինչ այդ՝ օգոստոսի 15-ին, Բաքվում ստեղծվել էր «Ղարաբաղին օգնելու համազգային շարժում» կազմակերպությունը, որի հիմնական խնդիրն էր Լեռնային Ղարաբաղը լրիվ ադրբեջանականացնելու համար չխնայել «ոչ ֆինանսական և ոչ էլ այլ միջոցներ»։³ Այդ նույն օրերին էլ Բաքվի մտավորականության ժողովը, որին մասնակցեցին նաև քաղաքի հասարակայնության ներկայացուցիչները, դիմելով ադրբեջանական ժողովրդին, բացահայտ կոչ արեց դիմել բռնությունների՝ «արհեստականորեն ստեղծված «ԼՂԻՄ ի պրոբլեմին» վերջ տալու նպատակով»։ Խեղաթյուրելով պատմական ճշմարտությունը և Ղարաբաղյան շարժման էությունը՝ Ադրբեջանի մտավորականները փորձում էին ամեն ինչ գլխիվայր շուռ տալ և նույնիսկ հայտարարեցին, թե իբր հայերը «խարխուլում են ադրբեջանցիների հեղինակությունն ամբողջ աշխարհում»։⁴ Ադրբեջանի մտավորականներն իրենց ժողովրդին մոլորության մեջ գցելով՝ հայտարարում էին, թե իբր ոչ թե ադրբեջանցիները, այլ հայերն են

չբավականել ԼՂԻՄ-ը և Ադրբեջանից Հայաստան գնացող երկաթուղին, որ հայերն են հարձակվում ադրբեջանական զնազքների վրա։

Արցախցի մի խումբ մտավորականներ, ի պատասխան, հերթական անգամ մերկացրին ազերի մտավորականների խեղաթյուրումները։¹

Ադրբեջանում ամեն օր դիմում էին նոր սադրանքների և կեղ-դիքների։ Օգոստոսի 18-ին մամուլում հրապարակվեց Բաքվի Լի-վոմիի շրջանի աշխատավորների դիմումը՝ ուղղած ԽՍՀՄ Ժողովրդական պատգամավորներին։² Այդ փաստաթուղթը կազմողները փորձում էին հասցեատերերին համոզել, թե իբր «Միայն Ադրբեջանի լազմազգ ժողովուրդն է իրավասու որոշելու իր սուվերեն հանրապետության տարածքային կարգավորման հարցը», և որ օրենքի խախտումը «կարող է հանգեցնել բարդ հասարակական-քաղաքական հետևանքների»։ Այդ սպառնալիքը, ըստ էության, ադրբեջանական մտավորականության նախորդ դիմում-զառանգանքի հետևողական շարունակությունն էր, որն ամբողջական տեսք ստացավ սեպտեմբերի 15-ին տեղի ունեցած Ադրբեջանի Գերագույն խորհրդի նուսաշրջանում, երբ դարձյալ քննարկվում էր ԼՂԻՄ-ի հարցը։³

Ի հակադրություն ադրբեջանական վայր մտավորականության՝ ամվանի սոցիոլոգ և արցախյան շարժման նվիրյալ Գալինա Ստա-յովիտովան իրավացիորեն գտնում էր, որ «Ղարաբաղի պրոբլեմը, նույնիսկ այնքան էլ ազգային չէ, չնայած այստեղ կա ազգամիջյան ուղշակիորեն ձգձգված կոնֆլիկտ», և որ «հարցն ավելի ճիշտ քաղաքական է ու պետական, ազգի ինքնորոշման իրավունքն ավելի բարձր է պետական սուվերենության գաղափարից»։ Եւ առանձնապես շեշտում էր, որ «այս մեկ ու կես տարում Ղարաբաղը դարձել է երկրի կենտրոնը և ձեռք բերել գլոբալ նշանակություն»։⁴

Ադրբեջանը շարունակում էր ավելի սեղմել շրջափակման օրակը։ Սեպտեմբերի 8-ին Ստեփանակերտում տեղի ունեցած հանրահավաքում ելույթ ունեցածները պահանջեցին վերջ տալ մարզի քրեափակմանը, ադրբեջանական բնակավայրերում ապօրինի շինարարությանը, անհրաժեշտ համարեցին բոլոր ուժերը կենտրոնացնել՝ վերացնելու երկարատև գործադուլի հետևանքները, փախելու ազերի անասնազոդերի ճանապարհը, ուժեղացնելու հայկական հատկապես սահմանամերձ գյուղերի պաշտպանությունը և այլն։ Նրանք նաև կոչ արեցին չենթարկվել սադրանքների և խու-

¹ Լեռնային Ղարաբաղի ինքնավար մարզի ազգաբնակչության լիազոր ներկայացուցիչների համագումարի նյութերը, Ստեփանակերտ, 1989, տես նաև խորհրդային Ղարաբաղ, 17.08.1989:

² Бакунский рабочий, 24.08.1989.

³ Նույն տեղում:

⁴ Бакунский рабочий, 24.08.1989.

Խորհրդային Ղարաբաղ, 25.08.1989:

Бакунский рабочий, 18.08.1989.

Նույն տեղում, 19.09.1989:

Խորհրդային Ղարաբաղ, 22.08.1989:

ճապի, դրսևորել կազմակերպվածություն, շրջահայացություն, ամրապնդել մարզի և ամբողջ հայության միասնությունը: Որոշվեց հանրահավաքի անունից դիմել Հայկական ԽՍՀ Գերագույն խորհրդին՝ խնդրելով ամհապաղ հրավիրել արտահերթ նստաշրջան և քննարկել Լեոնային Ղարաբաղը Հայաստանի հետ վերամիավորելու հարցը:¹

Ազգային խորհուրդը դիմեց Հայկական ԽՍՀ Գերագույն խորհրդին՝ խնդրելով քննարկել ԼՂԻՄ ազգաբնակչության լիազոր ներկայացուցիչների համագումարի «Հռչակագիրը» և իրեն ճանաչել որպես մարզում միակ ժողովրդական իշխանություն, ինչպես նաև ԽՍՀՄ Գերագույն խորհրդի առաջիկա նստաշրջանում օգտագործել միութենական հանրապետության բոլոր իրավունքները՝ Հայկական ԽՍՀ-ի հետ ԼՂԻՄ-ի վերամիավորման հարցը դրականորեն լուծելու համար:² Բացի այդ, ԼՂԻՄ Ազգային խորհուրդը նամակ հղեց ՄԱԿ-ի Անվտանգության խորհրդին՝ նշելով, որ ընտրվել է երկրամասի բնակչության 80 տոկոսը կազմող հայության լիազոր ներկայացուցիչների կողմից և հուսով է, որ Անվտանգության խորհուրդը կօժանդակի Ղարաբաղի հայության անվտանգության ապահովմանը: Նամակում հիշեցվում էր, որ ՄԱԿ-ի Գլխավոր Ասամբլեայի 1948թ. դեկտեմբերի 10-ի դեկլարացիան միշտ խախտվել է Ղարաբաղում, որն ամիսներ շարունակ գտնվում է ամենադաժան պաշարման պայմաններում, և որ այնտեղ շարունակվում են սպանություններն ու բռնությունները, իրականացվում տեղաբնիկների բռնագաղթեցում:³

Ղարաբաղյան իրադարձությունները շարունակում էին մնալ խորհրդային ժողովուրդների ուշադրության կենտրոնում: Ի պաշտպանություն արցախահայության՝ երկրի տարբեր ժայռերից բազմաթիվ նամակներ և հեռագրեր էին ստացվում Հայաստանում ու Արցախում: Դրանց հեղինակները հիմնականում գիտության, մշակույթի, հասարակական և քաղաքական կազմակերպությունների, ժողովրդական ճակատների ներկայացուցիչներ էին: 1989թ. սեպտեմբերի 16-18-ը Լեոնային Ղարաբաղում տեղի ունեցած ժողովրդական շարժումների և կազմակերպությունների համամիութենական կոնֆերանսին Արցախից մասնակցեցին «Միացում» ժողովրդական շարժման ներկայացուցիչներ Ռոբերտ Քոչարյանն ու Սերժ Սարգսյանը: Կոնֆերանսի առաջնահերթ խնդիրն էր համախմբել և կոորդինացնել ժողովրդավարական ուժերին, մշակել գործողությունների կոնկրետ սկզբունք և ծրագիր: Նախքան կոնֆերանսը, Լե-

ոնային ժողովրդական ճակատի ներկայացուցիչները եղել էին Ադրբեջանում, Հայաստանում և Լեոնային Ղարաբաղում: Նրանք Խանգամանորեն ծանոթացել էին Լեոնային Ղարաբաղի հիմնախնդիրների հետ: Կոնֆերանսի մասնակիցներին բաժանվել էին «Միացում» տեղեկագրի համարները: Ադրբեջանի ժողովրդավար իրաժարվել էր մասնակցել կոնֆերանսի աշխատանքներին: Սերժ Սարգսյանն իր ելույթում ներկայացրեց Լեոնային Ղարաբաղում և կրև շուրջ տիրող իրադարձությունների իրական պատկերը, որն առաջացրեց ներկաների վրդովմունքը: Կոնֆերանսի ընդունած դիմումի մեջ ասված էր. «Մենք ողջունում ենք Լեոնային Ղարաբաղի լիիրավ ներկայացուցիչների համագումարում ընտրված Ազգային խորհրդին և ԽՍՀՄ ժողովապետականություններին կոչ ենք անում այն ճանաչել որպես ինքնավար մարզի ժողովրդական ինքնակառավարման միակ ընտրովի մարմին»:

1989թ. հոկտեմբերը չափազանց ծանր էր արցախահայության համար: Ադրբեջանը շարունակում էր Արցախը ծնկի բերելու իր քաղաքականությունը: Նրա և խորհրդային զինված ուժերի կողմից Արցախում կազմակերպվող սադրանքների և ահաբեկությունների վերջը չէր երևում: Այսպես, օրինակ, Ավերդլովսկի ռազմական ուսումնարանի կուրսանտներին տեղափոխող ավտոշարայունը Շուշիից հոկտեմբերի 10-ին պետք է գնար Կիրովաբադ: Ավտոշարայունը Կարկառի ափով ուղիղ Ադրամ գնալու փոխարեն շրջվեց և մտավ Ստեփանակերտ՝ նախօրոք տեղյակ չպահելով մարզի և քաղաքի ղեկավարությանը: Մեքենաներն ընթանում էին ձայնային սզղանշանների ուղեկցությամբ: Այդ արտառոց տեսարանը դիտելու համար փողոց դուրս եկած մարդկանց վրա մեքենաներից հանկարծ կրակ բացվեց: Վիրավորվեցին մեկ տասնյակից ավելի անմեղ մարդիկ, որոնցից մեկը մահացավ: Այդ սադրանքը նախօրոք պլանավորված էր հատուկ շրջանի պարետ տխրահռչակ գեներալ Վ.Սաֆրոնովի կողմից: Այդ ողբերգության հաջորդ օրն ամբողջ Ստեփանակերտը դուրս էր եկել չարտոնված հանրահավաքի և պահանջում էր մեղավորներին ենթարկել պատասխանատվության: Արցախցիներն այդ օրն անվանեցին «Արյունոտ կիրակի»:

Այսուհանդերձ, հոկտեմբերի 10-ին, երբ ԽՍՀՄ Գերագույն խորհրդում կրկին քննարկվում էր Ադրբեջանի կողմից Լեոնային Ղարաբաղի և Հայկական ԽՍՀ-ի շրջափակման հարցը, Ն.Ռիժկովը խախտ դատապարտեց շրջափակումը, մինչդեռ ԽՍՀՄ Գերագույն խորհրդի նախագահ Ա.Լուկյանովը դրանում վտանգավոր ոչինչ չէր

¹ Խորհրդային Ղարաբաղ, 22.08.1989:

² Նույն տեղում, 10.09.1989 և 15.09.1989:

³ Դրոշակ, 1989, N 11, էջ 19:

¹ «Միացում» տեղեկագիր, N 4, հոկտեմբեր, 1989: 1989թ. օգոստոսին, երբ ուտեղծվեց Ազգային խորհուրդը, «Միացում» շարժումը չնայած մտավ նրա մեջ, սակայն պահեց իր ներքին ինքնուրույնությունը:

տեսնում: Վերջում ընդունվեց մի որոշում, որն ըստ էության հուշում էր, թե շրջափակումը կարելի է շարունակել: Հաջորդ օրը, ԼԴԽ-ից ընտրված պատգամավորների անունից Ջ.Քալայանը Ա.Լուկյանովին հանձնեց կատարվածը դատապարտող հայտարարություն և հեռացավ դալիժինգ: Գերագույն խորհրդի որոշումը հարուցեց հայ ժողովրդի բողոքը, ադրբեջանցիների գոհունակությունը՝

1989թ. հոկտեմբերի 19-ին ԼԴԽ Ազգային խորհուրդը քննարկելով «Ինքնորոշված ԼԴԽ-ը Հայկական ԽՍՀ կազմ մտցնելու» մարզի հայ բնակչության արտահայտած կամքի գործնական իրականացման միջոցառումների մասին» հարցը՝ արձանագրեց, որ 1988թ. փետրվարից սկսած՝ մարզի հասարակական-քաղաքական և տնտեսական կյանքը կառուցվում է այդ ժամանակաշրջանում մարզխորհրդի ընդունած որոշումներին համապատասխան, և որ դրա առավել բնական լուծումը ինքնորոշված ԼԴԽ-ը Հայկական ԽՍՀ կազմի մեջ մտցնելու ուղղությամբ գործնական քայլերն են: Ելնելով դրանից՝ Ազգային խորհուրդը որոշում ընդունեց խնդրել Հայկական ԽՍՀ Գերագույն խորհրդին՝ քննարկել ԼԴԽ-ը Հայկական ԽՍՀ կազմի մեջ մտցնելու ուղղությամբ գործնական քայլեր ձեռնարկելու հարցը: Միաժամանակ Ազգային խորհուրդը դատապարտեց հոկտեմբերի 10-ին Ստեփանակերտում տեղի ունեցածը և վերադաս իշխանություններից պահանջեց պատասխանատվության ենթարկել այդ ողբերգության մեղավորներին:² Սակայն դա մնաց անհետևանք:

1989թ. հոկտեմբերի 19-ին ԽՍՀՄ Գերագույն խորհրդի նախագահությունը քննարկեց Լեռնային Ղարաբաղի հարցը և հաջորդ օրը՝ հոկտեմբերի 20-ին, ձևակերպեց մի որոշում, որը նոր աչքակապություն էր: Ինչպես գիտենք, Գ.Տարազևիչի գլխավորած ԽՍՀՄ Գերագույն խորհրդի հանձնաժողովը, հուլիսի 20-28-ը գտնվելով Արցախում, Մոսկվա վերադառնալով առաջարկել էր ԼԴԽ-ը դուրս բերել Ադրբեջանի ենթակայությունից: Գերագույն խորհրդի նախագահությունը լսելով և քննարկելով նրա հաղորդումը՝ գտավ, որ Լեռնային Ղարաբաղի հիմնախնդրի լուծումը հնարավոր է հայկական և ադրբեջանական կողմերի ներկայացուցիչների միջև քաղաքական երկխոսության պայմաններում: Նաև նշվեց, թե Ադրբեջանական ԽՍՀ-ն պետք է ԼԴԽ-ին տա լրացուցիչ իրավունքներ, բավարարի արցախահայերի մի շարք պահանջները և ապահովի նրանց բնականոն կյանքը: Նախագահության այդ նիստում հայ պատգամավորները կրկին պահանջեցին իրագործել ԼԴԽ մարզխորհրդի 1988թ. փետրվարի 20-ի որոշումը:

Այդ նիստում ելույթ ունենալով՝ Ջ.Քալայանը հիմնավորեց կարևորած նախագծի անհիմն լինելը և պնդեց, որ առանց Արցախի ուղեստության՝ հաշտեցման մասին խոսք լինել չի կարող:՝ Մ.Գորբաչովին առաջարկեց մեկ շաբաթվա ընթացքում լրամշակել որոշման նախագիծը: Նոյեմբերի 9-ին կրկին Ստեփանակերտ ժամանելով՝ Միարազևիչը նույն երեկոյան հանդիպեց մարզի կուսակցական և խորհրդային մարմինների ղեկավարների հետ, ներկայացրեց ԽՍՀՄ Պկազույն խորհրդի որոշման նախագիծը: Հաջորդ օրը նա հանդիպեց մարզի կուսակցական-տնտեսական ակտիվի ու հասարակայնության ներկայացուցիչների հետ և լսեց ԼԴԽ-ում իրադրության քաղաքական կարգավորման շուրջ մարզի հայ բնակչության կարծիքը: Գ.Տարազևիչը հանդիպում ունեցավ նաև խոսակույտի ադրբեջանցիների հետ:

Գ.Տարազևիչի նոր առաջարկությունը, ըստ որի պահպանվում էր մարզի նախկին վիճակը, խիստ վրդովեցրել էր արցախահայությանը: Նրանք Գ.Տարազևիչից պահանջեցին ելույթ ունենալ նոյեմբերի 11-ի արտոնված հանրահավաքում, սակայն նա հրաժարվեց: Արցախցիներն իրենց պահանջներն ու առաջարկությունները ներկայացրին գրավոր: Հանրահավաքը պահանջեց խորհրդային կուսակցական և պետական մարմինները վերականգնել նոր կարգավիճակով դրանք մտցնելով Հայկական ԽՍՀ համապատասխան համակարգերի մեջ: Գ.Տարազևիչը Մոսկվա մեկնելուց առաջ լրագրողներին խոստովանեց, որ «իրավիճակը մարզում բարդ է, հակասությունը՝ շատ խոր: Եվ էլք պետք է որոնել՝ հաշվի առնելով ուսրդկանց այն կարծիքները, որոնք են լսեցի այստեղ»:²

Արցախցիները հույսեր էին կապում Գ.Տարազևիչի գլխավորած հանձնաժողովի ներկայացրած առաջարկությունների հետ, որոնք պետք է քննարկվեին ԽՍՀՄ Գերագույն խորհրդի նախագահության նիստում: Առավել ևս, որ այդ օրերին հրապարակված Մ.Գորբաչովի «Սոցիալիստական գաղափարները և հեղափոխական չինարարությունը» հոդվածում զարգացվում էր այն միտքը, որ վերսկսռուցումը հակասություններ է առաջ բերել ազգամիջյան հարաբերությունների բնագավառում: Նշվում էր, որ այդ խնդիրը շատ վաղուց է առաջացել, բայց միայն հիմա է, որ վեր է բարձրացել: Այն պետք է քննարկել սթափ, քանզի իրական խնդիրները չբախտախտելով՝ հնարավոր չէ դրանք լուծել:³

¹ Известия, 11.10.1989.

² Խորհրդային Ղարաբաղ, 21.10.1989:

¹ Ավանգարդ, 25.10.1989:

Խորհրդային Ղարաբաղ, 12.11.1989:

Правда, 27.11.1989.

«Ղարաբաղ» կոմիտեի ձեռքբերված անդամները կալանքից ազատվելուց հետո նոր մարտավարությամբ ծավալեցին իրենց գործունեությունը՝ օգտվելով իրենց հեղինակության շեշտակի բարձրացումից: Հանրահավաքներում և հիմնարկ-ձեռնարկություններում նրանք ընդունվում էին որպես «ազգի փրկիչներ» և «հերոսներ»: Ներքևից բարձրացող «թափշյա հեղափոխությունն» օր օրի ընդգրկում էր ավելի ու ավելի լայն գանգվածների: Հայաստանի պաշտոնական իշխանությունները, մանավանդ Հայկոմկուսի ղեկավարներն իրենց հերթին փորձում էին անրապնդել սասանված իշխանությունը: Իսկ դրա համար նախ և առաջ պետք էր չեզոքացնել «Ղարաբաղ» կոմիտեին: Կոմիտեականները դա շատ լավ հասկանալով և ձգտելով իշխանության՝ ուժեղացումն էին պայքարն իշխանությունների դեմ: Այդ նպատակով 1989թ. ամռանը և աշնանը հանրապետությունում, հատկապես Երևանում, տեղի ունեցած հանրահավաքներում Ղարաբաղյան հիմնախնդրի հետ միասին առաջ քաշվեց ՀԿԿ կենտկոմի առաջին քարտուղար Սուրեն Հարությունյանին (և ոչ միայն նրան) զբաղեցրած պաշտոնից հեռացնելու հարցը: Հայկոմկուսը վաղուց սպառել էր իրեն և հեղինակագրկվել: Ասպարեզից նրա հեռանալը դարձել էր օրյեկտիվ անհրաժեշտություն:

1989թ. ամռանը և աշնանը Հայոց համազգային շարժման ակտիվիստները կարողացան նվաճել հանրապետության բնակչության զգալի մասի համակրանքը և հիմնական պայքարն ուղղել խորհրդային կարգերի, մանավանդ կոմունիստական բռնատիրության դեմ: «Ղարաբաղ» կոմիտեն, ասել է թե արդեն ՀՀԸ-ն, դարձել էր իշխանություններին բացահայտ ընդդիմադիր ուժ, որը ձգտում էր գոյություն ունեցող կարգերի տապալմանը և իշխանության գրավմանը:

1989-ի հունիսի 23-ին տեղի ունեցավ Հայկական ԽՍՀ զերագույն խորհրդի 9-րդ նստաշրջանը, որտեղ զեկուցումով հանդես եկավ Սուրեն Հարությունյանը: Նա անդրադառնալով Լեռնային Ղարաբաղի հարցին՝ նշեց, որ ԽՍՀՄ ժողովրդական պատգամավորների առաջին համագումարում մի շարք պատգամավորներ շոշափել են Լեռնային Ղարաբաղի հիմնախնդիրը և այն լուծելու առաջարկներ արել: Այս նա հայտնեց Հայաստանի իշխանությունների դիրքորոշումը մարզի բնակիչները հանրաքվեի միջոցով պետք է որոշեն իրենց ճակատագիրը: Ս.Հարությունյանը նաև նշեց, որ Հայաստանի իշխանությունները կենտրոնական իշխանություններից պահանջում են Լեռնային Ղարաբաղում վերականգնել կուսակցական և

պետական մարմինների ֆունկցիաները:

Սակայն Ադրբեջանում շարունակվում էր վանդալիզմը հայուրան նկատմամբ: Հայկոմկուսի կենտկոմի բյուրոն 1989թ. օգոստոսի 16-ին միանգամայն ճիշտ գնահատական տվեց Ադրբեջանի անպատասխանատու, ծայրահեղական տարրերին, որոնք ձգտում էին «ասուկ գնով ապակայունացնել տարածաշրջանի իրադրությունը, առաջացնել կրքերի նոր բորբոքում»: Հայկոմկուսն այդ ամենը գնահատում էր որպես «Սումգայիթում կատարվածի անմիջական շարունակություն, որպես ցեղասպանության գործողություններ»:² Իսկ մեկտեմբերի 16-ին տեղի ունեցած Հայկական ԽՍՀ զերագույն խորհրդի արտահերթ նստաշրջանը գտավ, որ «հանրապետության բոլոր կուսակցված խնդիրների լուծումը հապաղում չի հանդուրժում»: Դրանք էին ազգային հարցը, երկրաշարժի հետևանքների վերաբերյալ, փախստականների հետ կապված խնդիրները, տնտեսական շրջափակումը և դրա հետևանքների հաղթահարումը, Արևիկի ու Ադրբեջանի հայ բնակչության անվտանգության երաշխիքների ապահովումը և այլն:

Ադրբեջանը շարունակում էր նեղացնել Հայաստանի և Արևիկի շրջափակման օղակը: Հայկոմկուսի կենտկոմի քարտուղար Լ.Նորվը հոկտեմբերի 19-ին ԽՍՀԿ կենտկոմ ուղարկած բողոք-նամակում նշել է, որ 1989թ. հուլիս-օգոստոսին Ադրբեջանի երեսուրդային գծերով գնացքների շարժման դադարեցման և այլ հանցորդակցության ուղիների խանգարման պատճառով Հայկական ԽՍՀ-ում ստեղծվել է ծանր վիճակ: Մի շարք ձեռնարկություններ էին կարողացել կատարել իրենց արտադրական պլանները: Փաստորեն չէին գործում Նորաշեն-Եվլախ և Աղստաֆա-Իջևան երկաթուղիները:³

1989թ. նոյեմբերի սկզբին տեղի ունեցած ՀՀԸ-ի առաջին համագումարի որոշման մեջ Ղարաբաղյան հիմնահարցի վերաբերյալ ասված է. «Հայ ժողովուրդը, ներառյալ բռնի և ապօրինի անջատված լեռնային Ղարաբաղի ժողովուրդը, բոլոր ժողովրդական, օրինական և խաղաղ միջոցներով արդեն արտահայտել է միավորվելու իր անասան կամքը», որը «դրսևորվեց հանրաքվեների և հանրադրերի միջոցով, Հայկական ԽՍՀ-ի, Լեռնային Ղարաբաղի ղեկավար մարմինների որոշումներով, ինչպես նաև կուսակցական և հասարակական կազմակերպությունների որոշումներով»: Համագումարը նշեց, որ արդեն երկու տարի է. ինչ Լեռնային Ղարաբաղը խզել է իր բնակչության, տնտեսական և սոցիալական բոլոր կապերը Ադրբե-

խորհրդային Հայաստան, 24.06.1989:

Լույն տեղում, 19.08.1989:

ՀՀ ՀԶԳՓ ԿՊԱ, ֆ.1, ց.87, գ. 33, ք. 119-120:

ջանական ԽՍՀ-ի հետ, այսինքն՝ հասել է փաստական անկախության: Այդ կապակցությամբ համագումարը դիմեց միջազգային ընկերակցությանը և ՄԱԿ-ին առաջարկելով Լեռնային Ղարաբաղի լիազոր ներկայացուցիչների համագումարը և նրա ստեղծած Ազգային խորհուրդը ճանաչել որպես Լեռնային Ղարաբաղի միակ օրինական իշխանություն: Որոշման 6-րդ կետում ընդգծվում էր, որ «ԼՂԻՄ և Հայկական ԽՍՀ-ի պատգամավորները չէին ստորագրի որևէ փաստաթուղթ, որը կարող է ուղղված լինել Լեռնային Ղարաբաղի ժողովրդի ինքնորոշման անկապտելի իրավունքի դեմ»: ՀԽՍՀ Գերագույն խորհրդից և կառավարությունից պահանջվեց Լեռնային Ղարաբաղի լիազոր ներկայացուցիչների համագումարը և Ազգային խորհուրդը պաշտոնապես ճանաչել որպես Լեռնային Ղարաբաղի միակ օրինական իշխանություն և նրա հետ հաստատել պաշտոնական հարաբերություններ: Հանրապետության կուսակցական և պետական ղեկավար մարմիններից պահանջվեց կարճ ժամկետում ոչ ֆորմալ կազմակերպությունների ներկայացուցիչների մասնակցությամբ մշակել Արցախը Հայաստանի հետ վերամիավորելու քաղաքականության պետական ծրագիր: Հայկական ԽՍՀ Գերագույն խորհրդին և կառավարությանն առաջարկվեց Լեռնային Ղարաբաղի լիազոր ներկայացուցիչների համագումարի և Ազգային խորհրդի պատգամավորների հետ բանակցությունների մեջ մտնել պայմանագիր կնքելու համար, որն իրավաբանորեն կկարգավորեր կենսական բոլոր բնագավառներում Հայաստանի երկու բաժանված մասերի փոխհարաբերությունները:¹

Արցախի հիմնախնդրի լուծման ուղիների հարցը 1989-ի աշնանը դարձել էր վիճաբանության առարկա: ԳՂԾ-ականները գտնում էին, որ Լեռնային Ղարաբաղը փաստորեն հասել է անկախության: Սակայն նրանք դեմ էին Արցախը Հայաստանի անբաժան մաս հայտարարելուն՝ գտնելով, թե իբր դա կլինի «միջազգային իրավունքի կոպիտ խախտում»: Լ.Տեր-Պետրոսյանը հիմնախնդրի լուծման ուղի էր դիտում հետևյալը. «Ինքնորոշված, անկախ Արցախի Ինքնավար Մարզը և Հայաստանի Հանրապետությունը, որպես խորհրդային պետական կառուցվածքի երկու ինքնուրույն կազմավորումներ, պայմանագրեր են կնքում իրար հետ և այդ երկու կազմավորումները հայտարարում մեկ միացյալ հանրապետություն: Նման լուծումը, - գտնում էր նա, - անխցելի է միջազգային իրավունքի տեսակետից: Արցախի և Հայաստանի իշխանությունների այդ համատեղ հայտարարությանը պետք է հետևեն, անշուշտ, վերամիավորումն իրագործելու ուղղությամբ կատարվող գործնական քայլեր, որոնցից

կախորդազույնն է Հայաստանի Գերագույն խորհրդի պատգամավորների ընտրությունը Արցախի ընտրական տեղամասերից»:¹

Լեռնային Ղարաբաղի հարցը նախատեսված էր քննարկել ԽՍՀՄ Գերագույն խորհրդի 1989թ. նոյեմբերի 28-ի նիստում: Նոյեմբերի 27-ի առավոտյան միստի ժամանակ Մ.Գորբաչովին հանձնվեց նույնաստիճակ և Արցախից ընտրված հայ պատգամավորների գրավոր դիմումը: Այնտեղ նշված էր, որ Լեռնային Ղարաբաղի ու նրա պարզ իրավիճակը ավելի է բարդացել և Հայաստանի ու Ադրբեջանի ժողովուրդներին հասցրել է ազգամիջյան պատերազմի սահմանին: Ղարաբաղի բնակչությունը զրկված է իր հիմնախնդիրը լուծելու հետևավորությունից: Նաև ասվում էր, որ կես տարի է անցել այն ժամանակվանից, երբ ԽՍՀՄ ժողովրդական պատգամավորների առաջին համագումարը հանձնաժողով է ուղարկել Լեռնային Ղարաբաղ՝ հարցը տեղում ուսումնասիրելու համար: Սակայն մինչև հիմա կոմկրետ ոչինչ չի արվել և արտաքին ճնշման հետևանքով հանձնաժողովի եզրակացությունները ենթարկվել են հայ ժողովրդի համար անբնական արմատական փոփոխությունների: Նոյեմբերի 28-ի նիստում Սուրեն Հարությունյանը, Հրանտ Ոսկանյանը, Գալուստ Դավոյանը, Գոհար Ենոքյանը, Սերո Խանգադյանը և Սերգեյ Համբարձումյանը ելույթ ունենալով՝ առաջարկեցին դարաբաղյան հիմնախնդրի լուծման փոխգիշտմային տարբերակ, սակայն մերժում ուսացան: Դրանից հետո, արտահայտելով որոշման նախազօի հետ կրկնց անհամաձայնությունը, հայ պատգամավորները հեռացան նիստերի դահլիճից:

ԽՍՀՄ Գերագույն խորհրդի 1989թ. նոյեմբերի 28-ի՝ «Լեռնային Ղարաբաղի ինքնավար մարզում իրադրությունը նորմալացվելու միջոցառումների մասին» որոշումով ԼՂԻՄ-ը թողնվում էր Ադրբեջանական ԽՍՀ կազմում, իսկ Հատուկ կառավարման կոմիտեն վերացվում էր: Փոխարենը ստեղծվում էր Ադրբեջանի հանրապետական կոմիտե, վերականգնվում էր ԼՂԻՄ ժողովրդական պատգամավորների 20-րդ գումարման խորհրդի և նրա գործադիր կոմիտեի գործունեությունը, ապահովվում էր ԼՂԻՄ-ի իրական ինքնավարության կարգավիճակի բարձրացումը և բոլոր ծագող խնդիրների սահմանադրական լուծումը: ԼՂԻՄ-ում իրադրության կայունացման միջոցառումները վերահսկելու և դրանց իրականացմանն ուղնելու համար ստեղծվում էր միութենական դիտորդ վերահսկիչ հանձնաժողով այն ենթարկելով ԽՍՀՄ Գերագույն խորհրդին: Արգելվում էր խախտել ժողովրդագրական իրավիճակը, գաղթականների հարցը լուծելու համար ստեղծվում էր հատուկ հանձնաժողով,

¹ Միացում, 27.11.1989:

Ավանգարդ, 19.11.1989:

մարզում թողնվում էր ներքին գործերի համապատասխան զորաբա-
ժին և այլն:¹

Հայաստանում և Արցախում մեծ զայրույթով ընդունեցին այդ որոշումը: Նոյեմբերի 29-ին Ստեփանակերտում տեղի ունեցած հան-
րահավաքում այն որակվեց իբրև հայ ժողովրդի դեմ ուղղված սադ-
րանք և հայ-ադրբեջանական հարաբերությունները սրելու
կենտրոնի նոր քայլ: Արցախցիներն անվստահություն հայտնեցին
ԽՍՀՄ Գերագույն խորհրդին, նրա նախագահությանը և նախագա-
հին: Այդ որոշումը դատապարտեցին նաև Հայաստանի ու Լեռնային
Ղարաբաղի հարյուրավոր հիմնարկ-ձեռնարկությունների կոլեկտիվ-
ներ: Այսպես, օրինակ, Երևանի կոշիկի «Նաիրի» արտադրական
միավորման կուսակազմակերպության և աշխատանքային կոլեկտիվի
ներկայացուցիչների դեկտեմբերի սկզբին տեղի ունեցած ժողովը
դատապարտելով վերոհիշյալ որոշումը՝ պահանջեց իրավիրել Հան-
րապետության Գերագույն խորհրդի նստաշրջան ու դատապարտել
այն, ինչպես նաև իրավիրել Հայկոմկուսի արտահերթ կոնֆերանս և
մշակել հետագա գործողությունների ծրագիր: Հայ ժողովրդին կոչ
արվեց «համախմբվել և հայկական բոլոր ուժերի միջև պառակ-
տումը դիտել որպես ներկա պայմաններում ազգադավ երևույթ...»:²
Հիմնարկ-ձեռնարկությունների կոլեկտիվների որոշումներում աս-
վում էր, որ ԼՂԻՄ Ազգային խորհուրդը մարզում մնում է որպես միակ
օրինական իշխանություն, որի ընդունած որոշումները պարտադիր
են բոլոր կազմակերպությունների ու հիմնարկների համար: Առա-
ջարկվում էր «Ղարաբաղը ձուլել Հայաստանի հետ և ստեղծել Հայ-
կական նոր հանրապետություն»:³

1989թ. նոյեմբերին թե՛ Լեռնային Ղարաբաղի Ազգային խոր-
հուրդը և թե՛ ԳԳԸ-ն պահանջում էին իրավիրել Հայկական ԽՍՀ Գե-
րագույն խորհրդի ու Լեռնային Ղարաբաղի Ազգային խորհրդի հա-
մատեղ նիստ և վճռել Արցախը Հայաստանի հետ միավորելու
հարցը: Այդ պահանջի կատարման արագացմանը նպաստեցին
ԽՍՀՄ Գերագույն խորհրդի վերոհիշյալ որոշումը և Ադրբեջանում
նոր թափ առած հակահայկական գործողությունները: ԽՍՀՄ Գե-
րագույն խորհրդի որոշումն Ադրբեջանի իշխանություններն ընդու-
նել էին գոհունակությամբ: Սակայն Ազգային ճակատը դժգոհ էր և
կոչ էր անում չընդհատել նոյեմբերի 27-ից սկսված ընդհանուր գոր-
ծադուլը, իրավիրել Ադրբեջանի Գերագույն խորհրդի արտահերթ

նստաշրջան ու քննարկել ԽՍՀՄ Գերագույն խորհրդի վերոհիշյալ ո-
րոշումը:¹

1989թ. նոյեմբերի 30-ին Լեռնային Ղարաբաղի Ազգային
խորհրդի անդամների մասնակցությամբ Երևանի Ստեփան Շահում-
յանի անվան պալատում իր աշխատանքները սկսեց Հայաստանի
Պարագույն խորհրդի արտահերթ նստաշրջանը: Այդ օրը պալատի
ուրիշ հավաքվել էին տասնյակ հազարավոր մարդիկ, որոնք ջերմ
ուղջույններով դիմավորեցին Ղարաբաղի Ազգային խորհրդի անդամ-
ներին: Ոգևորված և անհամբեր ժողովուրդը սպասում էր
նստաշրջանի որոշմանը: Նստաշրջանն ընթացավ բուռն վիճա-
բանություններով և շիկացած մթնոլորտում:² Ի վերջո դեկտեմբերի
1-ի երեկոյան ընդունվեց «Հայկական ԽՍՀ-ի և Լեռնային Ղարա-
բաղի վերամիավորման մասին» և «Լեռնային Ղարաբաղի ինքնա-
վար Մարզում իրադրությունը նորմալացնելու միջոցառումների մա-
սին» ԽՍՀՄ Գերագույն խորհրդի 1989թ. նոյեմբերի 28-ի որոշման
մասին» որոշումները:³ Երկրորդ որոշումով ԽՍՀՄ Գերագույն
խորհրդի 1989թ. նոյեմբերի 28-ի որոշումը բնորոշվում էր որպես
ԼՂԻՄ-ի նկատմամբ «բռնացման նոր ակտ», «Լեռնային Ղարաբաղի
բնակչության ինքնորոշման իրավունքի ժխտում», «ամբողջ հայ ժո-
ղովրդի ինքնորոշման իրավունքի անտեսում... և կոպտորեն ոտնա-
հարում»: Ելնելով դրանից՝ նստաշրջանը ԽՍՀՄ Գերագույն
խորհրդի նոյեմբերի 28-ի որոշումը հայտարարեց «անվավեր, Հայ-
կական ԽՍՀ-ի և Լեռնային Ղարաբաղի համար և ոչ մի իրավական
նկատմանը չստեղծող»: Առաջին որոշմամբ ՀԽՍՀ Գերագույն խոր-
հուրդը ճանաչում էր ԼՂԻՄ-ի ինքնորոշման փաստը, նրա լիազոր
ներկայացուցիչների համագումարը և Լեռնային Ղարաբաղի Ազ-
գային խորհուրդը՝ որպես մարզում գործող միակ օրինական իշ-
խանություն: Հայկական ԽՍՀ Գերագույն խորհուրդը և Լեռնային
Ղարաբաղի Ազգային խորհուրդը հռչակում էին «Հայկական ԽՍՀ-ի և
Լեռնային Ղարաբաղի վերամիավորումը»: Հայկական ԽՍՀ Գե-
րագույն խորհուրդը և Լեռնային Ղարաբաղի Ազգային խորհուրդը
պարտավորվում էին ներկայացնել Հյուսիսային Արցախի Շահում-
յանի շրջանի և Գետաշենի ենթաշրջանի հայ բնակչության ազգային
չափերը: Պահանջվեց իրագործել ընդունված որոշումից բխող ան-
հարժեշտ միջոցառումներ՝ «իրականացնելու համար Հայկական
ԽՍՀ-ի և Լեռնային Ղարաբաղի քաղաքական, տնտեսական և

¹ Правда, 29.11.1989:

² ՀՀ ԳԳԸ ԿՊԱ, ֆ. 1, ց. 127, գ. 814, թ. 96:

³ Խորհրդային Ղարաբաղ, 30.11.1989:

¹ Известия, 1.12.1989.

² Այդ մասին ավելի հանգամանորեն տե՛ս Ուլուբաբյան Բագրատ, Արցախյան
գոյապայքարի տարեգրություն, էջ 116-123:

³ Խորհրդային Հայաստան, 03.12.1989:

մշակութային կառուցվածքների իրավական միաձուլումը միասնական պետական-քաղաքական համակարգում»:

Հայկական ԽՍՀ Գերագույն խորհրդի և Լեռնային Ղարաբաղի Ազգային խորհրդի համատեղ նստաշրջանը նաև բողոք հայտնեց Լեռնային Ղարաբաղի վերաբերյալ ԱՄՆ-ի Սենատի արտաքին գործերի հանձնաժողովի բանաձևի կապակցությամբ ԽՍՀՄ արտաքին գործերի նախարարության 1989թ. նոյեմբերի 19-ի հայտարարության առթիվ, որը նպատակ էր հետապնդում ապակողմնորոշել համաշխարհային հասարակական կարծիքը: Բանն այն է, որ նոյեմբերի 19-ին ԱՄՆ-ի Սենատը հաստատել էր Լեռնային Ղարաբաղի կարգի վերաբերյալ իր արտաքին գործերի հանձնաժողովի ներկայացրած բանաձևը: Դրանով Սենատը հայտարարել էր, որ վճռական է՝ «չարունակելու օժանդակությունը և իրախուսելու Հայաստանի վերականգնման ջանքերը», և Մ.Գորբաչովին կոչ էր արել «ապահովել Լեռնային Ղարաբաղի բնակչության ֆիզիկական անվտանգությունը հարձակումներից», «օժանդակել Լեռնային Ղարաբաղի շուրջ ստեղծված բարդույթի արդար կարգավորմանը, որն արտացոլի այդ մարզի ժողովրդի հայացքները», իրականացնել բռնի գործողությունների բննությունը և «երևան հանել ու դատական պատասխանատվության ենթարկել սպանությունների և արյունահեղության մեջ մեղավորներին»:²

Այդ ընթացքում ԽՍՀՄ Գերագույն խորհրդի 1989թ. նոյեմբերի 28-ի որոշումը կենսագործելու նպատակով Ադրբեջանի իշխանությունները տենդագին աշխատանքներ էին տանում: Ստեղծվեց Հանրապետական կազմկոմիտե՝ Ադրբեջանի կոմկուսի կենտկոմի երկրորդ քարտուղար Վիկտոր Պոլյանիչևոյի գլխավորությամբ: Ամբողջ հանրապետությունով մեկ բացահայտ որսում էին հայերին և ենթարկում բռնությունների:³ Ադրբեջանի լրատվամիջոցները հիստերիայի մեջ էին: Բաքվի հայության ֆիզիկական գոյությունը խիստ վտանգված էր: Դեկտեմբերի 4-ին լրանում էր Ադրբեջանի ժողովրդական ճակատի մեկ տարին: Նրա ներկայացուցիչներն ավելի

լին շիկացնում ազգամիջյան հարաբերությունները: Ադրբեջանի պետական և հասարակական կազմակերպությունները նույնիսկ փորձեր ձեռնարկեցին մտնել Լեռնային Ղարաբաղի տարածք, սակայն արցախցիները փակեցին նրանց ճանապարհը: Մոսկվայի վրա ձեռնում գործադրելու նպատակով Ադրբեջանի Ազգային ճակատի ուժերը դեկտեմբերի 4-ին փորձեցին հարձակվել խորհրդա-իրանական սահմանի վրա: Սահմանային գոտու ավերումը կրկնվեց դեկտեմբերի 12-13-ին և 30-31-ին: Հիմնահատակ ավերվեցին 120 կմ երկարությամբ լարափակոցներ և բազմաթիվ կառույցներ: Հետաքրքիրն այն է, որ Մոսկվան լռությամբ տարավ ազերիների այդ արարքը:

1990թ. հունվարի 2-ին Ադրբեջանի Շուշի գնացող շարասյունից պիմվորները կրակ բացեցին, որի հետևանքով զոհվեցին քանդակարտ Արմեն Հակոբյանն ու Ռոզա Բալայանը: Այս անամոթ ոճիրը պաշտպանության տակ վերցրին կենտրոնական լրատվական միջոցները, մանավանդ «Իզվեստիան»:⁴ Այդ առթիվ Լեռնային Ղարաբաղից ընտրված ԽՍՀՄ ժողովրդական պատգամավորները խիստ բողոք ներկայացրին Մ.Գորբաչովին՝ մերկացնելով կենտրոնական իշխանությունների հսկահայկական այդ նոր սադրանքը: Նրանք միաժամանակ մարզի բնակչությանն ու Ազգային խորհրդին կոչ արեցին ցուցաբերել հանգստություն և խելամտություն:⁵

1990թ. հունվարի 8-ին Մոսկվայից Ստեփանակերտ վերադարձավ Հատուկ կառավարման կոմիտեի նախագահ Արկադի Վոլսկին: Իս մարզի ակտիվին և իր ղեկավարած արդեն հոգեվարքի մեջ պտնվող կոմիտեի անդամներին հայտնեց, որ հունվարի 9-ին Ստեփանակերտ կժամանեն ԽՄԿԿ կենտկոմի քարտուղար Ա.Գիրենկոն, ԽՍՀՄ Գերագույն խորհրդի Ազգությունների խորհրդի նախագահ Ռ.Նիշանովը և Վ.Պոլյանիչևոն: ԼՂ Ազգային խորհուրդը և «Սիացումը» որոշեցին նրանց թույլ չտալ մտնելու Ստեփանակերտ: Այդ առթիվ հատուկ հանձնարարություն տրվեց բանվորական խմբի ղեկավար Ռաֆայել Գաբրիելյանին:⁶ Անկոչ հյուրերը մնացին Ստեփանակերտի օդանավակայանում, չնայած այդ օրը քաղաք տանող ճանապարհը բռնված էր գործով, որոնք անընդհատ կրակում էին աջ ու ձախ: Նրանց կրակոցներից ավտոբազայի մոտ վիրավորվեցին լուսավորներ Իշխան հաչիկյանը, Լևոն Մուքանյանն ու Սամվել Միրզայանը: Ստեփանակերտի ակտիվը հավաքվելով քաղկոմի առաջին քարտուղար Վ.Աթաջանյանի մոտ՝ որոշում է «հյուրերին» հետ

² 1989թ. դեկտեմբերի 1-ի Հայաստանի և Լեռնային Ղարաբաղի վերամիավորման վերաբերյալ որոշումն ընդունվել է Լևոն Տեր-Պետրոսյանի ակտիվ նախաձեռնությամբ: Սակայն հետո նա, ինչպես և ՀՀԸ-ական որոշ պարագլուխներ, հետ կանգնեցին այդ որոշումն իրագործելուց:

³ Коммунист 23.11.1989.

⁴ ԽՍՀՄ ժողովրդական պատգամավոր Բորիս Դադամյանին դեկտեմբերի 25-ին Ստեփանակերտի օդանավակայանում բռնելով՝ կոպտորեն խցկել էին «Ռուսա» ավտոմեքենայի մեջ և տարել: Նրան բռնել էին ՊԱԿ-ի մի ռուս զնդապետ և ադրբեջանական օմօնի աշխատողները: Բ.Դադամյանին տարել էին Ադրան և ենթարկել ստորացումների:

⁵ Известия, 4.01.1990.

⁶ խորհրդային Ղարաբաղ, 4.01.1990:

⁷ Այդ մասին տես՝ Ռ.Գաբրիելյանի վերոհիշյալ հուշերը:

դարձնել, եթե նրանց նպատակն է արցախահայության վզին փաթաթել նույնմբերի 28-ի որոշումը և ղեկտեմբերի 4-ին Ադրբեջանում ստեղծված՝ Վ.Պոլյանիչկոյի գլխավորած կազմկոմիտեն: Այս ամենի մասին Վ.Աթաջանյանը տեղյակ է պահում օդանավակայանում գտնվող Ա.Գիրենկոյին և Ռ.Նիշանովին: Նրանք Վ.Պոլյանիչկոյի խմբին ռազմական ուղղաթիռով ուղարկում են Շուշի, իսկ իրենք վերադառնում Բաքու և այնտեղ հայտարարում, թե հակամարտող կողմերն իրենք պետք է լեզու գտնեն և լուծեն իրենց բարձրացրած հարցերը: Այդ նույն օրը Ստեփանակերտում ստացվում է մի ծանր լուր ևս. Շահումյանի շրջանի 19 ղեկավար աշխատողներ կուսըղկոմի առաջին քարտուղար Վլադիմիր Աղաջանյանի գլխավորությամբ հունվարի 9-ին գնացել էին Գետաշեն՝ ազերիների կողմից սպանված երկու գետաշենցու թաղմանը մասնակցելու համար: Վերադարձին նրանց պատանդ էին վերցրել: Հաջորդ օրը Լեռնային Ղարաբաղի մարզային և շրջանային ղեկավարության անունից բողոք է ներկայացվում դեռևս Բաքվում գտնվող Ա.Գիրենկոյին և խնդրվում միջոցներ ձեռնարկել նրանց ազատելու համար: Այդ խնդրանքը կատարվում է մասամբ:

1990թ. հունվարի 9-ին իր աշխատանքները վերսկսեց ՀԽՍՀ Գերագույն խորհրդի նստաշրջանը, որին մասնակցեցին նաև ԼՂ Ազգային խորհրդի անդամները: Նստաշրջանը խիստ անհանգստացած էր Գետաշենում և Շահումյանում տիրող իրավիճակով: Երբ հաստատվեց հանրապետության 1990թ. բյուջեն, նստաշրջանը հիմք ընդունելով ՀԽՍՀ և ԼՂԻՄ միավորման մասին 1989թ. ղեկտեմբերի 1-ի որոշումը՝ միացրեց ՀԽՍՀ և ԼՂԻՄ բյուջեները: Հայաստանի Գերագույն խորհրդի անդամները անկասկած գիտակցում էին իրենց քայլի կարևորությունը: Դա «խիստ կարևոր մի ներդրում էր Արցախյան պահանջատիրության շրջագծի մեջ», և այդ որոշման հետևողական գործադրությունից էր կախված խորհրդային Հայաստանի և Լեռնային Ղարաբաղի իրական միացման իրագործումը:

Մոսկվան քաջատեղյակ էր, թե ինչ էր կատարվում Հայաստանում, Ադրբեջանում և Լեռնային Ղարաբաղում: ԽՍՀՄ Գերագույն խորհրդի նախագահությունը 1990թ. հունվարի 10-ին ընդունեց որոշում, որով բեկանվեց Հայկական ԽՍՀ և ԼՂ Ազգային խորհրդի ղեկտեմբերի 1-ի, ինչպես և 1990թ. հունվարի 9-ի որոշումները: Այդ նույն որոշումով բեկանվեցին նաև Ադրբեջանական ԽՍՀ Գերագույն խորհրդի ղեկտեմբերի 4-ի որոշման որոշ կետեր, որոնք անմիջապես առնչվում էին Լեռնային Ղարաբաղին: ԽՍՀՄ Գերագույն խորհրդի այդ որոշման մեջ նշված էր, որ Ադրբեջանը չի կատարել նույնմբերի

28-ի որոշումը, չի վերականգնել մարզային ղեկավար մարմինները, չի մշակել մարզի կարգավիճակը բարձրացնող միջոցներ, չի ամրապնդել մարզի իրավունքները: ¹ Դրա փոխարեն Ադրբեջանի Գերագույն խորհրդի նախագահությունն ընդունել էր որոշում, որով Խոսնարյա չեղյալ և անընդունելի էր համարել նույնմբերի 28-ի որոշումն կետերի մեծամասնությունը:

Ադրբեջանական ազգայնամուլ տարրերը 1990թ. սկսեցին նոր վայրագություններով: Հունվարի 13-ից մինչև 20-ը Բաքվում տեղի ունեցած արյունահեղ իրադարձությունների ժամանակ նրանք մեկ տևում ևս աշխարհին ցույց տվեցին իրենց իսկական դեմքը: ² Բաքվում հայերի և մյուս ազգությունների ներկայացուցիչների ջարդերը սկսվելուց չորս օր առաջ Հայաստանի Գերագույն խորհուրդը դիմել էր Ս.Գորբաչովին և տեղյակ պահել, որ Բաքվում, Շահումյանի և Խոսնարի շրջաններում, Գետաշեն, Կամո, Ազատ գյուղերում ու այլուր ստեղծվել է արտակարգ իրադրություն: Տեղի են ունենում սպանություններ, հրկիզումներ, շրջափակվում են ճանապարհները, կամուրջները, առևանգվում պատանդներ: Հանրապետության Գերագույն խորհուրդը Ս.Գորբաչովին խնդրում է «անհապաղ միջոցներ ձեռնարկել ապահովելու հայ բնակչության անվտանգությունը և դադարեցնելու համար բարբարոսական գործողությունները, որոնք կարող են հանգեցնել անուղղելի կործանարար հետևանքների աբողջ տարածաշրջանում»: ³ Սակայն այդ ահապանող ևս անտեսվեց: Այդ օրերին Բաքու ժամանած ԽՍՀՄ Գերագույն խորհրդի Միության խորհրդի նախագահ Ե.Պրիմակովը, ԽՄԿԿ կենտկոմի քաղբյուրոյի անդամ, ԽՄԿԿ կենտկոմի քարտուղար և Սլյունկովը և ԽՍՀՄ Մինիստրների խորհրդի նախագահի տեղակալ Ի.Սիլանը նույնիսկ չփորձեցին իմանալ, թե ինչու էր Խայաստանի Գերագույն խորհուրդը նման ահագանգ հնչեցրել: Իսթվի ջարդերի մասին առաջին տեղեկությունները կենտրոնական լիգերը սկսեցին տպագրել հունվարի 16-ին: Հայկումկուսի կենտկոմը, ՀԽՍՀ Գերագույն խորհրդի նախագահությունը և Մինիստրների խորհուրդը հունվարի 15-ին կենտրոնական իշխանություններից պահանջեցին վերջ տալ Բաքվում և Ադրբեջանում հայերի նկատմամբ չդադարող բռնություններին և կատարվածին տալ քաղաքական գնահատական: ⁴ Այդ ահավոր օրերին ԼՂ Ազգային խոր-

¹ Правда, 11.01.1990.

1990թ. հունվարին Բաքվում տեղի ունեցած ողբերգական իրադարձությունների մասին մանրամասն տես՝ **Մոսեսովա Ի., Հովնանյան Ա., Գշվաշխ:**

² Իրավունք, N 1, 2000:

³ Խորհրդային Հայաստան, 16.01.1990:

⁴ Դրոշակ, 1990, N 21, էջ 5:

հուրդը Բաքվում հայերի զանգվածային կոտորածը բնորոշեց որպես «սունգայիթի» շարունակություն և կոչ արեց համախմբվել ու արիաճալ և պաշտպանել հայոց հողը:¹

Ադրբեջանի ազգայնամուլ ուժերը արյուն էին տեճում: Ա.Վեզիրովը կոչ էր անում «ազգովին միանալ և ջախջախել Լեռնային Ղարաբաղն ու Ստեփանակերտը», որովհետև, իբր, նրանք են «Ադրբեջանի ժողովրդի դժբախտության հիմնական պատճառը», իսկ Ազգային ճակատի պարագլուխներից Ա.Փանահովը հունվարի 13-ի երեկոյան հանդես գալով հեռուստատեսությամբ՝ ազգակիցներին կոչ արեց «հայերի դեմ պատերազմի»: Նրանց ելույթներից հետո Բաքվում սկսվել էին հայ ընտանիքների դեմ հարձակումները:² Հունվարի 13-ին Բաքվի փողոցներում թափված էին կտտանքների ենթարկված տասնյակ հայերի դիակներ: Կողոպտված ու խոշտանգված բազմաթիվ հայեր լաստանավերով փոխադրվում էին Կրասնովոդսկ: Ջարդերի առաջին օրը Բաքվի հեռուստատեսային ստուդիայի սարքավորումները շարքից հանվել էին, իսկ Շուշիի ստուդիայից գիշեր ու ցերեկ եթեր էին տրվում հակահայկական հայիոյանքներ ու լուտանքներ: Թե Բաքվում և թե Ադրբեջանի մյուս բնակավայրերում չէր գործում պարետային ժամը: Նրանք, ովքեր փորձում էին ճշմարիտ խոսք ասել ու դատապարտել Բաքվում սկսված վանդալիզմը, ձերբակալվում էին և տարվում Բուսաստանի բանտերը: Այդպես վարվեցին «խորհրդային Ղարաբաղ» թերթի գլխավոր խմբագրի տեղակալ Արկադի Դուկասյանի, Ռազմիկ Պետրոսյանի, Ռուբեն Աղաջանյանի, Ավետիք Գրիգորյանի և Ռուդիկ Ազարյանի հետ, որոնց մեկ ամիս պահեցին Նովոչերկասկ քաղաքի թիվ երեք բանտում: 1990-ի հունվարի 12-14-ին կրկնվեցին հարձակումները Գետաշենի և Մարտունաշենի վրա: Սակայն ստանալով արժանի հակահարված՝ ադրբեջանական բանդաները խուճապահար հետ քաշվեցին:

Ադրբեջանական ազգայնամուլների քարթարություններն առաջին հերթին կենտրոնի եթե ոչ քաջալերանքի, ապա լուռ համաձայնության արդյունք էին: Դա, բնականաբար, ավելի էր խորացնում հայ ժողովրդի դժգոհությունը և անվստահությունը մոսկովյան իշխանությունների նկատմամբ: Այդ էին վկայում հանրապետության բոլոր բնակավայրերում բազմամարդ հանրահավաքները և դրանցում հնչող կոչերը: Հայ ժողովուրդն ամարգանքի այունին էր գամում Բաքվի և նրա հովանավոր Մոսկվայի գնալով մոլեգնող հակահայ գործելակերպը: Ն.Սլյունկովը հունվարի 15-ին Հայաստանի կուսակցական ակտիվի հետ ունեցած հանդիպման ժամանակ չնայած ցա-

վակցություն հայտնեց Բաքվում տեղի ունեցած ողբերգության առթիվ, սակայն դա չփոխեց կենտրոնի նկատմամբ ունեցած հայ ժողովրդի խիստ դժգոհությունը: Տեղի ունեցած ցեղասպանության նկատմամբ կենտրոնի վերաբերմունքի բուն էությունը լիովին բացահայտվեց հենց նույն օրը Մ.Գորբաչովի նախագահությամբ տեղի ունեցած ԽՍՀՄ Գերագույն խորհրդի նախագահության նիստի ընթացքում: Գերագույն խորհրդի գորբաչովյան նախագահությունը դարձյալ կեղծելով իրականությունը՝ հունվարի 15-ին ընդունեց մի որոշում, որով փորձեց իրադարձությունների հիմնական մեղքը բարդել արցախահայության վրա: Այդ օրերին արյունահեղ վիճակ էր Բաքվում և Ադրբեջանի հայաբնակ այլ վայրերում, սակայն այդ որոշման առաջին կետով արտակարգ դրություն հայտարարվեց ԼՊՄ-ում և պետական սահմանի՝ Ադրբեջանական ԽՍՀ-ի տարածքում եղած սահմանամերձ գոտում:¹ Աբսուրդ էր, բայց փաստ, որ հայերին ու ռուսներին կոտորում էին Բաքվում, իսկ արտակարգ դրություն էր մտցվում Ղարաբաղում: Արտակարգ դրության պահանջների համաձայն՝ վերացվում էին հակաօրինական կազմակերպությունները, սահմանափակվում քաղաքացիների տեղաշարժը, իրավունք էր տրվում կարգը խանգարողներին ժամանակավորապես արտաքսել իր բնակավայրից, կասկածելի քաղաքացիները 30 օր պահվում էին կալանքի տակ: Մինչև անգամ Հայկական ԽՍՀ ղեկավարությունից պահանջվում էր ամենավճռական քայլեր ձեռնարկել՝ վերջ տալու «հանրապետության տարածքից գնացող սադրիչ գործողություններին, որոնք ազգամիջյան կրքեր և ազգային թշնամանք են բորբոքում երկու ժողովուրդների միջև»: Այդ հրամանագրի համաձայն՝ արգելվեցին Լեռնային Ղարաբաղի Ազգային խորհուրդը, «Միացում» կազմակերպությունը, խիստ հսկողություն սահմանվեց մեծերների խորհրդի և տեղեկատվության միջոցների նկատմամբ:² Եվ այսպես, Արցախը կրկին մնաց առանց օրինական իշխանության: Այնտեղ իշխում էին զինվորականներ՝ ի դեմս արտակարգ դրության շրջանի պարետ Յու.Կոստյապովի:

Բաքվում և Ադրբեջանի մի շարք վայրերում իշխանությունն անցել էր ԱժԾ-ի ձեռքը: Այնտեղ արտակարգ դրություն մտցվեց միայն հունվարի 20-ին, և բանակը մտցվեց քաղաք, երբ ազերիները փորձեցին վերցնել իշխանությունը և կոտորել ռուսներին: Հունվարի 21-ի տվյալներով Բաքվում գոհվել էին 60 ադրբեջանցի, 14 զինվորական, վիրավորվել էր 76 զինձառայող: Կան նաև տվյալներ, որ գոհվել են 134, վիրավորվել 800 մարդ: Մեկ այլ հաղորդման հա-

¹ Арутюнян В.Б., Եզվ.աշխ., մաս 3, էջ 29-30:

² ՀՀ ՀՀԿՓ ԿՊԱ, ֆ. 1, ց. 87, գ. 49, ք. 4:

Правда, 16.01.1990, նաև՝ խորհրդային Հայաստան, 17.01.1990:

Правда, 16.01.1990, նաև՝ խորհրդային Հայաստան, 17.01.1990:

մածայն՝ այդ օրերին Բաքվում զոհվել է 1000 մարդ:¹ Կան տվյալներ, որ 1990թ. հունվարյան օրերին Բաքվում հայ զոհերի թիվն անցել է 400-ից: Այնտեղ հայության ջարդերի վերաբերյալ գործի քննություն չկատարվեց: Ինչպես Սունգայիթի դեպքում Մոսկվան չցանկացավ բացահայտել սպանդի ու ջարդի կազմակերպիչներին և ոգեշնչողներին, այնպես էլ այս դեպքում: Ադրբեջանում սպանված ջարդարարները հայտարարվեցին «ազգային հերոսներ» և տեղ գտան «եղբայրական գերեզմանոցում»: ԽՍՀՄ գլխավոր դատախազ Ա.Սուխարևը լուրջամբ պաշտպանեց Բաքվում կատարված վանդալիզմը: Ակնհայտ է, որ եթե Սունգայիթին տրվեր քաղաքական զնահատական, և իսկական հանցագործները պատասխանատվության ենթարկվեին, ապա հազիվ թե կրկնվեին «շուշին», «կիրովաբաղը», «բաքուն»:

Բաքվում տեղի ունեցած բարբարոսությունը վրդովեցրեց համաշխարհային հանրությանը: Ամերիկյան սենատորներ Փիթ Վիլսոնը, Փոլ Սայմոնը, Լարի Պրեստոնը, Ջոն Զերտին և Կլեյբորն Պեյլը դիմելով Մ.Գորբաչովին՝ խիստ անհանգստություն հայտնեցին Բաքվի իրադարձությունների առթիվ և պահանջեցին միջոցառումներ ձեռնարկել՝ կանխելու նոր սպանությունները: Նրանք նաև շեշտում էին, որ Հայաստանի հետ Ղարաբաղի վերամիավորումը խիստ անհարժեշտություն է:² Այդ օրերին Մոսկվա ժամանած ԱՄՆ-ի Սենատի արտաքին գործերի հանձնաժողովի նախագահ Կլեյբորն Պեյլը խորհրդային իշխանություններին հայտնեց, որ խորապես ցնցված է ու ճնշված ԽՍՀՄ տարածքում ադրբեջանցիների կողմից իրազործվող հայկական ջարդերի առթիվ: Նա գտնելով, որ խորհրդային կառավարությունը պետք է ամեն ինչ անի հայ ազգաբնակչությանը պաշտպանելու համար, առաջարկեց Լեռնային Ղարաբաղը դուրս բերել Ադրբեջանի ենթակայությունից, քանզի ադրբեջանցիներին թույլ տալ վերահսկել այդ մարզը կնշանակի միայն է՛լ ավելի խորացնել բռնությունը և նոր ընդհարումների առիթ տալ:³ Նման բողոքներ և պահանջներ ստացվում էին աշխարհի բազմաթիվ երկրներից. քաղաքական-պետական գործիչներից, անվանի մարդկանցից:

Վրդովված էր նաև աշխարհասփյուռ հայությունը: Արցախահայերը երգվեցին մինչև արյան վերջին կաթիլը, մինչև վերջին շունչը մարտնչել և պաշտպանել հայրենի հողը: Նրանք հունվարի 21-ին աշխարհին հղեցին հետևյալ դիմումը. «Հայրենակիցներ, մոլորակի քաղաքացիներ. Ձեզ են դիմում Լեռնային Ղարաբաղը, Շահումյանի շրջանն ու Գետաշենի ենթաշրջանը, ձեզ է դիմում վերջին

հայկական կողակը, որը ոգու ուժով պահպանվել է Ադրբեջանի կողմից բռնակցված իր պատմական հայրենիքում: Մենք հյուծիչ, դառն պատերազմի մեջ ենք... Ներկայումս Լեռնային Ղարաբաղը շրջապատված է մինչև ատամները զինված «սունգայիթ», «կիրովաբաղ», «նախիջևան», «բաքու» սարքած ավազակների հրոսակախմբերով:

Ադրբեջանը նրան Լեռնային Ղարաբաղին, կտրել է արտաքին աշխարհից, ավազակորեն գրավել են եթերը Շուշիում:

Սահաջու վտանգի առաջ կանգնած ղարաբաղցիները չեն հուսահատվում:

Մենք դիմելով ԽՍՀՄ Գերագույն խորհրդին, Հայկական ԽՍՀ Գերագույն խորհրդին, աշխարհի պետությունների խորհրդարաններին, բարի կամքի բոլոր մարդկանց թախանձագին խնդրում ենք իրենց ձայնը բարձացնել ի պաշտպանություն պաշարված Ղարաբաղի և օգնության ձեռք մեկնել նրան»:

1990թ. հունվարի 15-ին ԼՂԻՄ-ում և Շահումյանի շրջանում մտցվեց արտակարգ դրություն: Այդ նույն օրը Ադրբեջանական ԽՍՀ Գերագույն խորհուրդը որոշում ընդունեց Շահումյանի շրջանը լուծարելու վերաբերյալ: Ադրբեջանում շարունակվող հակահայ քաղաքականությունը քննության առնվեց Հայկոմկուսի կենտկոմում տեղի ունեցած խորհրդակցությունում, որին մասնակցեցին Ն.Սյունկոմլը և Ի.Սիլանը: Ելույթ ունեցան հասարակական, քաղաքական, կուսակցական և պետական մի շարք գործիչներ: Նրանք խստագույնս դատապարտեցին Մոսկվայի ու Բաքվի կողմից ադրբեջանահայության նկատմամբ կիրառվող բարբարոսությունները և կենտրոնական իշխանություններից պահանջեցին վերջ տալ այդ ամենին ու Արցախը միավորել Հայաստանի հետ: Ն.Սյունկոմլն իր ելույթում կեղծելով իշխանությունը՝ փորձում էր խորհրդակցության մասնակիցներին համոզել, թե իբր կենտրոնական իշխանությունները քայլեր են ձեռնարկում Գետաշենը, Ազատը և Կամոն պաշտպանելու Ադրբեջանի հարձակումներից:⁴ Մի քանի օր անց՝ հունվարի 25-ին կայացած Հայկոմկուսի կենտկոմի բյուրոն քննարկելով Բաքվում և Ադրբեջանի մյուս հայաբնակ վայրերում հայ ժողովրդի նկատմամբ իրագործվող բռնությունների և վայրագությունների հարցը՝ ընդունեց համապատասխան հայտարարություն: Այնտեղ նշվեց, որ Ադրբեջանը լուծարել է Շահումյանի շրջանը, Բերդաձորի, Գետաշենի ենթաշրջանի և Խարտունու շրջանի գյուղերի վրա վտանգ է կախված, Ադրբեջանի կառույց նշանակության միլիցիայի ջոկատները /օճօն/ շարունակում

¹ ՀՀ ՀՔԿԳ ԿՊԱ, ֆ. 1, ց. 87, գ. 49, ք. 15:

² Հայք, 28.01.1998:

³ Հայք, 28.01.1998:

⁴ Կրոշակ, N 21, 1990:

ՀՀ ՀՔԿԳ ԿՊԱ, ֆ. 1, ց. 84, գ. 131, ք. 1-82:

են անօրինությունները, զինված հարձակումներ են գործում Ղարաբաղ գնացող տրանսպորտի վրա, իշխում են Ստեփանակերտի օդանավակայանում, հաջալու գյուղում ապօրինի շինարարություն է կատարվում, ինչը խտորեն վնասում է օդանավակայանի աշխատանքին, իսկ արցախահայությունից պահանջում են հեռանալ իրենց բնօրրանից: Հայկոմկուսի կենտկոմի բյուրոն գտնում էր, որ այդ ամենում մեծ մեղք ուներ կենտրոնը, որը չէր հետևում 1989թ. նոյեմբերի 28-ի իր իսկ որոշման իրագործմանը: Ղարաբաղի վրա կախված էր Ադրբեջանի իշխանությունների կողմից ինքնավար մարզը լուծարելու իրական վտանգը: Այդ ամենից անհանգստացած Հայկոմկուսի կենտկոմի բյուրոն հայ ժողովրդին կոչ արեց մի կողմ թողնել «քաղաքական տարածայնությունները» և համատեղ հանդես գալ «ի պաշտպանություն ԼՂԻՄ խաղաղ հայ բնակչության»¹: Այդուհանդերձ, Հայկոմկուսի որոշ ղեկավար այրեր հավատացած էին, որ կենտրոնական իշխանությունները «բոլոր անհրաժեշտ միջոցառումները կծեռնարկեն ռեգիոնում բռնության ծավալումը կասեցնելու, ջարդերի և վանդալիզմի քայլերի կազմակերպիչներին ու կատարողներին խիստ պատասխանատվության ենթարկելու համար»²: Սակայն դա մնաց լոկ երազանք:

Հունվարի 10-ից լիովին դադարեցվեց գնացքների ժամանումը արբեջանական երկաթուղով, և Հայաստանը չստացավ շուրջ 450 հազար տոննա զանազան ժողովրդատնտեսական բեռներ: Հանրապետությունում փաստորեն սպառված էին ավտոբեմզիներ, դիզելային վառելանյութի և մագուսի պաշարները: Կանգնելու սպառնալիքի տակ էին երևանի ջերմաէլեկտրակայանը և Հրազդանի պետական շրջանային էլեկտրակայանը: Էլեկտրաէներգիայի պակասության պատճառով ձախողվում էր շատ ձեռնարկությունների և կազմակերպությունների նորմալ աշխատանքը³: Չնայած այդ ամենին՝ Հայաստանը շարունակում էր օգնել Լեռնային Ղարաբաղին և սատար կանգնել նրա պայքարին:

Հունվարի 23-ին Ստեփանակերտ ժամանեց արտակարգ դրության շրջանի ռազմական պարետի պաշտոնում վերահաստատված գեներալ-մայոր Վլադիսլավ Սաֆրոնովը: Նա հենց սկզբից կոչով դիմեց բնակչությանը՝ գգուշացնելով, որ «ԼՂԻՄ-ում և հարակից շրջաններում կիրագործվի ԽՍՀՄ Գերագույն խորհրդի հրամանը՝ նրանից բխած բոլոր հետևանքներով»:

Արցախն ամբողջովին կտրվեց արտաքին աշխարհից: Բեռնափոխադրումը հնարավոր էր միայն ռազմական ավտոշարասյուններով: Հունվարի 26-ին Ստեփանակերտ ժամանած ԽՍՀՄ պաշտպանության մինիստր Դ.Յագովի և ներքին գործերի մինիստր Վ.Բաբատինի կարգադրությամբ դադարեցվեցին ուղղաթիռների չվերթերը երևանից Ստեփանակերտ, Շահումյան և Գետաշեն: Կտրվեց Արցախի վերջին կապն աշխարհի հետ: Հունվարի 27-ին Ստեփանակերտ եկավ Վ.Պոլյանիչկոյի ղեկավարած տխրահուզակ կազմկոմիտեն⁴:

Կազմկոմիտեն տեղավորվեց կուսակցության մարզկոմի շենքում: Ի նշան բողոքի՝ մարզկոմի դեռևս գործող բաժինների աշխատողները լքեցին շենքը: Մարզի աշխատավորները, որպես անհնազանդության և բողոքի նշան, հունվարի 29-ից սկսեցին ընդհանուր պործադուլ:

ՀՀԸ-ի առաջին համագումարից հետո կոմիտեականների գործունեությունը հիմնականում ընթանում էր երկու ուղղությամբ՝ սրաշտպանել և օգնել Արցախի ազգային-ազատագրական պայքարին և հանրապետությունում իշխանությունը վերցնել իրենց ձեռքը: Կլանց մնացած բոլոր գործողություններն ածանցյալ էին: 1990թ. հունվարի կեսերից վերսկսվել էին հանրահավաքները: Թատերական հրապարակը դարձել էր թե՛ կամավորական ուժերի կազմակերպման, թե՛ Գերագույն խորհրդի նախընտրական քարոզչության և թե՛ Արցախին նյութական ու ռազմական օգնություն ցույց տալու կենտրոն: Հունվարի 13-ին տեղի ունեցած հանրահավաքում հավորվեց, որ Հայոց համազգային ճակատի ինքնապաշտպանական ուժերը թե՛ շրջաններում և թե՛ երևանում բերվել են ռազմական պատրաստության: Բնակչությանը կոչ արվեց կամ գեները հանձնել «Ղարաբաղ» կոմիտեին, կամ էլ գեներով ներկայանալ կոմիտե: Բաքվի լրամվամիջոցները հաղորդեցին, թե Կիրովաբադի քաղխորհուրդը բնակչությանը զենք է բաժանում, Բաքվի Շմիդտի անվան կործարանը լրիվ անցել է զենքի արտադրության, իսկ Ադրբեջանի բնակչությունը պաշտպանում է Ազգային ճակատին: Ի պատասխան սուր ամենի՝ ՀՀԸ-ն ստեղծեց ռազմական շտաբ և պահանջեց, որ ձեռնարկություններում կազմակերպվող կամավորական ջոկատները ենթարկվեն շտաբին և իրենց գործողությունները համաձայնագրեն նրա հետ: Ամբողջ հանրապետության տարածքում սկսված կամավորական շարժմանը կազմակերպված բնույթ տալու նպատակով Թատերական հրապարակից կոչեր էին հղվում շրջանների դե-

¹ Նույն տեղում, ց. 85, գ. 31, ք. 48-50:

² Խորհրդային Հայաստան, 22.01.1990:

³ Խորհրդային Հայաստան, 22.01.1990:

⁴ Խորհրդային Ղարաբաղ, 24.01.1990:

¹ Կոմիտեի կազմը՝ Ռ.Ասադով, Ս.Վելիմանեդով, Ա.Գոլուբեև, Շ.Քերիմով, Ս.Խաղան, Վ.Ջաֆարով:

կավարներին՝ տեղեորում ստեղծված շտաբներին օգնություն ցույց տալու, ամենից առաջ ավտոմեքենաներով, վառելանյութով, հազուստով, սննդամթերքով: Իբր ամենուր կարգ ու կանոն հաստատելու նպատակով ԳՅԸ-ն նախաձեռնեց հատուկ ջոկատների ստեղծումը:¹ Նման ինքնազործունեությունը և խառնաշփոթի ստեղծումը չէր կարող դժգոհություն առաջ չբերել հանրապետության իրավապահ, կուսակցական և պետական մարմիններում: Բանն այն է, որ հանրապետությունում, մանավանդ Երևանում, հանդես էին եկել զինված ջոկատներ, որոնց գործողությունները հաճախ ուղեկցվում էին ավազակային արարքներով: ԳՅԸ-ն ստիպված էր նման ավազակային ջոկատների դեմ պայքարելու համար ստեղծել համապատասխան մարմին-շտաբ, որն օժտված էր «արտակարգ իրավունքներով»: ԳՅԸ-ի այդ օրերի միտումները հստակ արտահայտեց Վազգեն Մանուկյանը ասելով հետևյալը. «Պայքարը շարունակելու համար անհրաժեշտ է զինվել: Սեր պայքարը նպատակ ունի իրագործել քաղաքական խնդիրներ: Մենք կհաղթենք այն ժամանակ, երբ կլինենք զինված, կազմակերպված և հզոր: Այդ դեպքում կունենանք անկախ պետություն՝ մեր ազգային շահերով»:²

Հայոց հողի պաշտպանության նպատակ հետապնդող ջոկատները Երասխավանում և սահմանամեծ մյուս հատվածներում Ադրբեջանի ազգային ճակատի հրահրած ընդհարումների ժամանակ արժանի իսկահարված հասցրին հակառակորդին: Այդ մարտերում ադրբեջանական կողմը տվել էր 19 զոհ և 56 վիրավոր:³ Հանրապետության բնակչությունը մեծ ցավ ապրեց, երբ իմացավ, որ Երասխավանում գոհվել էին չորս ազատամարտիկ և Սովսեմ Գեորգիայանը:

Հանրապետությունում շարունակվող հանրահավաքներում քննարկվում էին նաև բնապահպանության հարցերը: ԳՅԸ-ական, խաչիկ Ստամբուլյանի գլխավորած կամանց ջոկատը շրջափակել էր «Նաիրիտը» և պահանջում էր փակել այն: Փետրվարի 1-ին Մոսկվայից ստացվել էր Ն.Ռիժկովի հեռագիրը, ըստ որի «Նաիրիտի» փակումը կբերեր 14 միլիարդ ռուբլու վնաս: Ն.Ռիժկովը հույս էր հայտնում, որ հայ ժողովուրդը դա կգիտակցի և կապահովի բնապահպանության անվտանգությունը հանրապետությունում:⁴ Սակայն ոչ ԳՅԸ-ականները և ոչ էլ մի շարք այլ ուժեր չհասկացան Ն.Ռիժկովի անհանգստությունը: «Նաիրիտը» փակվեց, որը մեծ վնաս բերեց ոչ միայն Հայաստանին, այլև խորհրդային Միությանը:

¹ ԳՅ ԳԶԿԾ ԿՊԱ, ֆ. 1, ց. 87, գ. 49, ք. 6:

² Նույն տեղում, ք. 9:

³ Նույն տեղում, ք. 14-15:

⁴ ԳՅ ԳԶԿԾ ԿՊԱ, ֆ. 1, ց. 87, գ. 49, ք. 21:

‘նու տվյալ ժամանակաշրջանի ամենակոպիտ սխալներից էր, որը կատարվեց հիմնականում ԳՅԸ-ականների մեղքով:

1990թ. գարնան շեմին կրկին բարդացել էր Շահումյան-Գեառուշենի վիճակը: Գետաշենի ենթաշրջանի Ազատ և Կանոն գյուղերի բնակչության արտաքսման հարցը դարձել էր օրերի խնդիր: Երևանյան հանրահավաքներում ճառողները Հայաստանի դեկափոլությանը մեղադրում էին միայն Մոսկվայի պահանջները կատարելու և Շահումյանի ու Գետաշենի հայության ճակատագրով մտախոյված չլինելու մեջ: Դա ճիշտ չէր, որովհետև Հայաստանի դեկափոլ մարմինները բազմիցս Մոսկվային խնդրել էին ապահովել տարածքի բնակչության կյանքի անվտանգությունը: Ճառախոսները տևարկում էին նաև փախստականների հարցը՝ իշխանություններից պահանջելով տվյալ պահին անհնարինը՝ նրանց ապահովել բնակարաններով, աշխատանքով և ապրելու մյուս միջոցներով: Կայստության բնակչությունը ջերմորեն պաշտպանում էր արցախցիների ազատագրական պայքարը: Հայկոմկուսում և պետական մարմիններում ամեն օր ստացվում էին բազմաթիվ նամակներ ու հեռագրեր, որոնց հեղինակներն իշխանություններին կոչ էին անում ելքեր լուծակցանել Արցախին տնտեսական և ռազմական օգնություն ցույց տալը՝ առաջարկելով իրենց ծառայությունը:¹

1990թ. փետրվարի 5-6-ը տեղի ունեցած ԽՄԿԿ կենտրոնի պլենումում ելույթ ունենալով՝ Սուրեն Հարությունյանը փորձեց հիմնավորել Ղարաբաղյան հիմնահարցի արդարացի լինելը: Նա ասաց. «Մենք մտածողության ինտերցիան այնքան ուժեղ գտնվեց, որ վերակառուցման շնորհիվ կյանքի կոչված ԼՂԻՄ-ի հայ բնակչության կամքի արտահայտությունն ընկալվեց որպես Հայկական ԽՍՀ-ի անվճարություն հարևան հանրապետության տարածքի նկատմամբ»: Մյուս նա նշեց, որ ԼՂԻՄ-ի հարցը տարածքային վեճ չէ, այն առաջադրել է Լեռնային Ղարաբաղի բնակչությունը, և որ հարցի եսթրումը ժողովրդի ինքնորոշումն է: Որպես պատասխան, - շարունակեց նա, - կազմակերպվեց «սուճայիթ», շրջափակվեց Հայաստանը, և ազգամիջյան կոնֆլիկտը վերածվեց միջհանրապետականի: Ս.Հարությունյանը նաև նկատեց, որ կենտրոնական իշխանությունների կողմից «Հայաստանում և Ադրբեջանում տեղի ունեցած դեպքերի միջև հավասարության նշան դնելը... նշանակում է անարդարության մեջ գցել հասարակական կարծիքը»:²

ԽՍՀՄ Գերագույն խորհրդի երկու պալատների համատեղ որոշումն ընդունելով 1990թ. մարտի 1-ին ավարտեց մինչ այդ սկսած՝

¹ Նույն տեղում, ց. 127, գ. 814, ք. 120-128, 179-182 և այլն: Խաղիորդային Հայաստան, 8.02.1990:

Աղբրեջանական ԽՍՀ-ում և Հայկական ԽՍՀ-ում տիրող իրադրու-
թյան հարցի բննարկումը: Ելույթ ունեցողները «ցավով էին խոսում
Բաքվում տեղի ունեցած ողբերգական իրադարձությունների մասին,
որոնք ուղեկցվել են մարդկանց սպանություններով», և երկու հան-
րապետություններին առաջարկեցին «միմյանց ընդառաջ գնալ»:¹
Սակայն առաջարկված նախագիծը լույ կոսմետիկ բնույթ ուներ և չէր
տալիս Բաքվում տեղի ունեցածի ոչ քաղաքական և ոչ էլ բարոյա-
կան գնահատականը: Այնուամենայնիվ, այդ նախագիծն ընդունվեց
հիմք՝ լրամշակելու և մարտի 5-ի նիստում կրկին քննարկելու հա-
մար: Մարտի 5-ին ԽՍՀՄ Գերագույն խորհրդի նստաշրջանի
դռնփակ նիստում երրորդ անգամ քննարկվեց Աղբրեջանական և
Հայկական ԽՍՀ-ների դրության հարցը: Այդ նիստում անիրավագոր
համարվեցին Հայկական ԽՍՀ Գերագույն խորհրդի ընտրություն-
ների կենտրոնական ընտրական հանձնաժողովի գործողություն-
ները՝ կապված ԼԴԽ-ի տարածքում Հայկական ԽՍՀ Գերագույն
խորհրդի ընտրությունների ընտրական շրջաններ ստեղծելու հետ:
Այդ նիստում քննարկվեց նաև վերոհիշյալ որոշման նախագծի լրամ-
շակված տարբերակը, որը գրեթե ոչնչով չէր տարբերվում նախոր-
դից: Երեկոյան նիստում, չնայած հայ պատգամավորների բողոքին,
ԽՍՀՄ Գերագույն օրենսդիր մարմինը հերթական անգամ ընդունեց
«Աղբրեջանական ԽՍՀ-ում և Հայկական ԽՍՀ-ում տիրող դրության և
այդ ռեգիոնում իրադրությունը նորմալացնելու միջոցառումների
մասին»² որոշում, որը, ինչպես և նախորդները, ի վիճակի չէր վե-
րացնելու լարվածությունը տարածաշրջանում: Այն այդպես էլ մնաց
չիրագործված:

Մինչ այդ՝ մարտի 2-ին, ՀԽՍՀ Գերագույն խորհրդի նախա-
գահությունը հանդես էր եկել հայտարարությամբ, որում միան-
գամայն ճիշտ էր բնորոշել տարածաշրջանում ստեղծված իրավի-
ճակը: Այդ հայտարարության մեջ նշված էր. «Վերջին օրերս աղբրե-
ջանական իշխանությունները և Աղբրեջանի ժողովրդական ճա-
կատի ներկայացուցիչները խորհրդային բանակի և ներքին զորքերի
ստորաբաժանումների հովանավորությամբ եռանդուն գոր-
ծողություն են ծավալել Խանլարի շրջանի Ազատ, Կամո, Մարտու-
նաշեն և Գետաշեն հայաբնակ գյուղերի տեղահանման նպատակով:
Մութ գործարքների, տների կեղծ առուծախի միջոցով արդեն դա-
տարկվել է Ազատ գյուղը, մարտի 2-ին սկսվել է Կամո գյուղի բնա-
կիչների տեղահանությունը: Նույն վտանգը սպառնում է Մարտունա-
շեն, Գետաշեն, իսկ այնուհետև նաև Շահումյանի շրջանի հայկական

գյուղերին»: Այնուհետև ասվում էր, որ այդ գյուղերը 1988թ. նոյեմբե-
րից մինչև 1990թ. հունվարը ինքնապաշտպանական ուժերի միջո-
ցով կարողացել են հակահարված հասցնել հրոսակային հար-
ձակումներին և հաջողությամբ պաշտպանել հայրենի երկրամասում
ապրելու իրավունքը: Տեղահանությունը սկսվել է միայն այն բանից
հետո, երբ այդ գյուղերում տեղաբաշխվել էին խորհրդային բանակի
և ներքին զորքերի ստորաբաժանումները: Ուստի պնդեցին, որ
այդ գործը խրախուսվում կամ նույնիսկ ղեկավարվում է կենտրոնա-
կան իշխանությունների կողմից: Հայաստանի բարձրագույն օ-
րենսդիր մարմինը կենտրոնական իշխանություններից պահանջում
էր «զորքերն անհապաղ դուրս բերել Հյուսիսային Արցախից, դրանք
տեղավորելով հայկական և աղբրեջանական գյուղերի սահմանա-
զատիչ գոտիներում»:¹ Քանի որ երկրի բարձրագույն իշխանություն-
ները չարձագանքեցին այդ տազնապալի ահազանգին: Հայաստանի
Գերագույն խորհրդը մարտի 9-ին դիմում հղեց ԽՍՀՄ Գերագույն
խորհրդի նախագահությանը, որտեղ կրկին տազնապալ հայտնեց Հյու-
սիսային Արցախում ստեղծված ծանր վիճակի համար՝ դրանում մե-
ղադրելով նաև ԽՍՀՄ զինված ուժերին: Որպես ժամանակի հրա-
տապ խնդիր՝ պահանջվեց Ազատ, Կամո գյուղերը և Գետաշենի են-
թաշրջանը վարչակարգորեն հանձնել Շահումյանի շրջանին: «Հակա-
ռակ դեպքում, - ասվում էր դիմումում, - անկանխատեսելի
հետևանքների ողջ պատասխանատվությունն ընկնում է երկրի
կենտրոնի իշխանությունների վրա»:² Այդ նույն օրերին ԽՍՀՄ
ժողովրդական պատգամավորների համագումարին բողոք-նամակ
ուղարկեց նաև ԳՀՀ-ի վարչությունը:³ Սակայն այդ բոլոր բողոքներն
ու պահանջները մնացին անհետևանք: Կենտրոնական
իշխանությունները շարունակում էին բացահայտ և լլկտի գործել հայ
ժողովրդի դեմ:

1990թ. գարնանը Հայաստանում ՀԽՍՀ Գերագույն խորհրդի
պատգամավորության նախընտրական բուռն արշավ էր ընթանում:
Հանրապետության կոմկուսը, ԳՀՀ-ն և մյուս քաղաքական ուժերը
չատ ընտրատարածքներում առաջ էին քաշել իրենց թեկնածուներ-
ին: ԳՀՀ-ականների նախկին կոչերը իրենց տեղը գիջել էին սահմա-
նադրական ճանապարհով իշխանության հասնելու մարտա-
վարությանը: Այնուամենայնիվ, քաղաքական ընդհանուր վիճակը
հանրապետությունում մնում էր չափազանց լարված: Այդ է վկայում
հետևյալ փաստը. Հայկական ԽՍՀ հրատարակչությունների, պոլիգ-
րաֆիայի և գրքի առևտրի պետական կոմիտեի նախագահ Ս.Պո-

¹ Նույն տեղում, 3.03.1990:

² Նույն տեղում, 7.03.1990:

¹ խորհրդային Հայաստան, 3.03.1990:

² խորհրդային Հայաստան, 12.03.1990:

³ Հայք, 18.03.1990:

ղոսյանը 1990-ի փետրվարի 23-ին Հայկոմկուսի կենտրոնում ուղարկած նամակում ահազանգել էր, որ հայ ժողովրդի համար ստեղծվել էր վտանգներով և փորձություններով լի կացություն: «Հանրապետության ղեկավարության թույլտվությամբ, - գրում էր նա, - մի խումբ իշխանասիրահարների, արկածախնդիրների և քաղաքական քայլաօգյոզների հաջողվել է անցած երկու տարում մեծ ու փոքր ազգային հարցեր լուծելու դրոշի տակ... խաբել լայն հասարակայնությանը, չեզոքացնել գոյություն ունեցող ֆորմալ և ոչ ֆորմալ կազմակերպություններին ու միություններին և հանրապետության կյանքում գրավել ինքնիշխան դիրք:

Արտաքուստ թվում է, թե մեզ նոտ ստեղծված է երկիշխանություն, մինչդեռ միակ իրական իշխանությունը դա Հայոց համազգային շարժումն է /ՀՀԸ/, որը քղաքիվում է զանազան ճարպիկ կոչերով և հասարակական կարծիքը մոլորության մեջ գցում անամոթ ու անմաքուր մեթոդներով»: Այդ ամենից անհանգստացած՝ Ս.Պողոսյանը նաև մեղադրում էր մի շարք բարձր պաշտոն զբաղեցրած անձնավորությունների, որոնք «իրենց գործնականում տվել են ՀՀԸ-ի ողորմածությունը, դարձել են նրանց կանակատարներ կամ էլ ձգտում են նրանց օգտագործել և կյանքում իրագործել իրենց անձնական, Եսասիրական և իշխանատենչ ծրագրերը»:

Անշուշտ, «այդ ամենը, - շարունակում է նամակի հեղինակը, - հասարակությանը զցել է շփոթության և հուսահատության մեջ: Հանրապետության կյանքը կազմալուծված է, տապալված են աղետի գոտու աշխատանքները, փախստականների շարքում տիրում է քառս, օբյեկտիվ և սուբյեկտիվ պատճառներով աշխատանքները ձախողվել են կենսագործունեության բոլոր բնագավառներում»: Նա համոզմունք էր հայտնում, որ ստեղծված նման պայմաններում Հայկոմկուսի կենտրոնի բյուրոն պետք է կամ դիմի գործնական քայլերի, կամ էլ հրաժարական տա, որովհետև նման գործունեությամբ նա փաստորեն «նպաստում է միայն ՀՀԸ-ի իշխանամետության և կարիերիստական ձգտումների իրականացմանը»: Նա առաջարկում էր «հիմնովին և անհետաձգելիորեն վերանայել կուսակցական, պետական և տնտեսական մարմինների, առաջին հերթին լրատվամիջոցների ղեկավար կազմը, սկզբունքային գնահատական տալ վարչական մարմինների և նրանց ղեկավարների «հումանիտական խաղերին», հանրապետությունում ստեղծված վիճակին, ֆորմալ և ոչ ֆորմալ կազմակերպությունների գործունեությանն ու վարքագծին, պետական մարմիններին և ստեղծված վիճակից հանրապետությունը դուրս բերելու համար ակտիվացնել հասա-

րակությանը»: Նա միանգամայն ճիշտ է նկարագրել այդ օրերին հանրապետությունում ստեղծված քաղաքական վիճակը: Իրոք, կոմկուսն իրեն սպառել էր և զրկվել իր հիմնական հենարանից՝ ժողովրդի պաշտպանությունից: Ըստ էության, քաղաքական ուժերը և հասարակական շարժումը ներքաշվելով նախընտրական պայքարի մեջ, մոռացության տվեցին հանրապետության հասարակական և տնտեսական կյանքը: Գաղափարական պայքարում ՀՀԸ-ականներին հեղինակություն և մասսայականություն էին բերում անկախության և Արցախի գաղափարները: Հենց դա ի նկատի ունենալով՝ Իգոր Մուրադյանն այդ օրերին գրել է. «Միայն երկու խնդիր կարող են ոտքի հանել հայ ժողովրդին, համախմբել նրա հոգևոր ու ֆիզիկական ուժերը: Դրանք են՝ Արցախն ու անկախությունը: Սակայն հենց Արցախի պրոբլեմի լուծման ճանապարհին է ծառայում ազգային անկախության խնդիրը՝ որպես Արցախյան պրոբլեմի բախալի»: Հենց դրանից է օգտվում ՀՀԸ-ն, որը «փաստորեն ներկայացնում է առանձին սոցիալական խմբերի շահերը, որոնք հակառակ նամազգային շահերի՝ ձգտում են քաղաքական իշխանության և դրան ուղեկցող բարիքներին...»: Հայ հասարակությունը դեռևս պատրաստ չէր «անձնագոհության հանուն ամենաթանկ բանի՝ անկախության»: Եվ «հենց այս գործոնով է պայմանավորված ՀՀԸ-ի ակտիվ գործունեությունը, և հենց դրանում է դրսևորվում այս հակազգային կազմակերպության քաղաքական սնանկությունը»:¹

1990թ. ապրիլի 6-ին տեղի ունեցած Հայկոմկուսի կենտրոնի պլենումը բավարարեց Ա.Հարությունյանի խնդրանքը և նրան ազատեց զբաղեցրած պաշտոնից: Հայկոմկուսի կենտրոնի առաջին բարտուղար ընտրվեց Վլադիմիր Մովսիսյանը, որը մինչ այդ աշխատում էր որպես ՀԽՍՀ Սինիստրների խորհրդի նախագահի առաջին տեղակալ:

1990թ. զարմանը Ադրբեջանն ուժեղացրեց ճնշումը Արցախի և Կետաշեն-Շահումյանի վրա: Ապրիլի 29-ին տեղի ունեցած Հայկական ԽՍՀ Գերագույն խորհրդի արտահերթ նստաշրջանն այդ ամենի մեղավոր համարում էր կենտրոնական և ադրբեջանական իշխանություններին: Հայկոմկուսի կենտրոնը և ՀԽՍՀ Գերագույն խորհուրդը կենտրոնական իշխանություններին խնդրում են Ստեփանակերտ ուղարկել հատուկ հանձնաժողով, ԽՍՀՄ Գերագույն խորհրդում անհապաղ քննարկել ԼԴԻՍ-ում ստեղծված վիճակը, չուսա միջոցառումներ ձեռնարկել մարզի հայ բնակչության շահերը պաշտպանելու համար, բեկանել Ադրբեջանի Գերագույն խորհրդի

¹ ՀՀ ՀԶԿՓ ԿՊԱ, ֆ. 1, ց. 87, գ. 44, ք. 14:

¹ ՀՀ ՀԶԿՓ ԿՊԱ, ֆ. 1, ց. 87, գ. 44, ք. 14:

² Պրոշակ, 1990, N 1, էջ 27:

ապրիլի 21-ի՝ Լեռնային Ղարաբաղում տարածքային-վարչական մասնակի փոփոխություններ կատարելու վերաբերյալ որոշումը, համապատասխան մարմիններին հանձնարարել մանրամասն քննել ապրիլի 26-ին Ստեփանակերտում տեղի ունեցած հակաժողովրդական գործողությունը և շրջանի պարետությունն ուղիղ ենթարկեցնել հսկիչ-դիտորդ հանձնաժողովին:¹

ՀԽՍՀ Գերագույն խորհրդի արտահերթ նստաշրջանում քննարկվել էին նաև 1989թ. հոկտեմբերի 10-ին Ստեփանակերտում աննեղ մարդկանց դեմ խորհրդային զորքերի կողմից զենքի գործադրման ու պատճառած վնասների մասին ուսումնասիրության արդյունքները, ինչպես նաև Լեռնային Ղարաբաղում ստեղծված իրավիճակը կարգավորելու հարցերը: Նստաշրջանի ընդունած համարձակ որոշումները հիմնականում ուղղված էին կենտրոնական իշխանությունների և անձամբ Մ.Գորբաչովի դեմ, որը հանդիսանում էր «այդ ամենի գլխավոր ռեժիսորը»:² Ի պատասխան դրա՝ Մոսկվան մեղադրում է Հայաստանի ղեկավարությանը, պահանջում հավաքել ժողովրդի մոտ եղած զենքը և վերջ տալ հակա-խորհրդային գործողություններին:³

Մոտենում էր ՀԽՍՀ Գերագույն խորհրդի պատգամավորների ընտրությունների օրը՝ մայիսի 20-ը: Մայիսի 18-ին Թատերական հրապարակում տեղի ունեցավ վերջին նախընտրական հանրահավաքը: Բոլոր ելույթ ունեցողներն էլ կոչ էին անում ձայն տալ ՀՀԸ-ական թեկնածուների օգտին:

Հայկոմկուսն իր հերթին փորձում էր ազդել ընտրողների վրա, որպեսզի չքվեարկեն ՀՀԸ-ականների օգտին: Կոմկուսի կենտկոմի բյուրոն մայիսի 18-ին քննարկելով ընտրությունների հետ կապված հարցը՝ նշեց, որ ծայրահեղական տրամադրություններ ունեցողները ձգտում են հանրապետությունում ապակայունացնել հասարակական-քաղաքական կյանքը, սրել հակասությունները խորհրդային բանակի և հանրապետության բնակչության միջև: Օրինակ էր բերվում, որ հարձակումներ են եղել տանկային զորամասի վրա, իսկ երկաթգծի կայարանից Արարատի շրջան է փախցվել հինգ տանկ: Հայկոմկուսի բյուրոն կոչ էր անում վերջ տալ նման անցանկալի երևույթներին:

Մայիսի 27-ին երևանում տեղի ունեցան արյունալի իրադարձություններ, որոնց ընթացքում ընդհարում տեղի ունեցավ խորհրդային բանակի զինվորների և երևանի բնակիչների միջև: Այդ

ուղղանքի հետևանքով զոհվեցին հայազգի 21 քաղաքացիներ և խորհրդային բանակի մեկ զինվոր:⁴ Հայոց ազգային բանակի /ՀԱԲ/ ռազմական խորհրդի նախագահ Վարդան Վարդանյանը հայտարարությամբ հանդես գալով՝ նշեց, որ իրենք «կտրականապես դեմ են առձակատմանը կայսրության զինված ուժերի հետ»: Նա տեղյակ պահեց, որ մայիսի 10-ին ստեղծված զինված տարբեր ջոկատների ռազմական խորհրդի ընդունած սկզբունքներից մեկի համաձայն՝ առանց ռազմական խորհրդի հանձնարարականի ոչ մի զինված միավոր կամ ջոկատ իրավունք չունեն ինքնազուլա գործողությունների դիմել: Միմյուրեք մի ջոկատ, զենք հափշտակելու մտադրությամբ, երկաթուղային կայարանի սպասարանում հարձակվել էր Երևան-Կապան գնացքին ուղեկցող պահակային զինված ջոկատի վրա և հանդիպել հակահարվածի:

Այդ օրերին իրադարձությունը խիստ սրվել էր նաև Արցախում ու Շահումյան-Գետաշենում: Հայաստանից ընտրված ԽՍՀՍ ժողովրդական մի խումբ պատգամավորներ հունիսի 7-ին դիմեցին Մ.Գորբաչովին՝ նշելով, որ «ռազմաքաղաքական դաժան ճնշումը, որին ենթարկվում է ԼՂԻՄ-ի հայ բնակչությունը... Ադրբեջանի այսպես կոչված Հանրապետական կազմկոմիտեի կողմից... վերջին ամիսներին, հիրավի, հրեշավոր է դարձել»: Նրանք երկրի նախագահից պահանջում էին վերջ տալ «հայ ժողովրդի նկատմամբ ֆիզիկական և բարոյախոզեբանական տեղորի կամայանիային... հայ ժողովրդի տառապանքներին ԼՂԻՄ-ում, անհրաժեշտ պայմաններ ապահովել ինքնորոշման նրա բնական իրավունքի իրականացման համար»:⁵

ԼՂԻՄ Ազգային խորհուրդը, «Միացում» կազմակերպությունը և ՏՆՕրենների խորհուրդը որոշել էին չհամագործակցել Հանրապետական կազմկոմիտեի հետ: Դրա Ստեփանակերտ ժամանելուց անմիջապես հետո մարզգործկոմի շենքի վրայից իջեցվեց Հայաստանի դրոշը և փոխարենը դրվեց Ադրբեջանի դրոշը: ԼՂԻՄ-ի և Ադրբեջանական ԽՍՀ հարակից շրջանների արտակարգ դրության շրջանի պարետ գեներալ Վ.Սաֆոնովի 1990թ. հունվարի 31-ի հրամանով «խորհրդային Ղարաբաղ» թերթը ենթարկվելու էր արտակարգ դրության շրջանի պարետությանը, իսկ տպաքանակը տպագրվելու էր Ստեփանակերտում: Թերթը տարածվելու էր միայն մարզում: Արվելվում էր թերթի էջերի բնօրինակները, մատրիցաները, ժապավենները և ստերետիպերը մարզի տարածքից դուրս բերել:⁶ Այդ ժամանակ «խորհրդային Ղարաբաղը» իր ռուսերեն տարբերակով առաջ-

¹ ՀՀ ՀՔԿՓ ԿՊԱ, ֆ.1, ց.127, գ. 794, թ. 27-31:

² խորհրդային Հայաստան, 5.05.1990.

³ ՀՀ ՀՔԿՓ ԿՊԱ, ֆ.1, ց.87, գ.44, թ.38, 48-50, 51-52:

⁴ ՀՀ ՀՔԿՓ ԿՊԱ, ֆ.1, ց.87, գ. 103, թ. 2:

⁵ Այդ մասին մանրամասն տե՛ս **Արշակյան Անդրանիկ**, նշվ. աշխ., էջ 148-187: Իսկ այլ աղբյուրների՝ այդ ընդհարման ժամանակ զոհվել է 23 հոգի:

⁶ խորհրդային Հայաստան, 7.06.1990:

⁷ Երևկոյան Երևան, 12.02.1990:

վում էր ԽՍՀՄ ավելի քան 300 քաղաք և ուներ 60 հազար բաժանորդ: Թերթի տպաքանակը հիմնականում տպագրվում էր Երևանում: Կատարել Վ.Սաֆրոնովի պահանջը՝ նշանակում էր Արցախը լրիվ կտրել դրսի աշխարհից: Թերթի խմբագրության աշխատակիցների, կուսակցական կազմակերպության և ստեղծագործական կոլեկտիվի համատեղ ժողովը բնարկելով գեներալ Վ.Սաֆրոնովի հրամանը՝ նշեց, որ այն կամայականորեն է մեկնաբանում հունվարի 15-ի հրամանագրի որոշ հոդվածներ, և որ ըստ էության՝ պարետությունը ստանձնել էր մարզի քաղաքական ղեկավարման ֆունկցիան, որը լիովին հակասում էր ԽՍՀՄ սահմանադրությանը: Ընդունված որոշման մեջ շեշտված էր, որ Ադրբեջանի լրատվամիջոցները շարունակում են բորբոքել ազգամիջյան երկպառակություն և ատելություն հայ ժողովրդի նկատմամբ: Այդ փաստը մեկ անգամ ևս հաստատում է, որ արտակարգ դրությունը, մասնավորապես գրաքննությունը, տարածվում է միայն ԼՂԻՄ-ի վրա և հետապնդում է մարզի բնակչության կամքի ազատ արտահայտումը ճնշելու նպատակ: Ժողովականները գտնում էին, որ անհնարին է կատարել Վ.Սաֆրոնովի հրամանը:

Ադրբեջանի կազմկոմիտեի և Վ.Սաֆրոնովի գլխավորած արտակարգ դրության պարետության անօրեն գործողությունների դեմ պայքարը հետզհետե լայն բնույթ էր ընդունում: Այդ օրերին մամուլը հաղորդել է, որ Ստեփանակերտում «չեն գործում արդյունաբերական ձեռնարկությունները, շինարարական կազմակերպությունները, տրանսպորտը, բնակչության սպասարկան ոլորտը: Երեխաները դպրոց չեն հաճախում: Փակ են նախադպրոցական հիմնարկները, արդյունաբերական ապրանքների խանութները... Կապեր չկան Ստեփանակերտում գտնվող հանրապետական կազմկոմիտեի անդամների և տեղական իշխանությունների միջև:² Ընդհատվել էր Ստեփանակերտի և մարզի շրջանների կապը, իսկ հունվարի 31-ից փակվել էր Ստեփանակերտի օդանավակայանը: Աշխատանքները դադարեցրել էին նաև մարզի այգեգործները:³ Արցախիցները հույս ունեին, թե մարտի 5-7-ը տեղի ունենալիք ԽՍՀՄ կենտրոնի պլենումը Արցախի օգտին որևէ որոշում կընդունի: Պլենումի նախօրյակին մարզի բոլոր մակարդակի ղեկավարների և Արցախից ժողովրդական պատգամավորների կողմից դիմում-բողոք ուղարկվեց ԽՍՀՄ Գերագույն խորհուրդ, որտեղ ասված է. «Անչափ բարդ իրավիճակում առնվազն անբարոյական է ԼՂԻՄ-ը այն հանրապետության հովանավորությամբ բռնի վերադարձնելուն հասնելը,

որը բացահայտել է իր հակախորհրդային, շփոթիստական էությունը», և անթույլատրելի է «ինքնավար մարզ ուղարկել Ադրբեջանի ներկայացուցիչներ, այսպես կոչված կազմկոմիտեի անդամների թվից կարգուկանոն հաստատելու, կառավարման մարզային մարմինները վերստեղծելու նպատակով, որոնք արդեն առանց կրանց մասնակցության վերսկսել են իրենց գործունեությունը ԼՂԻՄ-ի Ազգային խորհրդի արձակումից հետո»: Նամակի հեղինակները պահանջում էին, որ կազմկոմիտեն հեռանա մարզի սահմաններից: Սակայն այդ բողոքը ևս մնաց անհետևանք: Ընդհակառակը, մարզում ավելի ուժեղացավ ճնշումը, և աճեցին ձեռքբալությունները:

1990թ. գարնանը նույնիսկ խոսվում էր Լեռնային Ղարաբաղում նախագահական կառավարում մտցնելու մասին: Սակայն Ս. Գորբաչովն անձամբ ժխտեց այդ լուրը և պնդեց, որ կենտրոնական իշխանությունները հավատարիմ են մնում 1989թ. նոյեմբերի 28-ի որոշմանը: Լեռնային Ղարաբաղում նախագահական կառավարում մտցնելու մասին խոսակցությունը ժխտեց նաև Ադրբեջանի Պարագույն խորհրդի նախագահ Էլմիրա Կաֆարովան:² Իսկ ԽՍՀՄ Պարագույն խորհրդի նախագահ Ա.Լուկյանովը հայտարարեց, որ Լեռնային Ղարաբաղում նախագահական կառավարում մտցնելու վերաբերյալ Ս. Գորբաչովը «ոչ մի մուրհակ էլ չի տվել»:³

Լեռնային Ղարաբաղի առաջ կանգնած հրատապ հարցերին լուծում տալու համար անհարժեշտ էր հրավիրել ԼՂԻՄ մարզխորհրդի նոր նստաշրջան: Նախատեսվեց այն հրավիրել մարտի 17-ին՝ Չնայած Վ.Սաֆրոնովի և Վ. Պոլյանիչկոյի համառ ջանքերին՝ կրանց չի հաջողվում խափանել նստաշրջանի հրավիրումը: Նստաշրջանը, որին մասնակցեցին նաև մարզից ընտրված ԽՍՀՄ ժողովրդական պատգամավորները, միաձայն որոշեց ԽՍՀՄ սահմանադրության հիման վրա վերականգնել մարզխորհուրդը և նրա գործադիր կոմիտեն: Մարզխորհրդի գործադիր կոմիտեին հանձնարարվեց մարզում աշխատանքային ռիթմը վերականգնելու, ժողովրդական տնտեսությունը նորմալ հունի մեջ դնելու և մարզի տարածքում բոլոր հարցերը ժողովրդավարական ուղիներով լուծելու համար հատուկատասխան միջոցներ ձեռնարկել:⁴ Մարզխորհրդի նստաշրջանի հրավիրումը համբերությունից հանեց Ադրբեջանի պարագույններին: Ադրկոմկուսի կենտկոմի նորընտիր առաջին լարտուղար Այազ Մութալիբովը երզվեց Լեռնային Ղարաբաղում վե-

¹ Նույն տեղում:

² Խորհրդային Ղարաբաղ, 6.02.1990:

³ Երեկոյան Երևան, 12.02.1990:

¹ Նույն տեղում, 12.02.1990:

² Բակтинский рабочий, 15.03.1990.

³ Коммунист, 24.03.1990.

⁴ Арутюнян В.Б., նշվ. աշխ., մաս 3, էջ 231-232:

րականգնել Ադրբեջանի իշխանությունը: Նա նույնիսկ Մարտունու շրջկոմի առաջին քարտուղար Վաչագան Գրիգորյանից պահանջեց մեկնել Բաքու մասնակցելու կենտկոմի բյուրոյի ապրիլի 23-ի նիստին, սակայն մերժում ստացավ:¹

Ղարաբաղցիներին պատժելու առիթն Ադրբեջանը բաց չէր թողնում, իսկ Վ.Սաֆոնովը մասնագիտացել էր Արցախի տարբեր վայրերում սպանություններ կազմակերպելու գործում: Այսպես, օրինակ, նրա հրամանով, իբր զենք առգրավելու նպատակով, Մարտակերտի շրջան մեկնած զինվորականները Չայլու գյուղում գնդակահարեցին 12-ամյա Արմեն Սկրտչյանին: Այդ ոճրագործության առթիվ արցախաբնակ ուսուցչուհի Ելենա Բադյակինան Վ.Սաֆոնովին հղած նամակում պաշտպանելով արցախահայության պատմական իրավունքներն իր հողի վրա՝ գտնում էր, որ «հուսալ, թե այդ հպարտ ու խիզախ ժողովրդին կարելի է սպառնալիքներով կամ շրջափակումներով ծնկի բերել, առնվազն միամտություն է: Ավելի լավ կլինի, եթե կառավարությունը վերջ ի վերջո լսի ժողովրդի ձայնը և ճանաչի նրա օրինական իրավունքը»:²

Ադրբեջանի իշխանությունները կատարում էին բոլոր հնարավոր քայլերը, որպեսզի ձախողեն Արցախում Հայկական ԽՍՀ Գերագույն խորհրդի ընտրությունները: Ադրբեջանական ԽՍՀ Գերագույն խորհրդի նախագահությունը 1990թ.ապրիլի 21-ին քննարկելով ԼՂԻՄ-ում ստեղծված վիճակը՝ որոշեց մարզի բնակչությանն արգելել մասնակցելու Հայաստանի Գերագույն խորհրդի պատգամավորների ընտրություններին:³ Շարունակելով Լեռնային Ղարաբաղն ադրբեջանականացնելու քաղաքականությունը՝ Ադրբեջանի իշխանությունները մարզի տեղանունների և վարչատարածքային բաժանման մեջ մտցրին փոփոխություններ: Նախ՝ Ստեփանակերտը վերանվանեցին Խանքենդի, Մարտունին՝ Խոջավենդ, Մարտակերտի շրջանը՝ Աղդարայի շրջան, Ասկերանի շրջանը՝ Խոջալուի շրջան, Շուշիի շրջանը ճանաչվեց որպես ադրբեջանական շրջան, Խոջալու գյուղը հայտարարվեց քաղաք ստեղծելով Խոջալուի քաղխորհուրդ և Մեշալիի գյուղխորհուրդ, մասամբ ադրբեջանցիներով բնակվող Ստեփանակերտի Կրկեան թաղամասին տրվեց առանձին ադրբեջանական քաղաքատիպ ավանի կարգավիճակ, Մարտունի քաղաքի Խոջավենդ թաղամասը հայտարարվեց քաղաքատիպ ավան և շրջկենտրոն: Տոդի և Հախուվի ադրբեջանական թաղամասերը ճանաչվեցին առանձին գյուղեր: Հատուկ արտոնություններ ստացան

Ալաքբյաթին, Ղարաղաղլու, Ամիրանյար, Սուդանլու, Կուրուպատկին, Լեսնոյ /Մեշալի/, Իմրեթ-Քերվենդ, Ումուդլու, Սրխուվենդ և մարզի տարածքում գտնվող ադրբեջանաբնակ մյուս բնակավայրերը: Այդ անօրինության դեմ մարզխորհրդի գործադիր կոմիտեի և շրջխորհուրդների նախագահների ստորագրությամբ բողոք ուղարկեց ԽՍՀՄ Գերագույն խորհրդի նախագահությանը, ԽՍՀՄ Սահմանադրական վերահսկողության կոմիտեին և ԽՍՀՄ դատախազությանը, որը նույնպես մնաց անհետևանք: Ավելին, Մոսկվա-Բաքու հանցավոր ուժերը ԼՂԻՄ-ի տարածքում մտցրեցին պատժիչ նոր ձև՝ անձնագրային ստուգում, որն իրագործվում էր դաժանությամբ: Անձնագրային ստուգման պատրվակով մարդիկ ձերբակալվելով տարվում էին պարետատներ, որից հետո՝ Շուշիի, Աղդամի, Միրբաշիրի, Ֆիզուլու, Ջեբրայելի, Բաքվի և այլ բանտեր: Շուշիի բանտը դարձել էր Ղարաբաղցիների տանջարան: Ստուգողները, մտնելով հայերի տները, շորթում էին թանկարժեք իրերն ու դրամը, նրանց վախեցնում ադրբեջանական բանտեր տեղափոխելով: Այդ կեղտոտ գործողություններում ադրբեջանցիների հետ հանագործակցում էին խորհրդային զինվորականները, որոնցից շատերը դարձել էին դրամաշորթներ: Մարզի ադրբեջանաբնակ բնակավայրերում անձնագրային ստուգում չէր անցկացվում:

1990թ. ապրիլին լրանում էր հայոց ցեղասպանության 75 տարին: Արցախի ազգային-ազատագրական պայքարի ղեկավարները որոշեցին օգտագործել առիթը և Ստեփանակերտի եղբայրական գերեզմանոցում անցկացնել հանրահավաք: Ընդհատակում գործող «Միացում» կազմակերպությունը հրահանգել էր հանրահավաքներ ու երթեր կազմակերպել նաև մարզի շրջկենտրոններում ու գյուղերում: Գեներալ Վ.Սաֆոնովը տեղեկանալով այդ մասին՝ հրամայեց արգելել համանման միջոցառումները: Սակայն ապրիլի 24-ին Ստեփանակերտի եղբայրական գերեզմանոցում կազմակերպեց սգո հանրահավաք, որին մասնակցեց մի քանի տասնյակ հազար մարդ: Արտակարգ դրության պայմաններում այդպիսի բազմամարդ հանրահավաքի կազմակերպումը եզակի երևույթ էր:

Սգո միտինգում Ելույթ ունեցողները խստորեն դատապարտեցին ցեղասպանությունը, մերկացրին հայ ժողովրդի նկատմամբ առկա բարբարոսների արարքները: Վ.Սաֆոնովի և Վ.Պոլյանիչևոյի կրուգադրությամբ հաջորդ օրերին ձերբակալվեցին միտինգում կոչված ունեցածներն ու Շարժման մի շարք ակտիվիստներ: Նրանց հետ մասին տուգանեցին, իսկ մի մասին տարան Պյատիգորսկի մի գյուղակ կարապ» բանտը, 37 հոգու էլ ենթարկեցին տնային կա-

¹ Նույն տեղում, էջ 207:

² Երեկոյան Երևան, 07.04.1990:

³ Бакинский рабочий, 22.04.1990.

լանքի:¹ Ապրիլի վերջին մարզի ղեկավարների և ժողովրդական պատգամավորների կողմից Մոսկվա՝ կենտրոնական իշխանությունների և մամուլին ուղարկված բողոք-նամակում պահանջվում էր վերջ տալ նման արարքներին: Այդ փաստաթղթում նաև ասվում էր, որ Լեռնային Ղարաբաղում արտակարգ դրություն մտցնելը ձեռնուռ է միայն մարզի տարածքում գտնվող աղբբեջանական գյուղերին, որտեղ արագորեն ապօրինի շինարարություն է կատարվում: Նաև նշվում էր, որ Աղբբեջանի ղեկավարությունը փորձում է օգտվել արտակարգ դրության հնարավորությունից և հաշվեհարդար տեսնել Լեռնային Ղարաբաղի «անհնազանդ» հայերի հետ ու նրանց դուրս բջել իրենց պապենական հողերից: Նամակի հեղինակները հավաստում էին, որ արցախահայության հետ դահճի լեզվով խոսելը ոչ մի արդյունք չի տա: Բողոք-նամակի հեղինակները գտնում էին, որ «ԼՂԻՄ-ում ստեղծված բարդ իրավիճակը պետք է դառնա ԽՍՀՄ Գերագույն խորհրդի հատուկ քննարկման առարկա, և մարզում մտցվի նախագահական կառավարում»:² Այդ օրերին 50 հոգու կողմից նման բովանդակությամբ հեռագիր ուղարկվել է նաև Հայկոմկուսի կենտրոնի առաջին քարտուղար Վ.Մովսիսյանին:³

1990թ. մայիսի 14-ին Ստեփանակերտ ժամանեց ԽՍՀՄ ներքին գործերի մինիստրի տեղակալ, գեներալ-գնդապետ Յու.Շատալինը: Նա նույնիսկ այցելեց Ստեփանակերտի քաղկոմի քարտուղար Վ.Աթաջանյանին: Վերջինս նրան հանգամանորեն պատմեց մարզում ստեղծված ծանր վիճակի և Սաֆոնով-Պոլյանիչկո դահճախմբի դաժանությունների ու հակահայկական արարքների մասին: Յու.Շատալինն անվերապահորեն պաշտպանում էր դահիճ Վ.Սաֆոնովին, որին, կատարելով Աղբբեջանի իշխանությունների պահանջը, մայիսի 11-ից նշանակել էր ԼՂԻՄ-ում մշտական պարետ:⁴

Մոտենում էր Հայկական ԽՍՀ Գերագույն խորհրդի պատգամավորների ընտրությունների օրը: Լեռնային Ղարաբաղից պատգամավորների թեկնածուները Ստեփանակերտում ընտրողների հետ հանդիպում էին գաղտնի, իսկ գյուղերում և շրջկենտրոններում՝ համեմատաբար ազատ պայմաններում ընտրություններն անցան կազմակերպված, առանց որևէ միջադեպի: Շարժման նվիրյալներն արկղերը գրկած՝ գիշերը բնակարանից բնակարան էին անցնում և ընտրողներին քվեարկելու հնարավորություն ընձեռում: Նրանք գործում էին վերին աստիճանի զգույշ, որովհետև գեներալ Վ.Սաֆոնովը

և որ գործնասեր էի մտցրել մարզի տարածք և ամեն կերպ փորձում էր ձախողել ընտրությունները: Ձիմվորականները շրջապատել էին բոլոր ընտրական տեղամասերը և Ստեփանակերտում անընդհատ շրջող գրահամեքենաներից բարձրախոսներով սպառնում էին բանտարկել բոլոր նրանց, ովքեր կմասնակցեն ընտրություններին: Այդ ամենն արհամարհելով՝ Արցախի 100 հազար ընտրողների 94 տոկոսը մասնակցեցին Հայկական ԽՍՀ Գերագույն խորհրդի պատգամավորների ընտրություններին: Դրանով Արցախը մեկ անգամ ևս անցկացրեց հանրաքվե և իր ձայնը տվեց Հայաստանի հետ վերամիավորելու օգտին: Արցախից ընտրված պատգամավորների գրանցումը կատարվեց Հայկական ԽՍՀ ժողովրդական պատգամավորների կենտրոնական ընտրական հանձնաժողովի որոշմամբ: Արցախից Հայկական ԽՍՀ Գերագույն խորհրդի պատգամավորներ ընտրվեցին Սերժ Սարգսյանը, Գեորգի Պետրոսյանը, Համլետ Գրիգորյանը, Էդուարդ Ղուկասյանը, Վահրամ Աթանեսյանը, Սլավիկ Առուշանյանը, Սանֆրեդ Բախչյանը, Ռազմիկ Դանիելյանը, Գրիշա Ռադյանը, Վիգեն Շիրինյանը և Ջավեն Իշխանյանը: Նրանցից բացի, Չարենցավանի 143-րդ ընտրատարածքում կրկին պատգամավոր ընտրվեց դեռևս բանտում գտնվող Արկարի Մամուլչարովը, իսկ Կիրովականի 199-րդ ընտրատարածքում՝ Ռոբերտ Քոչարյանը: Հայկական ԽՍՀ Գերագույն խորհրդի պատգամավորներ ընտրվեցին նաև Արցախյան շարժման նվիրյալներ Վլադիմիր Աղաջանյանը, Ռազմիկ Պետրոսյանը և Ռուչես Աղաջանյանը:

Կենտրոնական իշխանություններն անվավեր հայտարարեցին մայիսի 20-ին Արցախում անցկացված ընտրությունները: Բաբուն ուրշեց ավելի խիստ պատժի ենթարկել արցախահայությանը: Մայիսի վերջին տասնօրյակում ազերիները մի շարք վայրագ գործողություններ կատարեցին Ավդուռ, Մյուրիշին, Մաճկալաշեն, Քալաթվան, Քարին տակ և տասնյակ այլ գյուղերում: Անձնագրային ռեժիմի ստուգման և զենք առգրավելու պատրվակով նրանք ավերեցին բազմաթիվ բնակարաններ, պետական և հասարակական շինություններ, շատ կոլտնտեսությունների գրկեցին հազարավոր կեկտար հողատարածություններից և մի քանի հազար գլուխ առասուլեններից:¹ Գեներալ Վ.Սաֆոնովի հրամանով հերկվեց Սարտակերտի օդանավակայանը, որպեսզի ոչ մի ինքնաթիռ այնտեղ վայրէջք չկատարի: Մայիսի 23-ին Տող գյուղում օմօնականները ձերբակալեցին 5 հայի և տարան Ֆիզուլի: Մայիսի 24-ին Ստեփանակերտում կազմակերպվեց զինվորականների շքերթ, որի ժամանակ քաղաքի բնակչության և գործի միջև տեղի ունեցավ ընդհարում: Վ.Սա-

¹ Երեկոյան Երևան, 11.05.1990:

² Խորհրդային Հայաստան, 27.04.1990:

³ ՀՀ ՀԶԿՓ ԿՊԱ, ֆ. 1, ց. 127, գ. 818, թ. 40:

⁴ Арутюнян В.Б., նշվ. աշխ., մաս 3, էջ 260:

¹ Արրահամյան Դրանտ, Երբ հայրենիքը վտանգի մեջ է, էջ 17:

Ֆոնովի հրամանով մայիսի 24-ից Ստեփանակերտում արգելվեց ավտոմեքենաների երթևեկությունը, փողոցներում և բնակարաններում մարդկանց խմբվելը, փակվեցին ճաշարաններն ու խորտկարանները: Մայիսի 28-ին անջատվեցին բոլոր ղեկավար աշխատողների հեռախոսները: Մայիսի 31-ին մարզի բոլոր շրջկենտրոններով և Ստեփանակերտ քաղաքով անցան զինված զինվորականներ: Այդ ամենը ցույց էր տալիս, թե խորհրդային վերադաս իշխանությունները Լեռնային Ղարաբաղում պատժի ինչպիսի մարտավարություն էին ընդունել: Չրավարարվելով տարբեր հասցեներով ուղարկված բազմաթիվ բողոքներով՝ արցախցիները մայիսի 12-ին Մոսկվա ուղարկեցին հինգ հոգուց բաղկացած մի նոր պատվիրակություն, որը մինչև մայիսի 21-ը մնալով Մոսկվայում՝ հանդիպեց ԽՍՀՄ կենտկոմի քարտուղար Ա.Գիրենկոյի, ինչպես և Գ.Տարազևիչի ու այլոց հետ և փորձեց նրանց համոզել Լեռնային Ղարաբաղում կուսակցական ու պետական մարմինների վերականգնման կարևորությունը: Պատվիրակությունը նաև ներկայացրեց մարզում ստեղծված անտանելի վիճակը: Նրանք բացատրեցին, որ Բաքվից Ղարաբաղ ուղարկված կազմկոմիտեներն անելածին է, և որ մարզում ոչ ոք չի ճանաչում նրա գոյությունը: Պատվիրակությունն առաջարկեց կազմկոմիտեի փոխարեն ստեղծել մարզային կոմիտե, որի խնդիրը պետք է լիներ կուսակցության մարզկոմի շտապ վերականգնումը: Չմայած ԽՍՀՄ կենտկոմի բաժնի վարիչ Վ.Միխայլովը սկզբում համամիտ էր պատվիրակության այդ առաջարկության հետ, սակայն հաջորդ օրը մերժեց այն: Պատվիրակության հետ վերջին հանդիպման ժամանակ Ա.Գիրենկոն խորհուրդ տվեց լեզու գտնել Ադրբեջանի իշխանությունների հետ և հարցը վճռել կազմկոմիտեի միջոցով:՝ Սակայն Ադրբեջանի իշխանությունների պահանջը միանշանակ էր՝ Լեռնային Ղարաբաղը պետք է ընդունի Ադրբեջանի գերիշխանությունը:

Ադրբեջանի ղեկավարությունը որդեգրել էր մարզի կուսակցական և խորհրդային բոլոր մարմինների վերացման քաղաքականությունը: 1990թ. հունիսի 18-ին զինված ջոկատներով Չադրուք ժամանեցին Վ.Պոլյանիչկոն և Ե.Վոյկովը: Վ.Պոլյանիչկոն հրավիրելով կուսշրջկոմի բյուրոյի անդամներին՝ լիտիաբար հայտարարում է, թե շրջկոմի առաջին քարտուղար Գրիշա Բադյանը հեռացված է կուսակցության շարքերից և զբաղեցրած պաշտոնից, կասեցվել է Չադրուքի կուսշրջկոմի գործունեությունը, և ստեղծվում է Չադրուքի շրջանային կազմակերպչական բյուրո՝ Մ.Զուբկովի նախագահությամբ: Վ.Պոլյանիչկոն անամոթաբար սպառնում էր, որ եթե չկա-

տարվեն այդ պահանջները, ապա Չադրուքի շրջանից կարտաքսվեն բոլոր հայերը:՝

Արցախի նկատմամբ օր օրի ուժեղացող բռնությունների օկուսումամբ Չայաստանի իշխանությունները չէին կարող անտարբեր մնալ: Հայկոմկուսի կենտկոմը, Հայկական ԽՍՀ Գերագույն խորհուրդը և Մինիստրների խորհուրդը հանդես գալով հայտարարությամբ՝ մերկացրին Լեռնային Ղարաբաղում Ադրբեջանի իշխանությունների բռնությունները, որոնք նպատակ ունեին վերացնել ԼՂԻՄ-ը: Հայտարարության մեջ շեշտված էր, որ այնտեղ Ադրբեջանի բողաքականությունն «ամբոխավարական է և անբարոյական, հատուահմանադրական, կուսակցության կանոնադրությամբ հակասող»: Հայաստանի իշխանությունները կոչ էին անում վերականգնել ԼՂԻՄ-ի մարզային խորհրդի իրավունքները, վերացնել Չայաստանի և ԼՂԻՄ-ի միջև ավտոճանապարհների շրջափակումը, վերացնել 1990թ. հունվարի 15-ից մտցված արտակարգ դրությունը և լուծարել Ադրբեջանի հանրապետական կազմկոմիտեն:՝ Լեռնային Ղարաբաղի փաստացի անկախության քաղաքական մարմնավորումը Երվով ՀԽՍՀ Գերագույն խորհրդի և ԼՂԻՄ-ի Ազգային խորհրդի 1989թ. փետևեմբերի 1-ի համատեղ որոշումը՝ Հայաստանի և Լեռնային Ղարաբաղի վերամիավորման մասին: Խզվել էին Լեռնային Ղարաբաղի և Ադրբեջանի բոլոր տեսակի քաղաքական, վարչական, տնտեսական ու մշակութային կապերը, և դրա փոխարեն նկատելիորեն խուսափել էր Չայաստանի ու Արցախի վարչատնտեսական և զրահության կառուցվածքների միաձուլման գործընթացը: Ղարաբաղի նյութական մատակարարումը և դրամաբաշխումը չիոժվին անուսուլվել էին Ադրբեջանից և դրվել կենտրոնի ու Չայաստանի վրա, Ադրբեջանն իսպառ գրկվել էր Ղարաբաղի կադրային հարցերին միասնտելու հնարավորությունից:

1990թ. հունվարի 15-ից հետո, ինչպես նշվել է, Լեռնային Ղարաբաղում վերացվել էին օրինական իշխանությունները: Երկրատուր թևակոխեց իր պատմության ամենածանր շրջաններից մեկը: Պարաբաղում համատարած քաղաքական անհնազանդությունը դարձել էր նրա ազգային-ազատագրական պայքարի ամենագործը զեկը, որն իր կիրառումը գտավ Արցախում տեղի ունեցող համընդհանուր գործադուլի և Ադրբեջանի կազմկոմիտեի աշխատանքի բացարձակ վիժեցման ձևով: Ի պատասխան այդ ամենի՝ Ադրբեջանի իշխանությունները ձգտում էին արագորեն փոխել մարչի ժողովրդագրական հաշվեկշիռը՝ հօգուտ ադրբեջանցիների:

Լազնեսկիի բաժուոյի, 21.06.1990.
Խորհրդային Չայաստան, 24.06.1990:

՝ Арутюнян В.Б., նշվ. աշխ., մաս 3, էջ 261-263:

Բացի այն, որ հանրապետության տարբեր տեղերից մահմեդականներ էին տեղափոխվում Լեռնային Ղարաբաղ, Ադրբեջանի իշխանությունները փորձեցին փակել հայաստանից Արցախ տեղափոխվողների ճանապարհը: Այդ նպատակով Ադրբեջանի Գերագույն խորհուրդը 1990թ. հունիսի 11-ին որոշում ընդունեց հայ-ադրբեջանական սահմանի երկայնքով Ադրբեջանի տարածքում հինգ կիլոմետրանոց լայնությամբ ռազմական գոտի ստեղծելու մասին: Մոսկվան այդ նույնը պահանջեց նաև Հայաստանից, սակայն Հայաստանի Գերագույն խորհուրդը մերժեց: Որ Մոսկվան ու Բաքուն բացահայտորեն վարում էին հայասպան քաղաքականություն, բացեիքաց ասաց Անդրեյ Մախարովը ֆրանսիական «Ֆիգարո» թերթին տված հարցազրույցում: Նա հայտարարեց. «Միխայիլ Գորբաչովին սպառնում է պատմության մեջ հայերի երկրորդ ցեղասպանության պատասխանատու մնալու վտանգը»:¹ Մինչդեռ Մ.Գորբաչովը հետևյալ կերպ էր դատում. «Եթե մենք հիմա մեզ թույլ տանք ներքաշվել սահմանազտման, պառակտումների, տարանջատումների մեջ, ապա դա պարտության կմատնի կոմունիստական շարժումը, կթուլացնի այն և հնարավորություններ կստեղծի մյուս քաղաքական ուժերի դիրքերի ուժեղացման համար»:²

Արցախից ընտրված պատգամավորները 1990թ. հուլիսին պատրաստվում էին մեկնել Երևան՝ մասնակցելու նույն ամսի 20-ին սկսվելիք ՀԽՍՀ Գերագույն խորհրդի նստաշրջանին: Վ.Սաֆրոնովը և Վ.Պոլյանիչկոն փորձում էին արգելել նրանց Երևան մեկնումը՝ չխորշելով խարդավանքներից: Հենց այդ օրերին՝ հուլիսի 18-ին, Վ.Պոլյանիչկոյի գլխավորած կազմկոմիտեն հրապարակեց արցախահայությանը տեղահանելու պլանը: Այդ հրեշավոր գործողությունը պետք է իրագործվեր ավտոմեքենաներով և գնացքով: Վ.Պոլյանիչկոն չթաքցրեց, որ այդ պլանը քննարկվել էր Ադրբեջանի կոմկուսի կենտրոնի քյուրոյում և հավանության արժանացել: Համաձայն այդ պլանի՝ նախ պետք է արտաքսվեին Շարժման ղեկավարները, ակտիվիստները և աչքի ընկած այլ անձինք: Այնուհետև այստեղի հաշվեհարդար տեսնեին մնացած բնակչության հետ: ԽՍՀՄ ժողովրդական պատգամավոր Ջորի Բալայանը և ՀԽՍՀ Գերագույն խորհրդի պատգամավոր Ռոբերտ Քոչարյանը հուլիսի 20-ին Հայաստանի խորհրդարան ուղարկած հեռագրում պահանջեցին Ադրբեջանի իշխանությունների այդ չարանեմգ պլանի մասին տեղյակ պահել հանրապետության բնակչությանը, աշխարհասփյուռ հայությանը և աշխարհի բոլոր երկրների խորհրդարաններին: «Թող

¹ Տես Գրական թերթ, 7.09.1990:

² Правда, 29.06.1990.

բոլորն իմանան, - ասվում էր հեռագրում, - որ դարաբաղցիները, ինչպես դա եղել է բոլոր ժամանակներում, չեն լքի հայրենի հողը և կպաշտպանեն իրենց օջախները»:¹

Հայաստանի նորընտիր խորհրդարանն իր աշխատանքները սկսեց խիստ լարված պայմաններում: ՀՀԸ-ականների ճնշման տակ տասնյակ կոմունիստ-պատգամավորներ քվեարկեցին Գերագույն խորհրդի նախագահի համար ՀՀԸ-ական թեկնածուի օգտին: Օգոստոսի 4-ի նիստում Լևոն Տեր-Պետրոսյանն ընտրվեց Հայաստանի Գերագույն խորհրդի նախագահ: Փոխնախագահ ընտրվեց Բաբկեն Արարքցյանը: Մի քանի օր անց հանրապետության Մինիստրների խորհրդի նախագահ նշանակվեց Վազգեն Մանուկյանը: Հանրապետության Գերագույն խորհուրդը օգոստոսի 6-ին հայտարարեց. «Հայաստանի իշխանությունները կարճ ժամանակի ընթացքում ի վիճակի են սեփական ուժերով լուծելու հանրապետության ներքին կյանքի... հանրապետության քաղաքական-հասարակական վիճակի կայունացմանն ուղղված բոլոր խնդիրները, պայմանով, որ բացառված լինի արտաքին միջամտությունը»:²

Հայաստանի Գերագույն խորհուրդը ստեղծեց Արցախի հարցերով հատուկ հանձնաժողով, որի կազմի մեջ մտան Համլետ Գրիգորյանը, Սլավիկ Առուշանյանը, Գրիշա Բաղյանը, Էդուարդ Ղուկասյանը, Ռոբերտ Քոչարյանը, Գեորգի Պետրոսյանը, Ռազմիկ Պետրոսյանը և Վիգեն Շիրինյանը:

Պոլյանիչկո-Սաֆրոնով հանցախումբն ուշադիր հետևում էր Հայաստանի Գերագույն խորհրդի նստաշրջանի աշխատանքներին: Փորձելով նոր ճնշում գործադրել Արցախի վրա՝ նրանք սեպտեմբերի 7-ին շրջապատեցին Սարտունու կուսընկերության շենքը՝ ցանկալով կրկնել Հաղուբում և Շահումյանում կատարածը: Սակայն նարտունեցիները չենթարկվեցին սադրանքի և դահիճներին ստիպեցին հեռանալ քաղաքից:

Հայաստանի և Լեռնային Ղարաբաղի վրա ճնշումն ուժեղացնելու նպատակով 1990թ. սեպտեմբերի 4-ին Ստեփանակերտի օդաուժակայանում ԽՍՀՄ ներքին զորքերի կողմից «ծերբակալվեցին» Հայաստանի քաղաքացիական ավիացիային պատկանող հինգ «Յակ-40» ինքնաթիռ: Հաջորդ օրը դա կրկնվեց վեց ինքնաթիռի նկատմամբ: Ինքնաթիռների հրամանատարները և Արցախից բնտրված ԽՍՀՄ ժողովրդական պատգամավորները բողոք-հեռագիր ուղարկեցին ԽՍՀՄ ներքին գործերի մինիստր Վ.Բակատինին և յուրաքանչյուր ավիացիայի մինիստր Վ.Պանյուկովին՝ պահանջե-

¹ Իրոշակ, 1990, N 8, էջ 7:

² Իրոշակ, 9.09.1990:

լով վերջ տալ այդ ապօրինությանը: Բացի այդ, ԼԴԽՄ մարզգործկոմի նախագահ Սեմյոն Բաբայանը, Ստեփանակերտի կուսբաղկոմի առաջին քարտուղար Վալերի Աթաջանյանը և Ստեփանակերտի քաղխորհրդի նախագահ Մաքսիմ Միրզոյանը ԽՍՀՄ կապի մինիստր Է.Պետրուշինին ուղարկած հեռագրում դատապարտում էին Մոսկվայի հետ Լեռնային Ղարաբաղի հեռախոսկապի անջատումը:¹ Արցախից մի շարք պաշտոնյաներ և ԽՍՀՄ ժողովրդական պատգամավորներ սեպտեմբերի 11-ին Վ.Բակատինին ուղարկած բաց նամակում շարադրելով արտակարգ դրության շրջանի պարետության և նրան ենթակա ներքին գործերի կողմից Արցախում իրագործվող հակահայկական գործողությունները՝ խնդրում էին լրջորեն զբաղվել այդ հարցով և ներքին գործերի մինիստրության ԼԴԽՄ-ում գտնվող գործից պահանջել կատարելու իրենց անմիջական պարտականությունները:² Որ երկրի ներքին գործերի մինիստրությունը նպատարում էր հակահայկական գործողությունների ակտիվացմանը, վկայում է հետևյալը. այդ մինիստրության գործերի հրամանատար գեներալ-գեդապետ Յու.Շատալինը 1990թ. սեպտեմբերի 6-ին հանդես գալով «Ժամանակ» ծրագրով՝ ամբողջ հայ ժողովրդին մեղադրում էր ազգամիջյան հակասություններ բորբոքելու մեջ: Խորհրդային Միության հերոս, գեներալ-մայոր Ա.Ամատունին Յու.Շատալինին հղած պատասխան բաց նամակում նրա ելույթը բնորոշեց իբրև «կոպիտ պրովոկացիա», որը «ոչ թե նպատակ ունի կայունացնելու իրավիճակը տարածաշրջանում, այլ ավելի խորացնելու հակասությունները»:³ Սակայն կենտրոնական իշխանությունները՝ շարունակելով իրենց հակահայ քաղաքականությունը, ամեն կերպ փորձում էին տարածքում խորացող հակասությունների հիմնական մեղքը բարդել արցախցիների վրա: Արտակարգ դրության շրջանի պարետի պաշտոնակատար գեդապետ Վ.Օվչիննիկովը 1990թ. սեպտեմբերի 14-ին ԼԴԽՄ քաղաքացիներին ուղղած դիմումում մարզում իրավիճակի սրման հիմնական պատճառ համարում էր Արցախի «ծայրահեղորեն տրամադրված քաղաքացիների և խուլիգանանետ տարրերի գործողություններն Ասկերանի, Հադրուբի, Մարտունու շրջկենտրոններում», որոնք «ուղեկցվում են քաղաքացիների մեծ հավաքներով, շրջկոմների զավթումով և զինվորական անձնակազմի հասցեին սպառնալիքներով»: Նա նաև նշում էր, որ մարզում լայն տարածում է ստացել այսպես կոչված «քարե պատերազմը», որին ակտիվորեն մասնակցում են դպրոցականներն ու դեռահասները: Նա խոստանում էր դրա դեմ «կիրառել

¹ Նույն տեղում:

² Խորհրդային Ղարաբաղ, 13.09.1990:

³ ՀՀ ՀԲԿԾ ԿՊԱ, ֆ. 1, ց. 127, գ. 814, ք. 28:

խստիվ միջոցներ»:¹ Սակայն հենց այդ նույն օրերին մեկ այլ զինվորական փոխգեդապետ Ալեքսանդր Իշչուկը, հանդես գալով Հայաստանի հեռուստատեսությամբ, մեղադրում էր ԽՍՀՄ իշխանություններին, որոնց պահանջով ներքին գործերը, մասնավոր Լեռնային Ղարաբաղում, օգտագործվում էին խաղաղ բնակչության դեմ: Դրա հետ մեկտեղ, նրա կարծիքով, նպատակահարմար չէր վերացնել արտակարգ դրության ռեժիմը և ներքին գործերը դուրս բերել Հայաստանից, քանի որ դա ավելի կսրեր իրադրությունը ԼԴԽՄ-ում և տղրբջանական սպառազեն կազմավորումներին հնարավորություն կտար ներխուժել երկրամաս ու հայերի նկատմամբ հաշվեհարդար տեսնել:²

1990թ. աշնան սկզբին հայության բողոքի նոր արտահայտություն հանդիսացավ Ջորի Բալայանի կողմից Մոսկվայում սեպտեմբերի 9-ից հացադուլ սկսելը: Սեպտեմբերի 12-ին նրան միացավ սկադեմիկոս Վիկտոր Համբարձումյանը, 13-ին՝ ԽՍՀՄ ժողովրդական պատգամավոր, դերասան Սոս Սարգսյանը, Լեռնային Ղարաբաղի Ազգային խորհրդի նախագահ, ԽՍՀՄ ժողովրդական պատգամավոր Վաչագան Գրիգորյանը, ԼԴԽՄ-ի մարզխորհրդի նախագահ Սեմյոն Բաբայանը, Լեռնային Ղարաբաղի մի շարք պատասխանատու աշխատողներ, ինչպես նաև տաջիկ և ուզբեկ գիտնականներ Ռոստամ Շուբուրովն ու Սուրաբ Շարաֆուտդինովը: Հացադուլավորները պահանջում էին Արցախում վերջ տալ տեղի ունեցող ապօրինություններին և երկրամասի հիմնախնդիրը լուծել արդարացիորեն: Աշխարհի շատ ազնիվ մարդիկ ցնցված էին հացադուլավորների այդ խիզախ արարքից:

Օր օրի վրա հացադուլավորների առողջական վիճակը ծանրանում էր: Սեպտեմբերի 29-ին Ամենայն Հայոց կաթողիկոս Վազգեն Առաջինի խնդրանքով հացադուլը դադարեցվեց: Հացադուլավորների օրինական պահանջը կենտրոնն անպատասխան թողեց: Հենց այդ օրերին Հայաստանի Գերագույն խորհուրդը դիմելով աշխարհի երկրների խորհրդարաններին, միութենական հանրապետությունների Գերագույն խորհուրդներին, ԽՍՀՄ Գերագույն խորհրդի և ՍՍԿ-ի մարդու իրավունքների հանձնաժողովին՝ կոչ արեց պաշտպանել հայ ժողովրդի օրինական պահանջը:³

Հայկական ԽՍՀ Գերագույն խորհրդի 1990թ. աշնանային նստաշրջանի որոշմամբ Գերագույն խորհրդում ստեղծվեց «Արցախի կանչ» անվանումով խումբ, որի համանախագահներ ընտրվեցին Սուրեն Ջոլյանը, Համլետ Գրիգորյանն ու Սամվել Շահմու-

¹ Խորհրդային Ղարաբաղ, 14.09.1990:

² Նույն տեղում:

³ Խորհրդային Հայաստան, 14.09.1990:

րադյանը, իսկ քարտուղար՝ Մանֆրեդ Բախշյանը: Կանոնադրության համաձայն՝ խումբը պետք է հետապնդեր «1989թ. դեկտեմբերի 1-ի Հայկական ԽՍՀ Գերագույն խորհրդի և Լեռնային Ղարաբաղի Ազգային խորհրդի համատեղ որոշման արագ ու գործնական իրականացման» նպատակը:¹

Արցախիցի տարբեր մակարդակներում ընտրված պատգամավորները ծավալուն աշխատանք էին կատարում Արցախից դուրս՝ Հայաստանում, Մոսկվայում, Յուրսիսային Կովկասում և այլուր, որտեղ ապրում էին ծնունդով արցախցիներ: Նրանք սերտ կապերի մեջ էին ռուս և այլազգի շատ մտավորականների, գիտնականների, ռազմական, քաղաքական և հասարակական գործիչների հետ: Նրանց էին ուղարկում Ղարաբաղի պատմությանը և քաղաքական կյանքին վերաբերող փաստաթղթեր, գրքեր, լրագրեր, լուսանկարներ, կինոժապավեններ: Այդ տեսակետից առանձնապես մեծ աշխատանք էին կատարում Լեռնային Ղարաբաղից ընտրված ԽՍՀՄ ժողովրդական պատգամավորները: Դա, անշուշտ, վրդովմունքով էր ընդունվում Ադրբեջանում: Եվ պատահական չէ, որ Ադրբեջանական ԽՍՀ Գերագույն խորհուրդը 1990թ. սեպտեմբերի 27-ին ընդունեց որոշում՝ «Ադրբեջանական ԽՍՀ ԼՂԻՄ-ից Հայաստանի Գերագույն խորհրդում անօրեն ընտրված անձանց վրա պատգամավորական անձեռնխելիությունը չտարածելու մասին», որը բացահայտ ապօրինություն էր: Այդ որոշման մասին Ադրբեջանի կազմկոմիտեն պաշտոնական գրությամբ հայտնեց Հայաստանի Գերագույն խորհրդին:² Ադրբեջանի Գերագույն խորհրդի այդ որոշումը հիմք հանդիսացավ Վ.Պոլյանիչկոյի և Վ.Սաֆրոնովի համար՝ որսալու ՀՀ Գերագույն խորհրդի արցախցի պատգամավորներին: Հոկտեմբերի 9-ին և 10-ին ձերբակալվեցին ՀՀ Գերագույն խորհրդի պատգամավորներ Ռոլեն Աղաջանյանն ու Համլետ Գրիգորյանը և տարվեցին Սարատովի բանտ: Հայաստանի Գերագույն խորհուրդը հոկտեմբերի 16-ին ընդունեց «Հայաստանի Հանրապետության ժողովրդական պատգամավորների ապօրինի կալանավորման մասին» որոշումը, որով Ս.Գորբաչովից պահանջվեց կալանված ՀՀ ժողովրդական պատգամավորներին անհապաղ ազատել և դրանում մեղավոր անձանց պատասխանատվության ենթարկել:³ ՀՀ Գերագույն խորհրդի պատգամավորների ձերբակալման մասին հոկտեմբերի 17-ին հաղորդեց նաև «Իզվեստիան»:

Իրենց զավակներին պաշտպանելու համար արցախցիները ուղի էլան: Հոկտեմբերի 12-ին Ստեփանակերտում տեղի ունեցավ ոսինազանդության զանգվածային նախազգուշական ակտ: Սեյ օրով կանգնեցվեցին քաղաքի արդյունաբերական ձեռնարկությունները, շինարարական աշխատանքները, տրանսպորտը: Դադարեցվեցին պարապմունքները դպրոցներում և մյուս ուսումնական հաստատություններում: Հին աշխատում նաև մանկական նախադպրոցական հիմնարկները, կենցաղսպասարկման կետերը և մշակութային օջախները: Սարգի աշխատավորական կոլեկտիվներն ու կազմակերպությունները բազմաթիվ բողոքներ ուղարկեցին կենտրոնական իշխանություններին՝ պահանջելով ազատել կալանված պատգամավորներին:¹ Հայ պատգամավորներին կալանքից ազատելու համար ամենուր ծավալված պայքարն ավարտվեց հաջողությամբ, և հոկտեմբերի 22-ին նրանք Հայաստանում էին: Հոկտեմբերի 24-ին այդ մասին հայտնեց նաև «Իզվեստիան»:

Ադրբեջանի կողմից Արցախի նկատմամբ սաստկացող ճնշմանը դիմակայում էին անխտիր բոլորը՝ մեծից մինչև փոքր: Այդ պայքարում կարևոր դեր ունեին մանավանդ արցախցի կանայք, որոնք պայքարի հարուստ փորձ ունեին: Բոլոր հանրահավաքներին, կոթերին ու գործադուլներին նրանք ակտիվորեն էին մասնակցում: Վրցախի կանայք 1990թ. հոկտեմբերին կոչով դիմեցին համայն աշխարհի կանանց. «Հայոց Արցախի կանայք այսօր գինվորյալ են ու ուղի են ելել հանուն ազատության և խաղաղության, մարդու բնական իրավունքի և կնոջ սուրբ կոչման, որը կյանքեր ծնելու հատկությամբ հակադրվում է խորհրդային բանակի և ադրբեջանցի կրոնայինների համասփյուռ դերին»:² Աշխարհի կանանց պատմելով արցախահայության տառապանքների, ձգտումների ու անզիջում պայքարի մասին՝ նրանք կոչ էին անում Արցախից հանել Ադրբեջանի ապօրինի կազմկոմիտեն, վերականգնել մարզի խորհրդային իշխանությունը, բացել Արցախը Հայաստանի հետ կապող բոլոր ռուսապարհները և ապահովել ռադիոհեռուստատեսության նորմալ աշխատանքը:

Աշխարհի բոլոր ծայրերից նամակ-բողոքներ և հեռագրեր էին ուղարկվում Մոսկվա և Երևան: Մոսկվաբնակ մի շարք հայորդի խոր գիտնականներ Մոսկվայի հայ հասարակայնության Անցիագլայի համակարգող խորհրդի հանձնարարությամբ Ս.Գորբաչովին և ԽՍՀՄ Սահմանադրական վերահսկողության կոմիտեի նախագահ Ս.Կլեբսեկին ուղարկած բաց նամակում մերկացնում էին Վ.Սաֆրոն-

¹ Աբրահամյան Գրանտ, Ճակատագրին ընդառաջ, էջ 112:

² Նույն տեղում, էջ 113:

³ Հայաստանի Հանրապետություն, 17.10.1990:

¹ խորհրդային Ղարաբաղ, 13.10.1990:

Ուրբաթ, 19.10.1990:

² Նույն տեղում:

վին. որի մեղքով հայաթափվել էին Խանլարի շրջանի Ազատ և Կամո հայկական գյուղերը, անասելի բռնարարքներ էին կատարվում Շահումյանի շրջանի և Լեռնային Ղարաբաղի հայության նկատմամբ. տասնյակ անմեղ մարդիկ անօրեն ձերբակալվում և տարվում էին Ադրբեջանի բանտերը: Եամակի հեղինակները պահանջում էին Վ.Սաֆրոնովին հեռացնել Ղարաբաղից:

Արհամարհելով այդ ամենը՝ ադրբեջանական օմօնականները ԽՍՀՄ ներքին գործերի նախարարության ուժերի հետ Արցախում շարունակում էին իրենց վայրագությունները: Հոկտեմբերի 7-ին նրանք կրկին զավթեցին Ստեփանակերտի օդանավակայանը: Մարտակերտի շրջանի Քաջավան և Մարտունու շրջանի Ավդուռ գյուղերում այդ օրերին նրանց կատարած սպանությունները վեր էին ամեն ինչից:¹ Չինված ելուզակները մեկ շաբաթում Արծվաշենից հափշտակեցին 103 կով, Լեռնիսավանից՝ 750 ոչխար, 250 կով և այլն: Համանման հանցագործություններ կատարվեցին նաև մարզի մյուս շրջաններում ու գյուղերում: Այդ առթիվ ԼՂԻՄ-ից ԽՍՀՄ Գերագույն խորհրդի պատգամավորների և արցախցի Հայրենական պատերազմի 22 վետերանների կողմից Հայրենական մեծ պատերազմի վետերանների համամիութենական կոմիտեի նախագահ, Խորհրդային Միության մարշալ Ն.Օգորկովին ուղարկված նամակում խիստ բողոք էր հայտնվում և խնդրվում նրա միջամտությունը: Իսկ ԼՂԻՄ կանանց մարզային խորհուրդը դիմելով Արցախում տեղակայված ԽՍՀՄ ներքին գործերի մինիստրության ներքին գործերի ստորաբաժանումների անձնակազմին՝ կոչ էր անում չենթարկվել սադրանքների և հիշել, որ իրենք էլ ունեն մայրեր ու քույրեր: Բազմաթիվ նամակ-բողոքներ ուղարկվեցին նաև այլ հասցեներով:² Հայաստանից ընտրված ԽՍՀՄ ժողովրդական պատգամավորների կողմից ղեկտեմբերի 2-ին նոր նամակ է հղվում Մ.Գորբաչովին և Ա.Լուկյանովին, որտեղ ասվում էր, որ իրենք չեն կարող մասնակցել Լեռնային Ղարաբաղի վերաբերյալ ընդունված ոչ մի որոշում: Այն շարունակում է մնալ շրջափակման մեջ, այնտեղ ապօրինի մտցված է արտակարգ դրություն, անհետևանք են մնում կենտրոնական իշխանություններին ներկայացված բողոքները. Ադրբեջանում չեն դադարում հակահայկական սադրանքները: Պատգամավորները հայ-

տարարում են, որ իրենք չեն մասնակցի համագումարի աշխատանքներին. քանի դեռ «չեն պահպանված մարդու տարրական իրավունքները ԼՂԻՄ-ում, չի բեկանված արտակարգ դրությունը և մարզում չի վերականգնված սահմանադրական իշխանությունը»:¹ Ի՞նչ Գերագույն խորհուրդը հայտարարեց, որ պաշտպանում է Հայաստանից և ԼՂԻՄ-ից ընտրված ԽՍՀՄ Գերագույն խորհրդի պատգամավորների ղեկտեմբերի 2-ի հայտարարության մեջ առաջ քաշված պահանջները:² Ինչպես վկայում են փաստերը, 1990թ. ազերիների և խորհրդային ուժերի հանցագործ արարքների հետևանքով հայ ժողովուրդը տվեց 111 գոհ. որոնցից 33-ը խորհրդային բանակի զինվորների զնդակից:³ Մի քանի հարյուրն էլ նետվել էին Ադրբեջանի բանտերը:

1991թ. Արցախի համար շատ ավելի ծանր տարի էր: Մարզի հասցեով ուղարկված բոլոր բեռներն անհետանում էին Ադրբեջանի տարածքում: Արցախցիների դեմ ամեն օր նոր սադրանքներ էին կատարվում: 1991թ. հունվարի 9-ին Լաչինի և Շուշիի սահմանների վրա տեղի ունեցավ ընդհարում, որի ժամանակ գոհվեցին փոխգնդապետ Օլեգ Իլլարիոնովը, մայոր Իզոր Իվանովը, սերժանտ Իվան Գոյեկը և «Սուլդոյոժ Ազերբայջանա» թերթի աշխատակցուհի Սալաթ Ազիզ կրզի Ասկերովան: Արցախի ղեկավարները և ԽՍՀՄ ժողովրդական պատգամավորներն այդ առթիվ մարզային իշխանությունների ԽՍՀՄ վերադաս մարմինների և այլ հասցեներով հունվարի 11-ին ուղարկած ցավակցական հեռագրերում շեշտում էին, որ ամեն անգամ Լեռնային Ղարաբաղի հարցի քննարկման նախօրյակին իրադրությունը չի կացնելու նպատակով Ադրբեջանի կողմից կազմակերպվում են սադրանքներ: Եսև նշվում էր, որ վերջին երեք տարում ավելի քան 10 զինված ավազակային հարձակումներ են կատարվել հայկական բնակավայրերի վրա, որոնք ասնագեցրել են մարդկային զոհերի: Ինչպես անցյալում, այնպես էլ նմա. ասվում էր հեռագրում, ազերիները սպանում են ռուս զինվորների և դա վերագրում հայերին: Մինչդեռ ակնհայտ էր, որ մարզի տարածքում հայի ձեռքով ռուս զինվոր չի գոհվել: Այդ նույն օրերին Լուչիի և Մարտունու շրջաններում սպանվել էին չորս հայ: Հեռագրի հեղինակները պահանջում էին սպառիչ տեղեկություններ տալ անընդհատ կրկնվող սադրանքների և հանցագործությունների մասին, որոնք, անկասկած, կազմակերպում էին Ադրբեջանի իշխանությունները:⁴ 1991թ. հունվարին Մոսկվայի և Բաքվի հակաար-

¹ Եամակի պատճեն տես մեր անձնական արխիվ:

² Քաջավանի և Ավդուռի իրադարձությունների մասին մանրամասն տես Խորհրդային Ղարաբաղ, 27.10.1990, Խորհրդային Հայաստան, 12.02.1991, Իրավունք, 04.02.2000 և այլն:

³ Խորհրդային Ղարաբաղ, 30.10, 1.11, 17.11, 11.12, 12.12, 16.12.1990:

⁴ Ի՞նչ ՀԶԿՓ ԿՊԱ. ֆ. 1, ց. 127, գ. 814, ք. 114-115:

Լույս տեղում, ք. 115:

Արշակյան Անդրանիկ, նշվ. աշխ., էջ 66-249:

¹ Խորհրդային Ղարաբաղ, 12.01.1991:

ցախյան գործողությունների առթիվ ուղարկված բողոքներից եր մաս Յայաստանի կանաչ հայկական հանրապետական խորհրդի նախագահության դիմումը՝ ուղղված ԽՍՀՄ վերադաս մարմիններին և ՄԱԿ-ի գլխավոր քարտուղարությանը: Յայ կանաչը համոզված էին, որ Լաչինի և Շուշիի շրջանների սահմանի վրա տեղի ունեցած սպանությունների համար պատասխանատու են Ադրբեջանի ղեկավարները և ամենից առաջ՝ Վ.Պոլյանիչկոն, որը պակաս դեր չէր ունեցել 1990թ. հունվարին Բաքվի ջարդերի կազմակերպման գործում:¹

Ադրբեջանի իշխանությունները, շարունակելով օգտվել Մոսկվայի հովանավորությունից, 1991թ. սկզբից ավելի կոշտացրին իրենց հակադարաբաղյան քաղաքականությունը: Այսպիսի բռնի՝ հունվարի 2-ին հրապարակած հրամանի համաձայն՝ ԼՂԻՄ-ում և նրա հարակից շրջաններում մտցվում էր Ադրբեջանի նախագահական կառավարում, իսկ հունվարի 14-ին Ադրբեջանի Գերագույն խորհուրդն ընդունեց մի նոր հակահայկական որոշում, որի համաձայն Շահումյանի հայկական և Կասում-Իսմայիլիի ադրբեջանական շրջանները միավորվում էին նոր կազմակերպվող Գերանբոյի շրջանի մեջ: Դրա նպատակն ակնհայտ էր վերացնել հայկական մի շրջան ևս: Ադրբեջանի Գերագույն խորհրդի այդ սադրիչ որոշումը բողոքի մեծ ալիք առաջ բերեց Շահումյանի շրջանում և Լեռնային Ղարաբաղում: Չնայած այդ բողոքներին՝ արցախահայության նկատմամբ ագրեսիան ընդարձակվեց: 1991թ. հունվարի 9-ին Ադրբեջանի շրջանի Ավդալ և Գյուլպինի գյուղերի ավազակախմբերը հարձակվեցին Ասկերանի շրջանի Աղբուլաղ և Դահրազ գյուղերի վրա, բայց հետ չարտվեցին հայ մարտիկների կողմից: Չնայած ԽՍՀՄ ներքին գործերի մինիստրի տեղակալ Բ.Գրոմովը հրաման էր արձակել ԼՂԻՄ-ի տարածքից ադրբեջանական օմոնականների հեռանալու վերաբերյալ, սակայն նրանք մնացին Ստեփանակերտի օդանավակայանում, որի պետ նշանակվեց քրեական հանցագործ Ալիֆ Յաջիևը: Ագրեսիան կողմից Ստեփանակերտ-Շուշի ճանապարհի «Չառունբաղ» հատվածում հունվարի 12-ին սպանվեցին Շոշ գյուղացի Սլավիկ Մարտիրոսյանը, Լեռնիկ եղյանը, գնդապետ Վիկտոր Գրիգորևը և շարքային Օլեգ Կոնովալովը: Փետրվարի 1-ին ագրեսիանը պայթեցրին Ստեփանակերտի թիվ 1 ջրամաքից կայանը, և քաղաքի գգալի մասը մնաց առանց ջրի: Փետրվարի 3-ին ադրբեջանական օմոնականները հարձակվեցին Ասկերանի շրջանի Գովսեփավան նորակառույց կոոպերատիվ բնակավայրի վրա, ավերեցին կոոպերատիվի շենքը, մի շարք

բնակելի տներ, ձերբակալեցին գյուղաշինական կոոպերատիվի տնօրեն, Շարժման ակտիվ մասնակից Յուրի Ջհանգիրյանին և տանջամահ արեցին Բաքվի բանտում: Այդ օրերին արյունալի մարտեր տեղի ունեցան նաև Քարին տակ գյուղում: Այս ամենը վկայում էին, որ Լեռնային Ղարաբաղի հայ բնակչության բացարձակ ոչնչացումը Ադրբեջանը դարձրել էր պետական քաղաքականություն:

Այդ և նման բազմաթիվ փաստեր ի նկատի ունենալով՝ Յայկոմկուսի կենտկոմը, 1991թ. հունվարի 25-ին հանդես գալով հայտարարությամբ, մերկացրեց Ադրբեջանի իշխանությունների կողմից արցախահայության դեմ ձեռնարկվող բռնությունները և բոլոր կոմունիստներին կոչ արեց իրենց բողոքի ծայրը բարձրացնել ի պաշտպանություն ԼՂԻՄ-ի խաղաղ բնակչության և ընդդեմ Ադրբեջանի սադրիչ գործողությունների: Բողոքի ցույցեր և հանրահավաքներ տեղի էին ունենում Յայաստանի բազմաթիվ վայրերում և Ռուսաստանի հայաշատ տեղերում՝ պահանջելով պատժել հանցագործներին և ապահովել Ղարաբաղի, Շահումյանի շրջանի ու Գերտաշենի ենթաշրջանի հայության կյանքն ու անվտանգությունը:² Մոսկվայի հայկական ընկերությունների միությունն իր հերթին 42 էջանոց մեղադրական փաստաթուղթ է ներկայացնում ԽՍՀՄ դատախազությանը Վ.Սաֆոնովի դեմ դատական գործ հարուցելու համար:³

Ադրբեջանի սառուկացող ճնշումը ստեփանակերտցիներին կրկին տարավ Յաղթանակի հրապարակ: Փետրվարի 20-ին լրանում էր ԼՂԻՄ մարզխորհրդի պատմական որոշման 3 տարին: Այդ օրն ամբողջ քաղաքը Յաղթանակի հրապարակում էր: Սարդկանց գլխավերևում ծածանվում էր Յայաստանի Յանրապետության եռագույն դրոշը: Ցուցապատառները խոսում էին «Ղարաբաղցիներն արյան գնով պաշտպանում են 1988թ. փետրվարի 20-ի նստաշրջանի որոշումը», «Պահանջում ենք վերականգնել խորհրդային իշխանությունը ԼՂԻՄ-ում», «Արցախը պինդ ընկույզ է դեմոկրատիայի հակառակորդների համար», «Պոլյանիչկո, Ղարաբաղը Աֆղանստան չէ», «Օմոնականներ, դուրս Արցախից» և այլն: Երկու տասնյակի հասնող ելույթ ունեցողները խստորեն դատապարտեցին Ադրբեջանի իշխանությունների հակահայկական քաղաքականությունը և Ղարաբաղյան հարցում կենտրոնի դիրքորոշումը: Խնրահավաքի անունից դիմում ուղղվեց Լ.Տեր-Պետրոսյանին, որ-

¹ Նույն տեղում:

¹ ՀՀ ՀԶԿՓ ԿՊԱ, ֆ. 1, ց. 85, գ. 31, ք. 48-50:

² Նույն տեղում, ց. 127, գ. 833, ք. 12:

³ Օհանջանյան Փաշա, նշվ. աշխ., էջ 66:

տեղ ասված է. «Պարոն նախագահ: Եղբայրներ և քույրեր: Ծանր է պահը, բայց մենք հաստատական ենք մեր որոշման մեջ: Ոչ մի ուժ չի կարող դարաբաղցուն շեղել իր նպատակից: Մայր Հայաստանի հետ վերամիավորվելուց: Ուստի քեզ կոչ ենք անում մինչև վերջ սատար լինել մեզ, պատրաստ լինել ամեն ինչի: Կենաց-մահու պայքարը շարունակվում է»:¹ Հանրահավաքի անունից նախկին ուղարկվեց նաև Ս.Գորբաչովի և մի շարք այլ հասցեներով, որտեղ նշված էր, որ երեք տարի առաջ Լեոնային Ղարաբաղում սկսված պայքարը արցախահայության ազատ կամքի արտահայտման կիզակետ էր: Սակայն կենտրոնն ու Ադրբեջանը իրենց բռնած հակահայկական դիրքով կասեցնում են արցախահայության իղծերի կատարումը: Ադրբեջանը ԽՍՀՄ ներքին գործերի մինիստրության գործերի օգնությամբ գործում է արցախահայության դեմ և փորձում է նրան տեղահանել իր պատմական բնօրրանից: Անյուևետև դիմումուն կարդում ենք «չրջափակում և շանտաժ, սպանություններ և ջարդեր, գողություն և կեղծիք, մարդկային և ազգային արժանապատվության նսեմացում. ահա ԼՂԻՄ-ի և այդ հանրապետության հայաբնակ շրջանների տարածքում Ադրբեջանի իշխանությունների և սպառնազեն կազմակերպությունների գործողությունների գինանցի ոչ լրիվ ցուցակը»: Հանրահավաքի մասնակիցները պահանջում էին արդարացի լուծել Արցախի բարդույթը:²

1991թ. սկզբից Արցախում ստեղծված չափազանց ծանր վիճակը դարաբաղցիներին հարկադրեց փետրվարի 12-ին ևս մեկ պատվիրակություն ուղարկել Մոսկվա:³ Պատվիրակությանը նախ ընդունեց ԽՍՀՄ Մինիստրների խորհրդի նախագահ Վիտալի Պավլովը: Այդ հանդիպմանը ներկա էր նաև Հայաստանից ընտրված ԽՍՀՄ Գերագույն խորհրդի պատգամավոր Վ.Լորովը: Վերջինս մանրամասն ներկայացրեց Արցախում ստեղծված ծանր վիճակը և իր հեթին խնդրեց օգնել Լեոնային Ղարաբաղում գարնանացանը կատարելու գործին: Վ.Պավլովի կարգադրությամբ ԼՂԻՄ ուղարկվեց 12 հազար տոննա վառելանյութ, որի շնորհիվ կատարվեց 1991թ. գարնանացանը: Պատվիրակությունը նաև հանդիպումներ ունեցավ ԽՍՀՄ Գերագույն խորհրդի Ազգությունների խորհրդի նախագահ Ռ.Նիչանովի, Գերագույն խորհրդի նախագահ Ա.Լուկյանովի և ներ-

քին գործերի մինիստր Բ.Պուզոյի հետ: Պատվիրակությունը Մոսկվայից վերադարձավ հիմնականում հիասթափված:

Արդեն 1991թ. գարնան սկզբին պարզ երևում էր, որ ԽՍՀՄ-ն կորցրել էր իր մենիշխանությունը: Դրությունը փրկելու համար ԽՍՀՄ ղեկավարության կատարած քայլերն անարդյունավետ եղան: ԽՍՀՄ-ը պահպանելու համար որոշվեց անցկացնել հանրաքվե: Այդ որոշումն անտեսվեց Ադրբեջանի, Վրաստանի, Հայաստանի, Մոլդովիայի, Լատվիայի, Լիտվիայի և Էստոնիայի կողմից: Լիտվան փետրվարի 9-ին կայացրել էր ԽՍՀՄ-ից անջատման հանրաքվե, որի օգտին քվեարկել էր հանրապետության բնակչության 75 տոկոսը: Լատվիան և Էստոնիան նախատեսել էին հանրաքվեներ անցկացնել ռարտի 3-ին, Հայաստանը՝ սեպտեմբերի 21-ին, իսկ Վրաստանը՝ սեպտեմբերի 30-ին:

1991-ի մարտի 17-ին հրապարակվեց Ինքնիշխան Հանրապետությունների Համագործակցության պայմանագրի նախագիծը: Երկու շաբաթ անց՝ ապրիլի 3-ին, հրապարակվեց «ԽՍՀՄ-ից դուրս գալու միութենական հանրապետությունների կարգի մասին» հռչակագիրը, ըստ որի ԽՍՀՄ-ից կարող էին դուրս գալ միութենական հանրապետությունները, իսկ ազգային-տարածքային սուբյեկտները մնում էին միութենական հանրապետությունների կազմում: Այդ պայմանագիրը ԼՂԻՄ-ին չէր վերաբերում, քանի որ նա Ադրբեջանի կազմից դուրս էր եկել մինչև այդ հռչակագրի ընդունումը: ԽՍՀՄ պահպանման վերաբերյալ Ադրբեջանում հանրաքվեի անցկացումը նախատեսված էր մարտի 17-ին: Լեոնային Ղարաբաղը չմասնակցեց հանրաքվեի անցկացնելուն: Արցախցիները գտնում էին, որ հանրաքվեի հնարավոր կլինի միայն մարզում խորհրդային իշխանությունները վերականգնելուց հետո: Ս.Գորբաչովը դիմելով Ադրբեջանի և Լեոնային Ղարաբաղի աշխատավորներին՝ կոչ արեց ակտիվորեն մասնակցել հանրաքվեին:² ՀՀ Գերագույն խորհուրդն այդ առթիվ ուսնդես եկավ հայտարարությամբ, որտեղ բողոք հայտնեց Ս.Գորբաչովի այդ սաղրիչ կոչի առթիվ:³

Հյուսիսային Արցախի ճակատագիրը անհանգստացնում էր հատկապես Լեոնային Ղարաբաղի հայությանը: Պատարկվել էին Գետաբեկը, Թուրզի, Շամխորի և Դաշքեսանի շրջանների հայկական գյուղերը: Հերթը հասել էր Խանլարի շրջանին: Հայությունից նախ

¹ Խորհրդային Ղարաբաղ, 21.02.1991:

² Խորհրդային Ղարաբաղ, 21.02.1991:

³ Պատվիրակության կազմը՝ Գեորգի Պետրոսյան, Համլետ Գրիգորյան, Մաքսիմ Սիրգոյան և Կարեն Բաբուրյան: Մոսկվայում նրանց միացան Ջորի Բալայանը, Բորիս Դաղամյանը, Վահան Գաբրիելյանը և Հենրիխ Պողոսյանը:

¹ Հանդիպումների մասին տե՛ս Արցախյան Հրանտ, Ճակատագրին ընդառաջ, էջ 124-126:

11րՅՅԱ, 14.03.1991, նաև՝ ՅՅՅ Արժախ, մարտ, 1991:

² Հայաստանի Հանրապետություն, 18.03.1991, նաև՝ ՅՅՅ Արժախ, մարտ, 1991:

դատարկվեցին շրջկենտրոնը, Ջուռնաբաղն ու Մուռուտը, և դատարկվելու հերթը հասավ Գետաշենին և նրա պաշտպանության տակ գտնվող մի քանի հայկական գյուղերի: Իսկ երբ 1988-ի նոյեմբերի 21-ին սկսվեցին Կիրովաբաղի դեպքերը, գետաշենցիները զգուշացան: Այդ օրերին գետաշենցիները հնարավոր միջոցներով օգնում էին Կիրովաբաղում պաշարման մեջ գտնվող հայերին: Բազմաթիվ հայեր կարողացան դուրս գալ քաղաքից և ապաստան գտնել Գետաշենում:

Մինչ գետաշենցիները նախապատրաստվում էին ինքնապաշտպանության, Ադրբեջանի Մինիստրների խորհրդի նախագահ Սեյիդովը նախաձեռնեց Գետաշենում տեղավորել ադրբեջանցի 200 ընտանիք: Գյուղխորհրդի նախագահ Յ.Գյուրջյանը հրաժարվեց կատարել այդ ապօրինի պահանջը: Ի պատասխան՝ գյուղը շրջափակվեց բոլոր կողմերից: Գետաշենցիներին օգնության հասան Զայաստանի և Լեռնային Ղարաբաղի ինքնապաշտպանական ջոկատները: Զակառակորդի անընդհատ հարձակումներին հայ կամավորներն ու մարտական ուժերը պատասխանում էին անզիջում: Թշնամին բազմաթիվ զոհեր ու վիրավորներ տալով՝ հետ նահանջեց: Զայության ինքնապաշտպանությունը ցույց տվեց, որ նա «իր ազգային իղձերին հասնելու համար պետք է ապավինի միայն սեփական ուժերին»:¹

Գետաշենցիները պատրաստել էին երդման տեքստ, որի տակ ստորագրել էին գյուղի բոլոր չափահաս տղամարդիկ: Այնտեղ ասված էր. «Պետք է կամ ապրենք մեր պապերի գերեզմանների կողքին, կամ մեռնենք»: Թուրք-ազերիները խորամանկաբար տիրանալով Կուլչի-Արմավիրին՝ սեպ էին խրել Շահումյանի և Գետաշենի միջև: Իրար հետևից դիրքերը զիջեցին նաև Ազատ, Կամո, Այգեստան գյուղերը: Գետաշենցիները 2,5 ամիս հերոսաբար պաշտպանեցին Կուլչի-Արմավիրը: Սակայն նրա ղեկավարները հայտնեցին Բաբու, թե իրենք ցանկանում են հեռանալ գյուղից, բայց գետաշենցիները չեն թողնում: Միայն այդ դավաճանությունից հետո խորհրդային զինված ուժերի օգնությամբ գյուղը լրիվ դատարկվեց և բնակեցվեց ազերիներով:²

Գետաշեն-Շահումյանի և Արցախի նկատմամբ Ադրբեջանի սաստկացող ճնշման առթիվ ՀԽՍՀ Գերագույն խորհրդի նախագահությունը 1990թ. մարտի 9-ին դիմում հղեց ԽՍՀՄ Գերագույն խորհրդի նախագահությանը, որտեղ ասված էր. «Բռնության ակտերով ուղեկցվող վախի ներշնչման, բացահայտ շանտաժի և սպառ-

ուալիքների մթնոլորտը, ճանապարհների երկարատև շրջափակումը և օդային տրանսպորտի թռիչքների արգելումը, որը գործնականում բնակչությանը զրկել էր կենսապահովման և բուժօգնության միջոցներից, հանգեցրին նրան, որ Ադրբեջանական ԽՍՀ Խանլարի շրջանի Գետաշենի ենթաշրջանի Ազատ և Կամո գյուղերի բնիկ հայ ազգաբնակչությունը մի քանի օրվա ընթացքում լքեց իր նախնիների հողը: Այսօր նույն սպառնալիքը կախվել է Խանլարի ու Շահումյանի շրջանների և ԼՂԻՄ-ի մյուս հայկական գյուղերի վրա»: Զայաստանի Գերագույն խորհրդի նախագահությունը զգուշացնում էր հայերի և ադրբեջանցիների միջև պատերազմական գործողությունների մոտալուտ վտանգից, որի պատասխանատվությունը ընկնում էր երկրի կենտրոնական իշխանությունների վրա:¹ Սակայն ԽՍՀՄ Գերագույն խորհրդի նախագահությունը անտեսեց այդ դիմումը:

Ավելին, ադրբեջանցիները Մոսկվայի սատարմամբ պլանավորել էին 1991թ. գարնանը զանգվածային բռնություններ կատարել Գետաշեն-Շահումյանում: Կամո գյուղի վերջին 12 ընտանիքները, որոնք չէին ցանկանում լքել հայրենի գյուղը, դեռևս 1990-ի մարտի 8-ին նամակ էին հղել ԽՍՀՄ Ժողովրդական պատգամավորների համագումարին, որում գրում էին, թե իրենց տները ադրբեջանցիներին վաճառվել էին խորհրդային զինվորականների ճնշման տակ: Նամակի հեղինակները հայտնում էին, որ 1990թ. մարտի 8-ին ներքին գորքերի հրամանատարության թույլտվությամբ ադրբեջանցիները ներխուժել են Կամո, և իրենք հրաժարվելով բռնագաղթել՝ տեղափոխվել են Գետաշեն:²

Ադրբեջանի իշխանությունները գնալով ուժեղացնում էին ճնշումը Գետաշենի ու Մարտունաշենի բնակիչների վրա՝ փորձելով նրանց ստիպել հեռանալու Զայաստան: Գյուղխորհրդի նախագահ Յ.Գյուրջյանը և սովխոզի տնօրեն Շ.Մարությանը գյուղի բնակչության անունից դեռևս 1990թ. սեպտեմբերի 20-ին Զայաստանի ղեկավարությունը տեղյակ էին պահել, որ Խանլարի շրջանի ղեկավարները պահանջում են երեք օրվա ընթացքում ազատել Գետաշենն ու Մարտունաշենը: Նաև հաղորդել էին, որ այդ գյուղերի տները գնելու համար Ադրբեջանի կառավարությունը որոշել է հատկացնել մի քանի միլիոն ռուբլի: Զրաժարվելու դեպքում գետաշենցիներին սպառնում էին դուրս քշել ջարդերով և կոտորածներով: Այդ մասին հաղորդվել է նաև Մ.Գորբաչովին:³

¹ Հայք, 28.01.1990:

² Խորհրդային Զայաստան, 26.01.1990:

¹ Խորհրդային Զայաստան, 12.03.1990:

Հայք, 18.03.1990:

³ Զայաստանի Զանրապետություն, 15.05.1991:

Գետաշեն-Շահումյանում և Լեռնային Ղարաբաղում իրագործված հանցագործությունների համար անենամեծ մեղքը պատկանում է Ադրբեջանի իշխանություններին և ժողճակատին:՝ Նրանք աղաղակում էին, թե իբր հայ-ադրբեջանական սահմանամերձ շրջաններում անկայունություն ստեղծողները հայ ինքնապաշտպանական և մարտական ջոկատներն են: Ադրբեջանի և կենտրոնական լրատվամիջոցները շրջանառության մեջ էին դրել 40 հազար հայ զինյալների առկայության վերբերյալ լեզները, որոնք իբր վարժեցվել են Լիբանանում և զինված են խրայեյլան զենքերով: Մինչդեռ փաստ է, որ երբ 1991թ. մայիս և հունիս ամիսներին ՌԽՖՍՀ Գերագույն խորհրդի մարզու իրավունքների կոմիտեում Լեռնային Ղարաբաղի տարածքում կատարված գործողությունների մասին լսումներ էին տեղի ունենում, բանակի ներկայացուցիչները ստիպված էին խոստովանել, որ հայ ինքնապաշտպանական ուժերից ոչ մեկն արտասահմանում ռազմական պատրաստություն չի անցել և զինված չի եղել արտասահմանյան զենքով: Իսկ ինչ վերաբերում էր 40 հազարանոց ինքնապաշտպանական ուժերին, ապա այդ կեղծիքը շրջանառության մեջ էր դրել ԽՍՀՄ պաշտպանության մինիստր Գ.Յագովը դեռևս 1990թ. գարնան սկզբին արած հայտարարության մեջ:² Ադրբեջանի նախագահ Ա.Մութալիբովը 1990թ. նոյեմբերին Մ.Գորբաչովին հղած նամակում գրում էր. «Անջատողական բախումների լուծման համաշխարհային փորձը համոզում է, որ դրանք չեն լուծվում դեմոկրատական հիմունքներով»:³ Ա.Մութալիբովը դրանով իսկ ձգտում էր արդարացնել Ադրբեջանի կողմից նախապատրաստվող արցախահայության սպանդը:

Ադրբեջանի օմօնականները 1991թ. մարտի 25-ից սկսած անընդհատ ռմբակոծում էին Գետաշենը: Գետաշենի ենթաշրջանից դուրս էին բերվել ԽՍՀՄ ներքին գործերի ստորաբաժանումներն այն պատճառաբանությամբ, թե իբր Գետաշենի ենթաշրջանը չի մտնում ԼՂԻՄ-ի մեջ: Այստեղ վիճակն ավելի ծանրացավ մանավանդ ապրիլի 16-ին Բաքվում տեղի ունեցած խորհրդակցությունում Ա.Մութալիբովի տված ցուցումներից հետո: Ադրբեջանի իշխանությունները վճռել էին խորհրդային ուժերի աջակցությամբ բռնագաղթեցնել գետաշենցիներին: Խանլարի շրջգործկոմի նախագահ Ն.Մամեդովը Գետաշենի և Մարտունաշենի բնակիչներից պահանջում էր մշտական բնակության համար տեղափոխվել այլ տեղ: Նա, ինչպես և ԽՍՀՄ ներքին գործերի մինիստրության ներքին ուժերի դիվիզիայի

հրամանատարի տեղակալ գնդապետ Ե.Միշինը խոստանում էին մինչև հունիսի մեկը ավարտել Գետաշենի ու Մարտունաշենի բնակիչների տների վաճառքը: Նրանք չէին թաքցնում, որ տեղահանումը համաձայնեցվել էր ԽՍՀՄ-ի և Ադրբեջանի ներքին գործերի մինիստրությունների ղեկավարությունների հետ:⁴

Կիրովաբադից փոխադրված խորհրդային զորամասերը ապրիլի 18-22-ին հրազենի տարբեր տեսակներից սկսեցին գնդակոծել Գետաշենը, Մարտունաշենը և Շահումյանի շրջանի մի շարք գյուղեր: Ապրիլի 25-ին հրավիրված 33 Գերագույն խորհրդի արտահերթ լիագումար փակ միստը քննարկելով Արցախում և Գետաշեն-Շահումյանում ստեղծված վիճակը՝ պահանջեց անհապաղ հրավիրել ԽՍՀՄ ժողվրդական պատգամավորների համագումարի արտահերթ նիստ:⁵

Ա.Մութալիբովը ապրիլի 27-ին հանդես գալով ադրբեջանական հեռուստատեսությամբ՝ ԼՂԻՄ-ի և Գետաշեն-Շահումյանի հարկությանը ներկայացրեց վերջնագիր՝ կամ ընդունել Ադրբեջանի օրենքները, կամ էլ հեռանալ Ադրբեջանի տարածքից:⁶ ԽՍՀՄ ներքին գործերի մինիստրության ներքին գործերը և Ադրբեջանի օմօնականներն ապրիլի 30-ին համատեղ լայնածավալ գործողություններ սկսեցին՝ իբր Գետաշենում ու Մարտունաշենում գտնվող ապօրինի զինված միավորումներին զինաթափելու համար: Դա «Օղակ» գործողությունն էր, որի հիմնական նպատակը Գետաշենի ու Մարտունաշենի բնակչության բռնագաղթեցումն էր:⁷ Արցախի և Նրան հարակից շրջանի արտակարգ դրության պարետության ռազմաքաղաքական մասի պետ Պոլոզովի տված բացատրությունից երևում է, որ խորհրդային զինվորականները միայն հրամաններ էին կատարում: Այն հարցին, թե առաջինն ովքեր են մտել Գետաշեն, ԽՍՀՄ ներքին գործերի մինիստրության հատուկ միլիցիայի վարչության պետ, գեներալ-մայոր Բալախանովը պատասխանել է, թե այնտեղ անձնագրային ռեժիմի ստուգումն անց է կացվել Ադրբեջանի օմօնի կողմից. Իրականում ապրիլի 30-ին ներքին գործերի Բաքվի գնդի ստորաբաժանումները գնդապետ Մաշկովի հրամանատարությամբ գրավել էին Գետաշենի մերձակա բարձունքները և այդ նույն օրվա ժամը 18-ին ադրբեջանական օմօնականների հետ գրոհել գյուղի վրա: «Օղակ» գործողությունը սկսվելուց առաջ Անդրկովկասի հակաօդային

Սողոմոնյան Նվարդ, Եզվ. աշխ., էջ 9:
Խորհրդային Ֆայաստան, 26.04.1991:

Բակինский рабочий, 28.04.1991.

⁴ Գետաշենի իրադարձությունների և «Օղակ» գործողության մասին տե՛ս Դահրամանյան Կիմ, Եզվ. աշխ., էջ 66-69:

¹ Бабанов Игорь, Воеводский Константин, Եզվ. աշխ., էջ 45:

² Бабанов Игорь, Воеводский Константин, Եզվ. աշխ., էջ 41-42:

³ Նույն տեղում, էջ 46:

պաշտպանության և իր հրամանատար Ա.Արխարովի հրամանով արգելվել էին ուղղաթիռների քոչիքները Գետաշեն, Շահումյան և Լեռնային Ղարաբաղի լեռանի «Ղերբունի» օդանավակայանի պետ Զ.Սնացականյանը Լեռնային Ղարաբաղի խնդիրը էր թույլ տալ ուղղաթիռ ուղարկել Գետաշեն՝ վիրավորներին ու հիվանդներին տեղափոխելու համար, սակայն Ա.Արխարովը կոպտորեն մերժել էր: Նա նաև չէր թույլատրել բժիշկներ ուղարկել Գետաշեն: Այս ամենը կատարվում էր ԽՍՀՄ պաշտպանության մինիստր Գ.Յագովի անմիջական հրամանով: Լեռնային Ղարաբաղի, Գետաշենի և Շահումյանի իրադարձությունների վերաբերյալ այդ օրերին Մ.Գորբաչովին դիմել էր նաև Ամենայն Հայոց կաթողիկոս Վազգյան Առաջինը: Նա գրել է. «Հայաստանի Հանրապետության և արտասահմանի ավելի քան երկու միլիոն հայերի վիշտը մեր սրտում դիմում ենք Ձեզ, որ այս օրերին չզլանաք Ձեր մարդասիրական ուշադրությունը մի պահ կենտրոնացնել Լեռնային Ղարաբաղի և շրջակայքի հայ ազգաբնակչության ողբերգական կացության վրայ, արդար և օրինավոր մի վճիռ կայացնելու Ձեր պրեզիդենտական իրավասություններով...»:

Տառաառեալ հոգով սպասում ենք լսել Ձեր խղճի ձայնը, Ձեր պրեզիդենտական արդար խոսքը...»¹

Լ.Տեր-Պետրոսյանը մայիսի 1-ին պատասխանելով Գետաշենի և Մարտունաշենի իրադարձությունների վերաբերյալ «Լրաբեր» հեռուստատեսային լրատվական ծրագրի հարցերին՝ նշել է, որ այնտեղի հայերի նկատմամբ տեղի է ունեցել հերթական հրեշավոր հանցագործություն, որը կատարել են խորհրդային բանակը, մասնավորապես ներքին գործերը և ադրբեջանական խուժանը: Նա նշել է, որ այդ վտանգը զգացվում էր դեռևս ապրիլի 3-ից: Եվ չնայած այդ մասին բազմիցս զգուշացվել էր կենտրոնական իշխանություններին, սակայն արդյունքը դրական չէր: Ըստ Լ.Տեր-Պետրոսյանի՝ դա պարզապես Մոսկվայի և Բաքվի գործարքն էր, և որ հանցանքի մեջ մեղքի էին մեծ բաժինն ունեին Բ.Պուզոն և Յու.Շատալինը: Նրանք դեռևս ապրիլի կեսերին մի վարկած էին նշակել, ըստ որի իբր Գետաշենում և Մարտունաշենում հայ բնակչություն չկա, այնտեղ միայն ռուս զորահայիններ են, և այդ գյուղերը պետք է մաքրել նրանցից: Դրանք Գետաշենի խորհրդի նախագահը Մ.Գորբաչովից պահանջել էր ռուս զորավորների անարգել քոչիքներ դեպի նշված շրջանները և ոչ մի կերպ թույլ չտալ Գետաշեն և Մարտունաշեն գյուղերը բնակչության տեղահանությունը:² Երկրի նախագահը

փոխանակ միջոցներ ձեռնարկելու՝ նրան հորդոյնել էր «ադրբեջանցիների հետ հաշտության եզրեր որոնել»:

Ապրիլի 30-ին Գետաշենի ռադիոկայանից հաղորդվեց հետևյալ հեռագիրը.

«SOS! SOS! SOS!»

Մենք, երկու հայկական գյուղերի՝ Գետաշենի և Մարտունաշենի բնակիչներս, աղաչում ենք փրկել մեզ: Խորհրդային բանակը ոչնչացնում է խորհրդային քաղաքացիներին: Կրակում են գետնից և օդից, հրանոթից, ավտոմատից: Մեզ ճնշում են տանկերը: Ադրբեջանական օմօնը պատանդ է վերցնում երեխաներին, կանանց և ծերերին: Մեր տները թալանում, վառում են: Բանակի դեմ որսորդական իրացաններով կանգնել չենք կարող: Մարդիկ աշխարհի, օգնեցեք:

SOS! SOS! SOS!»³

100-120 զրահամեքենա շրջապատել և անընդհատ հրետակոծում էին գյուղը: Գետաշենը բոցերի մեջ էր: Գյուղի բնակիչներն ու ինքնապաշտպանական ջոկատները հերոսաբար դիմադրում էին: Գետաշեն ներխուժած զինվորականներին ուղեկցում էին ազերի օմօնականները, որոնք դաժան հաշվեհարդար էին տեսնում գյուղի բնակչության հետ: Ինքնապաշտպանության ուժերին հաջողվում է գերել 14 զինվորականի: Մայիսի մեկի գիշերը գյուղի դարոցի ելքընահարկում տեղի ունեցած խորհրդակցության ժամանակ ինքնապաշտպանության ջոկատի հրամանատար Բ.Բոյախյանը հայտնում է, որ զենք կարող են վերցնել 200 հոգուց ավելին, սակայն բնդանները կար մեկ գնդացի, 4-5 ավտոմատ, 150 որսորդական իրացան և ինքնաշեն նռնակներ: Չնայած դրան՝ Գետաշենը հերոսաբար էր դիմադրում: Թ.Կրպեյանը, ծգանը հանած նռնակը ավիտնել, գնդապետ Մաշկովին ստիպում է բանակցությունների մեջ ստանել ինքնապաշտպանների հետ: Վերջիններս պահանջում են սննդամթերքային ստուգում անցկացնել առանց ադրբեջանական օմօնի և ազատել 90-ից ավել պատանդների: Հենց գնդապետ Մաշկովից խլվեց «Օղակ» պատժիչ գործողության ծածկագիրը, որի իրագործման ղեկավարներն էին գնդապետներ Մաշկովն ու Միշինը: Կուն տվյալներ, որ այդ ծածկագրի վրա աշխատել է նաև գեներալ Կրոմովը, որը սպառնում էր Ղարաբաղը հավասարեցնել «Բեռլինի գյուրխպներին»:⁴

Ծածկագրից հստակ երևում է, թե խորհրդային հրամանա-

¹ Հնչակ Հայկազյանի, Ա տարի, N 13-14, մայիս, 1991:

² Հայաստանի հանրապետություն, 2.05.1991:

³ Սողոմոնյան Նվարդ, նշվ. աշխ., էջ 7-8: Գ.Բաղդասարյանը գրել է, թե «Օղակ» պատժիչ գործողությունը սկսել է իրագործվել 1991թ. ապրիլի 22-ից: Բաղդասարյան Գ.Ս., նշվ. աշխ., էջ 58/:

⁴ Лабонов Игорь, Воеводский Константин, նշվ. աշխ., էջ 51:

տարությունն ինչպես էր նախապատրաստվել բռնագաղթեցնելու Գետաշենի ու Մարտունաշենի բնակչությանը: Այդ ժածկագրի համաձայն՝ Գետաշեն մտավ անդրկովկասյան ռազմական օկուպի չորրորդ բանակը՝ իր ետևից բերելով ադրբեջանական օմօնականների ավագակախույնը: Նրանց դեմ գետաշենցիների հերոսական պայքարը գլխավորում էր Թ.Կրպեյանը: Գյուլի հիվանդանոցի գլխավոր բժիշկ Ա.Յակոբբյոխյանը և Երևանից այնտեղ գործուղված բժիշկներ Վ.Խաչատրյանն ու Գ.Գրիգորյանը բոլոր ջանքերը գործադրում էին՝ վիրավորների կյանքը փրկելու համար: Հիվանդանոցի դիարանում 20 սպանված կար: Ռադիոկապով ուղղաթիռներ էին խնդրում՝ ծանր վիրավորներին տեղափոխելու համար, սակայն Երևանից եկող ուղղաթիռները չէին կարողանում վայրէջք կատարել, որովհետև զինվորականները և օմօնականները խանգարում էին: Ինքնապաշտպանները գերված զինվորներին փոխանակում են 27 պատանդ գետաշենցիների հետ: Հետզհետե ավելի էր ուժեղանում գյուղի զնդակոծումը: Դրությունը ահավոր էր. գոհվել էին Թաթուլ Կրպեյանը, Արթուր Կարապետյանը, Վալերի Նազարյանը, Մարտունաշենի պաշտպանության ղեկավար Սիմոն Ալիբեյբեյանը, Զարգանդ /Դրաչ/ Դանիելյանը և ուրիշներ: Բժիշկները գերի են տարվում Գյանջայի բանտ, որտեղ 17 օր շարունակ ենթարկվում են անասելի տանջանքների:¹

Մայիսի լույս 6-ի գիշերը ինքնապաշտպանական ուժերի խորհրդակցությունում որոշվում է գեներ և փամփուշտը ամբողջովին ղուրս բերել Գետաշենի տարածքից: 300-350 հոգի պիտի հեռանային խմբերով, երեք հերթով, գիշերը: Պետք է գնային դեպի Բյափազ սարը, այնտեղից անցնեին Շահունյանի կողմը: Նրանք իրենց հետ տանում են զնդապետ Մաշկովից խլված «Օղակ» պատժիչ գործողության ժածկագիրը, որ հետո ներկայացնեն աշխարհին: Մայիսի 7-ին երեք հազար կին, երեխա ու ծեր ռազմական ուղղաթիռներով տեղափոխվում են Ստեփանակերտ, ապա՝ Հայաստան: 700 տղամարդկանց ավտոբուսներով տանում են Իջևան: Գյուլի գրեթե բոլոր ինքնապաշտպանները տեղափոխվում են Շահունյանի շրջան: Գետաշենում իրագործված «Օղակ» գործողության նախնական փուլում գոհվել են 41 մարդ, վիրավորվել 70 խաղաղ գյուղացիներ, կանայք ու երեխաներ: Անհայտ ուղղությամբ պատանդ է տարվել 335 հայ, որոնցից ազատ են արձակվել 189-ը:² Չոկվածներից

¹ Հանգամանորեն՝ տե՛ս Գարդմանք, N 6, 1999:

² Հասրաթյան Սենոր, նշվ. աշխ., էջ 16:

18-ը հայաստանցի ազատամարտիկներ էին:¹

Գետաշենում տեղի ունեցած վայրագությունների դեմ բողոքի ակիցը տարածվել էր ամբողջ երկրում: Ռուսաստանի սահմանադրական ժողովրդավարների կուսակցության Մոսկվայի քաղկոնը հայ ժողովրդին ուղղած նամակում գրել է. «Թանկագին եղբայրներ: Դժվար է գտնել բառեր՝ մեր ցավն ու վրդովմունքն արտահայտելու համար: Չորրորդ տարին է, ինչ հանցագործ ռեժիմը պատերազմ է մղում ձեր երկրի և ժողովրդի դեմ: Ընդունեք մեր խոսքերը որպես անկեղծ ցավակցության և հնարավոր ցանկացած օգնություն ցույց տալու պատրաստակամության արտահայտություն»:² «Մոսկովսկայա տրիբունա» և «Մեմորիալ» կազմակերպությունները, ԽՍՀՄ գիտությունների ակադեմիայի ընտրողների ակումբը Մ.Գորբաչովին, պաշտպանության և ներքին գործերի մինիստրներին հղած դիմումում գրել են. «Պահանջում ենք օգտագործել ձեր ունեցած բոլոր միջոցները՝ դադարեցնելու համար ձեզ ենթարկվող գորքերի սանձարձակ գործողությունները, Ադրբեջանի հայաբնակ գյուղերի շրջափակումն ու զնդակոծությունները: Այնտեղ սպանում են խաղաղ բնակիչների, կանանց ու երեխաների»:³ Նման բողոքներն ու պահանջները բազմաթիվ էին: Մամուլում հրապարակված նի շարք նյութերում դատապարտվում էին Ադրբեջանի իշխանությունների վայրագությունները: Բանը հասել էր նրան, որ Ադրբեջանի կոմկուսի կենտկոմի ջարտուղար Ա.Գաշտամիրովը վսիիշ հայտարարել է, թե «Մենք հազիվ պաշտպանվում էինք հայ գրոհայիններից. մեր ամբողջ ջանքերը դրան էին ուղղված: Եթե մենք այդ չանեինք, հայերը մեզ կկոտորեին»:⁴ Իսկ հանրապետության գլխավոր դատախազ Ա.Գալիբովը հրապարակայնորեն շնորհակալություն հայտնելով՝ բանակին՝ խորհուրդ էր տալիս գործել «ավելի ակտիվ, համարձակ և մեծ հարձակողականությամբ»:⁵

Հայաստանին պատերազմական գործողությունների մեջ ներքաշելու նպատակով ագրեսիները ապրիլի 26-ից սկսած հարձակվում էին Հայաստանի Արարատի, Նոյեմբերյանի, Տավուշի, Կապանի և այլ շրջանների սահմանամերձ գյուղերի վրա:⁶ Այսպե՛ս Մութալիբովը, ինչպես արդեն նշվեց, ապրիլի 27-ին ելույթ ունենալով Ադրբեջանի

¹ Հնչակի Հայաստանի, Ա տարի, N 13-14, մայիս 1991: Գետաշեն-Մարտունաշենում զոհվածների մասին տես նաև՝ Արշակյան Անդրանիկ, նշվ. աշխ., էջ 287-318:

² Հնչակի Հայաստանի, Ա տարի, N 13-14, մայիս 1991:

³ Նույն տեղում:

⁴ Երեկոյան Երևան, 24.05.1994:

⁵ Бабанов Игорь, Воеводский Константин, նշվ. աշխ., էջ 50:

⁶ Հնչակ, N 13-14, մայիս, 1991:

հեռուստատեսությամբ, Ադրբեջանում ապրող հայերից պահանջեց կամ հեռանալ հանրապետությունից, կամ էլ ընդունել Ադրբեջանի օրենքները:¹

Մոսկվան քաղաքապետը իր վրա էր վերցրել Ադրբեջանի զավթողական քաղաքականության իրագործումը: Մոսկվայում Հայաստանի մշտական ներկայացուցիչ Ֆելիքս Մամիկոնյանը երբ էսՄՅՄ ներքին գործերի մինիստրի տեղակալ գեներալ Յու.Շատալի-նին մայիսի 2-ին հայտնում էր Գետաշենում և Ղարաբաղում կատարվող վայրագությունների մասին, վերջինս սպառնում էր Հայաստանը հողին հավասարեցնել՝ զգուշացնելով, որ Հայաստանի աստ-նակայանի բանալին գտնվում է իր գրպանում: Նա նաև սպառնում էր շրջափակել Մոսկվայում գտնվող Հայաստանի ներկայացուց-չությունը և ձերբակալել բոլորին՝ չմոռանալով ավելացնել «Այդ մա-սին կարող եք տեղեկացնել Գորբաչովին»: Իսկ երբ մայիսի 6-ին էսՄՅՄ Գերագույն խորհրդում քննարկվում էր ՀՀ Գերագույն խորհրդի ապրիլի 25-ի պահանջը՝ հրավիրել էսՄՅՄ ժողովրդական պատգամավորների արտակա- ղ համագումար և քննարկել Լեռ-նային Ղարաբաղի հիմնախնդիրն ու հայ-ադրբեջանական հարա-բերությունների հարցը, Բ.Պուգոն և Ա.Լուկյանովը հակահայ ելույթ-ներ ունեցան, և Հայաստանի պահանջը մերժվեց:²

1991-ի մայիսը արցախահայության ազգային-ազատագրա-կան պայքարի պատմության ամենածանր ամիսներից էր: Գետաշեն-Մարտունաշենը հայաթափվելուց հետո Արցախում և Հայաստանի սահմանամերձ շրջաններում վիճակը բավականին բարդացել էր: Հայաստանի Ոսկեպար գյուղի մոտ մայիսի 5-ին տեղի ունեցավ մեծ ողբերգություն, որի հետևանքով խորհրդային զենքից զոհվեցին 14 հոգի:³ Մայիսի 15-ից Լեռնային Ղարաբաղում մտցվեց արտակարգ դրություն: ԼՂԻՄ մարզխորհուրդն այդ մասին հայտնեց ՄԱԿ-ին և աշխարհի բոլոր խոշոր երկրների ղեկավարներին: Հենրիխ Պո-ղոսյանի նախագահությամբ մայիսի 16-ին Ստեփանակերտի քաղ-խորհրդի նիստերի դահլիճում տեղի ունեցած ԼՂԻՄ-ի աշխատա-վորության լիազոր ներկայացուցիչների ժողովը խիստ քննադատեց Մոսկվայի և Բաքվի կողմից արցախահայության նկատմամբ կիրառ-վող քաղաքականությունը, որը նպատակ ուներ արցախցիներին տեղահան անել իրենց պատմական հայրենիքից: Խորհրդակ-

զությունն ընտրեց 5 հոգուց բաղկացած պատվիրակություն¹, որը պետք է հանդիպեր Վ.Պոլյանիչկոյի հետ և պահանջեր կասեցնել արցախահայության բռնազաղթն ու վերացնել նրանց նկատմամբ կիրառվող դաժանությունները: Սակայն Վ.Պոլյանիչկոն չընդունեց պատվիրակությանը:² Խորհրդակցությունն ընդունեց նաև հայտա-բարություն, որում բնութագրված էր Արցախում և Շահումյան-Գետա-շենում ստեղծված ծանր դրությունը:

Ստեղծված ծանր վիճակը հաշվի առնելով՝ մարզի իշ-խանությունները պատրաստակամություն հայտնեցին քաղաքական բանակցություններ սկսել Ադրբեջանի ղեկավարության հետ և էսՄՅՄ սահմանադրության և օրենքների շրջանակներում փոխզիջումային լուծումներ որոնել:³ 1991թ. մայիսի 16-ի ՀՀ Գերագույն խորհրդի ար-տակարգ նստաշրջանը հավանություն տվեց ԼՂԻՄ աշխատա-վորության լիազոր ներկայացուցիչների վերոհիշյալ հայտա-բարությանը: Սակայն Ադրբեջանի իշխանությունները ոչ միայն հրա-մարվեցին այդ առաջարկությանն ընդառաջելուց, այլև որոշել էին ի-րագործել մի նոր հանցագործություն. նախատեսված էր՝ միայն Ստեփանակերտում պետք է ձերբակալվեին 200 հոգի: Շարժման ղե-կավարներին հաջողվել էր ձեռք բերել այդ ցուցակը և զգուշացնել բոլորին: Այդ նույն գիշերը ձերբակալվեցին ՀՀ Գերագույն խորհրդի պատգամավոր Հանլետ Գրիգորյանը և բանվորական խմբի ղեկա-վար Ռաֆայել Գաբրիելյանը ու տարվեցին անհայտ ուղղությամբ: Շուրջ 32 օր նրանք տանջանքների ենթարկվեցին Բաքվի Շուվեյյան բանտում:⁴ Մայիսի 17-ին ՀՀ Գերագույն խորհուրդը բողոք ու-ղարկեց էսՄՅՄ զխավոր դատախազին՝ ՀՀ Գերագույն խորհրդի պատգամավորին անօրեն ձերբակալելու մասին, պահանջեց ապա-հովել Հ.Գրիգորյանի պատգամավորական անձեռնմխելիությունը:

Մայիսի 17-ին ՀՀ Գերագույն խորհուրդն ընդունեց «Հայաս-տանի Հանրապետության Ադրբեջանի հետ սահմանակից շրջան-ներում և Լեռնային Ղարաբաղում ստեղծված իրավիճակի մասին» ո-րոշում: Այդ մասին մայիսի 20-ին տեղյակ պահելով էսՄՅՄ Գե-

¹ Бактинский рабство, 28.04.1991, Խորհրդային Ղարաբաղ, 30.04.1991.

² Հայաստանի Հանրապետություն, 4.05.1991, Голос Армении, 9.05.1991 և այլն:

³ Правда, 20.05.1991.

¹ Պատվիրակության կազմը՝ մարզկոմի նախկին քարտուղարներ Ալեք-սանդր Հարությունյան և Եղիշե Սարգսյան, Ստեփանակերտի բաղադրվածի նախագահ Մաքսիմ Սիրոզյան, կուսակցության քաղկոմի առաջին քարտու-ղար Զրանտ Մելքունյան և թոշակառու Վահան Հարությունյան:

Արутյոյան В.Б., Եզվ. աշխ., մաս 4, էջ 18-21, Խորհրդային Ղարաբաղ, 18.05.1991:

² Հայաստանի Հանրապետություն, 17.05.1991:

³ Այդ մասին հանգամանորեն տես՝ Սողոմոնյան Նվարդ, Եզվ. աշխ.:

րագույն խորհրդի նախագահությանը՝ նշվեց, որ մայիսի սկզբից Գե-տաշեն և Մարտունաշեն գյուղերում, Աղրբեջանի հետ Հայաստանի սահմանակից շրջաններում և Լեռնային Ղարաբաղում ԽՍՀՄ զին-ված ուժերի ու աղրբեջանական օմօնականների կողմից մոտ 500 հոգի առևանգվել և գրոհայինների անվան տակ հանձնվել են Աղրբեջանի իրավապահ մարմիններին: ՀՀ Գերագույն խորհուրդը ԽՍՀՄ Գերագույն խորհրդի նախագահությունից պահանջեց նրանց Աղրբեջանի տարածքից դուրս բերել և հարուցված քրեական գոր-ծերը երկրորդ կողմի վարույթ հանձնել:¹ ՀՀ Գերագույն խորհրդի նախագահությունը դիմում հղեց նաև ԽՍՀՄ ինքնավար հանրա-պետությունների Գերագույն խորհուրդների նախագահներին և հան-գամանորեն պատմեց Գետաշենում, Մարտունաշենում ու Լեռնային Ղարաբաղի և Հայաստանի սահմանամերձ շրջաններում խորհրդային բանակի բռնաբարքների հետևանքների մասին: Այդ փաստաթղթում առանձնապես շեշտվում էր, որ աղրբեջանական օ-մօնը մարզի տարածքում սանձազերծել է ահաբեկչության և բռնի տեղահանությունների նոր ալիք, որն ուղեկցվում է կողոպուտով, բռնաբարություններով ու խաղաղ բնակիչների սպանություններով: Ասվում էր, որ մարզի հայկական գյուղերի գրեթե բոլոր տղա-մարդկանց կալանում և տեղափոխում են Աղրբեջանի տարածք: Օ-րինակ՝ մայիսի 16-ից իրենց մշտական բնակության վայրերից բռնագաղթեցվել են Հաղորթի շրջանի և Բերդածորի ենթաշրջանի 15 գյուղերի խաղաղ բնակիչներ: ՀՀ Գերագույն խորհուրդը խնդրում էր ներկայացուցիչներ ուղարկել ԼՂԻՄ և Հայաստանի սահմանա-մերձ շրջաններ ու բռնի տեղահանվածներին իրենց բնակավայրերը վերադարձնելու միջոցառումներ ձեռնարկել:²

Ազերի վայրագները հայերին որսալու և հանրապետության բանտերը տանելու համար Աղրբեջանի իշխանություններից մեծ գումարներ, նվերներ ու պաշտոններ էին ստանում: Պատմական Ա-մարաս վանքը, որը նոր էր վերաբացվել, գտնվում է Մարտունու շրջանի Սոս գյուղից յոթ կիլոմետր հարավ: 1990-ի սեպտեմբերի 9-ին գյուղում լուր տարածվեց, թե զինվորական համազգեստով մար-դիկ հարձակվել են վանքի և նրանից ոչ հեռու գտնվող անասնապա-հական ֆերմայի վրա: Գյուղի տղամարդիկ չտալու են վանք և ֆերմա: Ճանապարհին նրանց շրջապատում են խորհրդային ներ-քին գործերի և Ֆիզուլիի ներքին գործերի բաժնի միլիցիոներներից բաղկացած ստորաբաժանումները: Շատերին ձերբակալելով՝ մեքե-

րաներով տանում են Ֆիզուլի, որտեղ նրանց ենթարկում են ծեծի ու պահում մեկ շաբաթ: Սեպտեմբերի 17-ին նանցից 9 հոգու տանում են Բաքու, Բայիլովի բանտը, որտեղ նրանց ենթարկում են անասելի տանջանքների: Նրանց բոլորին էլ դատապարտում են ազա-տագրկման և 1991թ. գարնանը ուղարկում Հայաստանի բանտերը: Նրանց օգնեց ԽՍՀՄ կառավարության որոշումը՝ տարբեր հանրա-պետություններում դատված կամ պատիժ կրող դատապարտյալ-ներին իրենց ազգային հանրապետություններն ուղարկելու վերա-լիերյալ: Ամօրեն դատապարտված սոսեցիները շուտով ազատվեցին լանտից և վերադարձան հայրենի գյուղ:³

Այսպիսի օրինակները շատ-շատ են: «Նովոստի» լրատ-վության արտահաստիքային թղթակից 23-ամյա Վարդան Հովհան-նիսյանը 1991-ի մայիսի 6-ին Գետաշենում օմօնականների կողմից գերվել և տարվել էր Գյանջայի բանտ: Նա Գետաշենում մյուս ծեր-րակալվածների մեծ բանտում ենթարկվում է դաժան տանջանք-ների: Բուլղարուհի կինովավերագրող Ցվետանա Պասկալևան հա-մառ ջանքերով Աղրբեջանի իշխանություններից իրավունք է ստա-նում հանդիպել նրա հետ: Ց. Պասկալևայի բնորոշմամբ՝ Շուշիի և Գյանջայի բանտերում իր տեսած բանտարկյալներից Վ. Հովհան-նիսյանն ամենասարսափելի վիճակում էր: Վերջինիս փրկելու հա-մար նա հանդես է գալիս «Մոսկովսկիյե Նովոստիի» էջերում, հաղոր-դումներ տալիս «Սվոբոդա» ռադիոկայանով, բողոքներ ուղարկում բազմաթիվ հասցեներով: Այդ ամենի շնորհիվ Վ. Հովհաննիսյանն ա-զատվում է բանտից:⁴ 1991թ. գարնան վերջին և ամռանը Արցախում և նրա հարակից շրջաններում իրավիճակը փոխվեց ի վնաս արցա-խահայության: Հաղորթի շրջանից և Բերդածորի ենթաշրջանից հա-վարավոր ընտանիքներ ապաստանում էին Գորիսի շրջանում: Հայ մողովուրդը խիստ անհանգստացած էր Արցախում ստեղծված ծանր վիճակի համար: Երևանի պոլիտեխնիկական ինստիտուտի գիտ-խորհուրդը քննարկելով Արցախում և Հայաստանի սահմանամերձ գյուղերում ստեղծված տագնապալի վիճակը՝ աշխարհի ազնիվ մարդկանց կոչ արեց իրենց ծայրը բարձրացնել արցախահայության տեղահանումը կանխելու համար:⁵ Համանման որոշումներ և կոչեր ին ընդունվում հարյուրավոր հիմնարկ-ծեռնարկությունների

¹ Սոսեցի անձեղ կալանավորներին Բաքվի բանտում հանդիպել էր և որոշ օգնություն ցույց տվել նույնպես կալանավոր Դնեպր Բաղդասարյանը /այդ մասին տես **Բաղդասարյան Դ. Ա.**, Օշվ. աշխ., էջ 49-52/:

² Յոս Արսախ, N 6, 1991.
³ Պոլիտեխնիկ, 10.06.1991:

¹ Հայաստանի Հանրապետություն, 21.05.1991:
² Հայաստանի Հանրապետություն, 11.05.1991:

ընդհանուր ժողովներում և ուղարկվում երկրի ու աշխարհի տարբեր հասցեներով:

Այդ բողոքներից հետո հունիսին Լեռնային Ղարաբաղ ժամանեց Վ.Ֆոտսեկի գլխավորած դիտորդ հանձնաժողովը, որը Հաղորդ գնալու փոխարեն, որտեղ Խժաբերդի և ՀԻՆ Թաղերի բնակիչները հերոսաբար մարտնչում էին թշնամու դեմ, հունիսի 6-ին մեկնեց Լաչին: Այդ ժամանակ արդեն հայտնի էր դարձել Վ.Պոլյանիչկոյի հայտարարությունն այն մասին, որ պետք է լրիվ հայաթափվի ոչ միայն Լեռնային Ղարաբաղը, այլև Ջանգեզուրը, որը, իբր, Ադրբեջանի տարածք է: Այդ հայատյացը փորձում էր զինվորական վերնախավին և դիտորդ հանձնաժողովին համոզել, որ Հաղորդի շրջանում իրագործվող հայաթափումը շարունակվի նաև Մարտակերտի ու Շահումյանի շրջաններում: Նա Մոսկվայից նաև պահանջում էր նոր պատժիչ գործողություններ իրագործել Լեռնային Ղարաբաղում և Հայաստանում: Այդ օրերին Ադրբեջանի բանտերում տանջահար էին արվում խորհրդային զինվորների կողմից ձերբակալված 350 հայորդիներ: Ստեփանակերտում հերթապահության ժամանակ ձերբակալված միլիցիայի մայոր Յրաչիկ Շահբազյանը տարվել էր Շուշի բանտ և հունիսի 13-ին դաժանաբար սպանվել: Հետո հայտարարվել էր, թե իբր նա բանտախցում ինքնասպանություն է գործել: Բանտում տանջանքներին չդիմացավ նաև Կիչան գյուղի կուլտնտեսության նախագահ Յուրի Ղուլյանը: Ազերի օստնականները նրան պատանդ էին վերցրել մայիսի 14-ին: Դահիճները փորձում էին համոզել, թե իբր Յու.Ղուլյանը հանկարծամահ է եղել ստամոքսի խոցից:

Ղարաբաղում իրագործվող բռնությունների ու սպանությունների մասին ԼՂԻՄ ժողովրդական պատգամավորները բողոք-նամակ ուղարկեցին ՄԱԿ-ի գլխավոր քարտուղար Պերես Դե Կուելյարին, իսկ Մոսխորիդի 105 ժողպատգամավորներ բողոք ուղարկեցին Մ.Գորբաչովին և Գերագույն խորհրդի նախագահությանը՝ պահանջելով անհապաղ դադարեցնել Հայաստանի տարածքում պատժիչ գործողությունները և Լեռնային Ղարաբաղի հայ բնակչության բռնի տեղահանությանը խորհրդային բանակի և ներքին զորքերի մասնակցությունը: Մոսխորիդի պատգամավորները նաև սպառնում էին ՄԱԿ-ի Գլխավոր ասանբլեայից պահանջել ՄԱԿ-ի «Եղեռնը կանխելու և դրա համար պատժելու» կոմպենցիայի հիման վրա քննարկել Ադրբեջանի տարածքում տեղի ունեցած եղեռնի փաստը:¹ Այդ օրերին Սանկտ Պետերբուրգի մտավորականության «Լենինգրադսկայա տրիբունա» կազմակերպությունը հանդես գա-

լով կենտրոնական իշխանություններին մեղադրող հայտարարությամբ՝ նշեց, որ հայ ժողովրդի և Հայաստանի Հանրապետության դեմ հակաօրինական գործողությունները ձեռնարկվում են պետական մակարդակով: Հայտարարության մեջ ասվում էր, որ ԼՂԻՄ-ում և նրան հարող հայաբնակ շրջաններում գոհվում են մարդիկ, վերցվում պատանդներ, բնակչությունը ենթարկվում է խոշտանգումների և ծաղրուծանակի, իսկ զանգվածային տեղահանումը դարձել է ամենօրյա գործելակերպ: Այդ ամենը կատարվում է գորային ստորաբաժանումների և Ադրբեջանի հատուկ ջոկատայինների ուժերով: Հայտարարության հեղինակները պահանջում էին ամենասեղմ ժամկետում պետական մակարդակով կատարել հետաքննություն և անուսպաղ ձեռնամուխ լինել ավերված բնակավայրերի վերականգնմանը և ԼՂԻՄ-ի հիմնահարցի ու դրան առնչվող հարցերի նրապարսկային քննարկմանը, իսկ որոշում ընդունելիս ղեկավարվել նախ և առաջ մարդու իրավունքների միջազգային սկզբունքներով:¹

Հարկ է նկատել, որ խորհրդային բանակում և ներքին զորքերում քիչ չէին նրանք, որոնք պաշտպանում էին արդարությունը և պահանջում պատժել բոլոր նրանց, ովքեր բռնություններ էին գործադրում խաղաղ բնակչության նկատմամբ: Խորհրդային բանակի սպա Օլեգ Կրասնիկին ելույթ ունենալով Երևանի Ազատության հրապարակում մայիսի 24-ին տեղի ունեցած հանրահավաքում՝ հայտարարեց. «Ես չեմ ուզում ծառայել խորհրդային զինված ուժերում... այն պատճառով, որ վերջին ժամանակներս բանակը կատարում է պատժիչ գործողություններ՝ խաղաղ բնակչության նկատմամբ»:²

Սակայն այդ չափազանց չարված շրջանում Հայաստանի իշխանությունները սկսել էին հրաժարվել Արցախի հիմնախնդրից: Երբ 1991թ. հունիսի 5-ին ՀՀ Գերագույն խորհրդի նստաշրջանում բնարկվում էր «Հանրապետության քաղաքական վիճակի մասին» հարցը, պատգամավոր Իգոր Մուրադյանը, վերլուծելով հանրապետության իշխանությունների վարած քաղաքականության սխալներն ու թերությունները, առաջարկեց պաշտոնազրկել Լևոն Տեր-Պետրոսյանին: Վերջինս քննարկումն ամփոփելիս գրպարտեց ինչպես Իգոր Մուրադյանին, այնպես էլ արցախահայությանը, որի պայքարի ալիքների վրա հասել էր իշխանության: Նա երևանաբնակ արյուխցիներին մեղադրում էր Մոսկվայի կամակատարները դառնալու և այն բանի մեջ, որ իբր նրանք սկսել էին «ժողովրդի մտքերը խռո-

¹ Ազգ. 25.05.1991:

Հայաստանի Հանրապետություն, 4.06.1991:
Հայաստանի Հանրապետություն, 30.05.1991:

վելու գործարշավ, ցույց տալու համար, իբր Արցախը փրկելու ուրիշ ճանապարհ չկա, եթե ոչ հրաժարվել անկախությունից, հրաժարվել մեր ինքնուրույնությունից»:¹ Դա բացահայտ կեղծիք էր, քանի որ արցախցիները Հայաստանի անկախությանը երբեք դեմ չեն եղել: Ազատության հրապարակում «Արցախ» հայրենակցական միության կողմից դեռևս 1991թ. մարտին հրավիրված հանրահավաքում խստագույն քննադատվեց ՀՀԸ-ական պարտվողական կուրսը, և որոշվեց ճնշում գործադրել խորհրդարանի վրա՝ պահանջելով չնահանջել Ղարաբաղի հիմնախնդրից:² Սակայն Հայաստանի Գերագույն խորհրդում 1991թ. հունիսի 6-ին տեղի ունեցած բանավեճը ցույց տվեց, որ Հայաստանի ՀՀԸ-ական ղեկավարությունն ըստ էության հրաժարվել էր Արցախի նկատմամբ ունեցած պատասխանատվությունից: Մի շարք պատգամավորներ իրենց ելույթներում պնդում էին, թե Ղարաբաղի հայերն իրենք պետք է պաշտպանեն «իրենց ազգային շահերը»՝ մոռանալով 1989թ. դեկտեմբերի 1-ի որոշումը և այն, որ Ղարաբաղը Հայաստանի մասնիկն է:

Հայաստանի ղեկավարությունը փորձում էր այլ կերպ «կարգավորել» բարձրացվող հարցերը: ՀՀԸ-ի համար ընդունելի չէր, որ Լեռնային Ղարաբաղի մարզխորհուրդը ղեկավարում էր մի այնպիսի սկզբունքային անձնավորություն, ինչպիսին Ա.Բաբայանն էր: Նրանց պահանջով Ա.Բաբայանը ստիպված էր հրաժարական տալ: ԼԳԻՄ մարզխորհրդի՝ 1991թ. հունիսի 11-ի նիստն ընդունեց Ա.Բաբայանի հրաժարականը և մարզխորհրդի նախագահի պաշտոնակատար ընտրեց ՀՀԸ-ամենտ Լեռնարդ Պետրոսյանին: Հաշվի առնելով ստեղծված բարդ, վերին աստիճանի խրթին իրավիճակը՝ արցախցիները պետք է մշակեին արտավարության սուր գիծ: Դրանից ելնելով՝ որոշվեց մասնակցել Ադրբեջանի կազմկոմիտեի աշխատանքներին: Հենց այդ նպատակով կազմկոմիտեի հունիսի 18-ին կայացած հերթական նիստին առաջին անգամ մասնակցեցին մարզի ներկայացուցիչները: Երկար վիճաբանություններից հետո որոշվեց ԼԳԻՄ բոլոր ձեռնարկությունները վերանբարկեցնել Ադրբեջանի Սինիստրների խորհրդին: Այդ որոշումն ընդունվեց ՀՀԸ-ի ղեկավարության և Արցախում նրա կամակատարների համաձայնությամբ: Ընդունված որոշումը պետք է կատարվեր տասնօրյա ընթացքում: Լեռնարդ Պետրոսյանի նախաձեռնությամբ հունիսի 24-ին Սոսկվա ուղարկվեց սուր պատվիրակություն /Հենրիխ Պողոսյան, Շմավոն Պետրոսյան, Մաքսիմ Սիրգոյան, Կարեն Բաբուրյան, Գեորգի Պետ-

րոսյան և Լևոն Մելիք-Շահնազարյան/, որի նպատակն էր երկրի դեկավարության հետ քննարկել մարզում իշխանությունները վերականգնելու, Ղարաբաղի հիմնախնդիրը խաղաղ ճանապարհով լուծելու և ադրբեջանական կողմի հետ հնարավոր երկխոսություն սկսելու հարցերը: Պատվիրակությանը հունիսի 27-ին ընդունեց ԽՍՀՄ Սահմանադրական հանձնաժողովի նախագահ Ս.Ալեքսեյը: Այդ հանդիպման ժամանակ Հայաստանից հաղորդումով հանդես եկավ ՀՀ արդարադատության մինիստր Վ.Ստեփանյանը: Ներկայացված էր երկու նախագիծ՝ Հայաստանի և Ադրբեջանի: Ղարաբաղի պատվիրակության անունից ելույթ ունեցավ Կարեն Բաբուրյանը: Որևէ որոշում չկայացվեց: Այն պետք է ընդունվեր երեք շաբաթ անց: Պատվիրակությանը հունիսի 28-ին ընդունեց Արկադի Վոլսկին: Նրա օիջամտությամբ պատվիրակությանը, որին միացել էր նաև Ջորի Բալայանը, հունիսի 29-ին ընդունեց ԽՍՀՄ փոխնախագահ Վ.Յանաևը: Այդ նույն օրը պատվիրակությանն ընդունեց նաև Ա.Լուկյանովը, որը նա հավանություն տվեց պատվիրակության առաջարկություններին: Նա խոստացավ արագացնել երկխոսության կայացումը Ադրբեջանի ղեկավարության հետ, իսկ մարզխորհուրդը վերականգնելու և Ղարաբաղի վիճակն ուսումնասիրելու համար այնտեղ ուղարկել ԽՍՀՄ Գերագույն խորհրդի հանձնաժողով: Արցախի պատվիրակությանն ընունեցին նաև ԽՍՀՄ պաշտպանության մինիստր Դ.Յազովը, Ներքին գործերի մինիստր Բ.Պուգոն, Ներքին գործերի հրամանատար Յու.Շատալինը, գլխավոր դատախազի տեղակալ Տրուբինը և այլ բարձրաստիճան պաշտոնյաներ: Նրանք բոլորն էլ խոստումներ տվեցին, սակայն դրանցից ոչ մեկն էլ չկատարվեց: Մ.Գորբաչովը չընդունեց Լեռնային Ղարաբաղի պատվիրակությանը: Սակայն նա ծանոթ էր պատվիրակության կողմից հունիսի 29-ին իրեն ուղղված մամակի բովանդակությանը: Այդ նախաձեռնումն ընդված էր, որ Լեռնային Ղարաբաղի հարցը փակուղի է սուցվել բոլոր մակարդակների կառավարական մարմինների բազմաթիվ սխալների հետևանքով: Նաև ընված է, որ դրան առանձնապես նպաստել է փոխադարձ առձակատման քաղաքականությունը և երկխոսությունից հրաժարվելը: Նամակում ափսոսանք է հայտնվում, որ արցախցիների երկխոսության կոչն անտեսվել է ոչ միայն Ադրբեջանի ղեկավարության, այլև Սփոյան կենտրոնական իշխանությունների կողմից: Արցախի պատվիրակությունը երկրի նախագահին խնդրել էր միջնորդի դերը հանձնարարել կենտրոնական իշխանության մարմիններին: Նամակի վերջում արցախցի պատվիրակները հույս էին հայտնում, որ «խաղաղ բանակցությունների հիման վրա Ղարաբաղի խնդրի լուծ-

¹ Ավանգարդ, 13.07.1991, ГОЛОС АРМЕНИИ, 10.06.1991:

² Աբրահամյան Հրանտ, Երբ հայրենիքը վտանգի մեջ է, էջ 34:

ման ուղղությամբ ԼԴԻՄ-ի հայկական կողմի բարի կամքի դրսևորման նախաձեռնությունը կարժանանա Ձեր հավանությանն ու համակողմանի աջակցությանը»¹

«Օղակ» գործողության տրամաբանական շարունակությունը եղավ ադրբեջանական օմօնականների և ԽՍՀՄ ներքին գործերի գործողություններն Արցախ-Շահումյանում: 1991թ. հունիսի 5-ին Մարտակերտի շրջանի Հաթերք գյուղ մտան օմօնականները: Հուլիսի 6-ին Շահումյանի շրջանի հայկական գյուղերից դուրս բերվեցին ներքին գործերը: Ազերիները փորձեցին ներխուժել Մանաշիղ, Էրքեջ և Բուզլուխ: Հուլիսի 7-ին Մանաշիղի մոտ կանգնած էին ադրբեջանական 150 բեռնատար ավտոմեքենա գյուղի բնակիչներին և նրանց ունեցվածքը տեղափոխելու համար: Շահումյանի գյուղերում տեղակայված խորհրդային բանակի հրամանատարությունը հուլիսի 13-ին շրջանի բնակիչներից պահանջեց երեք օրվա ընթացքում տեղափոխվել Հայաստան: Խորհրդա-արդրբեջանական համատեղ ուժերը հուլիսի 14-ին ներխուժեցին Մանաշիղ ու Բուզլուխ և դուրս քշեցին բնակիչներին, որոնք ստիպված տեղափոխվեցին Վերիշեն: Հայկական այդ գյուղերը լիովին թալանվեցին ազերի ավազակախմբերի կողմից: Հուլիսի 15-ին Էրքեջը ռմբակոծվեց ՄԻԳ-23 կործանիչ ինքնաթիռների կողմից: Գյուղ ներխուժած զինվորականներն ու օմօնականները հանդիպելով ինքնապաշտպանական ուժերի համառ դիմադրությանը և տալով մեկ տասնյակի չափ զոհեր ու ծանր վիրավորներ՝ հետ նահանջեցին: Հանուն արդարության իրենց ձայնը բարձրացրած և այդ ծանր օրերին Շահումյանում գտնվող Ռուսաստանի ժողովրդական պատգամավոր Անատոլի Շաբաթն ու ռուսական մամուլի ներկայացուցիչ Կիրիլ Ալեքսեևը ձերբակալվեցին և արտաքսվեցին Շահումյանից: Դա կատարվել էր արտակարգ դրության պարետ Գ.Ժուկովի հրամանով, որն այդ իրադարձությունների նախօրյակին խաղաղ բնակչության դեմ ծավալված բռնությունների համար արժանացել էր Ա.Շաբաթի կշտամբանքին:

1991թ. հուլիսին Հայաստանի Գերագույն խորհրդում Արցախի շուրջ ծավալվեց սուր բանավեճ: Մի խումբ պատգամավորների կողմից հուլիսի 9-ին հրապարակվեց մի նախագիծ, որով առաջարկվում էր արցախահայության պայքարը ճանաչել ազգային-ազատագրական: ՀՀ Գերագույն խորհուրդը հուլիսի 15-ին ձեռնամուխ եղավ Արցախի քաղաքական վիճակի վերաբերյալ հարցի քննարկմանը: Դեռևս հուլիսի 5-ի հանրահավաքում «Արցախ» հայրենակցական

միությունը հայտարարել էր, որ Հայաստանում չկա որևէ քաղաքական կուսակցություն, որն ունենա Արցախի ազատագրության նույն ծրագիր, իսկ Ղարաբաղյան համազգային շարժման ակիքի վրա իշխանության եկած ՀՀ-ական ուժերը որևէ նոր բան չեն առաջարկում հիմնախնդիրը լուծելու համար: Իսկ հուլիսի 13-ին «Արլուխ» հայրենակցական միության կողմից Ազատության հրապարակում հրավիրված հանրահավաքն առաջարկեց արցախյան պայքարը ճանաչել որպես ինքնապաշտպանության շարժում: Ըստ այդ հանրահավաքում ընդունված բանաձևի՝ «Հայաստանի նոր ղեկավարությունը փաստորեն ընտրել է անկախության գործընթացի այնպիսի տարբերակ, որը քաղաքական իր պայքարի մեջ Արցախին բաղնում է միայնակ»:² ՀՀ Գերագույն խորհրդի նստաշրջանի օրակարգում քննարկման դրվեց երկու փաստաթուղթ: Դրանցից մեկն «Արցախում հայ ժողովրդի պայքարն ազգային-ազատագրական շարժում ճանաչելու» մասին էր, իսկ մյուսը Ադրբեջանի հետ բանակցություններ սկսելու և փոխզիջման լուծումներ գտնելու վերաբերյալ ԼԴԻՄ-ի աշխատավորության լիազոր ներկայացուցիչների 1991թ. մայիսի 16-ի հայտարարությանը հավանություն տալը:

Երկար բանակցություններից հետո ՀՀ Գերագույն խորհրդի պատգամավորների ՀՀ-ական մեծամասնությունը հրաժարվեց արգելափակումների պայքարը ճանաչել ազգային-ազատագրական: Իսկայն դա չէր նշանակում, թե ՀՀ Գերագույն խորհուրդը անբողջովին երես էր թեթել Արցախը պաշտպանելուց: Շատ պատգամավորներ կանգնած էին արցախահայության շահերը պաշտպանելու դիրքերում, անկախ այն բանից, թե նրա պայքարն ազգային-ազատագրական էր, թե ինքնապաշտպանական:

ԽՍՀՄ Գերագույն խորհրդի նստաշրջանում ԽՍՀՄ ներքին գործերի մինիստր Բ.Պուգոյի անպատասխանատու հայտարարության առջևությամբ ՀՀ Գերագույն խորհուրդը հուլիսի 9-ին հանդես եկավ նոր հայտարարությամբ: Բ.Պուգոն կեղծելով իրավիճակը՝ հայտարարել էր, թե իբր Շահումյանի շրջանի մի շարք գյուղերում, մանավանդ Մանաշիղում, Էրքեջում և Բուզլուխում խաղաղ բնակիչներ չկան, կան միայն գրոհայիններ: ՀՀ Գերագույն խորհուրդը դատապարտեց Մոսկվայի այդ սադրանքը: Հենց Բ.Պուգոյի վրա էր բնկնում այդ ժամանակներում 5000-ից ավելի հայ բնակիչների բռնի ուղղահանման պատասխանատվությունը: ՀՀ Գերագույն խորհուրդը երկրի նախագահից և Գերագույն խորհրդից պահանջեց «հատուկ հանձնաժողով ուղարկել Շահումյանի շրջանի գյուղերում հայ բնակ-

¹ Հայաստանի Հանրապետություն, 7.07.1991:

² Ուրբաթ, 19.07.1991:

չության առկայությունը տեղում պարզելու և պատասխանատվության ենթարկել այն անձանց, ովքեր ապակողմնորոշում են երկրի իշխանության բարձրագույն մարմիններին և դրանով իսկ հրահրում նոր բռնի գործողություններ և տեղահանություններ»¹։

Նովո-Օգարևում տեղի ունեցած բարձր մակարդակի բանակցությունների ժամանակ Այազ Մութալիբովը պահանջեց Լեռնային Ղարաբաղից դուրս բերել «այս գրոհայիններին»։ Դա նշանակում էր Արցախը զինաթափել և Շահումյանը հանձնել ազերիներին։ Այդ ժամանակ՝ 1991թ. հուլիս-օգոստոսին, հակառակորդի հարձակումները լայնածավալ բնույթ էին ստացել մանավանդ Մարտակերտի և Շահումյանի շրջաններում։ ԼՂԻՄ իշխանությունները մեկ անգամ ևս անդրադարձան ադրբեջանական կողմի հետ բանակցություններ սկսելու խնդրին։ Մարզխորհրդի հուլիսի 19-ի նիստում որոշվեց Ադրբեջանի ղեկավարության հետ հանդիպելու և բանակցելու համար հուլիսի 20-ին Բաքու ուղարկել մարզային և շրջանային ղեկավարներից կազմված պատվիրակություն։ Այդ նույն նիստում նաև քննարկվեց և ընդունվեց նամակ, որում շարադրված էին Բաքու մեկնող ԼՂԻՄ պատվիրակության պահանջները Ադրբեջանի ղեկավարությունից։ Առաջարկվում էր քննարկել հետևյալ հարցերը. ժողովրդական պատգամավորների բոլոր մակարդակի իշխանությունների և կուսակցության մարզկոմի ու շրջկոմների վերականգնման կարգն ու ժամկետը, մարզի տարածքից բոլոր տեսակի զինյալ ուժերի անձնակազմի դուրսբերումը, ԽՍՀՄ ներքին գործերի մինիստրության ներքին ուժերի տեղակայումը մարզի սահմաններում, Ղարաբաղի և Շահումյանի շրջանի շրջափակման վերացումը, բռնատեղահանված բնակչությանն իրենց բնակավայրեր վերադարձնելը և Շահումյանի շրջանի վարչատարածքային ամբողջականության վերականգնումը²։

Ադրբեջանի նախագահի նստավայրում ԼՂԻՄ պատվիրակությանը հուլիսի 20-ին ընդունեց Այազ Մութալիբովը։ Պատվիրակության նամակում առաջ քաշված պահանջներից և ոչ մեկը չընդունվեց Ադրբեջանի կողմից։ Ի դեպ, ԼՂԻՄ-ից Բաքու պատվիրակություն մեկնելու մասին Արցախում իմացան հուլիսի 20-ի երեկոյան «ժամանակ» ծրագրի հաղորդումից։ Մարզի բնակչությունը խիստ վրդովնումըով ընդունեց այդ լուրը, քանի որ Բաքու պատվիրակություն ուղարկելը կատարվել էր գաղտնի, նույնիսկ առանց մարզային ակտիվի իմացության։ ԼՂԻՄ-ի պատվիրակության և Այազ

Մութալիբովի հանդիպման մասին մարզային ռադիոն հաղորդեց միայն հուլիսի 29-ին։ Մարզի բնակչության կրթերը բորբոքվեցին. Շատերը սխալ և չնտածված էին համարում Բաքու պատվիրակություն ուղարկելը, մանավանդ որ մերժել էին բոլոր պահանջները։

1991թ. ամռանը խորհրդա-ադրբեջանական ուժերի կողմից զավթված Գետաշեն-Շահումյան տարածքում սկսվեց պարտիզանական պայքար։ Այդ մասին հուլիսի 31-ին հաղորդվեց ռուսական հեռուստատեսության «Լուրեր» ծրագրով։ Այազ Մութալիբովն այդ նույն հեռուստածրագրով հայտարարեց, թե իբր Լեռնային Ղարաբաղի հարցի կարգավորման գործընթացը կսկսվի ԼՂԻՄ-ում անձնագրային ռեժիմի ստուգումն ավարտվելուց հետո։ Նա ստում էր և փորձում ազդել օր օրի ծավալվող հակաադրբեջանական պայքարի վրա։ Օգոստոսի սկզբին ազերի օմօնականները կրկին շրջապատեցին Հաթերքը։ Այդ գյուղի կանայք Այա Իսկանդերյանի ղլխավորությամբ ստեղծեցին «Փառանձեմ» անվամբ ջոկատ, որին հաջողվեց ինքնապաշտպանական ուժերի հետ միասին օգոստոսի 13-ի գիշերը գերի վերցնել 43 իրազուց թաղկացած խորհրդային մի զորաջոկատ՝ ռազմամթերքով և ռազմական մեքենաներով։ Հաթերքյի կանայք հայտարարեցին, թե գերիներին կազատեն միայն այն ժամանակ, երբ կարձակվեն համագյուղացի այն 15 ինքնապաշտպանները, որոնց ազերի օմօնականները և ներքին զորքերը գերել էին։ Հաթերքում տեղի ունեցածի մասին օգոստոսի 14-ին հաղորդվեց աշխարհի բազմաթիվ լրատվամիջոցներով։ Ղարաբաղյան պայքարի մի քանի ռուս գեներալներ, գնդապետ Վիլեն Մարտիրոսյանը և Հայաստանի պաշտպանության կոմիտեի նախագահ Վազգեն Մարգարյանը։ Հաթերք եկան բավականին թվով զինվորականներ և սպառնացին գյուղը ոչնչացնել։ Սակայն ոչ մի սպառնալիք արդյունք չտվեց։ Օգոստոսի 16-ին Երևանի Ազատության հրապարակում տեղի ունեցած բազմահազարանոց հանրահավաքը «պաշտպանեց հաթերքցիների այդ խիզախ ձեռնարկումը։ «Փառանձեմի» մարտիկ կանայք հեռագիր ուղարկեցին Ս.Գորբաչովին, Բ.Ել-զինին և Ջիմվորների մայրերի կոմիտեին՝ հայտնելով հետևյալը. «Մարտակերտի շրջանի Հաթերք գյուղի մի խումբ կանայք ուղիղված եղան, իբրև ծայրահեղ միջոց, պատանդ վերցնել ավելի քան 30 զինվորի և սպաների ԽՍՀՄ ՆԳՆ ներքին զորքերից։

Ադրբեջանական օմօնի բանդաները ԽՍՀՄ ՆԳՆ ներքին զորքերի օգնությամբ երկար ժամանակ պատանդ էին վերցնում հայերին, հանձնում ադրբեջանցիների տնօրինությանը. Այսպես՝ վերջին կրկ անսվա ընթացքում օմօնականները ներքին զորքերի աջակ-

¹ Ուրբաթ, 11.07.1991:

² Арутюнян В.Б., նշվ. աշխ., մաս 4, էջ 53-55:

ցությամբ բռնագաղթեցրել են տասնյակ հայկական գյուղերի բնակիչների, կալանքի տակ առել 500 մարդու: Ժողովրդի համբերության բաժակը լցվել է: Այսօր պատանդ դարձան նրանք, ովքեր բռնության գործիք էին օժանականների ձեռքին:

Արցախի մայրերը մեկ պայման են դնում՝ վերադարձնել իրենց զավակներին, որոնք գտնվում են ադրբեջանական կալանատներում...»¹

Օգոստոսի 18-ին Հաթերք ժամանեց ԽՍՀՄ ժողովրդական պատգամավոր, գնդապետ Ն.Սիմոնովը զինվորների մի խումբ մայրերի հետ: Նրանք ստուգելով պատանդ զինվորների վիճակը և հանդուգվելով, որ նրանք գտնվում են ընդունելի պայմաններում՝ բանակցությունների մեջ են մտնում «Փառանձեմի» հետ: Գեներալ Ստարիկովը հայտնում է, որ Վ.Պոլյանիչկոն պահանջում է բանակը գործադրել Հաթերքի դեմ և ազատել պատանդ զինվորներին: Ն.Սիմոնովը այդ մասին հեռագրով հայտնում է Բ.Ելցինին և Վ.Յանակին: Ի վերջո նրանք ստիպված էին համաձայնվել «Փառանձեմի» առաջարկած պայմանների հետ և կատարել պատանդների փոխանակում:²

1991թ. օգոստոսի 19-ին մոսկովյան հեռուստատեսությունն ու ռադիոն աշխարհին տեղեկացրին, որ ԽՍՀՄ-ում տեղի է ունեցել պետական «հեղաշրջում»: Երկրի վրա է նախագահ Ս.Գորբաչովը, և իշխանությունն անցել է Արտակարգ դրության պետական կոմիտեի /ԱԴՊԿ/ ձեռքը: Վ.Պոլյանիչկոն անմիջապես ցուցում տվեց Լեռնային Ղարաբաղում իրագործել ԱԴՊԿ-ի բոլոր պահանջները: Պարետ Գ.Ժուկովը նույնիսկ պահանջեց «Խորհրդային Ղարաբաղ» թերթում տպագրել ԱԴՊԿ-ի բոլոր փաստաթղթերը, սակայն խմբագրությունը հրաժարվեց կատարել նրա պահանջը: Մարզգործկոմի անդամները օգոստոսի 19-ի երեկոյան հավաքվելով՝ քննարկեցին ԱԴՊԿ-ի հայտարարությունը և որոշեցին ոչ մի կարծիք չհայտնել տեղի ունեցածի վերաբերյալ: Մարզգործկոմը այդ նույն օրը ժամը 14-ին հրավիրեց նաև պետամվտանգության և ներքին գործերի մարզային վարչությունների, դատախազության և ռազմական պարետության աշխատողների խորհրդակցություն, որտեղ նրանք պետք է հայտնեին իրենց կարծիքները ԱԴՊԿ-ի վերաբերյալ: Վ.Պոլյանիչկոն տե-

¹ Голос Армении, 17.08.1991.

² «Փառանձեմի» գործունեության մասին տե՛ս Голос Армении, 17, 22, 29.08.1991: Արկադի Տեր-Թադևոսյանը հետագայում նշել է, որ այդ գործողությունը կատարվել է ինքնապաշտպանական ջոկատի ակտիվ մասնակցությամբ /Առավոտ, 27.06.1998/:

ղեկանալով այդ մասին՝ փորձում է նույն ժամին իր մոտ հրավիրել այդ մարդկանց, սակայն ձախողվում է: Վ.Պոլյանիչկոյի ղեկավարած կազմկոմիտեն հոգեվարքի մեջ էր: Դրանից հետո մարզի օրինապահ մարմիններն այլևս չճանաչեցին կազմկոմիտեին և չէին կատարում Վ.Պոլյանիչկոյի պահանջները:

Օգոստոսի 21-ին խռովությունը ճնշվեց: Թվում էր, թե դարաբաղյան իրադարձություններն այլ ընթացք կստանային, սակայն դա տեղի չունեցավ: Չորրորդ բանակի հրամանատար գեներալ Սուկոլովը և 23-րդ դիվիզիայի հրամանատար գնդապետ Բուդեյկինն անտեսելով ԽՍՀՄ պաշտպանության նոր միմիստր Ե.Շապոշնիկովի՝ կրակը դադարեցնելու և Շահումյանի շրջանի Վերիշեն գյուղից գործերը հետ քաշելու մասին հրամանը՝ շարունակում էին կատարել Ա.Մուխալիբովի և Վ.Պոլյանիչկոյի հրամանները: Չորի Բալասանը երկրի բարձրագույն իշխանություններին օգոստոսի 23-ին ուղարկած հեռագրում պահանջում էր պատասխանատվության ենթարկել խուճուխի գործակալ Վ.Պոլյանիչկոյին, որի գլխավորությամբ էին իրագործվել Արցախում տեղի ունեցած վերջին վայրագությունները:՝ Օգոստոսի 23-ին ԱԴՊԿ մարզգործկոմը բաց նահանակ հղելով ԽՍՀՄ նախագահ Ս.Գորբաչովին, ՌԽՖՍՀ նախագահ Բ.Ելցինին և ԽՍՀՄ Գլխավոր դատախազությանը՝ պահանջեց պատասխանատվության ենթարկել Լեռնային Ղարաբաղում իրագործվող հանցագործությունների պարագլուխներին, որոնք խուճուխի կողմնակիցներից էին:²

1991թ. օգոստոսյան այդ օրերին «Արցախ» ռադիոկայանը Խտեփանակերտում տարածեց արցախահայությանն ուղղված՝ «Արցախի ազատության մարտիկների» դիմումը, որտեղ ասված է, որ «հայերի զանգվածային բռնատեղահանումը լրիվ մերկացրին Բաքվի կարմիր բանակի բասմաչների հրեշավոր լուծույնը»: Դիմումի հեղինակները բացասական գնահատելով Ա.Մուխալիբովի հետ հուլիսի 20-ի բանակցությունները՝ հանգում էին հետևյալ եզրակացության. «Հողն ու ազատությունը պահելու միակ ուղին պայքարն է: Բնությունը ոչնչացնում է նրանց, ովքեր հպատակվում են: Այսօր ողջ Արցախով մեկ վառվում է պարտիզանական պատերազմի կրակը: Բռնատեղահանված գյուղերի բնակչությունը ջոկատներ կազմելով՝ լի է իր տները գեների ուժով ետ բերելու վճռականությամբ: Հողը պիտի այրվի օկուպանտների ոտքերի տակ»: Արցախի

Ուլուբաբյան Բագրատ. Արցախյան գոյապայքարի տարեգրություն, էջ 265-266, Երկիր, 2.09.1991:
Ուրբաթ, 30.08.1991:

ազատամարտիկներն իրենց սուրբ պարտքն էին համարում պաշտպանել հայրենի հողն ու ազատությունը:¹

Այդ օրերի եզրափակիչ գործողությունը եղավ օգոստոսի 29-ին Բաքվում տեղի ունեցած Ադրբեջանի Գերագույն խորհրդի արտահերթ նստաշրջանը, որն ընդունեց ադրբեջանական պետության անկախության վերականգնման մասին Հռչակագիր: Ըստ էության՝ դա նշանակում էր, որ Ադրբեջանը դուրս էր գալիս ԽՍՀՄ կազմից: Հռչակագրում ասված է, որ նորանկախ Ադրբեջանի հանրապետությունն ընդգրկված է լինելու 1918-1920թթ. մուսավաթական Ադրբեջանի հանրապետության սահմաններում: Փաստորեն Բաքուն հրաժարվեց լինել խորհրդային Ադրբեջանի իրավահաջորդը: Հետագայում՝ նույն թվականի հոկտեմբերի 18-ին, Ադրբեջանն ընդունելով նոր սահմանադրություն՝ վերականգնեց մուսավաթական Ադրբեջանի Հանրապետությունը, որը ոչ մի պետության իրավահաջորդը չէր. չուներ այլ պետությունների կողմից ճանաչված սահմաններ և իր կազմում չուներ ոչ Նախիջևանը և ոչ էլ Լեռնային Ղարաբաղը:²

Սեպտեմբերի 8-ին նշանակված էին Ադրբեջանի նախագահի ընտրությունները: Նախագահի հիմնական թեկնածուն Այազ Մութալիբովն էր, որը հատուկ խնդրել էր Մ.Գորբաչովին մինչև ընտրությունների օրը Շահումյանից դուրս չբերել չորրորդ բանակի 23-րդ դիվիզիան: ԼՂԻՄ մարզխորհրդի գործկոմը դեռևս օգոստոսի 5-ին քննարկել էր Ադրբեջանի նախագահի ընտրություններին արցախցիների մասնակցության հարցը և որոշել հավանություն տալ Ադրբեջանի հանրապետության նախագահի ընտրություններին մարզի բնակչության մասնակցությանը, եթե նախագահի ընտրություններին համատեղ անցկացվեն նաև մարզխորհրդի ժողովրդական պատգամավորների ընտրություններ: Այդ որոշումը սկզբում մամուլում չիրապարակվեց և գաղտնի էր պահվում մարզի բնակչությունից:³ Այնուամենայնիվ արցախցիները չմասնակցեցին Ադրբեջանի նախագահի ընտրություններին:

Ադրբեջանի Գերագույն խորհրդի արտահերթ նստաշրջանի ընդունած Հռչակագիրն արցախահայությանը կանգնեցրեց նոր ու ճակատագրական խնդրի առջև: Ադրբեջանն իրեն դուրս բերելով ԽՍՀՄ կազմից՝ հույս ուներ իր հետ տանել նաև ԼՂԻՄ-ը: ԽՍՀՄ Գերագույն խորհրդի 1990թ. ապրիլի 3-ի որոշման երրորդ հոդվածով Միությունից դուրս եկող հանրապետության սահմանների մեջ

¹ Նույն տեղում:

² Манасян А.С., նշվ. աշխ., նաև Երկիր, 30.08.1991:

³ Ազատամարտ, 23.08.1991:

գտնվող ազգային-վարչական միավորները լիակատար իրավունք ունեին տնօրինելու իրենց ճակատագիրը՝ ԽՍՀՄ-ից դուրս գալ բաժանվող հանրապետության հետ միասին կամ մնալ ԽՍՀՄ կազմում կամ էլ տնօրինել սեփական բախտը՝ դառնալով սուվերեն պետություն: Այդ որոշմամբ ԼՂԻՄ-ը իրավունք ուներ միանգամայն օրինական ճանապարհով բաժանվել նորանկախ Ադրբեջանի Հանրապետությունից և դառնալով իր սեփական ճակատագրի տերը՝ կիսառել անկախության իր իրավունքը:

Միանգամայն հստակ էր, որ խորհրդային կայսրության հետ մեկտեղ փլուզվում էր գաղութային Ադրբեջանը, որին այդպիսին էր դարձրել խորհրդային իրավակարգը: Ուստի պետք էր շտապել և ձեռքից բաց չթողնել ստեղծված պատմական պահը: 1991թ. սեպտեմբերի 2-ին Ստեփանակերտում տեղի ունեցավ ժողովրդական պատգամավորների Լեռնային Ղարաբաղի մարզային և Շահումյանի շրջանային խորհուրդների համատեղ նստաշրջան՝ բոլոր մակարդակների պատգամավորների մասնակցությամբ: Նստաշրջանը բազմակողմանիորեն քննության առնելով ստեղծված իրավիճակը՝ ընդունեց որոշում և «Հռչակագիր»՝ ԼՂԻՄ և դրան կից Շահումյանի շրջանի սահմաններում Լեռնային Ղարաբաղի Հանրապետություն /ԼՂՀ/ հռչակելու մասին:¹

Նստաշրջանը քննարկեց նաև մարզային խորհրդի խնդիրներն ու անելիքները՝ կապված հեղաշրջման հետևանքով երկրում ստեղծված իրավիճակի հետ: Այդ նույն օրը տեղի ունեցած ԼՂԻՄ մարզխորհրդի արտահերթ նիստը հանրապետության գործկոմի նախագահի պաշտոնակատար ընտրեց Լեռնարդ Պետրոսյանին:

ԼՂԻՄ մարզխորհրդի նստաշրջանը համապատասխան դիմումներ հղեց ԽՍՀՄ ժողպատգամավորների 5-րդ արտակարգ համագումարին, Ռուսաստանի նախագահին և Լեռնային Ղարաբաղի ու ադրբեջանական ժողովուրդներին:

4. Հայերի տեղահանումները որպես Ադրբեջանի պետական քաղաքականություն

Ադրբեջանահայությունը կարևոր դեր է խաղացել Բաքվի, Գանձակի, Մինգեչաուրի և Ադրբեջանի այլ քաղաքների ու բնակավայրերի սոցիալ-տնտեսական շինարարության և մշակութային կյանքի զարգացման գործում: Հայերի ստեղծարարությունը և հասարակական, տնտեսական ու մշակութային կյանքում ունեցած

¹ Հայաստանի Հանրապետություն, 3.09.1991:

նվաճումները խիստ անհանգստացնում էին ազերիներին: Ադրբեյջանից հայերին բռնագաղթեցնելու և նրանց ունեցվածքը հափշտակելու պանթուրքական քաղաքականությունը վաղուց էր դարձել Ադրբեյջանի պետական քաղաքականությունը:¹

Ադրբեյջանահայության նկատմամբ ազերիների բնաջնջման քաղաքականությունն ավելի արմատավորվեց խորհրդային իշխանության տարիներին: Նախապատերազմյան և հետպատերազմյան տարիներին հազարավոր հայ ընտանիքներ ստիպված էին Ադրբեյջանից հեռանալ Հայաստան, Վրաստան, Ռուսաստան, Միջին Ասիա և այլ տեղեր: Ադրբեյջանից հայերի բռնագաղթեցման և արտաքսման պետական քաղաքականությունը նոր ծավալ ընդունեց մանավանդ Ղարաբաղյան շարժման տարիներին:

Ղարաբաղյան շարժման սկզբից Ադրբեյջանի պետական քարոզչությունը բացահայտ ռազմարշավ էր սկսել հայության դեմ: Այդ ամենը կատարվում էր կոմունիստական վարչակարգի ղեկավարությամբ: Ադրբեյջանի իշխանությունների այդ քաղաքականության առաջին գոհեղը դարձան Չարդախլուն և հարևան մի շարք հայկական գյուղեր:

Ադրբեյջանի իշխանությունները վաղուց էին ձգտում Շուշին լրիվ «մաքրել» հայերից: Նրանց բռնությունների հետևանքով 1988թ. մայիսին և սեպտեմբերին այնտեղից հայերը լրիվ հեռացան:

1988թ. նոյեմբերի վերջից Ադրբեյջանում սկսվեցին հայերի զանգվածային ջարդեր: Այդ օրերին հայերի զանգվածային ջարդեր տեղի ունեցան Նախիջևանում, Շամախիում, Խանլարում, Մինգեչաուրում, Նուխիում, Աղզամում, Շամխորում և այլուր: Վիճակը շատ ծանր էր մանավանդ Գանձակում /Կիրովաբադ/, որտեղ այդ ժամանակ բնակվում էր 45000 հայ, որոնցից 32000-ը՝ հայկական թաղամասում: Գանձակի հայերի դեմ առաջին հարձակումը տեղի ունեցավ 1988թ. փետրվարի 28-ին, երբ հայկական թաղամաս ներխուժեցին շուրջ 1000 ազերիներ: Հայերը պաշտպանվելու նպատակով հավաքվել էին հայկական եկեղեցում: Նոյեմբերի 22-ին հայկական թաղամասում տարերայնորեն հանդես եկան ինքնապաշտպանական խմբեր, և ստեղծվեց հայերի պաշտպանության կոմիտե: Այդ նույն օրը ազերիների գազազած ամբոխը կրկին ներխուժեց հայկական թաղամաս: Տեղի երիտասարդության գլխավորությամբ կազմակերպեցին հայկական թաղամասի հերոսական պաշտպանությունը: Հայերը զրկված էին ջրից, դեղորայքից և բժշկական օգնությունից:

¹ Այդ հարցերի մասին մանրամասն տե՛ս **Վ.Խոջաբեկյանի, Գ.Ավագյանի և Ա.Չոբանյանի** նշված աշխատություններում:

Քաղաքի հայ բնակչության գրեթե քառորդ մասը զրկվեց ունեցվածքից: Թալանվել և հրկիզվել էին 1028 բնակարան: Նոյեմբերի 23-ին խորհրդային բանակի զորամասերը մտան Գանձակ, որտեղ որոշակի կարգ ու կանոն հաստատեցին:¹

Այդ ծանր օրերին գանձակեցի հայերին օգնության հասան Արցախից, Խանլարի և Շահումյանի շրջաններից: Ստեփանակերտից Գրիգոր Աֆանասյանը և Ռազմիկ Պետրոսյանը Գանձակի հայերին հասցրեցին պաշտպանության միջոցներ, այլև սննդամթերք, հագուստեղեն և դեղորայք:

Իրավիճակը խիստ բարդացել էր նաև Հայաստանում, որտեղ ապրում էին շուրջ 160000 ադրբեյջանցիներ: Դեռևս 1987թ. վերջից և 1988թ. սկզբից սկսած՝ հարյուրավոր ադրբեյջանցի ընտանիքներ վաճառելով կամ փոխարինելով իրենց տները, տանելով ամբողջ գույքը՝ հեռանում էին Կապանի, Արարատի և այլ շրջաններից և տեղափոխվում Նախիջևան, Սումգայիթ, Շուշի կամ Բաքու: Նրանք հազար ու մի կեղծ լուրեր էին տարածում և իրենց ազգակիցներին զրգռում հայերի դեմ: 1988թ. ամառվանից սկսած զանգվածային էր դառնում բնակարանների փոխանակումը: Օր օրի մեծանում էին Հայաստանից գնացող ադրբեյջանցիների և Ադրբեյջանից եկող հայ փախստականների թիվը:

Ադրբեյջանահայության նկատմամբ Ադրբեյջանի պետական ահաբեկչության քաղաքականությունը կենտրոնական իշխանությունների դիմադրությանը չէր հանդիպում: Ադրբեյջանի իշխանություններն իրականությունը շրջելով՝ աշխարհով մեկ աղաղակում էին, թե իբր Ադրբեյջանից հայերը հեռանում են իրենց ցանկությամբ, իսկ Հայաստանից ադրբեյջանցիները բռնագաղթվում են ջարդված ու քալանված: Ա.Վեզիրովը 1988թ. օգոստոսի 24-ին Ա.Հարությունյանին ուղարկած նամակում բողոքում է Հայաստանում ապրող «ադրբեյջանցիների ծանր վիճակի» համար: Նա հայտնում էր, որ 1988թ. օգոստոսի 25-ի դրությամբ Հայաստանից Ադրբեյջան է տեղափոխվել 2956 ադրբեյջանցի ընտանիք՝ 13286 մարդ Արարատի, Մասիսի, Ազիզբեկովի, Եղեգնաձորի և այլ շրջաններից: Ըստ Ա.Վեզիրովի՝ նրանք վախից էին թողել իրենց տները և հեռացել Հայաստանից:² Ադրբեյջանի ներքին գործերի մինիստրության տվյալներով 1988թ. փետրվարի 20-ից մինչև հունիսի 28-ը Հայաստանի 8 շրջաններից հեռացել են 3635 ադրբեյջանցի ընտանիք՝ 16291 մարդ, մինչդեռ նույն ժամանակաշրջանում, ըստ Հայաստանի անձնագ-

Мелик-Шахназарян Левон, նշվ. աշխ., էջ 12:
ՀՀ ՀՔԿՊ ԿՊԱ, ֆ.1, ց.127, գ.564, թ.82:

րային ծառայությունների տվյալների, հեռացել էին ընդամենը 1249 ադրբեջանցի ընտանիք՝ 4920 մարդ:¹ Ինչպես երևում է բերված տվյալներից, Ադրբեջանի իշխանությունները չէին խորշում կեղծիքներից: Չեռաբքիթը է մահ այն, որ Ա.Վեզիրովն իր վերոհիշյալ նամակում ոչ մի խոսք չէր ասում այդ ժամանակ արդեն Ադրբեջանի ամբողջ տարածքում հայերի դեմ սկսված գանգաձային բռնարարքների մասին, որի հետևանքով իրենց տներն ու ունեցվածքը թողած հազարավոր հայ ընտանիքներ Ադրբեջանից փախչում էին:

Ադրբեջանից հայերի բռնագաղթը հանընդհանուր բնույթ ստացավ 1988թ. նոյեմբերին: Բաքվում տեղի ունեցող հանրահավաքներում հնչում էին հայերին բնաջնջելու և հանրապետությունից դուրս քշելու կոչեր: Չակառակ դրան՝ 1988-1990թթ. Հայաստանում տեղի ունեցած հանրահավաքների և ցույցերի ժամանակ կոչ էին անում զգույշ լինել ադրբեջանցիների նկատմամբ՝ նշելով, որ նրանք մեղք չունեն, և որ հանցագործներն Ադրբեջանի իշխանություններն ու ազգայնամոլ ուժերն են: Ադրբեջանցիները Հայաստանից զանգվածային հեռացան 1988թ. դեկտեմբերի 7-ի Սպիտակի երկրաշարժից հետո: Երկրաշարժին հաջորդած 18 ամսում բոլոր ադրբեջանցիները Հայաստանից հեռացան: Եթե Ադրբեջանը չփոխհատուցեց այնտեղից հեռացած և իրենց ունեցվածքը թողած հայերին, ապա Հայաստանը լիովին փոխհատուցեց ադրբեջանցիներին: Ադրբեջանի խնայողամարկղներում հայերին պատկանող հսկայական գումարներ էին մնացել, ինչպես նաև մեծ թվով բնակարաններ, այգիներ, հողատարածություններ և այլն: Այդ ամենն ազերիները հափշտակեցին և յուրացրին: Մասնագետների հաշվումներով 1988թ. հոկտեմբերի 1-ի դրությամբ Հայաստանից գնացած Ադրբեջանցիներին փոխհատուցվել է 76 մլն. ռուբլի:² Լեռնային գյուղերից հեռացած և իրենց տները չվաճառած ադրբեջանցիները որպես փոխհատուցում ստացել են 72.5 մլն. ռուբլի:

1979թ. մարդահամարի տվյալներով Ադրբեջանում կար 475.5 հազար հայ: 1988-1990թթ. նրանցից ավելի քան 300,000 բռնագաղթվել էին և թողել 92 հազարից ավելի տուն և բնակարան:³ Հայաստանից գնացած մեկ ազերի ընտանիքին Ադրբեջանում ընկնում էր հայերի թողած ավելի քան 3 բնակարան:

Ադրբեջանի պետական քարոզչությունը կանգ չէր առնում ոչ մի կեղծիքի առաջ, մանավանդ բռնագաղթեցման և թողած սեփա-

կանության փոխհատուցման հարցում: Գրիգոր Ավագյանը 1990թ. մարտի 6-ի Հայկումկուսի կենտկոմի քարտուղար Գալուստ Գալոյանին և «Коммунист» թերթին գրած նամակում մերկացնում էր Վահագադեհին, Անարին և ուրիշների, որոնք աղաղակում էին, թե իբր Ադրբեջանցիները Հայաստանում թողել են ավելի շատ թվով բնակարաններ և 6.5 հազար քառակուսի կիլոմետր տարածք, որը զգալիորեն շատ է, քան Լեռնային Ղարաբաղի տարածքը: Մինչդեռ իրականում Հայաստանից գնացած ադրբեջանցիները զբաղեցնում էին ընդամենը 1.2 հազար քառակուսի կմ. այն էլ ի բնե հայկական տարածք: Ադրբեջանում պետական մասշտաբի կեղծիքը հասել էր նրան, որ նույնիսկ հայտարարում էին, թե իբր Հայաստանից հեռացել է 500 հազար ադրբեջանցի:¹

Ադրբեջանից հայերի բռնագաղթն ուղեկցվում էր ջարդերով և սպանություններով: Միայն 1988թ. սեպտեմբեր-դեկտեմբերին, ոչ լրիվ տվյալներով, բռնագաղթի ժամանակ Ադրբեջանում զոհվել են 270 հայազգի խաղաղ բնակիչներ:²

Հայաստանի իշխանությունները, մանավանդ հայկումկուսը, քայլեր էին ձեռնարկում հանրապետության տարածքում ազգամիջյան ընդհարումները կանխելու և հանրապետությունում թե՛ ադրբեջանցիների և թե՛ մյուս ազգությունների խաղաղ կյանքն ապահովելու համար: Այդ մասին են խոսում արխիվային բազմաթիվ վավերագրեր և նյութեր: Հայկումկուսի կենտկոմի բյուրոն 1988 թ. նոյեմբերի 29-ին քննարկելով «Իրավիճակը հանրապետությունում և այն նորմալացնելու մասին» հարցը՝ նշեց, որ հանրապետությունում, իրոք, վիճակը խիստ բարդացել է, մանավանդ խառը բնակչություն ունեցող շրջաններում: Այդ շրջաններում /Գուգարք, Կալինինո, Գորիս, Վարդենիս և այլն/ թե ադրբեջանցիների և թե հայերի կողմից չեն եղել զենքի օգտագործման փաստեր և մարդկային զոհեր: Նաև նշվեց, որ նոյեմբերի 29-ի դրությամբ Ադրբեջանից Հայաստան են բռնագաղթեցվել 19800 հայեր: Դժվար էր նրանց կենսապայմաններն ապահովել, մանավանդ որ միայն Երևանում չէին աշխատում 161 արդյունաբերական ձեռնարկություն, իսկ 123-ն էլ աշխատում էին կիսով չափ: Օրինապահ մարմիններից պահանջեց արդյունավետ միջոցներ ձեռնարկել «բնակչության անվտանգությունն ապահովելու համար և թույլ չտալ անթույլատրելի երևույթներ և ազգային

¹ Նույն տեղում, ց.87, գ.20, ք.63:

² Իրավունք, 12-18.04.2002:

³ Մելիք-Շահնազարյան Լևոն, նշվ. աշխ., էջ 30:

¹ ՀՀ ՀԲԿՊ ԿՊԱ, ֆ.1, ց. 127, գ. 814, ք. 54, նաև՝ Авакян Григор, նշվ. աշխ., էջ 100:

² Մելիք-Շահնազարյան Լևոն, նշվ. աշխ., էջ 29:

հողի վրա որևէ միջադեպ»¹ Հայկոմկուսի կենտրոնի բյուրոն ղեկ-տեմբերի 4-ին կրկին անդրադարձնալով հանրապետությունում ստեղծված ընդհանուր իրավիճակին՝ որոշում ընդունեց «Հանրա-պետությունում ազգամիջյան ընդհարումներն անհետաձգելիորեն կանխելու վերաբերյալ», որում առաջարկվում էր առանց ուշացնելու վիճակը կարգավորել Գուգարքի շրջանում և կանխել այնտեղի աղբբեջանցիների արտագաղթը:²

Երկրաշարժից հետո Հայաստանից աղբբեջանցիների արտա-գաղթը զանգվածային բնույթ ընդունելու կապակցությամբ Հայկոմ-կուսի կենտրոնի բյուրոն ղեկտեմբերի 22-ին քննարկելով «Հայկա-կան ԽՍՀ-ից աղբբեջանցի բնակիչների զանգվածային մեկնումը և ազգամիջյան հարաբերությունների կայունացման» հարցը՝ ի գիտություն ընդունեց, որ արդեն հանրապետությունից հեռացել էին 135 հազար աղբբեջանցիներ կամ հանրապետությունում ապրող բո-լոր աղբբեջանցիների 78.6 տոկոսը: Հանրապետության գլխավոր դատախազին հանձնարարվեց գործ հարուցել Նրանց նկատմամբ, ովքեր սրում էին ազգամիջյան հարաբերությունները:³ Հայկոմկուսի կենտրոնի բյուրոն 1989թ. հունվարի 3-ին անդրադարձնալով ԽՍՀԿ կենտրոնի և ԽՍՀՄ Սինիստրների խորհրդի 1988թ. դեկտեմբերի 5-ի՝ «Աղբբեջանական ԽՍՀ-ում և Հայկական ԽՍՀ-ում քաղաքացիների սահմանադրական իրավունքների կոպիտ խախտումների մասին» որոշման իրագործմանը և վերլուծելով հանրապետությունում տեղ գտած որոշ սխալներն ու բացթողումները՝ որոշեց ձեռնարկել հա-մապատասխան միջոցներ: Առաջարկվեց կոնկրետ քայլեր կատարել հանրապետության բոլոր քաղաքացիների ունեցվածքն ու սեփա-կանությունը պաշտպանելու համար:⁴

1989թ. հունվարի 14-ին դարձյալ անդրադարձնալով հանրա-պետությունում կուսակցական պետական և տնտեսական մարմին-ների կողմից ազգամիջյան հարաբերությունների հարցում թույլ տված սխալներին՝ Հայկոմկուսի կենտրոնի բյուրոն ի գիտություն ընդունեց, որ արդեն Հայաստանից հեռացել էին 145 հազար աղբբեջանցիներ, որոնցից 94 հազարը միայն նոյեմբերի 24-ից հետո: Այդ ընթացքում ազգամիջյան հողի վրա տեղի ունեցած ընդհարումների առթիվ հարուցվել էր 154 քրեական գործ:⁵ Ազգա-

միջյան ընդհարումները չկանխելու համար հանրապետությունում ԽՍՀԿ շարքերից հեռացվել էին 13 ղեկավար աշխատողներ, զբա-ղեցրած պաշտոններից ազատվել էին 24-ը, 68-ը ստացել էին կու-սակցական տույժ: Կուսակցական տույժ էին ստացել նաև օրինա-պահ մարմիններում աշխատող 12 պաշտոնյաներ:¹ Բնական է, որ Աղբբեջանում կատարվում էին ավելի շատ հակահայկական գոր-ծողություններ:

Հայկոմկուսի կենտրոնի բյուրոն 1989թ. հունիսի 21-ին քննար-կելով ԽՍՀՄ Սինիստրների խորհրդի նույն թվականի ապրիլի 15-ի որոշումը՝ միանտորեն առաջարկվեց ստեղծել միջհանրապետական հանձնաժողով, որը Աղբբեջանի և Հայաստանի միջև ազգամիջյան հարաբերությունները կարգավորելու նպատակով պետք է ընդուներ գործողության ծրագիր և զբաղվեր բռնագաղթվածներին իրենց մշտական բնակավայրերը վերադարձնելու գործով:²

Աղբբեջանում հայերի նկատմամբ իրագործված բռնարարք-ներն ավելի դաժանորեն դրսևորվեցին Բաքվում, որտեղ ապրում էին ավելի քան 200 հազար հայեր: 1990թ. հունվարյան օրերին, ինչպես վերը նշվեց, Բաքվում, փաստորեն, իշխանությունը գտնվում էր ժող-նակառի ձեռքում: Ա.Վեգիրովը հունվարի 13-ին հանդիպելով ժողնակառի պարագլուխների հետ՝ դրվատեց Նրանց հանցագոր-ծությունները: Բաքվում նույնպես հայերի ջարդը և Նրանց քաղաքից արտաքսելը կրում էր կազմակերպված բնույթ: Սոսկվան Բաքվի սարսափելի իրադարձություններին արծազանքեց միայն հունվարի 19-ին: Այդ օրը Ս.Գորբաչովը հաստատեց Աղբբեջանում արտակարգ դրության կառավարում ստացնելու վերաբերյալ հրամանը: Դրանից հետո միայն հունվարի 20-ից մինչև փետրվարի 11-ը Աղբբեջանում սպանվեց 38 զինծառայող:³

Աղբբեջանից հայերի բռնագաղթն ու տեղահանումը նոր ծա-վալ ընդունեց 1991թ. ապրիլ-հունիսին: Անձնագրերի ստուգման ան-վան տակ Արցախում և Շահումյան-Գետաշենում հարյուրավոր հայեր ձերբակալվեցին: Ինչպես տեսանք, 1991թ. ապրիլի վերջին գործողության մեջ դրված «Օղակ» գործողության հետևանքով Գե-տաշենից և Մարտունաշենից բռնագաղթվեց այդ գյուղերի հայ բնակչությունը: Դրան հաջորդեցին Բերդաձորն ու Հաղորսի շրջա-նը: Հայկական գյուղերից բնակչությանը բռնի տեղահանելու համար Աղբբեջանի իշխանությունների կողմից մշակվել էր հատուկ հրա-

¹ ՀՀ ՀՔԿՊ ԿՊԱ, ֆ. 1, ց. 82, գ. 30, ք. 7-8:

² Նույն տեղում, ք. 13-17:

³ Նույն տեղում, ք. 65-68:

⁴ ՀՀ ՀՔԿՊ ԿՊԱ, ֆ. 1, ց. 83, գ. 50, ք. 5-9:

⁵ Նույն տեղում, ք. 42:

¹ Նույն տեղում, ք. 43, 44-48:

² Նույն տեղում, գ. 57, ք. 46:

³ Սոսետլա Ի., Հովմանյան Ա., նշվ. աշխ., էջ 40:

հանգ, ըստ որի 2-3 օր առաջ ԽՍՀՄ ներքին գործերը շրջապատում էին գյուղը, իսկ ազերի օմօնականները ներխուժելով այնտեղ՝ թալանում էին բնակարանները, գործադրում ծեծ ու ջարդ և գյուղացիներից պահանջում թողնել գյուղը: Թալանի նպատակով հաճախ ազերի օմօնականների հետ գյուղ էին ներխուժում նաև զինվորականներ և քաղաքացիական անձնավորություններ: Գյուղերի հայ տղամարդկանց տանում էին ադրբեջանական շրջկենտրոններ՝ Ֆիզուլի, Շուշի, Ջաբրայիլ, Լաչին, և ծեծի ու ծաղրանքի ենթարկելով՝ ստիպում ստորագրել դիմումներ՝ մշտական բնակավայրերից իբր կամավոր հեռանալու մասին: Հետո մի ամիս անց բաց էին թողում, իսկ ոմանց դեմ էլ քրեական գործ էին հարուցում: Անկախ նրանից, թե կամավոր հեռանալու վերաբերյալ «դիմում» էին ստորագրել թե ոչ, բոլորին գեների ուժով լցում էին ավտոմեքենաները և տեղափոխում հայ-ադրբեջանական սահման: Առաքել գյուղի բնակիչ Ա. Ծատուրյանի վկայությամբ՝ մայիսի 12-16-ը բռնի ուժով ավտոմատների փողերի ներքո իրենց գյուղի բնակիչներին հարկադրել են փաստաթուղթ ստորագրել, իբր ուզում են ապրել Հայաստանում և խնդրում են իրենց տեղափոխել այնտեղ: Բարբարոսները անձնագրերի ստուգման պատրվակով խուզարկել էին գյուղի բոլոր բնակարանները, թալանել էին ամեն ինչ, ամբողջ անասունը և թռչունները: Հաղորդի շրջանի Ջրաբերդ գյուղից 104-ամյա Թագուհի Սարգսյանը Հայաստանի Գերագույն խորհուրդ ուղարկված նամակում գրել է, որ օրը ցերեկով իրենց տուն ներխուժած խուժանը ռուս զինվորի հետ ինչ-որ թուղթ տվեցին և ստիպեցին ստորագրել: «Ես, - շարունակում է այժեհր կինը, - չափտի տեսնեի, թե ինչ արեցին զինված երիտասարդները փեսայիս ու աղջկաս հետ: Մեզ կիսամերկ լցրին բեռնատարն ու տարան... Մեծահասակներից մեկը՝ եղիկ Ալեքսանյանը, մահացավ ճանապարհին»:¹

Ահա նման վայրագություններով 1991թ. ապրիլի 30-ից մինչև մայիսի 20-ը բռնի տեղահանվեցին Խանլարի շրջանից՝ Ազատ, Մարտունաշեն և Գետաշեն, Շուշիի շրջանից՝ Մեծ շեն, Ծաղկածոր, Եղծահող և Հիմ շեն, Հաղորդի շրջանից՝ Արևաշատ /Դոլանլար/, Եղծահող և Հիմ շեն, Հաղորդի շրջանից՝ Արևաշատ /Դոլանլար/, Ծամծոր, Քարագլուխ, Ցոր, Ջրաբերդ /Մյուլքաղարա/, Կարմրաքար /Բինյաթու/, Սարի շեն /Շաղախ/, Սարալանջ /Տիլան/, Քարինգ /Արփանյաղու/, Խանծածոր /Աղջաքենդ/, Պետրոսաշեն, Սպիտակաշեն, Բանածոր /Բանագուր/ և Առաքել /Առաքյուլ/ գյուղերը, շուրջ 10 հա-

զար մարդ:¹

Հայկական գյուղերի բռնագաղթը, սպանությունները, խոշտանգումները հիմնականում կատարում էին ազերի օմօնականները: Նաև եղել են դեպքեր, երբ խորհրդային զինվորները կամխել են հայկական գյուղերի բռնագաղթեցումը: Երբ ազերի օմօնականները 1991թ. մայիսի 15-ին փորձեցին տեղահանել Քարին տակ գյուղը, խորհրդային զինվորականները դա կամխեցին և գյուղից դուրս քշեցին օմօնականներին: Կամ, ուրիշ օրինակ, երբ Հաղորդի շրջանի Ցոր գյուղի բնակիչները 1991թ. մայիսի 21-ին հետ վերադարձան իրենց գյուղը, և օմօնականները կրկին փորձեցին նրանց տեղահան անել, ԽՍՀՄ ներքին գործերի զինվորները թույլ չտվեցին: ԽՍՀՄ ներքին գործերի ավագ լեյտենանտ Ա.Բեգրուչկոն վկայություն է տվել, թե ազերի օմօնականներն ինչպիսի բռնություններ են գործել Հաղորդի շրջանի հայկական գյուղերում: Բռնագաղթեցման ժամանակ միայն Հաղորդի և Բերդածորի գյուղերում զոհվել են 5 խաղաղ բնակիչներ:²

Ադրբեջանի իշխանություններն օմօնականների ձեռքով անձնուր հալածում էին հայերին և նրանց ենթարկում տանջանքների: 1991թ. մայիսի 15-ին Շուշիի շրջանի հայկական գյուղերից Լաչին տարվեցին 120 տղամարդ, որոնցից 43-ը պահվեցին կալանատներում ու բանտերում և ենթարկվեցին կտտանքների:

Ա.Սախարովի հիշատակին նվիրված «Խաղաղություն, առաջընթաց, մարդու իրավունքներ» առաջին միջազգային կոնգրեսի փորձագետների խմբի՝ 1991թ. մայիսի 25-29-ը հայ-ադրբեջանական տահմանային գոտի կատարած ուղևորության և բռնագաղթեցման վերաբերյալ ստուգումների արդյունքների հաշվետվության մեջ նշված է, որ կատարվել է մի շարք գյուղերի լիակատար բռնի տեղահանություն, որի հետևանքով տուժել են հազարավոր հայեր: Գետաշեն, Բերդածոր և Հաղորդ գյուղերի բնակչությանն ապրիլի 30-ին, մայիսի 6-ին և մայիսի 14-16-ը շրջապատել էին տանկերով, ուղղափոռներով և զրահամեքենաներով զինված խորհրդային ներքին գործերը: Նրանք ադրբեջանական օմօնի հետ ներխուժում էին գյուղերը, կալանում բնակիչներին, սպանում, խոշտանգում և ահաբեկում մարդկանց, ապօրինաբար բռնագրավում էին նրանց տները, ավտոմեքենաները, անասուններն ու անձնական ունեցվածքը: Այդ գործողություններից մի քանիսին ներկա են եղել և դրանք անձամբ դե-

¹ Աբրահամյան Գրանտ, Արցախյան գոյամարտ, էջ 82-83, Առյժի՝ Երբ հայրենիքը վտանգի մեջ է, էջ 54-57:

² Вермишева Седя, նշվ. աշխ., էջ 11:

կավարել Ադրբեջանի ներքին գործերի մինիստրի առաջին տեղակալ Մամեդովը, շրջագործկոմի նախագահը, շրջանային ներքին գործերի բաժնի պետը և ՊԱԿ-ի նախագահը: Օմտնականները բնակչությանը ստիպում էին «կամավոր հիմունքներով» մեկնելու մասին դիմումներ ստորագրել:¹

Ադրբեջանի իշխանություններից հաջորդ հարվածը կրեց Շահունյանի շրջանը, որի մոտ 15 հազար հայ բնակիչները ստիպված էին 1992թ. ամռանը հերոսական մարտեր մղելով՝ հեռանալ իրենց օջախներից: Օրագրվում էր հայաթափել ամբողջ Ադրբեջանը և Ղարաբաղը, սակայն բռնագաղթեցնելու Ադրբեջանի պետական բաղաձայնությունը դեմ առնելով Արցախի պատմեշին՝ փշուր-փշուր եղավ:

Այսպիսով, սկսած 1988թ. գարնանից, երբ արցախյան պայքարը վերածվել էր համազգայինի, մինչև 1991թ. սեպտեմբերը, մինչև Լեռնային Ղարաբաղի Հանրապետության /ԼՂՀ/ ստեղծումը այն աստիճանաբար ընդլայնվում էր: Այն ավելի սրվեց ԽՍՀՄ Գերագույն խորհրդի նախագահության 1988թ. հուլիսի 18-ի նիստից հետո: Մոսկվան և Բաքուն իրենց հակահայկական նոր դրսևորումներով ավելի էին սրում հակամարտությունը, մասնավոր երբ Սպիտակի երկրաշարժից հետո «Ղարաբաղ» կոմիտեի և շարժման այլ ղեկավարներ մետվեցին բանտ: Մոսկվան արցախյան շարժումը կասեցնելու համար ստեղծեց Լեռնային Ղարաբաղի Հատուկ կառավարման կոմիտե, որը, սակայն, չկարողացավ երկար գոյատևել: Մեկ տարի անց այն լուծարվեց, և Արցախը հանձնվեց Ադրբեջանի հոշոտմանը: Արցախ-Ղարաբաղը Հայաստանի հետ վերամիավորվելու համար պայքարը նոր թափ առավ 1989-1991թթ., որի արդյունքում ստեղծվեց Լեռնային Ղարաբաղի Հանրապետությունը: Սկսած 1988թ.¹ Ադրբեջանից հայերի տեղահանումը ազերիների պետական բաղաձայնությունն էր, որի հետևանքով ավելի քան 300 հազար հայ բռնագաղթվեցին և ապաստան գտան Հայաստանում՝ ավելի ծանրացնելով հանրապետության տնտեսական և սոցիալական դժվարին վիճակը: Այդ ժամանակաշրջանում Հայաստանում և Արցախում կազմավորված ինքնապաշտպանական ջոկատները հերոսաբար հետ էին մղում հակառակորդի ոտնձգությունները:



¹ Հայաստանի Հանրապետություն, 28.06.1991:

Այսպես սկսվեց...













Մայրաքաղաքի ճգնաժամադրված իրավիճակի և զինվորական կյանքի օրինակների հիմնախորհրդ.



1990թ. մայիսի 27-ին Երևանի կայարաններձ հրապարակում զոհվածների հիշատակին...





Ա. Սախարովի անվ. «Առաջընթացի, մարդու իրավունքների պաշտպանության և զբաղրության» հայկական ֆոնդի նախաձեռնությամբ կազմակերպված զրոյկած ազատամարտիկների տասնյակ երեխաների մկրտության արարողությունից հետո...

Սպասում...



Աղերս...







Երկրապահ կամավորների I համագումարի նախագահությունը...




Զինադադարի պահին...

Առանց մեկնաբանությունների...









1. ԼՂՀ կայացումը որպես արցախյան հիմնահարցի լուծման միջոց /1991թ. սեպտեմբեր – 1992թ. հունվար/

1991թ. սեպտեմբերի 2-ին Լեռնային Ղարաբաղի Հանրապետության /ԼՂՀ/ ստեղծումով արցախահայության ազգային-ազատագրական պայքարը թևակոխեց նոր փուլ: Իրական անկախության ճանապարհին ԼՂՀ ստեղծումն ամենավճռորոշ և գործնական քայլն էր: Դրան հաջորդեցին իրավական, քաղաքական, ռազմական և դիվանագիտական ինքնահաստատման գործողությունները: ՀՀ Գերագույն խորհուրդը դեմ չէր ԼՂՀ ստեղծմանը և հայտարարեց, թե արցախցիները գտել են հարցի լուծման բանալին:¹

Ռազմաքաղաքական այդ բարդ ու դժվարին ժամանակաշրջանում ԼՂՀ հռչակումը չէր կարող անտարբեր թողնել ռազմատենչ Բաքվին և նրա գլխավոր հովանավոր Թուրքիային: Ադրբեջանի Գերագույն խորհրդի նախագահության 1991թ. սեպտեմբերի 3-ի որոշումով արցախցիների այդ քայլը որակվեց որպես դավաճանություն «Ադրբեջանի ամբողջականության և անկախության դեմ»: Համապատասխան մարմիններին հանձնարարվեց միջոցներ ձեռնարկել արցախցիներին զինաթափելու, սեպտեմբերի 2-ի նստաշրջանը կազմակերպողների նկատմամբ քրեական գործ հարուցելու և նրանց պատասխանատվության ենթարկելու համար:² Ի պատասխան արցախցիների դրսևորած աննկուն կամքի՝ ազերի ելուզակները զանգվածային հարձակումներ սկսեցին գործել Արցախ-Շահումյանի, Հայաստանի սահմանամերձ շրջանների վրա: Ադրբեջանցի ժողպատգամավոր Թոֆիկ Իսմայլովը սեպտեմբերի 3-ին ելույթ ունենալով ԽՍՀՄ ժողովրդական պատգամավորների արտահերթ համագումարում՝ գայրացած հայտարարեց, թե ադրբեջանական տարածք հանդիսացող ԼՂԻՄ-ում նոր հանրապետության ստեղծումն անօրինական է:³

1991թ. սեպտեմբերին այն համոզմունքը կար, որ արդեն մոտ է Ղարաբաղյան հիմնախնդրի լուծումը: Հայաստանի Գերագույն խորհրդի նստաշրջանում սեպտեմբերի 9-ին հայտարարվեց, որ շու-

¹ Ազգ, 4.09.1991: ԼՂՀ կայացման վերաբերյալ տես նաև՝ Արշակյան Անդրանիկ, Լեռնային Ղարաբաղի Հանրապետության կայացումը /1991թ. սեպտեմբեր-1992թ. հունվար/ /Կանթեղ, Երևան, 2002, էջ 172-180/:

² Бакинский рабочий, 4.09.1991.

³ Նույն տեղում:

տով կվերականգնվեն մարզային իշխանությունները, մարզի տարածքից դուրս կբերվի աղբբեջանական օմօնը, և բանակցություններ կսկսվեն Հայաստանի ու Ադրբեջանի միջև:՝ եվ, իրոք, Մ.Գորբաչովի նախագահությամբ սեպտեմբերի 16-ին տեղի ունեցած ԽՍՀՄ Պետական խորհրդի նիստը որոշում ընդունեց ԼԴԻՄ-ում վերականգնել մարզային և տեղական իշխանությունները, մարզի տարածքից դուրս բերել բանակը և բոլոր ռազմական միավորումները:՝ Ի պատասխան դրան՝ Ադրբեջանի ժողովարար պարագլուխ Ա.Ալիևը հանրապետության հեռուստատեսությամբ կոչ արեց Լեռնային Ղարաբաղ ուղարկել 200 հազարանոց զինյալ ուժեր՝ «այնտեղ կարգ հաստատելու համար»:՝ Նա բոլոր ադրբեջանցիներից պահանջեց զինվել և պատերազմ սկսել Հայաստանի դեմ:՝ Հենց ժողովարարի ճնշման տակ Ադրբեջանի Գերագույն խորհրդի նստաշրջանը նոյեմբերի 26-ին որոշում ընդունեց լուծարել ԼԴԻՄ-ը և Ստեփանակերտը վերանվանել Խանքենդի:՝ Սեպտեմբերի 8-ին Ադրբեջանի նախագահ ընտրված Այազ Մուխալիբովը դրանով փորձում էր հիմնավորել, որ չկա Լեռնային Ղարաբաղի մարզ, հետևապես չկա և Ղարաբաղի հիմնախնդիր:՝ Լեռնային Ղարաբաղում և Հայաստանում Ադրբեջանի այդ որոշումը գնահատվեց որպես սադրանք հայ ժողովրդի նկատմամբ:

Ստեղծված նոր պայմաններում Լեռնային Ղարաբաղի հիմնահարցի լուծման միջնորդի ու երաշխավորի դերը ստանձնեցին Ռուսաստանի և Ղազախստանի նախագահներ Բորիս Ելցինն ու Նուրսուլթան Նազարբաևը:՝ Նրանք ժամանելով Անդրկովկաս՝ սեպտեմբերի 22-ին Ստեփանակերտում բանակցություններ վարեցին ԼԴԻՄ ղեկավարության հետ, իսկ հաջորդ օրը ժելեզնիկոսկույն ընդունվեց հայտարարություն, որով փաստորեն դրվեց Արցախի հիմնահարցը բանակցությունների միջոցով լուծելու գործընթացի սկիզբը:

1991թ. սեպտեմբերի 21-ին Հայաստանի Հանրապետությունում անցկացված հանրաքվեի հիման վրա սեպտեմբերի 23-ին Հայաստանի Գերագույն խորհուրդը հռչակեց Հայաստանի Հանրապետության անկախությունը:՝ Սեպտեմբերի 24-ին ՀՀ Գերագույն խորհուրդը դիմում հղեց ՀՀ քաղաքացիներին և աշխարհասփյուռ հայությանը:՝ Այնտեղ նշված էր, որ վերադարձը դեպի ինքնուրույնություն հեշտ չի լինելու, և ազատության ճանապարհին սպասվում են նոր փորձություններ:՝ Հայ ժողովրդին կոչ էր արվում համախմբվել և միասնաբար ձեռնամուխ լինել ժողովրդավարական ու

¹ Հայաստանի Հանրապետություն, 10.09.1991:

² Правда, 17.09.1991.

³ Бакинский рабочий, 27.11.1991.

անկախ Հայաստանի արարմանը՝ հանուն գալիք սերունդների բարության ու երջանկության:՝

1991թ. օգոստոսի 24-ից դադարել էին ինքնաբերական թռիչքները Ստեփանակերտ, սեպտեմբերից մուտք չէր գործում ոչ մի զնացք, վառելիքի բացակայության պատճառով սեպտեմբերի 19-ից չէր աշխատում Ստեփանակերտի ավտոձեռնարկությունը, հաճախակի անջատվում էր էլեկտրականությունը, վտանգված էր գազի մատակարարումը:՝ Օր օրի ավելանում էին սպանությունների ու մարդկանց պատանդ վերցնելու դեպքերը:՝ Եթե 1990-ին Արցախում թշնամու զնդակից սպանվել էին 43 հոգի, ապա 1991-ին այդ թիվը հասավ 153-ի:՝ 1991-ի աշնան վերջին Ադրբեջանի բանտերում կային ավելի քան 250 պատանդներ, որոնցից շատերին աշխատեցնում էին Ղազբեսանի քարհանքերում և այլ վայրերում:՝ Նոյեմբերի 20-ին մարտունու շրջանի Բերդաշեն /Գաղալու կամ Կարաբենո/ գյուղի տարածքում դեպի սարը ձգված թեքության վրա աղետի ենթարկվեց «Մի-8» ռազմական ուղղաթիռը, որը Աղդամից օդ բարձրանալով՝ շարժվում էր Մարտունու կողմը:՝ Ուղղաթիռում գտնվող բոլոր 23 հոգին գոհվեցին, այդ թվում նաև Ղարաբաղի արտակարգ դրության նոր պարետ գեներալ-մայոր Ն.Ժենկինը, գեներալ-մայոր Կովալյովը, ժելեզնիկոսկի հռչակագիրն իրականացնող ռուս և ղազախ այլ պաշտոնյաներ:՝ Ադրբեջանում փորձեցին հայերին մեղադրել ուղղաթիռը կործանելու մեջ:՝ Մինչդեռ, ամբողջ Արցախը սզում էր Նիկոլայ ժենկինի՝ այդ արդար և բարեկիրք զորականի մահը:՝ Նշանակվելով պարետ՝ նա հենց առաջին օրվանից փորձում էր արցախցիների համար նպաստավոր որոշ կարևոր հարցեր լուծել:՝ Օրինակ՝ երբ Տող գյուղից հեռացած ազերիները փորձեցին նորից վերադառնալ, Ն.Ժենկինը պայման դրեց, որ դա հնարավոր կլինի, եթե Շահումյանի, Շուշիի և Հադրութի շրջանների 24 գյուղերից բռնագաղթված բոլոր հայերը վերադառնան իրենց օջախները:

Ստեփանակերտում հոկտեմբերի 28-ին կայացած արտադրական ձեռնարկությունների տնօրենների խորհրդի նիստը, քննարկելով ստեղծված տնտեսական և քաղաքական ծանր իրադրությունը, հարց բարձրացրեց ստեղծելու ԼԴՀ պաշտպանության խորհուրդ և զինված ուժեր:՝ Դա բխում էր արդեն Ադրբեջանում բանակ ստեղծելու և այն Լեռնային Ղարաբաղի դեմ հանելու վտանգին դիմագրավելու հրամայականից:՝ Ակնհայտ էր, որ Լեռնային Ղարաբաղի, հատկապես Ստեփանակերտի շուրջ գտնվող ադրբեջանական բոլոր բնակավայրերը, մանավանդ Շուշին, վեր էին ածվել ռազ-

¹ Հայաստանի Հանրապետություն, 25.09.1991:

² Արրահամյան Հրանտ, ճակատագրին ընդառաջ, էջ 144:

մական հեծակետերի: Ստեփանակերտն ու մոտակա հայկական գյուղերը 1991թ. սեպտեմբերից սկսած անընդհատ կրակի տակ էին: Նոյեմբերի սկզբին ԽՍՀՄ ՊՆ, ՆԳՆ և ՊԱԿ-ի մի խումբ զեներալներ ժամանելով Լեռնային Ղարաբաղ՝ ծանոթացան ընդհանուր վիճակի հետ: ՆԳՆ զորքերի հրամանատար գեներալ-լեյտենանտ Վ.Սավինը նոյեմբերի 8-ին ելույթ ունենալով համամիութենական ռադիոյով և ամփոփելով ստուգման արդյունքները՝ հայտարարեց, որ առաջիկայում դեռ ԽՍՀՄ ՆԳՆ ստորաբաժանումները դուրս չեն բերվի Լեռնային Ղարաբաղից, որպեսզի պաշտպանեն երկրամասի խաղաղ բնակչությանը: Այդ հայտարարությունը և վերջին շրջանում Լեռնային Ղարաբաղի տարածքում տեղակայված խորհրդային զինված ուժերի՝ արցախահայության նկատմամբ դրսևորած բարի վերաբերմունքը ոգևորել էին մարզի հայությանը:

Ադրբեջանը 1991թ. դեկտեմբերին Լեռնային Ղարաբաղը ներքաշեց պատերազմական գործողությունների մեջ՝ նպատակ ունենալով այն նվաճել և հայաթափել: Շուշիից, Կրկժանից, Ջանհասանից, Խոջալուից և Մալիբեյլուից ադրբեջանական զինված կազմավորումները տարբեր տրամաչափի հրանոթներից և այլ զինատեսակներից անընդհատ ռմբակոծում էին Ստեփանակերտը և մոտակա հայկական գյուղերը:

ԼՂՀ իշխանությունները, երկրամասի պաշտպանությունը կազմակերպելուց և բնակչության անվտանգությունն ապահովելուց բացի, ունեին մեկ այլ կարևոր խնդիր՝ արագացնել հանրապետության կայացման գործընթացը: Այդ առումով կարևոր նշանակություն ունեցավ 1991թ. նոյեմբերի 26-ին տեղի ունեցած ԼՂՀ ժողովրդական պատգամավորների Գործադիր խորհրդի նստաշրջանը, որը որոշում ընդունեց ԽՍՀՄ Գերագույն խորհրդի 1990թ. ապրիլի 3-ի որոշման հիման վրա Լեռնային Ղարաբաղում հանրաքվե անցկացնելու մասին: Այն նշանակվեց դեկտեմբերի 10-ին մարդու իրավունքների պաշտպանության օրը, Ադրբեջանում անցկացվելիք համանման հանրաքվեից մեկ շաբաթ շուտ: Այդ օրը արցախահայությունը պետք է համաժողովրդական քվեով հաստատեր 1991թ. սեպտեմբերի 2-ին հռչակված ԼՂՀ անկախությունը: Սինույն ժամանակ ընդունվեց ժամանակավոր կանոնադրություն՝ ԼՂՀ Գերագույն խորհրդի ընտրությունների վերաբերյալ: ԽՍՀՄ ՆԳՆ զորքերն իր տարածքից դուրս բերելու Ադրբեջանի խորհրդարանի պահանջի կապակցությամբ նստաշրջանը հայտարարեց, որ Լեռնային Ղարաբաղը պատրաստ է այդ զորքի մի մասը տեղակայել իր տարածքում: Նստաշրջանը նաև հայտարարեց, որ մինչև սահմանադ-

րության ընդունումը հանրապետությունում կգործեն ԽՍՀՄ օրենքները:

1991թ. դեկտեմբերի 10-ի ԼՂՀ անկախության հանրաքվեին ներկա գտնվելու նպատակով աշխարհի մի շարք երկրներից եկան 40 անկախ դիտորդներ, այդ թվում՝ Մեծ Բրիտանիայի Լորդերի պալատի փոխխոսնակ Քերոլայն Քոքսը: Քվեարկության իրավունք ունեցող 132328 արցախցիներից քվեարկության ներկայացան 108736-ը /82,2%/, որոնցից 108615-ը /99,89%/ քվեարկեցին Արցախի անկախության օգտին: Հանրապետության տարածքում ապրող ադրբեջանցիները հանրաքվեին չմասնակցեցին:² Հանրաքվեին Հայաստանի Հանրապետության տարածքում գտնվող ԼՂՀ քաղաքացիների մասնակցության կազմակերպումն իր վրա վերցրեց «Արցախ» հայրենակցական միությունը:

Դիտորդներն արձանագրեցին, որ ԼՂՀ-ում անկախության հանրաքվեն անցել է միջազգային բոլոր նորմերին համապատասխան, և ոչ մի խախտում չի արձանագրվել: Նրանք հատուկ դիմում հղեցին աշխարհի խորհրդարաններին և Ռուսաստանի Դաշնության Սահագահին, որտեղ նշվում էր, որ ադրբեջանական կողմն ամեն կերպ փորձել է խոչընդոտել հանրաքվեի անցկացմանը: Սիայն այդ օրը նրանց կողմից արձակված հրթիռների և արկերի պայթյունից զոհվել են 7 և վիրավորվել 11 մարդ:³ Անկախ դիտորդներն արձանագրեցին նաև, որ ադրբեջանական կողմը «վարում է զավթողական պատերազմ՝ ազատության և ժողովրդավարության համար մարտնչող Լեռնային Ղարաբաղի հայերի դեմ»: Նրանք գտնում էին, որ Ռուսաստանը պետք է հավաստի 1813թ. հոկտեմբերի 12-ի Գյուլիստանի պայմանագիրը կատարելու պարտականությունը և լինի Արցախի ժողովրդի խաղաղ կյանքի երաշխավորը: Բացի այդ, նրանք առաջարկում էին մինչև Արցախից խորհրդային բանակի հեռանալը հայերին վերադարձնել նրա իսկ աջակցությամբ զավթված հայկական բնակավայրերը:⁴

Հանրաքվեն ողջունեցին Ռուսաստանից, Ուկրաինայից, Անգլիայից, Ֆրանսիայից, Գերմանիայից, Բուլղարիայից, աշխարհի այլ երկրներից եկած բազմաթիվ դիտորդներն ու լրագրողները,

¹ Հայաստանի Հանրապետություն, 28.11.1991:

² Լեռնային Ղարաբաղի հիմնախնդրի որոշ իրավաքաղաքական հարցեր, Երևան, 1994, էջ 17: Նկատենք, որ 1991թ. դեկտեմբերի 10-ի դրությամբ Շահումյանի շրջանի հետ միասին ԼՂՀ-ն ուներ 207678 բնակիչ, որոնցից 166066-ը հայ, 38737-ը՝ ադրբեջանցի և 2875 ռուս: Քվեարկությանը չմասնակցած ադրբեջանցիների թիվը կազմել է ընդամենը 10555 մարդ:

³ Արշակյամ Ամդրամիկ, Աշվ. աշխ., էջ 515-520:

⁴ Հայաստանի Հանրապետություն, 14.12.1991:

ԽՍՀՄ և Ռուսաստանի Դաշնության ժողովրդական պատգամավոր, «ժողովրդական Ռուսաստան» շարժման համակարգիչ խորհրդի համանախագահ Յուրի Աֆանասևը, ԽՍՀՄ ժողպատգամավոր, գնդապետ Վլադիմիր Սիմոնովը և ուրիշներ: Նրանք ի լուր աշխարհի հայտարարեցին, որ իրենք տեսան «մարտնչելու պատրաստ արցախցիներին...»:

1991թ. դեկտեմբերի 16-ին ԼՂՀ Գործադիր խորհրդի գործադիր կոմիտեի անունից դիմում հղվեց ՄԱԿ-ին, ինչպես և Անկախ Պետությունների Հանագործակցությանը /ԱՊԴ/, որով խնդրվում էր ԼՂՀ-ը ճանաչել որպես անկախ պետություն, որը երաշխավորում է «միջազգային ճանաչված բոլոր նորմերի, մարդու՝ անկախ ազգային պատկանելությունից և կրոնական համոզմունքներից, իրավունքների և ազատությունների պաշտպանումը»:² ԼՂՀ-ը նաև դիմեց ԱՊԴ-ի մեջ մտնելու համար:

1991թ. դեկտեմբերի 19-ին տեղի ունեցած ԼՂՀ Գործադիր խորհրդի նիստը դիմում հղեց Ադրբեջանի Հանրապետության նախագահ Ա.Սուբախիբովին, խորհրդարանին և ադրբեջանական ժողովրդին, որում ընդգծվում էր, որ դեկտեմբերի 10-ին ԼՂՀ-ում անցկացված հանրաքվեն հաստատել է արցախցիների անցկում կամքը: Սակայն շարունակվող անկայունությունը և պատերազմական վիճակը երկու կողմերին էլ պատճառում են մեծ կորուստներ: ԼՂՀ-ը պատրաստակամություն էր հայտնում հավասար իրավունքներով և պարտականություններով բանակցություններ սկսել Ադրբեջանի Հանրապետության հետ և պարտավորվում էր միջազգային նորմերին համապատասխան՝ իր տարածքում հարգել ազգային փոքրամասնությունների շահերն ու իրավունքները:³ Արցախում չկար հաց ու վառելիք, իսկ Ստեփանակերտը կրկին գրկվել էր ջրից: Երևանից թռչող ուղղաթիռները հաղթահարելով բոլոր դժվարությունները՝ վայրէջք էին կատարում Քոլատակում, Կարմիր շուկայում, Ճարտարում, Գիշիում, Տունիում, Ստեփանակերտի մարզադաշտում, Շոշում և որտեղ հնարավոր էր: Նրանք Արցախ էին հասցնում պաշտպանության միջոցներ, սննդամթերք, դեղորայք, վառելիք, կամավորներ, իսկ Արցախից Երևան էին տեղափոխում հիվանդներին, վիրավորներին, երեխաներին, ծերերին: «Երկիր» օրաթերթի թղթակցի այն հարցին, թե ինչպե՞ս է Հայաստանը պետական մակարդակով զբաղվում Արցախի պաշտպանության խնդրով, երբ Ալմա-Աթայում ստորագրվել է համաձայնագիր, որի համաձայն Հայաստանը պարտավոր է հարգել հարևան պետության սահման-

ները, ՀՀ պաշտպանության կոմիտեի նախագահ Վազգեն Սարգսյանը պատասխանել է. «Արցախի ժողովուրդն ինքն է կազմակերպում իր պաշտպանությունը, իսկ մենք նրան օգնում ենք, ինչպես կարող ենք: Մյուս հանգամանքն այն է, որ մենք կարող ենք Արցախին օգնել որպես դաշնակից պետություն... Արցախի ժողովուրդը մերն է, Արցախի հողը մերն է, և մենք իրավունք չունենք այդ հարցում մի կողմ քաշվել... Արցախը պետք է վերածենք հզոր ռազմական ամրոցի: Ադրբեջանը վաղ թե ուշ կհամակերպվի Արցախի գոյության հետ... Ադրբեջանցիներն իրենց արմատները չունեն Արցախում և չեն ուզում նրա համար զոհվել: Նրանց զոռով քշում բերում են մեր դեմ կռվելու...»: Վազգեն Սարգսյանը այդ հարցազրույցում արել է նաև հետևյալ արժեքավոր դիտողությունը. «Չի կարելի կռվող տղաների մեջ կուսակցական տարբերություն դնել: Տղաների թափած արյունը չի կարող այս կամ այն կուսակցությանը պատկանել: Առավել ևս՝ թափված արյունը չի կարող նվիրվել այս կամ այն կուսակցությանը, երբ կա մեծագույն սրբությունը՝ ազգը, որի գոհասեղանին էլ իրենց կյանքն են դրել նրա լավ զավակները»:

ԼՂՀ Գործկոմի նախագահ Լեոնարդ Պետրոսյանը դեկտեմբերի 23-ին հանդես եկավ ԱՊԴ-ի անդամ երկրների նախագահներին ու խորհրդարաններին ուղղված հայտարարությամբ, որտեղ ներկայացնելով Ադրբեջանի կողմից Լեռնային Ղարաբաղի դեմ կատարվող հանցագործությունները՝ ԱՊԴ-ի ժողովուրդների և նախագահների ուշադրությունը հրավիրում էր այն հանգամանքի վրա, որ «Ադրբեջանի կողմից իրագործվող խոշորամասշտաբ հարձակման անուղղելի հետևանքների համար պատասխանատվությունն ընկնում է ոչ միայն նրա ղեկավարության, այլև բոլոր նրանց վրա, ովքեր անտարբեր մնացին ավելի քան երեք տարի տառապող Լեռնային Ղարաբաղի ժողովրդի բազմաթիվ դիմումներին ու ժամանակին գործունե միջոցներ չձեռնարկեցին հարձակվողներին կանգնեցնելու համար»:⁴

ՀՀ Գերագույն խորհուրդը դեկտեմբերի 26-ի փակ նիստում քննության առնելով ԼՂՀ-ում ստեղծված վիճակը՝ ընդունեց հայտարարություն, որով ԱՊԴ երկրներին կոչ էր արվում «գործունե միջոցներ ձեռք առնել Լեռնային Ղարաբաղի Հանրապետության բնակչության անվտանգության և կենսագործունեության ապահովման համար»:⁵ Ի պատասխան այդ հայտարարության՝ Ադրբեջանը նույն օրը դադարեցրեց Ստեփանակերտի էլեկտրագազամատակա-

¹ Խորհրդային Ղարաբաղ, 18.12.1991:

² Երկիր, 18.12.1991:

³ Նույն տեղում, 21.12.1991:

¹ Երկիր, 28.12.1991:

² Նույն տեղում, 24.12.1991:

³ Հայաստանի Հանրապետություն, 27.12.1991:

րարունը, իսկ 28-ին պայթեցրեց Աղզամից Ստեփանակերտ մտնող և այնտեղից շրջանները գնացող գազատարը:

Հանրաքվեից հետո արցախցիների հիմնական խնդիրը դարձավ Գերագույն խորհրդի ձևավորումը: ԼՂՀ առաջին Գերագույն խորհրդում, որն անվանվեց ԼՂՀ խորհրդարան, իսկ հետո՝ ԼՂՀ Ազգային ժողով, պետք է ընտրվեր 81 պատգամավոր: Ընտրությունների օրը նշանակվեց դեկտեմբերի 28-ը: Դրանց անցկացման կարգը հաստատվեց ԼՂՀ Գործկոմի խորհրդի դեկտեմբերի 19-ի նիստում: Ստեղծվեց Կենտրոնական ընտրական հանձնաժողով: ԼՂՀ Գերագույն խորհրդի ընտրությունների մասին տեղյակ պահվեցին հանրապետության աղբբեջանաբնակ բնակավայրերի բնակիչների, և նրանց ուղարկվեցին ընտրություններին վերաբերող բոլոր փաստաթղթերը: Սակայն աղբբեջանցիները բոյկոտեցին ընտրությունները, իսկ Շուշիից տրվող հեռուստատեսաաղբբողումներում հակահայ վայրահաչությունը նոր թափ ստացավ:

1991թ. դեկտեմբերի 28-ին ԼՂՀ Գերագույն խորհրդի ընտրություններն անցան Աղբբեջանի պարտադրած պատերազմական գործողությունների պայմաններում: Միայն այդ օրը արցախցիները տվեցին 18 զոհ, տասնյակ վիրավորներ, ռմբակոծվեց ավելի քան 40 բնակավայր, ավերվեցին Ստեփանակերտի մարզային ու մանկական հիվանդանոցները և բազմաթիվ այլ շինություններ:¹ Երկու օր անց՝ դեկտեմբերի 30-ին, ԱՊՀ երկրների ղեկավարները դիմելով Աղբբեջանի և Հայաստանի ղեկավարներին՝ կոչ արեցին Ղարաբաղյան հիմնախնդիրը լուծելու համար ակտիվացնել բանակցությունները, սակայն Ա.Մուսալիբովը ոչ միայն չընդունեց այդ կոչը, այլև պահանջեց չմիջամտել Աղբբեջանի անկախ հանրապետության ներքին գործերին: Այդ նույն օրը Ռուսաստանի Գիտությունների ակադեմիայի 18 ակադեմիկոսներ դիմելով Բ.Ելցինին՝ խնդրեցին միջամտել, որպեսզի վերջ տրվի Լեռնային Ղարաբաղում տեղի ունեցող արյունահեղությամբ: Նույն օրը ԼՂՀ Գործադիր կոմիտեն հեռագիր հղելով ՄԱԿ-ի Գլխավոր քարտուղարին, Եվրամիության ղեկավարներին, ԱՊՀ երկրների ղեկավարներին և գորբերի գլխավոր հրամանատար, ավիացիայի մարշալ Ե.Շապոզնիկովին՝ հաղորդեց, որ թնդանոթների կիրառմամբ իրականացվում է ԼՂՀ հայերի ցեղասպանություն, որի պատասխանատվությունը բացառապես ընկնում է Աղբբեջանի Հանրապետության ղեկավարության վրա: Նաև նշվում է, որ նոր տարվա նախօրեին շուրջօրյա հրետակոծման հետևանքով ավերվել են հայկական տասնյակ բնակավայրեր, սպանվել ու վիրա-

վորվել են հարյուրավոր խաղաղ բնակիչներ, այդ թվում՝ կանայք, ծերեր և երեխաներ:¹

1992թ. հունվարի 4-ին կրկին Ստեփանակերտ ժամանեց Զեռուլայն Քոքսը: Նրա հետ էին տարբեր երկրներից 10 դիտորդներ: Եկել էին նաև Ռուսաստանի մի խումբ խորհրդարանականներ և արտասահմանյան լրագրողներ՝ ներկա գտնվելու ԼՂՀ նորընտիր Գերագույն խորհրդի առաջին նստաշրջանին: Նրանք դատապարտեցին աղբբեջանական իշխանությունների կողմից արցախահայության դեմ կազմակերպված վայրագությունները:

1992թ. հունվարի 6-ին 51 պատգամավորներից 48-ի մասնակցությամբ /ճանապարհները փակ լինելու պատճառով 3 պատգամավոր չէին կարողացել հասնել Ստեփանակերտ/ և 80 դիտորդների ու լրագրողների ներկայությամբ «Հայր մերով» ԼՂՀ Գերագույն խորհրդի նստաշրջանը սկսեց աշխատանքը: Առաջին նիստում ընդունվեց «Լեռնային Ղարաբաղի Հանրապետության պետական անկախության Հռչակագիրը», որով ԼՂՀ-ն հայտարարվեց անկախ պետություն, որի տարածքում պետք է գործեն միայն ԼՂՀ սահմանադրությունն ու օրենքները: Հռչակագրում նաև ասված է, որ ԼՂՀ-ում ամբողջ իշխանությունը պատկանում է ժողովրդին, նրա տարածքում ապրող բոլոր բնակիչները հանրապետության քաղաքացիներ են, որոնք գտնվում են ԼՂՀ պաշտպանության տակ: Հանրապետության ամբողջ տարածքը, նյութական ու հոգևոր հարստությունները պատկանում են հանրապետությանը և նրա ժողովրդին: ԼՂՀ պետական լեզուն հայերենն է:² Որոշվեց ստեղծել հանրապետության իշխանության բարձրագույն մարմիններին ենթակա սեփական ռազմական ուժեր, որոնց հիմնական խնդիրը պետք է լինի ԼՂՀ սահմանների պաշտպանությունը և բնակչության անվտանգության ապահովումը:

ԼՂՀ Գերագույն խորհրդի նստաշրջանը հունվարի 8-ին 42 ձայնով ԼՂՀ Գերագույն խորհրդի նախագահ ընտրվեց 33-ամյա պատմաբան Արթուր Մկրտչյանը: Նախագահի տեղակալ ընտրվեց Գեորգի Պետրոսյանը, քարտուղար՝ Վլադիմիր Հակոբյանը: Նախագահի առաջին տեղակալի տեղը մնաց թափուր, որովհետև այդ տեղի համար առաջադրված թեկնածուներից ոչ մեկն անհրաժեշտ ձայներ չստացավ:

Նստաշրջանում ընդունվեց արտաքին դրության մասին որոշում, և ստեղծվեցին մի շարք հանձնաժողովներ: Պաշտպանության և անվտանգության հանձնաժողովի նախագահ ընտրվեց Վալերի

¹ Արշակյան Անդրանիկ, նշվ. աշխ., էջ 550-567, 630-631:

¹ Հայաստանի Հանրապետություն, 4.01.1992:

² Աբրահամյան Հրանտ, Ճակատագրին ընդառաջ, էջ 151:

Բալայանը, արտաքին հարաբերությունների հանձնաժողովի նախագահ՝ Լևոն Մելիք-Շահնազարյանը, կրթության, գիտության, լեզվի, մշակույթի և լրատվության հանձնաժողովի նախագահ՝ Զամլետ Գրիգորյանը: Մարզային դատարանն ու դատախազությունը համապատասխանաբար վերանվանվեցին ԼՂՀ Գերագույն դատարան և Գերագույն դատախազություն: Ստեղծվեց հանրապետության Լախարարների խորհուրդ, որի նախագահի հաստատվեց մասնագիտությամբ տնտեսագետ Օլեգ Եսայանը, տեղակալ՝ Բորիս Առուշանյանը:

ԼՂՀ Գերագույն խորհրդի առաջին նստաշրջանը կոչով դիմեց ՄԱԿ-ին, աշխարհի բոլոր պետություններին, մասնավորապես ԱՊՀ երկրներին՝ խնդրելով ճանաչել ԼՂՀ-ն և օգնել կանխելու արցախահայության ցեղասպանությունը:¹

Այսպիսով, 1991թ. սեպտեմբերից Լեռնային Ղարաբաղի նորաստեղծ Զանրապետության համար սկսվեց ակտիվ և պատասխանատու գործընթաց: Իշխանության եկան Ղարաբաղյան պայքարում կոփված նոր ուժեր:

Մինչ ԼՂՀ Գերագույն խորհրդի նստաշրջանը՝ հունվարի 3-ին ստացվել էր ՀՀ Գերագույն խորհրդի դիմումը, որտեղ նշված էր, որ արցախահայության ազգային-ազատագրական պայքարը թևակոխել է նոր՝ պետականության հաստատման շրջան: ՀՀ Գերագույն խորհուրդը համոզված էր, որ այն կընթանա միջազգային իրավունքի նորմերին համապատասխան՝ օրինական հիմքերի վրա դնելով ԼՂՀ քաղաքացիների իրավունքների պաշտպանությունը: Նաև ասված էր, որ ՀՀ Գերագույն խորհուրդը հայ ժողովրդի անունից հավաստիացնում է ԼՂՀ Գերագույն խորհրդին, որ բոլոր միջոցներով զորավիճ կլինի Արցախի պետականության հաստատմանն ու անրապնդմանը: Սակայն այդպես էլ ՀՀ բարձրագույն իշխանությունը պաշտոնապես չչնորհավորեց ԼՂՀ նորընտիր իշխանություններին: Պատճառը, թերևս, Հայ հեղափոխական դաշնակցության անդամի՝ Արցախի Գերագույն խորհրդի նախագահ ընտրվելն էր:

2. Շուշիի ազատագրումը և Արցախ-Հայաստան անմիջական կապի հաստատումը

Արրբեջանի իշխանությունները 1991թ. վերջին և 1992-ի սկզբին Արցախը ներքաշեցին պատերազմի մեջ: Նրանք ԼՂՀ-ի հետ բանակցություններ սկսելու ոչ մի միտում չունեին: Արրբեջանա-

թուրքական քարոզչությունը աշխարհով մեկ աղաղակում էր, թե իբր Լեռնային Ղարաբաղում գործում են օտարերկրյա վարձկաններ, որոնք ոչնչացնում են այնտեղ ապրող ադրբեջանցիներին: Դա պաշտոնապես ժխտվեց ՀՀ Գերագույն խորհրդի կողմից: Հունվարի 10-ին «Գրադով» ռմբակոծվեց Ստեփանակերտը, իսկ 13-ին՝ Շահումյանը: Ստեփանակերտն «Ալազան» հրթիռներով և «Տ-12» ակամներով կրկին ռմբակոծվեց հունվարի 13-ի լույս 14-ի գիշերը: Դրանից մեկ օր առաջ Շահումյանի շրջկենտրոնը գնդակոծվել էր «Նուրս» կայանքից և 100 մմ հրանոթներից, որի հետևանքով զոհվել էր հինգ հոգի:¹ Չէր դադարում Հաղորդի գնդակոծումը: Հունվարի 14-ից հակառակորդի լայնածավալ հարձակումների հետեվանքով Արցախի վիճակը ծայրաստիճան ծանրացավ: Ձուների և ավերածությունների թիվը աճում էր ժամ առ ժամ: Ստեփանակերտն ու Մարտունիի հունվարի 20-ի գիշերը ենթարկվեցին զանգվածային հրետանակոծության: Ամիրանյարի կողմից արձակված հրթիռներից ու արկերից Մարտունիում զոհվեցին ութ հոգի: Ստեփանակերտը հիմնականում ռմբակոծվում էր Շուշիի և Ջանհասանի կրակակետերից: Ստեփանակերտում զոհվեցին երկու հոգի, այդ թվում՝ ՀՀ Գերագույն խորհրդի պատգամավոր Վիգեն Շիրինյանը: Բնակչությանը և վիրավորներին բժշկական օգնություն ցույց տալու համար Հայաստանից շտապ ԼՂՀ ժամանեց բժիշկների ջոկատ:

Արթուր Մկրտչյանը հունվարի 15-ին պատասխանելով լրագրողների հարցերին՝ նշեց, որ սահմանային գոտու բնակչության անվտանգությունն ապահովելու նպատակով հանրապետությունում ստեղծվող բանակի կողքին դեռևս գոյություն կունենան աշխարհագրային ջոկատները: Նա վստահեցրեց, որ բնակչությանը պաշտպանելու և նրանց կենցաղային ծանր պայմանները թեթևացնելու համար հանրապետության իշխանությունները կանեն հնարավոր ամեն ինչ: Ռուսների պայթյունի տակ Ստեփանակերտի փողոցներից հավաքվում էին կենցաղային աղբը, ավտոմեքենաներով ջուր էին բաժանում բնակչությանը, բոլոր շենքերի նկուղները մաքրվել և վեր էին ածվել ռմբապատարանների, արտեզյան ջրհորներում փոքր հզորության էլեկտրակայաններ էին տեղադրվել, որպեսզի ջուր մատակարարվի, քաղաքի բնակչությանը բաժանում էին մոմ, նավթավառներ և այլ կենցաղային առաջին անհրաժեշտության ապրանքներ, որոնք ուղղաթիռներով բերվում էին Հայաստանից: Լախապատրաստվում էին բնակչությանը կտրոններով այլուր վաճառել: ԼՂՀ նախագահը մամուլի ասուլիսում հայտարարեց, թե Ղարա-

¹ Երկիր, 15.01, 16.01, 17.01.1992, Голос Армении, 16.01, 17.01.1992, Բալայան Զորի, Դժոխք և դրախտ, էջ 116-119 և այլն:

¹ Արրահամյան Զրանտ, Ճակատագրին ընդառաջ, էջ 153:

քաղի ու Հայաստանի հանրապետությունները պետք է լինեն մի միասնություն, իսկ դրա համար պետք է գործողության մեջ դնել 1989թ. դեկտեմբերի 1-ի որոշումը: Լրագրողներից մեկի այն հարցին, թե ՀՀ կճանաչի ԼՂՀ-ն, Ա.Մկրտչյանը ժխտական պատասխանեց՝ ասելով, որ ՀՀ Գերագույն խորհրդի նախագահությունը նույնիսկ շնորհավորական հեռագիր չի ուղարկել ԼՂՀ իշխանություններին:¹

Արցախի պաշտպանական ուժերի առաջ խնդիր դրվեց լռեցնել Ստեփանակերտը և շրջակա հայկական գյուղերը ռմբակոծող թշնամու կրակակետերը: Նրանք հունվարի 11-ին լուրջ հարված հասցրին Մալիբեյլուին և Ղուշչուլարին, որտեղի կրակակետերից ոչ միայն ռմբակոծվում էին Ստեփանակերտը, այլև Ասկերանի շրջանի մի շարք գյուղեր: Ստեփանակերտը ռմբակոծվում էր մասնավոր կրկժան թաղամասից, որտեղի կրակակետը լռեցնելու համար կենտրոնացվեցին մի քանի կամավորական ջոկատներ: Չարիքի բույն դարձած Կրկժան գրավելու համար կազմվեց ջոկատ, որի առաջին գրոհն անհաջող անցավ: Գրոհի ժամանակ մարտիկներից երկուսը զոհվեցին: Սակայն Կրկժանի գրավումը և այնտեղ գտնվող կրակակետերի լռեցումը կենսական անհրաժեշտություն էր: Դա պետք է արվեր շտապ, քանի դեռ ազերիները նոր ուժերով չէին ամրապնդել իրենց պաշտպանական դիրքերը: Կրկժանի երկրորդ գրոհը տեղի ունեցավ նախապատրաստական լուրջ աշխատանքներից հետո: Հակառակորդը երեք օր ոչ միայն կատաղի դիմադրում էր, այլև փորձում էր հակագրոհով ներխուժել հայոց դիրքերը: Ադրբեջանական օմօնականներին օգնում էին ծանր տեխնիկայով զինված ռուսական չորրորդ բանակի ստորաբաժանումները: Սակայն հայ մարտիկները փոքրաթիվ ուժերով հունվարի 19-20-ը լիովին ազատագրեցին Կրկժանը՝ Ստեփանակերտը մշտապես կրակի տակ պահող ազերիների ռազմական հենակետերից մեկը: Այդ հաղթանակն ունեցավ հոգեբանական և քաղաքական կարևոր նշանակություն:²

Հայ ազատամարտիկներին նաև հաջողվել էր հսկողության տակ առնել Շուշի-Քյոսալար-Ջանհասան-Յալուբաքենդ ճանապարհը, որով այդ գյուղերը գեներ ու զինամթերք էին ստանում Շուշիից: Հայ ազատամարտիկները պայթեցրին նաև Շուշի-Կուբաթլու բարձր լարման էլեկտրահաղորդալարի աշտարակներից մեկը, ինչպես նաև Շուշի-Լաչին ավտոճանապարհի մի հատվածը: Բացի այդ, ի պա-

տասխան ազերիների գործողությունների, հայերը Շոշ գյուղից սկսեցին ռմբակոծել Շուշին, իսկ Մարտունուց՝ Ամիրանլարը:

1992թ. հունվարին ամենաթեժ մարտերը տեղի ունեցան Քարին տակի մատույցներում: Շուշիի բարձունքից ազերիները գրոհում էին, բայց ներքևում գտնվող Քարին տակը մնում էր անառիկ: Պարզապես կրկնվում էր 1905-1906թթ. պատմությունը, երբ ազերիները, չնայած մեծ ջանքեր գործադրելուն, չկարողացան գրավել Քարին տակը: Այդ գյուղի ինքնապաշտպանական ջոկատի հրամանատարն էր ԼՂՀ Գերագույն խորհրդի պատգամավոր Վ.Առուշանյանը: Ադրբեջանի ազգային բանակը Քարին տակի դեմ նոր լայնածավալ հարձակում սկսեց 1992թ. հունվարի 25-ի լույս 26-ի գիշերը: Երբ մինչև ատամները զինված 250 ազերիներ զրահամեքենաների օգնությամբ մոտեցան գյուղի մատույցներին, նրա պաշտպանները ստիպված նահանջեցին առաջավոր դիրքերից: Ստեփանակերտից նրանց օգնության հասան երկու զրահամեքենա: Մինչ այդ Քարին տակի վրա հարձակվողների թիվը հասել էր 500-ի, որոնց մի մասին հաջողվել էր մտնել գյուղի ծայրամասը և հրդեհել հինգ տուն: Քարին տակին առաջինն օգնության հասավ Շոշի ինքնապաշտպանական ջոկատը՝ Ս.Հայրյանի հրամանատարությամբ: Ի վերջո Ադրբեջանի պաշտպանության նախարար Մեխթիևի գլխավորությամբ հարձակման անցած ադրբեջանցիները 12-ժամյա արյունահեղ մարտում պարտություն կրեցին և մարտադաշտում թողնելով 74 սպանված ու 70 վիրավոր՝ նահանջեցին: Հայերից զոհվեցին 18 հոգի, այդ թվում՝ Ս.Հայրյանը և Վ.Առուշանյանը: Քարին տակում հայերի հաղթանակն ահ ու սարսափ առաջ բերեց Շուշիի բնակչության շրջանում և արագացրեց նրանց տեղահանումը: Անառիկ Քարին տակը հետագայում կարևոր հենակետ դարձավ Շուշիի կրակակետերը լռեցնելու գործում:¹

ԽՍՀՄ լուծարումից հետո Հայաստանի իշխանություններն առաջարկել էին սպառազինությունների զրոյական տարբերակ՝ ոչ մի միավոր զենք ոչ Հայաստանին, ոչ էլ Ադրբեջանին և խստագույն հսկողություն: Մինչդեռ Ադրբեջանը բոլոր միջոցներով ջանում էր ավելի շատ զենք ու զինամթերք ունենալ: Դրա համար էլ ադրբեջանցիները սկսեցին գավթել հանրապետությունում տեղակայված ռուսական զորամասերի զենքն ու զինամթերքը: 1992թ. հունվարի 29-ին հարձակվելով 295-րդ դիվիզիայի հետախուզական վաշտի վրա՝ նրանք հափշտակեցին 12 զրահամեքենա: Ռուսաստանի Դաշնության պաշտպանության նախարարությունը փետրվարի 19-ին համաձայնվեց Ադրբեջանին հանձնել թիկունքի սպառազինություն-

¹ Ուրբաթ, 24.01.1992:

² Կրկժանի մարտերի մասին տե՛ս Դարիբյան Գ., նշվ. աշխ., էջ 104-109:

¹ Աբրահամյան Զրանտ, Ճակատագրին ընդառաջ, էջ 158:

Յերի պահեստների մի մասը և ուղղաթիռային եսկադրիլիան: Դրա հաջորդ օրը ադրբեջանական զինվորականները Բաքվում հափշտակեցին «Գրադ» կայանը: Անդրկովկասում պահեստավորված էր շուրջ 30 հազար վազոն զինամթերք, որի զգալի մասը գտնվում էր Ադրբեջանի տարածքում: Հետևապես, դրանից առյուծի բաժին ստանալու Ադրբեջանի հնարավորությունները չափազանց մեծ էին: Ադրբեջանի իշխանությունները շտապում էին օգտվել այդ հնարավորությունից, զինել իրենց բանակը և այն ուղղել Արցախ-Հայաստանի դեմ:

Քանի որ նման պայմաններում Արցախի պաշտպանությանը և բնակչությանը բազմաբնույթ օգնություն ցույց տալու հարցերը խիստ կարևոր էին և հրատապ, Արթուր Մկրտչյանը հունվարի 27-28-ը կատարեց առաջին պաշտոնական այցը Երևան: Նրա նպատակն էր հանդիպել Լ.Տեր-Պետրոսյանի, ինչպես և խորհրդարանի նախագահի ու այլոց հետ: ԼՂՀ Գերագույն խորհրդի նախագահը հունվարի 28-ին հանդիպելով ՀՀ Գերագույն խորհրդի պատգամավորների և լրագրողների հետ՝ հակիրճ ներկայացրեց ԼՂՀ-ի տնտեսական և քաղաքական վիճակը: Լ.Տեր-Պետրոսյանը ԼՂՀ նախագահ Արթուր Մկրտչյանին ընդունեց նույն օրը և հասկացրեց, որ իր համար հաճելի կլինեին, եթե Արցախի ղեկավարը ՀՀ-ական լիներ: Այս պահով Մ.Մկրտչյանից պահանջեց իրաժարական տալ՝ հասկացնելով, որ հակառակ դեպքում կարող է իրաժարվել Լեռնային Ղարաբաղին օգնություն ցույց տալուց:¹ ԼՂՀ Գերագույն խորհրդի անդամներն այդ մասին իմանալով՝ խիստ վրդովվեցին:

1992թ. հունվարին Արցախի ծանր վիճակը սկսեց հետաքրքրել համաշխարհային հանրությանը և մի շարք տերությունների: Հայ-ադրբեջանական խորացող հակասություններին վերջ տալու համար առաջ էին քաշվում մի շարք պահանջներ ու ծրագրեր: ԱՄՆ-ի Կոնգրեսի Արտաքին հարաբերությունների հանձնաժողովի նախագահ Կլեյբորն Ֆելքերը օր գտնվելով Հայաստանում՝ ԱՄՆ վերադառնալուց հետո նախագահ Ջ.Բուշին կոչ արեց Բ.Եյցի-նին առաջարկել վերջ դնել Ղարաբաղի հարցում Հայաստանի և Ադրբեջանի միջև շարունակվող պայքարին: Վաշինգտոնը որոշեց Ադրբեջանին զրկել որևէ օգնությունից, քանի դեռ Լեռնային Ղարաբաղն ու Հայաստանը չըջափակման մեջ են: Ա.Սախարովի զինակից և նրա գործը շարունակող Անատոլի Շաբալովը՝ որպես Հելսինկյան հանձնաժողովի անդամ, հանդես գալով ԱՄՆ-ի Կոնգրեսում՝ պաշտպանեց արցախահայության դատը և նրա ապրելու ու գոյատևելու իրավունքը: Նա հանդգնեց էր, որ արցախցիների պայ-

քարը ոչ թե ազգային հարց է, այլ կոմունիստական վարչակարգի դեմ կազմակերպված առաջին անհնազանդության օրինակը:¹ Համանման բողոքներ ու պահանջներ հնչեցին նաև այլ ամբիոններից: Սակայն դրանք շարունակում էին մնալ անհետևանք, իսկ Արցախում չէին դադարում կրակոցները:

1992թ. փետրվարի 10-ին տեղի ունեցած ԼՂՀ Գերագույն խորհրդի նստաշրջանը զբաղվեց Գերագույն խորհրդի մարմինների և գործադիր օղակների կազմավորման հարցերով, ինչպես նաև լսեց Լ.Սելիք-Շահնազարյանի լավատեսական զեկուցումը՝ ԼՂՀ արտաքին դրության վերաբերյալ: Այդ նստաշրջանում որոշվեց Ստեփանակերտի Լենինի անվան հրապարակը վերանվանել Ազատության հրապարակ, իսկ փետրվարի 12-ը հայտարարել Անկախության օր՝ ի պատիվ 1988թ. փետրվարի 12-ին Ստեփանակերտում տեղի ունեցած առաջին բազմահազարանոց հանրահավաքի: Ազերիները ևս չէին մոռացել այդ օրը և Ստեփանակերտի վրա արձակեցին 110 հրթիռ ու թնդամոթային արկ՝ դառնալով բազմաթիվ զոհերի և ավերածությունների պատճառ: Փետրվարի 16-ի գնդակոծությունների հետևանքով Ստեփանակերտի Զկալովի փողոցի վրա գտնվող 75 բնակարանանոց շենքի փլատակների տակ մնացին 20 բնակիչներ: Թշնամին Ստեփանակերտը ռմբակոծում էր «Գրադ» և «Փոթորիկ» կայանքներից: Հաջորդ օրերին Մարտունու, Շահումյանի և Մարտակերտի շրջանների մի շարք բնակավայրեր նույնպես ենթարկվեցին զանգվածային ռմբակոծությունների:² Միայն փետրվարի 19-ին Ստեփանակերտի վրա արձակվեց 300 հրթիռ: Այդ օրը զոհերի թիվն անցավ 20-ից:

Բացի այն, որ Մալիբեյլին փակել էր Ստեփանակերտ-Ննգի-Մարտունի ճանապարհը, Ստեփանակերտը դարձրել էր մշտական թիրախ: Այստեղից անընդհատ ռմբակոծվում էին Ստեփանակերտի արևելյան ծայրամասը և Կարկառի ափին գտնվող արդյունաբերական ձեռնարկությունները: Այդ իսկ պատճառով Մալիբեյլիի և նրա հարևանությամբ գտնվող Դուշիլարի կրակակետերի ոչնչացումը դարձել էր օրվա պահանջ: ԼՂՀ պաշտպանական ուժերը շարունակելով ադրբեջանական հենակետերը վնասագերծելը՝ փետրվարի 11-ին և 12-ին լիովին ջախջախեցին այդ գյուղերում ծվարած ազերիների ուժերը և դրանք դրեցին իրենց հսկողության տակ: Մալիբեյլիի կրակակետերը լռեցնելու գործին ակտիվ մասնակցեցին նաև Երևանի, Պոռչյան գյուղի ու Աբովյանի ազատամարտիկները:³

¹ Ազատամարտ, N 4, հունվար, 1992:

² Երկիր, 17-18.02.1992, Голос Армении, 17.02.1992 և այլն:

³ Ղարիբյան Գ., նշվ. աշխ., էջ 111-113:

¹ Արքահամյան Հրանտ, Ճակատագրին ընդառաջ, էջ 158-159:

Այդ ընթացքում հայ ազատամարտիկները ոչ մի զոհ չտվեցին, մինչդեռ հակառակորդը տվեց շուրջ 100 սպանված: Հայ ազատամարտիկների ձեռքն անցավ բավականին քանակությամբ զինամթերք: Ղուշչիլար գյուղում հայտնաբերել էին վառելիքի, սննդի և զինամթերքի պահեստներ: Այսպիսով, Ստեփանակերտն ազատվեց արևելյան կողմից հրետակոծությունից, և բացվեց Ստեփանակերտ-Ննգի-Մարտունի ճանապարհը, որը փակվել էր երկու տարի առաջ: Այդ ճանապարհի վրա գտնվող և Մուշկապատ, Հաղորտի, Կաղարծի, Սպիտակաշեն և Գիշի գյուղերին անընդհատ վնաս պատճառող Ղարաղաղուի չեզոքացումը ևս դարձավ անհետաձգելի: Փետրվարի 17-ին հայ ազատամարտիկները ջախջախեցին այնտեղ բուն դյաժ ազերի օսմանականներին և գրավեցին գյուղը: Ճարտար գյուղից Մարտունի տանող ճանապարհը փակում էր Ֆիզուլիի շրջանի մեջ մտնող Կերին Կեյսալու գյուղը: Ճարտարի ինքնապաշտպանական ուժերը հայ կամավորների հետ միասին փետրվարի 22-ին գրավեցին գյուղը և բացեցին ճանապարհը: Այսպիսով, ավարտվեց Մարտունու շրջանի ներքին ճանապարհների բացումը:

Ադրբեջանի ռազմատենչ ուժերը Ղարաբաղը բնաջնջելու նոր պլան էին մշակել, որի իրագործման համար նախ և առաջ անհրաժեշտ էր մեծ քանակությամբ զենք ու զինամթերք: Նրանք առանց դիմադրության հանդիպելու փետրվարի 23-ին գավթեցին խորհրդային բանակի՝ Աղդամում գտնվող օկրուգային զինապահեստը, որտեղ պահվում էր 728 վազոն հրետանային և 245 վազոն հրթիռային արկ, 131 վազոն հրանձգային ռազմամթերք: Զինվորական փորձագետների կարծիքով, այն կբավականացներ մեկ տարվա լարված պատերազմի համար:¹ Դրանից հետո Ստեփանակերտի, Մարտունու, Ասկերանի և այլ բնակավայրերի ռմբակոծումն ավելի ուժեղացվեց: Ա.Մութալիբովը փետրվարի 22-ին Ադրբեջանում հայտարարեց զորակոչ՝ իբր Ղարաբաղի և նրա շուրջ ստեղծված իրավիճակի թելադրանքով:

Ստեփանակերտի համար ամենավտանգավորը հուջալուն էր, որը փակում էր Ստեփանակերտ-Ասկերան մայրուղին: Երկար ժամանակ այնտեղից ավերիչ կրակ էր թափվում Ստեփանակերտի և հայկական մի շարք բնակավայրերի վրա: Լաչինի ճակիին բնակիչ Յուսուփ Զյարիմովի վկայությամբ՝ հուջալուի քաղխորհրդի նախագահ Էլման Մամեդովը օդանավակայանի պարետ Արիֆ Հաջիևին հրամայել էր Լաչինից, Աղջաբեդուց և այլ բնակավայրերից հուջալու տեղափոխել մարդկանց և ստիպել բնակվել այնտեղ: Զրանայվել էր

գնդակահարել նրանց, ովքեր կփորձեին իրենց ընտանիքները դուրս բերել հուջալուից: Է.Մամեդովին էին ենթարկվում բոլոր զինված կազմավորումները:¹

ԼՂՀ ինքնապաշտպանական ջոկատները դեռևս փետրվարի 15-ին դիրքավորվելով հուջալուի արևմտյան մասի երկարությամբ՝ ադրբեջանական կողմից պահանջեցին թողնել այն և հեռանալ Աղդամ: Ի պատասխան՝ ազերիները սկսեցին ռմբակոծել Ստեփանակերտը: Ադրբեջանում ներքին քաղաքական անկայունություն էր տիրում: Ժողովրդական ճակատը, ձգտելով տապալել Ա.Մութալիբովի իշխանությունը, գործում էր հաշվենկատ ու նպատակալաց: Նույնիսկ մտածում էին հուջալուն հանձնել և դրա համար մեղադրել Ա.Մութալիբովին ու զրկել իշխանությունից: Այս ընթացքում ԼՂՀ-ում լուրջ նախապատրաստական աշխատանքներ էին կատարվում հուջալուի կրակակետերը լեցնելու համար: Նախատեսվեց առաջին հերթին գրավել օդանավակայանը, որտեղ վաղուց իշխում էին օսմանակները: Ղա պետք է իրականացնեին Աշոտ Ղուլյանի /Բեկոր/ և Կարոյի գլխավորած վաշտերը: 1992թ. փետրվարի 25-ի լույս 26-ի գիշերը միայն նռնակածիզներով և ավտոմատներով զինված հայկական ջոկատները հասան առաջավոր դիրքերին, որոնց ամրացվել էին ռուսական բանակի կողմից: Անակնկալի եկած հակառակորդը թողնելով մի քանի դիակ՝ նահանջեց: Առանց զոհ և վիրավոր տալու՝ հայ մարտիկներն առաջացան դեպի օդանավակայան և պարզեցին թշնամու կրակակետերի տեղաբաշխումը:² Հայ ազատամարտիկներին հաջողվեց լեցնել օդանավակայանի կրակակետերը: Նախօրոք կազմված պլանի համաձայն՝ գլխավոր ճանապարհի կողմից թողնվել էր միջանցք, որպեսզի հուջալուում մնացած բնակիչները կարողանային հեռանալ Աղդամ: Առաջինը օդանավակայան մտավ Բալլուջայի ջոկատը, և օդանավակայանի վրա ծածանվեց հայոց եռազույնը: Այսպիսով, փետրվարի 26-ին մի քանի ժամվա ընթացքում հայ ինքնապաշտպանական ուժերը տալով 8 զոհ և 20 վիրավոր՝ լիովին ջախջախեցին հուջալուում տեղակայված ադրբեջանական ուժերը և լեցրին նրանց բոլոր կրակակետերը: Հայ ազատամարտիկները զերեցին 150 հոգի, որից 63-ը թուրք-մետխեթցի, հակառակորդից առգրավեցին 3 զրահամեքենա, 2 հրթիռային կայանք, 1 թնդանոթ, մեծաքանակ զինամթերք և մոտ 100 միավոր մարտական զենք: Ադրբեջանական մամուլում գոհված ազերիների թիվը նշվել է 400-2000 հոգի, որոնց մեծ մասն իբր խաղաղ բնակիչներ են եղել: Իրականում, հուջալուում խաղաղ բնակիչներ չառ ջիչ էին

¹ Հարսրաթյան Սենոր, նշվ. աշխ., էջ 28:

¹ Աղցախ, 30.05.1992:

² Դարիբյան Գ., նշվ. աշխ., էջ 114-116:

մնացել: Ա.Մուրախիբովն ինքը ապրիլի 3-ին «Նեգավիսիմայա գազետային» տված հարցազրույցում հայտարարեց, որ Խոջալուի ողբերգությունը կազմակերպել են մարդիկ, որոնք ուզում էին իր հրաժարականը: Նա ասաց, որ ինքը հեռախոսով կապվել է Արթուր Մկրտչյանի հետ և նրանից միջանցք խնդրել խաղաղ բնակչության հեռանալու համար: Ա.Մկրտչյանը խոստումը կատարել է, և այնտեղ այդքան գոհեր չեն եղել: «Իզվեստիա» թերթն իր հերթին 1992թ. նոյեմբերի 12-ին գրել է, որ ազերիները Խոջալուում տվել են 450 զոհ և 400 վիրավոր: Սակայն փաստ է, որ Խոջալուի բնակիչների դիակները հայտնաբերվել են նրանից 7-10 կմ հեռավորության վրա՝ Աղդամի մատույցների մոտ, որտեղ կանգնած է եղել ադրբեջանական բանակը: ԼՂՀ Գերագույն խորհուրդը մարտի 3-ին հայտարարեց, որ հայկական ինքնապաշտպանական ուժերը խուսափել են խաղաղ բնակչությանը ոչնչացնելուց և նրանց հեռանալու հնարավորություն են տվել: Մոտ 40 ադրբեջանական ընտանիք մնացել են Խոջալուում: Հակառակորդն իր հետ տարել է ավանում պահվող հայազգի 34 պատանդների: Որ Ադրբեջանն իզուր է աշխարհով մեկ աղմուկ բարձրացնում, թե իբր հայ ազատամարտիկները Խոջալուում կազմակերպել են ադրբեջանցիների ցեղասպանություն, վկայում է Արցախի ազգային-ազատագրական ուժերի հրամանատար Ա.Տեր-Թադևոսյանի հետևյալ հրամանը.

«Հրաման Արցախի ժողովրդաազատագրական բանակի հրամանատարներին ու մարտիկներին

6.09.91թ.

N1

Հաղորդ

Բոլոր մարտիկներին ու հրամանատարներին խստիվ արգելվում է ոչնչացնել հակառակորդի կանանց ու երեխաներին, տանջանքներ կիրառել գերիների նկատմամբ, անարգել դիակները: Մույն հրամանը խախտողները կդատվեն ռազմական ժամանակի օրենքներով:

Արցախի ժողովրդաազատագրական բանակի ստորաբաժանումների հրամանատարները պետք է հատուկ ուշադրություն դարձնեն ջոկատներում կարգապահությանը և վճռականորեն կանխեն մարտիկների ցանկացած հակաօրինական գործողությունները»²

1992թ. մարտի 10-ին հրաման է ստացվում 366-րդ մոտոհրաձգային գունդը Ղարաբաղից դուրս բերելու մասին: ԼՂՀ Գերագույն

խորհրդի նախագահությունը ԱՊՀ-ի զինված ուժերի գլխավոր հրամանատար Ե.Շապոզնիկովին խնդրում է գունդը թողնել Ստեփանակերտում, սակայն մերժում է ստանում: 1992թ. մարտի առաջին կեսին 366-րդ գունդը դուրս բերվեց Ղարաբաղից, որը ցավալի էր արցախահայության համար:

Լեռնային Ղարաբաղի հիմնախնդրի լուծման եզրերը չէին երևում ամենից առաջ Ադրբեջանի իշխանությունների ոչ կառուցողական մոտեցման պատճառով: Միջազգային հանրությունն անհանգստացած էր ԼՂՀ ծանր վիճակի համար և նրան օգնելու ուղիներ էր որոնում: Հայաստանի առաջ քաշած Ղարաբաղի հիմնախնդրի միջազգայնացման հարցը հասունացել էր: Նախընտրելին բանակցային գործընթացով հիմնախնդրի լուծումն էր, սակայն ադրբեջանական կողմը փորձում էր այն ուժով լուծել:

Եվրոպայի Անվտանգության և համագործակցության կազմակերպությունը /ԵԱՀԿ/ 1992թ. փետրվարի 27-28-ը քննարկելով Լեռնային Ղարաբաղի հիմնախնդրի հետ կապված հարցը՝ շեշտեց սահմանների անձեռնմխելիությունը, և ԼՂՀ-ն ճանաչվեց Ադրբեջանի տարածքում՝ ինքնավարության իրավունքով: Միաժամանակ արժանագրվեց Ղարաբաղի ժողովրդի ինքնորոշման իրավունքը և բանակցությունների միջոցով անհրաժեշտությունը: Այդ քննարկումից առաջ՝ փետրվարի 25-ին, ՀՀ նախագահ Լ.Տեր-Պետրոսյանն ուղեւոր էր եղել աշխարհի 14 պետությունների ղեկավարներին, որում Ադրբեջանին մեղադրում էր Արցախյան հիմնախնդիրը ռազմական ճանապարհով լուծելու մեջ՝ «չխորշելով իր ամբողջ զինանոցը Լեռնային Ղարաբաղի խաղաղ բնակչության դեմ օգտագործելուց»: Նաև ասվում էր, որ Ադրբեջանը, ձգտելով Հայաստանին և այլ երկրների ներքաշել պատերազմի մեջ, կանգ չի առնում ոչնչի առջև: Ադրբեջանի կողմից իրափոփող պատերազմը կանխելու նպատակով Հայաստանի նախագահն անում էր մի շարք կոնկրետ առաջարկություններ:¹

1992թ. փետրվարի 28-ին և մարտի 24-ին ԵԱՀԿ համաժողովների ընդունած և Հայաստանի Հանրապետության կողմից ստորագրված փաստաթղթերում հստակ նշված է, որ Լեռնային Ղարաբաղը Ադրբեջանի տարածք է: Համաձայն այդ փաստաթղթերի՝ արցախահայությունը դիտվում է որպես ազգային փոքրամասնություն, որին պետք է տրվի մշակութային ինքնավարություն: Հետևաբար անտեսվում էր Լեռնային Ղարաբաղի բնիկ ժողովրդի՝ միջազգային իրավունքի բոլոր նորմերով արտահայտված կամքը: Հայտնի է, որ ԵԱՀԿ-ի Հելսինկյան եզրափակիչ ակտն ունի 10 սկզբունք: Դրանցից

¹ Երկիր, 4.03.1992:

² Տես՝ Արկաղի Տեր-Թադևոսյանի անձնական արխիվ:

¹ Հայաստանի Հանրապետություն, 28.02.1992:

արցախահայության համար կարևոր են երկուսը, որոնցից մեկը տարածքների ամբողջականության և սահմանների անձեռնմխելիության սկզբունքն է, իսկ մյուսը՝ ազգերի ինքնորոշման իրավունքը: Այդ երկու հակադիր սկզբունքներից նախապատվությունը տրվում է տարածքային ամբողջականությանը: Տարբեր միջազգային կազմակերպություններում ձևավորված այս մոտեցումը, ցավոք, կիսում էին նաև ԶՅԸ-ական պարագլուխները, որի վառ ապացույցը նրանց շրջը Հայաստանի Հանրապետության կողմից վերոհիշյալ փաստաթղթի ընդունումն էր:¹

Եվրախորհուրդը 1992թ. մարտի 9-ին կոչով դիմելով Հայաստանի և Ադրբեջանի ղեկավարներին՝ հորդորում էր Լեռնային Ղարաբաղում կրակն անմիջապես դադարեցնել: Այդ կապակցությամբ մարտի 11-ին Ադրբեջանի Հանրապետության Գերագույն խորհրդի նախագահ Ն.Մամեդովը հեռախոսազրույց ունեցավ Ա.Մկրտչյանի հետ: Այն հիմնականում զինադադարի հարցի շուրջ էր: Ի վերջո, Հայաստանի և Ադրբեջանի արտաքին գործերի նախարարները մարտի 15-ին թեհրանում ստորագրեցին Իրանի միջնորդությամբ ձեռք բերված զինադադարի համաձայնագիր-նախագիծը, իսկ մարտի 19-ին հակամարտող կողմերը ձեռք բերեցին մեկշաբաթյա զինադադարի համաձայնություն, որը, սակայն, բազմիցս խախտվեց ադրբեջանցիների կողմից:

Հայաստանի և Ադրբեջանի իշխանություններին դիմել էին նաև Բ.Ելչինն ու Ն.Նազարբաևը և կոչ արել բանակցություններ սկսել Լեռնային Ղարաբաղի հիմնահարցի շուրջ:² Այդ կոչն արժանացել է մի շարք երկրների և բազմաթիվ միջազգային կազմակերպությունների հավանությանը: ՄԱԿ-ի պատվիրակությունը Սալբուս Վենսի գլխավորությամբ այցելելով տարածաշրջան՝ մարտի 10-ին Ստեփանակերտում հանդիպում է Ա.Մկրտչյանի հետ և քննարկում Լեռնային Ղարաբաղի հիմնախնդրին առնչվող որոշ հարցեր: Դրանից հետո՝ մարտի 24-ին, ԵԱՀԿ-ի անդամ երկրների արտաքին գործերի նախարարները, հավաքվելով Յելսինկիում, որոշում են Մինսկ քաղաքում կազմակերպել Լեռնային Ղարաբաղի հիմնախնդրին նվիրված միջազգային կոնֆերանս, որին պիտի մասնակցեին Հայաստանը, Ադրբեջանը, Ռուսաստանը, ԱՄՆ-ն, Իտալիան, Գերմանիան, Չեխոսլովակիան, Շվեդիան և եվրոպական մի քանի այլ երկրներ:

Այսպիսով, 1992թ. փետրվար-մարտին Լեռնային Ղարաբաղի հարցը միջազգայնացվեց: Դրանում բոլորից շատ շահագրգռված

էին Հայաստանի ԶՅԸ-ական իշխանությունները: Լ.Տեր-Պետրոսյանը նույնիսկ տեսակետ հայտնեց, թե «բանակցություններում Հայաստանը չպետք է հանդես գա որպես ակտիվ կողմ, որովհետև նա կարող է միայն այս կամ այն կերպ նպաստել ձեռք բերված պայմանավորվածությունների իրագործմանը և համաձայն է հարցի ցանկացած լուծմանը, որը կբավարարի Լեռնային Ղարաբաղի բնակչությանը»:¹

1992-ի գարնանը արցախցիների գերխնդիրը երկրամասի պաշտպանության հարցն էր և «ԼՂՀ Նախարարների խորհրդի մասին» օրենքի հիման վրա, մինչև ԼՂՀ պաշտպանության նախարարության կազմակերպումը, ԼՂՀ նախարարների խորհրդին առընթեր պաշտպանության ուժերի կազմակերպումը: Դեռևս փետրվարի 24-ին ԼՂՀ Գերագույն խորհրդի նախագահությունը որոշում էր ընդունել ԼՂՀ ինքնապաշտպանության ուժերի /ԻՊՈՒ/ ստեղծման մասին: ԼՂՀ Գերագույն խորհրդի 1992թ. մարտի 4-ի որոշումով ԼՂՀ ԻՊՈՒ-ի հրամանատար էր նշանակվել գնդապետ Ա.Տեր-Թադևոսյանը: Այդ նույն որոշմամբ հաստատվել է նաև ԼՂՀ Պաշտպանության խորհրդի կազմը՝ ԼՂՀ Գերագույն խորհրդի նախագահ Արթուր Մկրտչյան /նախագահ/, Օլեգ Եսայան, Վիտալի Բալասանյան, Սերժ Սարգսյան, Արկարի Տեր-Թադևոսյան, Ռոբերտ Քոչարյան և Արկարի Կարապետյան: Ստեղծված իրավիճակում ելնելով «ԼՂՀ Նախարարների խորհրդի մասին» օրենքի 24-րդ հոդվածից՝ 1992թ. մարտի 26-ին ԼՂՀ Նախարարների խորհրդին առընթեր ստեղծվեց Պաշտպանության կոմիտե, որի նախագահ նշանակվեց Սերժ Սարգսյանը: ԼՂՀ Պաշտպանության կոմիտեն առանց հապաղելու ձեռնարկեց ինքնապաշտպանական ջոկատների միավորման, նյութատեխնիկական բազայի ստեղծման, սպառազինության ու տեխնիկայի հայթայթման, մատակարարման և կազմակերպչական այլ խնդիրների լուծման աշխատանքները: Պաշտպանության կոմիտեի այդ օրերի ամենահրատապ խնդիրը Շուշիի ազատագրումն էր և Ստեփանակերտի արևմտյան ու հյուսիսային կողմերում գտնվող ադրբեջանական բնակավայրերում տեղակայված կրակակետերի ոչնչացումը: Այդ խնդիրները լուծելուց առաջ ղեկավարությունը նպատակահարմար գտավ, որ Ա.Մկրտչյանը հանդիպում ունենա Լ.Տեր-Պետրոսյանի հետ: Ա.Մկրտչյանը երևան մեկնեց մարտի 30-ին և հաջորդ օրը հանդիպեց Լ.Տեր-Պետրոսյանի հետ: Վերջինս կրկին Ա.Մկրտչյանին հասկացնել է տվել, որ նա հրաժարական տա ու իր տեղը զիջի ԶՅԸ ներկայացուցչի: Ա.Մկրտչյանը Հայաստանի նախա-

¹ Երկիր, 8.05.1992:

² Голос Армении, 6.03.1992.

գահի հետ ունեցած հանդիպման արդյունքների մասին համաձայնորեն տեղյակ պահեց ԼՂՀ զերագույն խորհրդի նախագահության անդամներին: Նրանց մեծամասնությունը դեմ եղավ Ա.Մկրտչյանի հրաժարականին և դատապարտեց նրա զիջողական տրամադրվածությունը, որն ակնկալում էր իր հրաժարականի գնով ապահովել Հայաստանի օգնությունը Արցախին:¹

Ապրիլի 11-13-ը Արցախում գտնված Քերուլայն Քոչքը դարձավ Մարաղայի ողբերգության վկան: Մարաղայում ապրում էր 4660 մարդ: Ազերիների ավելի քան 1000 զինվորներից բաղկացած մի զորամաս 15 տանկի և մի քանի տասնյակ զրահամեքենաների ուղեկցությամբ ապրիլի 10-ին ներխուժեց Մարաղա գյուղ, կողպտեց տները, քարուքանդ արեց, սպանեց 57 խաղաղ բնակիչ: Գյուղի բնակչությունն արտաքսվեց, իսկ 13 խաղաղ բնակիչ պատանդ վերցվեց:² Հետագայում Արցախի ինքնապաշտպանական ուժերի նոր գործողությունների հետևանքով թշնամին Մարաղայում թողեց ավելի քան 100 դիակ: Մարաղայի վրա հարձակման ժամանակ զրահամեքենաները վարում էին ԱՊՀ զինված ուժերից վարձված մասնագետներ:³ Մարաղայի սպանդի պատասխանատվությունն ամբողջովին ընկնում է Ադրբեջանի իշխանությունների վրա:

1992թ. ապրիլի 14-ի երեկոյան դժբախտ պատահարի հետևանքով ընդհատվեց Արթուր Մկրտչյանի կյանքը: Այդ նույն երեկոյան տեղի ունեցած ԼՂՀ զերագույն խորհրդի նախագահության և ինքնապաշտպանության ուժերի հրամանատարական կազմի համատեղ նիստում զերագույն խորհրդի նախագահի տեղակալ Գեորգի Պետրոսյանը խնդրեց ինքնապաշտպանության ուժերի հրամանատարին և ամբողջ անձնակազմին տեղեկացնել հետևյալը. «Համազգային սգի այս օրերին և ընդհանրապես հանրապետության համար ներկա ժամանակահատվածում ամսահսման կարևոր է ամբողջ ժողովրդի միասնությունն ու խմբավածությունը: ԼՂՀ ինքնապաշտպանության ուժերը պիտի ունենան միասնական հրամանատարություն, որպեսզի բացառվի ինքնական գործունեությունը»:⁴ ԼՂՀ զերագույն խորհրդի նախագահության որոշմամբ ԼՂՀ զերագույն խորհրդի նախագահի պաշտականությունները ժամանակավոր ստանձնեց Գեորգի Պետրոսյանը: Դեռևս ապրիլի 14-ի ուշ երեկոյան ԼՂՀ զերագույն խորհրդի նախագահությունն ու Նախարարների խորհուրդը հանրապետության բնակչությանն ուղղել էին կոչ, որում ասված է. «Ծանր կորուստը չպիտի խախտի մեր շար-

քերը, չպիտի ջլատի մեր ուժերը: Մենք ձեզ կոչ ենք անում մնալ սառնասիրտ, չենթարկվել սադրանքների ու դիմակայել բոլոր դավերին: Մեր պայքարը արդարացված է: Մեր որոշումը՝ անդառնալի: Արցախի ազատության և անկախության սուրբ գաղափարին նվիրաբերեց իր կյանքը Արթուր Մկրտչյանը: Արթուր Մկրտչյանի կամքի լավագույն կատարումը նրա որդեգրած ուղուն հավատարիմ մնալն է»:¹

Շուշիի ազատագրումը և Լեռնային Ղարաբաղը մայր Հայաստանի հետ ցամաքային միջանցքով միացնելը, այսինքն՝ կյանքի ճանապարհի բացումը, պատմական անհրաժեշտություն էր, որի հետևածումը և դանդաղումը կլիներ մեծագույն սխալ: Հայոց Շուշին ավելի քան 70 տարի գտնվում էր գերության մեջ: Ազերիներն այն վերածել էին մի որջի, որտեղից անընդհատ մահ էր սփռվում հայկական բնակավայրերի, հատկապես Ստեփանակերտի վրա: Ստեփանակերտն անընդհատ ռմբակոծվում էր ոչ միայն Շուշիից, այլև Ջանհասանից, Քյոսալարից, Ղայթալուից և Աղղամի կողմից: Բավական է նշել, որ 1991-ի նոյեմբերից մինչև 1992-ի մայիսի սկիզբը այդ կրակակետերից Ստեփանակերտի վրա արձակվել է 4741 արկ, որից մոտ 3 հազարը՝ «Գրադ» կայանքներից: Այդ հրետակոծությունների հետևանքով զոհվել են 111 և վիրավորվել 332 բնակիչներ՝ մեծ մասը կանայք, եղեխաներ և ծեղեր: Ավերվել է 370 բնակելի տուն և շինություն:²

Ապրիլի 28-ին և 29-ին դարձյալ Ստեփանակերտի և Քարաչենի /Գաշուշեն/ հայկական դիրքերի վրա հարձակվեցին մոտ 700 ադրբեջանցիներ:³ Մայիսի 2-ի լույս 3-ի գիշերը Ստեփանակերտի վրա արձակվեց ավելի քան 120 հրթիռ և արկ: Ռմբակոծությունը շարունակվեց 13 ժամ: Ստեփանակերտի բնակիչներից մոտ 1000-ը մնաց անօթևան:

ԼՂՀ զերագույն խորհրդի նախագահությունը մայիսի 1-ին դիմելով աշխարհի պետություններին՝ տեղյակ պահեց, որ Լեռնային Ղարաբաղի ժողովուրդը սովախար է, զուրկ է ջրից, էլեկտրականությունից և ապրելու հնարավորությունից: Նախագահությունը խնդրում էր մարդասիրական օգնություն ցույց տալ արցախցիներին:⁴ Այդ նույն օրը ԼՂՀ Պաշտպանության կոմիտեն հանդես գալով հայտարարությամբ՝ տեղյակ պահեց, որ սահմանամերձ շրջաններում գործող ադրբեջանական դիվերսիոն խմբերը զագանաբար հաշվեհարդար են տեսնում հայազգի խաղաղ բնակչության, այդ

¹ Արթուրյանի Հրանտ, Ճակատագրին ընդառաջ, էջ 160:

² Մելիք-Շահնազարյան Լևոն, նշվ. աշխ., էջ 97-103:

³ Նույն տեղում:

⁴ Երկիր, 16.04.1992:

¹ Երկիր, 16.04.1992:

² Ազգ, 9.05.1992:

³ Երկիր, 30.04.1992:

⁴ Նույն տեղում, 26.05.1992:

քվում՝ կանանց ու երեխաների հետ: Քաղաքներն ու գյուղերը ռմբակոծվում են: Միայն մեկ շաբաթվա ընթացքում Շուշիի կողմից Ստեփանակերտի վրա արձակվել է 1000 արկ, որից 800-ը՝ ռեակտիվ: Չոհվել է 20 խաղաղ բնակիչ, փլատակների են վերածվել հարյուրավոր բնակելի տներ, մի շարք ձեռնարկություններ: Շուշիից դուրս է բերվել ամբողջ խաղաղ բնակչությունը, փոխարենը շարունակում են այնտեղ ժամանել զինամթերքով բեռնավորված մեքենաների նոր շարասյուներ: Ադրբեջանի լրատվամիջոցները շարունակում են ստահող լուրեր տարածել, թե իբր հայկական կողմը օգտագործել է քիմիական զենք: Այդ կեղծիքի նպատակը, ասված էր հայտարարության մեջ, միանգամայն պարզ է՝ Ադրբեջանի ագրեսիան ներկայացնել որպես «պատասխան ստիպողական գործողություններ»:¹ ԼՂՀ ինքնապաշտպանական ուժերին հայտնի էր դարձել, որ ազերիները պլանավորել էին մայիսի 9-ին մտնել Ստեփանակերտ և կոտորել կամ վտարել ամբողջ բնակչությանը: Մայիսի 7-ին հակառակորդի «Մի-21» երեք մարտական ուղղաթիռներ Ստեփանակերտի վրա գրոհեցին Ղայրալուի կողմից: Միաժամանակ Շուշիի և Ջանհասանի դիրքերից «գրադ» կայանքներից Ստեփանակերտի վրա արձակվեցին 200 հրթիռ և մի քանի տասնյակ այլ տիպի արկեր: Եղան գոհեր, վիրավորներ, հրդեհ բռնկվեց երկաթուղային կայարանում և քաղաքի թաղամասերում:²

Ադրբեջանի բնաջնջողական պատերազմի քաղաքականության հետևանքով ԼՂՀ մայրաքաղաքում և այլ բնակավայրերում ստեղծվել էր օրհասական կացություն: Ստեփանակերտը կանգնած էր սովի եզրին: Բնակիչները միջին հաշվով օրական ստանում էին 11 գրամ ալյուր և 2,5 գրամ շաքարավազ: Քաղաքում գործում էին միայն կենսապահովման կարևորագույն օղակները: Չկար հեղուկ վառելիք, իսկ մայիսի 1-ից լրիվ անջատվել էր էլեկտրատեներգիան: Բնակչությանը միայն ալյուր կամ հացահատիկ էր բաժանվում, ռումբերի պայթյունի տակ հաց թխվում էր բացառապես զինվորների և հիվանդանոցների համար: Հագարավոր ընտանիքներ մնացել էին անօթևան: Քաղաքի բնակիչներին հնարավոր օգնություն էին ցույց տալիս գյուղերում ապրող հարազատները: Հարյուրավոր ընտանիքներ ստիպված էին քաղաքից տեղափոխվել գյուղեր: Այսպիսի իրավիճակում Շուշիի և ադրբեջանական մյուս կրակակետերի ոչնչացումն ու Հայաստանի հետ ցամաքային կապի բացումը դարձավ կենսաց ու մահվան հարց: Այդ էին թելադրում երկրամասի համապարփակ շրջափակումը, շուրջօրյա հրթիռակոծությունը,

ստեղծված չափազանց ծանր ու անտանելի կենսապայմանները: Հանրապետության տնտեսությունը լրիվ կաթվածահար վիճակում էր: Գ.Պետրոսյանը մայիսի 8-ի երեկոյան հաղորդել է Երևան. «Վերջին շաբաթվա ընթացքում ադրբեջանցիները լայնածավալ հարձակումներ են գործում Ստեփանակերտի վրա: Վիճակն անտանելի էր դառնում: Եվ մայիսի 7-ին ԼՂՀ Գերագույն խորհրդի նախագահության նիստը Պաշտպանության խորհրդից պահանջեց լռեցնել թշնամու կրակակետերը, ապահովել խաղաղ բնակչության անվտանգությունը: Երեկ ԼՂՀ ինքնապաշտպանության ուժերը դիմեցին վճռական գործողությունների: Ադրբեջանի Հանրապետության զինված ուժերի հարձակումը ամեն գնով պետք է կասեցվեր: Մենք ապրելու այլ տարբերակ չունենք: Իրադրությունն այժմ բարդ է, և մենք ամեն ինչ անելու ենք, որպեսզի Շուշին դադարի ԼՂՀ-ի համղեպ ագրեսիայի օջախ լինելուց: Ես համոզված եմ, որ մեր գործողություններն ընթանումով կընկալվեն ամբողջ աշխարհում: Ես համոզված եմ, որ ողջ հայ ժողովուրդն այսօր մեր կողքին է և աջակցելու է մեզ: Աստծո և մեզ վրա է հույսներս»:¹

Շուշիի ազատագրմանը նախորդեցին դիվանագիտական մեծ ջանքեր: ԼՂՀ Գերագույն խորհրդի նախագահությունը բազմիցս բողոքներ էր ներկայացնում միջազգային հանրությանը, խոշոր տերությունների ղեկավարներին և միջազգային բազմաթիվ կազմակերպությունների՝ խնդրելով նրանց միջամտությունը՝ վերջ տալու Արցախի նկատմամբ Ադրբեջանի բացահայտ ագրեսիային: 1992թ. մարտ-ապրիլին բազմաթիվ երկրների ներկայացուցիչներ, քաղաքական և հասարակական գործիչներ ժամանելով Լեռնային Ղարաբաղ՝ խոստանում են ազդել ագրեսորի վրա, սակայն Ստեփանակերտի և հանրապետության բազմաթիվ բնակավայրերի ռմբակոծումը չէր դադարում:

Գնալով խորանում էր Արցախի հարցի միջազգայնացումը: Ընդառաջելով Արցախի բողոքներին և պահանջներին՝ ԵԱՀԿ-ն որոշել էր հայ-ադրբեջանական առձևկատման գոտում տեղադրել մինչև 200 դիտորդ: Դիտորդական խմբի ղեկավար նշանակվեց Շվեդիայի արտգործնախարարի տեղակալ Մոսթերգը, որն իր պարտականությունների կատարմանը չանցած՝ բանակցություններ էր սկսել Ադրբեջանի խորհրդարանի և կառավարության հետ:² Ապրիլի 28-30-ը Կոպենհագենում տեղի ունեցած սեմինար-գիտաժողովը քննարկեց նաև Լեռնային Ղարաբաղի, Հարավային Օսեթիայի և Աբխազիայի հարցերը: Ղրան Հայաստանից մասնակցեցին Գերագույն

¹ Ուրբաթ, 8.05.1992:

² Հասարակական Անցոր. Ուշվ. աշխ., էջ 34:

¹ Երկիր, 9.05.1992:

² Նույն տեղում, 28.04.1992:

խորհրդի Արցախի հարցի վերաբերյալ հանձնաժողովի նախագահ Սեյրան Բաղդասարյանը, քարտուղար Սուրեն Ջուլյանը, Յուրի Բարսեղովը և ուրիշներ: Կոպենհագենյան հանդիպման ժամանակ հայկական կողմը նշեց, որ Հայաստանի կողմից Արցախին ցույց տրված օգնությունը միջազգային օրենքների տեսանկյունից չի դիտվում որպես հարևան երկրի ներքին գործերին միջամտություն: Ադրբեջանական կողմը հայտարարեց, թե Ադրբեջանի համար Արցախի հիմնախնդրի լուծումը արցախցիներին մշակութային ինքնավարություն չնորոհելն է:¹

Ա.Տեր-Պետրոսյանն Իրան կատարելիք այցի նախօրյակին հայտարարեց, թե Լեռնային Ղարաբաղի հարցը միջազգային բնույթ է կրում, իսկ դա նշանակում է, որ նրա հիմնահարցը պետք է վճռի միջազգային հանրությունը, ըստ որում՝ Ղարաբաղցիների մասնակցությամբ: Ադրբեջանի իշխանություններն իրենց հերթին ապրիլի 16-ին դիմելով աշխարհի պետությունների ղեկավարներին և ՄԱԿին՝ հայտարարում էին, թե իբր հայկական կողմը նախապատրաստվում է հայերի ցեղասպանության օրը՝ ապրիլի 24-ին, գրավել Շուշին և կազմակերպել այնտեղի ադրբեջանցիների ցեղասպանություն: Դրանից ելնելով՝ ադրբեջանական կողմը փարիսեցիաբար խնդրում էր միջամտել և դարաբաղյան հարցը վճռել խաղաղ ճանապարհով:² Ինչպես երևում է, Ադրբեջանը փորձում էր Արցախյան հիմնահարցը միջազգայնացնել, որպեսզի կարողանար պահել Շուշին և Լաչինը: Այդ նույն օրերին Ադրբեջանի նախագահի թեկնածու, Ազգային անկախություն կուսակցության ղեկավար Էթիբար Մամեդովը ընտրողներին խոստանում էր գինել մեկ միլիոն 200 հազար մարդ և անհապաղ լուծել Ղարաբաղի հարցը: Այդ ընթացքում ադրբեջանցիները Շուշիի, Ջանհասանի և Քյոսալարի կրակակետերից անընդհատ կրակի տակ էին պահում Ստեփանակերտն ու հարակից հայկական գյուղերը: Այդ բնակավայրերի անվտանգությունն ապահովելու համար Շուշին պետք է ազատագրվեր, և այնտեղի կրակակետերը լուծվեին:⁴

¹ Երկիր, 5.05.1992:

² Огонек, N 14-15, от 4-18 апреля 1992.

³ Бакинский рабочий, 16.04.1992.

⁴ Շուշիի ազատագրման մասին հրապարակի վրա կան մի շարք գրքեր, հուշեր, լրագրային հոդվածներ և այլ նյութեր: Այդ բոլորը բավարար չհամարելով՝ պատմագիտության դոկտոր Հրանտ Աբրահամյանի հետ 2002թ. փետրվարին հանդիպումներ ունեցանք Շուշիի ազատագրության գործողության իրագործման անմիջական ղեկավարներ գեներալներ Գուրգեն Ղալիբալայանի, Արկադի Տեր-Թադևոսյանի, Սեյրան Օհանյանի և Լեռնիկ Մարտիրոսյանի հետ: Ցավոք, մեզ չհաջողվեց հանդիպել այն ժամանակ

Գեներալ-մայոր Ա.Տեր-Թադևոսյանի վկայությամբ Խոջալուն ազատագրելու հենց հաջորդ օրը՝ փետրվարի 27-ին, իր սեղանին է դրվել Շուշիի քարտեզը: «Քանի որ ես չէի պահանջել այդ քարտեզը, - պատմում է գեներալը, - միանգամից չհասկացա, թե դա ինչ է նշանակում: Մենք դեռ ուշքի չէինք եկել Խոջալուն ազատագրելուց հետո, մասնավորապես որ Ադրբեջանն աշխարհով մեկ աղմուկ էր բարձրացրել, երբ անմիջապես բերում են Շուշիի քարտեզը ու հայտարարում, թե հիմա էլ պետք է ազատագրենք Շուշին և առանց ուշացնելու ոչնչացնենք այնտեղի կրակակետերը: Ստացվել էր այնպես, որ Շուշիի ազատագրման անհրաժեշտությունը հասունացել էր «Ներքևներում»:

Օպերացիայի գործողությունները մշակվել էին խիստ գաղտնի պայմաններում: Պակաս դեր չունեց նաև ոգու ուժը: Ամբողջ հայ ժողովուրդը պատրաստ էր ազատագրել Շուշին: Քանի որ հակառակորդը շատ էր վախենում շրջապատումից, հայկական կողմի գործողությունները կրում էին շրջանցիկ բնույթ: Օպերացիան ստացել էր «Հրազդան» կոդային անվանումը, ընդ որում Շուշիինը՝ «Հրազդան-1», Լիսազորինը՝ «Հրազդան-2», Լաչինինը՝ «Հրազդան-3»:

Շուշիի ազատագրման թե՛ օպերատիվ պլանի կազմման ծանրությունը և թե՛ իրագործման ղեկավարումը ընկած էին ԼՂՀ Ինքնապաշտպանության ուժերի հրամանատար Ա.Տեր-Թադևոսյանի վրա: Այն ժամանակ նրա համար գերխնդիրը ոչ թե Շուշիի ազատագրումն էր, այլ Հայաստանի հետ ճանապարհային ուղիղ կապ ունենալը: Այլ հարց է, թե այդ ճանապարհը որտեղով պետք է անցներ՝ Շուշիի միջով, թե՞ այն շրջանցելով: Շուշիի ազատագրումն ու միջանցքի բացումը փոխկապակցված էին, քանի որ Ստեփանակերտին սպառնացող վտանգը չէր նվազել:

Մինչև Շուշիի օպերացիայի պլանի վերջնական տարբերակի կազմումը ստեղծվել էին մի քանի հետախուզական խմբեր, որոնց հանձնարարված էր ուսումնասիրել հակառակորդի ուժերի տեղակայումը, դիրքերը և ճշտել քանակական տվյալները: Թշնամու հետ շփման գիծը ձգվում էր 20-25 կիլոմետր: «Մենք, - նշում է Ա.Տեր-Թադևոսյանը, - պետք է ստույգ տվյալներ ունենայինք յուրաքանչյուր քառակուսի մետր տարածության մասին, որպեսզի լավ իմանայինք հակառակորդին: Եվ երբ համադրեցինք բոլոր տվյալ-

ԼՂՀ Պաշտպանության կոմիտեի նախագահ Սերժ Սարգսյանի հետ, որը, անշուշտ, բավականին մանրամասներ կպարզաբաներ: Նշված գեներալների վկայությունները գրանցվել են և պահպանվում են մեզ մոտ: Լրանք մեզ տրամադրել են նաև հետաքրքրական բազմաթիվ փաստաթղթեր և նյութեր, որոնք այս կարևոր հարցը պարզաբանելիս օգտագործվել են տողերիս հեղինակի կողմից:

ները, հանգեցինք այն եզրակացության, որ հակառակորդն ավելի ուժեղ է: Նա մեզ գերազանցում էր բոլոր չափանիշներով՝ և՛ հրետանիով, և՛ տանկերով, և՛ աշխարհագրական դիրքով: Տարրական հաշվարկները ցույց էին տալիս, որ թշնամու նկատմամբ նույնիսկ եռապատիկ-քառապատիկ ավելի զինուժ ունենալու դեպքում շատ մեծ դժվարություններ ենք ունենալու»:¹ Եվ հենց դա էր պատճառը, որ գեներալ Գ.Ղալիբալթայանն իր նախնական հաշվարկներում նախատեսել էր Շուշին ազատագրելու համար ունենալ առնվազն 10 հազար զինվոր:

Շուշին գրավելու մարտական հրամանը կազմվելուց առաջ՝ դեռևս ապրիլի երկրորդ կեսին, ճշտվել էին թե՛ թշնամու և թե՛ ԼՂՀ ԻՊՈՒ-ի անձնակազմի, զենքի և զինամթերքի քանակը, և կատարվել բոլոր հաշվարկները: Ապրիլի 27-ի դրությամբ Շուշիում կենտրոնացված էին հակառակորդի 11 տանկ, 9 հետևակային մարտական մեքենա, 10 զրահապատ փոխադրիչ /ԶՓ/, 2 հետախուզական-իջագորային մարտական մեքենա, 100 մմ 3 թնդանոթ, 2 ՄՍ-21 հրթիռահրետանային կայանք, «ՈՒԱԶ»-ների վրա խարսխված խոշոր տրամաչափի 3 գնդացիր, մոտ 1500 զինվոր: Մայիսի 6-ին Լաչինից Շուշի բերվեցին լրացուցիչ 15-20 մեքենա, 4 ՄՍ-21 և 4 ՉՓ:²

Պահանջվող զենքերի և զինամթերքի հաշվարկները վերջնականապես կատարվել են ապրիլի վերջին օրերին: Ըստ հաշվարկների՝ պահեստայինների հետ միասին նախատեսվում էր ունենալ 2850 հոգուց բաղկացած անձնակազմ:

1992թ. ապրիլի 28-ի դրությամբ ճշգրտվել էին հարձակումների ուղղությունները, հրամանատարները, առկա զենքի և զինամթերքի քանակը: Այդ ամենից հետո միայն Ա.Տեր-Թադևոսյանը մայիսի 4-ին ստորագրեց մարտական հրամանը: Շուշիի ազատագրումը բարոյահոգեբանական նշանակություն ուներ: Անընդհատ կրակի հետևանքով ֆիզիկական ու հոգեբանական ճնշման պայմաններում գտնվող ժողովուրդը և նորաստեղծ հանրապետության ղեկավարությունը զրկված էր կենսագործունեության ամենատարրական հնարավորություններից: Այն հնարավորություն էր ստեղծում հետագայում ճանապարհ բացել դեպի Յայաստան:

Ա.Տեր-Թադևոսյանի 1992թ. մայիսի 4-ի հրամանի համաձայն՝ մայիսի 8-ին ժամը 2.30-ին դեպի Շուշի ուղղված առաջին հրթիռներն ազդարարեցին գրոհի սկիզբը:

Յայաստանից Արցախ էին գնացել բժիշկների 23 բրիգադ, կապի աշխատողներ, պատրաստի վիճակում էին ուղղաթիռները,

Գորիսի մոտակայքում կենտրոնացված էին ԳԳ պաշտպանության նախարարության ուժեր: Վիրավորներին ընդունելու և անհարժեշտ վիրահատություններ կատարելու համար պատրաստ վիճակում էին Ստեփանակերտի, Գորիսի և Երևանի մի շարք հիվանդանոցներ:

Հարձակումը սկսելու նախորդ օրը մայիսի 7-ի ուշ երեկոյան, տեղի էր ունեցել ԼՂՀ Գերագույն խորհրդի նախագահության արտահերթ նիստ: Այնտեղ քննարկվել էր հանրապետությունում ստեղծված ծանր կացությունը, որն առաջացել էր նախ և առաջ տնտեսական շրջափակման հետևանքով: Գերագույն խորհրդի առաջարկությամբ կեսգիշերին տեղի էր ունեցել ԼՂՀ Պաշտպանության խորհրդի նիստ, որտեղ որոշում էր ընդունվել Ստեփանակերտի շուրջ գտնվող բոլոր կրակակետերի ոչնչացման մասին:¹

Շուշիի օպերացիայի հիմնական գործողություններն արտացոլված էին մարտական հրամանում և քարտեզների վրա: Պլանը մշակելիս հաշվի էր առնվել հայկական ուժերի ունեցած զենքն ու զինամթերքը: Անընդունելի է այն տեսակետը, թե իբր «հրամանատարությունը հակառակորդի զորամիավորումների իրական հնարավորության մասին ստույգ տեղեկություն չունենալով»:² Շուշիի ազատագրման գործողություններին մասնակցել է մոտ 60 ջոկատ: Մանրամասն հաշվի էին առնվել յուրաքանչյուր ջոկատի հնարավորությունները, ճշգրտվել էր, թե որ ջոկատը որ ուղղությամբ պետք է տեղակայվեր, որ ջոկատի հրամանատարն ինչի է ընդունակ: Գլխավոր ուղղությունների պատասխանատուներ էին նշանակվել վստահելի և ունակ հրամանատարներ Սեյրան Օհանյանը, Վիտալի Զիթյանը, Արկադի Կարապետյանը, Աշոտ Ղուլյանը /Բեկոր/, Դուշմանը /Վարդան/, Սամվել Բաբայանը, Յուրա Յովհաննիսյանը, Վալերի Բալայանը, Նվեր Զախոյանը և ուրիշներ: Չնավորվել էր հրամանատարական այնպիսի կորիզ, որին ամբողջությամբ վստահում էր վերին հրամակազմը: Պատերազմի, մասնավորապես Շուշիի օպերացիայի ժամանակ կամավորական ու կադրային սպաները դարձել էին անքակտելի միասնություն: Ա.Տեր-Թադևոսյանի վկայությամբ՝ նրան շատ է օգնել Գուրգեն Ղալիբալթայանը: Նրա ներկայությունը ոգևորում էր բոլորին: «Նա, - պատմում է Ա.Տեր-Թադևոսյանը, - որպես անձ, որպես զինվորական՝ իր վարքով ու պահվածքով բացառիկ դեր է խաղացել Շուշիի օպերացիայի ժամանակ: Այն խնդիրները, որոնք Վազգեն Սարգսյանի կողմից դրված էին նրա վրա, նա կատարել է անթերի»:³

¹ Արցախ, 30.05.1992:

² Ղարիբյան Գ., նշվ. աշխ., էջ 117:

³ Տես՝ մեր անձնական արխիվ:

¹ Տես՝ մեր անձնական արխիվ:

² Հարությունյան Մ.Ա., նշվ. աշխ., էջ 86:

Ռազմաքաղաքական խնդիրներից զատ օպերացիայից առաջ ուսումնասիրվել էր Ադրբեջանի բարդ քաղաքական իրավիճակը: Հայկական հրամանատարությունը գիտեր, որ հակառակորդի գինված ուժերում կային երկպառակություններ և անհամաձայնություններ, որոնց օգտագործումը շատ կարևոր էր: Այդ տեսակետից Շուշիի օպերացիայի ռազմական ղեկավարությունը նպաստավոր վիճակում էր: Հակառակորդի թերես գերակշռող, սակայն անկայուն ուժերի դիմաց կանգնած էր բարոյապես կայուն, հաղթանակի ձգտող հայոց բռունցքը, որը պատրաստ էր հաղթահարելու բոլոր դժվարությունները, միայն թե Շուշին ազատագրված տեսներ: Հայկական հրամանատարությունը բարդ իրավիճակում գործեց սառնասիրտ և ընդունեց սթափ որոշումներ: Առանձին դրվագներում վճռական դեր խաղաց պահեստային ստորաբաժանումը, որն իր քաջարի հրամանատար Յուրի Հովհաննիսյանի գլխավորությամբ հրաշքներ էր գործում: Այդ ժամանակ հայոց ռազմաիրամանատարական միտքը կենտրոնացված էր «Հրազդան» և «Հարսանիք լեռներում» օպերատիվ պլանների իրագործման վրա, պլաններ, որոնց համադիր վերլուծությունը մեծապես կօգնի այդ խոշոր իրադարձության պատմագիտական հետազոտությանը: Շուշիի օպերացիայի պլանի այդ երկու տարբերակի գոյությունը, որի մասին չգիտեին նույնիսկ շատ հրամանատարներ, ըստ Ա.Տեր-Թադևոսյանի, պայմանավորված էր մի շարք հանգամանքներով, ամենից առաջ՝ գաղտնապահությամբ: Ըստ էության, այդ երկու տարբերակների միջև էական տարբերություններ չկային, սակայն առաջնությունը տրվել է «Հարսանիք լեռներում» տարբերակին, որի մասին գիտեին չորս հոգի Ա.Տեր-Թադևոսյանը, շտաբի պետ Ֆ.Գզդոյանը, քարտեզագիրը և Սերժ Սարգսյանը: «Հարսանիք լեռներում» տարբերակի «Խիստ գաղտնի» օպերատիվ քարտեզի վրա նույնիսկ բացակայում է այն հաստատողի ստորագրությունը: Այդ քարտեզ-պլանը գտնվում էր միայն գլխավոր հրամանատար Ա.Տեր-Թադևոսյանի տնօրինության տակ: Նա հպարտությամբ նշում է, որ Շուշիի գրավումը ռազմական արվեստի իսկական նմուշ է, և որ դա հնարավոր եղավ մեր մարտիկների սխրանքների ու ոգու արիության շնորհիվ: Շուշիում տեղի ունեցավ այն, ինչը հայտնի է վաղուց՝ երբ քո ոգին ավելի բարձր է, քան թշնամունը, ապա վաշտը կարող է հաղթել գնդին:

Հակառակորդը դիրք էր գրավել Շոշի կամրջից ոչ շատ հեռու: Նրան փախուստի մատնեցին Լևոն Մնացականյանի ակամա-նետային կրակոցները: Քանի որ տարածքն ակամապատված չէր, և հակառակորդը խուճապահար էր, հայ 12 մարտիկներ գրավելով առաջին բարձունքը՝ պատրաստվում էին շարունակել գրոհը: Աշոտ Ղուլյանը, չնայած վիրավորված լինելուն, մնում էր շարքում: Առա-

վտյան ժամը 6.30-ին նա Ա.Տեր-Թադևոսյանին հաղորդում է, որ նստած է Շուշիի բերդի պատին, և շուտով կմտնեն քաղաք:

Այսպիսով, մայիսի 8-ի կեսօրվա դրությամբ Շուշիի պաշտպանությունը ճեղքված էր հյուսիսից և արևելքից: Քաղաք մտած ջրկատները կռվում էին շուկայի շրջակայքում և կենտրոնական թաղամասերում: Երեկոյան ժամը 18-ին հայ ազատամարտիկները գրավելով քաղաքի կենտրոնը և ազերիների հսկողության տակ թողնելով միայն հարավային հատվածը՝ փողոցային մարտերով մոտենում են Ղազանչեցոց եկեղեցուն, որը ազերիների կողմից վերածվել էր գինապահեստի: Հակառակորդը խուճապահար նահանջում էր: Մայիսի 9-ի կեսօրին մարտերը մղվում էին միայն հեռուստակենտրոնի մոտ: Այդ իրադարձություններից մեկ տարի անց Սամվել Բաբայանը նշել է, թե բերդաքաղաքում մարտեր տեղի չեն ունեցել, և քաղաքն ազատագրվել է առանց գրոհի և անարյուն:² Պաշտոնական Բաքուն մինչև հիմա շարունակում է պնդել, թե իբր Շուշին հայերի կողմից գրավվել է պաշտպանության նախարար Ռաիմ Գազիևի դավաճանության հետևանքով: Իրականում հայկական ուժերի հուժկու հարվածների տակ Շուշիում գտնվող հազարի հասնող ազերի զինվորները մատնվել էին խուճապի, տարանջատվել և դարձել անկառավարելի: Ըստ էության, նրանց ավելի շատ մտահոգում էր իրենց կյանքի փրկությունը, քան թե քաղաքի պաշտպանությունը:

Մայիսի 8-ի երեկոյան, երբ դեռ Շուշիում չէին լռել կրակոցները, Վազգեն Սարգսյանը հայտարարեց. «Այն, ինչ կատարվում է Արցախում, հրաշք է... Արցախը պաշտպանում է իրեն, բայց կար անավարտության զգացում: Իսկ քանի Շուշին կար, Արցախում ապրել անհմար էր: Ամեն օր տասնյակ խաղաղ բնակիչներ էին սպանվում: Հեքիաթ աղբյուրի գլխին կախված հրեշ էր Շուշին: Կամ պիտի Արցախը կուլ գնար, կամ ոչնչացներ նրան... Մեր ժողովրդի մի հատվածն այստեղ՝ Արցախում, կենաց և մահու կռիվ է տալիս, և մենք այստեղ անտարբեր մնալու բարոյական իրավունք չունենք... Պատերազմը առաջին հերթին ոգու պայքար է: Այսօր մեր ոգին կռվում է: Մեր ոգին այսօր հաղթում է»:³

Շուշիի ազատագրումով և հակառակորդի մյուս կրակակետերի լռեցումով Ստեփանակերտը և հարևան բնակավայրերը շունչ առան: Երկու օրում թշնամու դիմադրությունը կտրվեց: Այդ հերոսական մարտերում խիզախությամբ աչքի ընկան ԼՂՀ ԻՊՈՒ-ի տասնյակ վաշտեր, հետախուզական և այլ ստորաբաժանումներ, հարյու-

² Ղանիելյան Արմեն, նշվ. աշխ., էջ 34:
Արցախ, 9.05.1993:
Երկիր, 9.05.1992:

րավոր ազատամարտիկներ: Հակառակորդը տվեց 300 զոհ, 600–700 վիրավոր, 13 գերի: Թշնամուց առգրավվեցին կամ խփվեցին մոտ 10 միավոր զրահատեխնիկա, տասնյակ միավոր այլ փոխադրամիջոցներ, «Գրադի» հարյուրավոր հրթիռներ և արկեր, մի քանի միավոր հրետանի և այլ զենք ու զինամթերք:¹

Շուշիի ազատագրումից հետո ռազմական գործողություններն ընդունեցին ԼՂՀ-ի և Ադրբեջանի միջև սահմանային պատերազմի բնույթ, իսկ ԼՂՀ անկախությունը դարձավ ամբողջական և անշրջելի: Շուշիի ռազմական գործողություններն առաջին լուրջ մարտական մկրտությունն էին ԼՂՀ ԻՊՈՒ-ի համար և իրենց արժանի տեղը գտան հայ ազգային ազատագրական պայքարի պատմության տարեգրությունում: Շուշիի ազատագրումը բարձագրեց մեր ժողովրդի մարտական ոգին և բարոյահոգեբանական հարված հասցրեց քննաձև, որը հետո չկարողացավ ազատվել պարտվողի հոգեբանությունից:

Շուշին ազատագրելու համար հայկական կողմը տվել է մոտ 70 (կամ 57) զոհ, 120 վիրավոր: «Շուշիի ազատագրման համար» մեդալով պարգևատրվել են 696 ազատամարտիկ:²

Շուշիի գրավումը դեռ լիակատար հաղթանակ չէր, քանի որ Գորիս տանող ճանապարհները բացելու համար դեռ մարտեր էին պահանջվում: Հակառակորդը մայիսի 12-ին լայնածավալ գործողություններ սկսելով Շահումյանի և Մարտակերտի շրջաններում՝ փորձեց Շուշիից շեղել հայ ինքնապաշտպանական ուժերի ուշադրությունը: Օդուժով անընդհատ ռմբակոծվում էին Ասկերանի շրջանի Շոշ, Քթասնի, Մարտունու շրջանի Ավդուռ, Մյուրիշեն, Նորաշեն և այլ գյուղերը: Հայ ազատամարտիկները Աշան և Նորաշեն գյուղերի կողմից հարձակվելով Աղզամի շրջանի Գյուլափու գյուղի ուղղությամբ՝ հակառակորդին ստիպեցին վերադառնալ ելձան կետ: Թշնամին Աղզամի կողմից մայիսի 10-ին հարձակվեց Նախիջևանի, Աղբուլաղ, Ղահիրազ, Ֆրջամալ և Վարազարուն գյուղերի ուղղությամբ, սակայն հանդիպեց ուժեղ դիմադրության: Ազերիները նաև փորձեցին Ֆիզուլու կողմից ճեղքել Տոդի պաշտպանությունը, սակայն հանդիպելով հայ ազատամարտիկների համառ դիմադրությանը՝ հետ նահանջեցին:

ԼՂՀ Գերագույն խորհրդը 1992թ. մայիսի 11-ին դիմում հղեց հանրապետության բնակչությանը, որտեղ ասված է. «Արցախի ազա-

տագրական պայքարը թևակոխում է իր բախտորոշ փուլը: Ադրբեջանի կառավարությունը վիժեցնում է Ղարաբաղի հիմնահարցը խաղաղ ճանապարհով լուծելու մեր բոլոր ջանքերը: Մենք ետ չենք կանգնի մեր ընտրած ուղուց: Ազատությունը գերադասում ենք կյանքից, որովհետև չենք դատապարտվել հավերժական ստրկության: Սակայն դեռ վաղ է վերջական հաղթանակ ակնկալել»: Այնուհետև ասվում էր, որ «մեզ է վիճակված կերտել մեր ապագան, մեր պայքարը խարսխվում է մեր հավաքական կամքի անմնացողով անվիրումի և կազմակերպության վրա: Վերջնական հաղթանակի հասնելու համար դառնանք միասնական ոգի և մարմին»:¹

ԼՂՀ Գերագույն խորհրդի նախագահությունը մայիսի 13-ին հանդես եկավ նաև հայտարարությամբ, որտեղ ասված է, թե 1988թ. փետրվարից սկսած՝ Ադրբեջանի քաղաքական ղեկավարությունը բռնել է հայ բնակչության բռնի տեղահանմանը միտված հետևողական կուրս: Հակառակորդը շարունակում է ռմբակոծել հանրապետության բնակավայրերը, և հանրապետության տնտեսությանը հասցվել է ավելի քան 3,5 միլիարդ ռուբլու վնաս:²

Արցախցիները բերկրանքի մեջ էին, իսկ Ադրբեջանը սզվոր էր: Այդ օրերին Բաբուն հաղորդեց, թե հայերը նվաճել են 50 հազար բնակիչ ունեցող Շուշին և իբր ամբողջ բնակչությանը ոչնչացրել: Նաև նշվում էր, թե իբր հայերը քաղաքը գրավել են ազերի դավաճանների օգնությամբ: Ադրբեջանի Գերագույն խորհրդի նախագահի պաշտոնակատար Է.Մամեդովը ևս մայիսի 11-ին հանրապետության հեռուստատեսությամբ հայտարարեց, թե Շուշիում դավաճանություն է եղել, և դավաճանները չեն խուսափի պատասխանատվությունից: Նա իր ազգակիցներին վստահեցնում էր, որ մոտ ժամանակներս Շուշին կրկին կդառնա ադրբեջանական:³

ԼՂՀ ԻՊՈՒ-ի առաջ խնդիր դրվեց մի քանի օրվա ընթացքում բացել կենսական հույժ կարևորություն ունեցող Շուշի-Լաչին-Գորիս ճանապարհը, որը հնարավորություն կտար վերացնել Արցախի շրջափակումը և ապահովել հանրապետության բնակչության նորմալ կենսագործունեությունը: Հայ ազատամարտիկները մայիսի 15-ին ազատագրեցին Լիսազորը, իսկ մայիսի 17-ին ազատագրվեց Բերդաձորի ենթաշրջանը, որը հայաթափվել էր մեկ տարի առաջ: Արդեն բաց էր Լաչին մտնելու ճանապարհը:

¹ Երկիր, 12.05.1992:

² Արցախ, 30.05.1992: 1991թ.դեկտեմբերի վերջից դադարեցվել էր «խորհրդային Ղարաբաղ» թերթի տպագրությունը: ԼՂՀ Գերագույն խորհրդի որոշմամբ՝ թերթը սկսեց նորից լույս տեսնել 1992թ. մայիսի 30-ից. «Արցախ» անվամբ:

³ Бакинский рабочий, 12.05.1992.

¹ Հարությունյան Մ.Ա., նշվ. աշխ., էջ 123-124:

² Ազատ Արցախ, 9.05.1992, Հայաստանի Հանրապետություն, 9.05.1992, Հարությունյան Մ.Ա., նշվ. աշխ., էջ 124, Բալայան Զորի, Դրախտ և դժոխք, էջ 152 և այլն:

Շուշիի ազատագրմանը և Շուշի-Լաչին-Գորիս ճանապարհի բացմանը մեծապես նպաստել են նաև Գորիսի շրջանում տեղակայված ուժերը: «Դնեպր» հրետանային միավորման հրամանատար Դ.Բաղդասարյանը գրում է, որ մայիսի 7-ի առավոտյան մարտական վիճակի էր բերվել ամբողջ հրետանին: Այդ նույն օրը՝ ժամը 9-ին, ռադիոյով դիմելով Լաչինի կայազորի զինվորներին և քաղաքում մնացած խաղաղ բնակչությանը՝ հայկական կողմը պահանջեց խնայել իրենց կյանքը և արագ հեռանալ քաղաքից: Այնուհետև հուժկու կրակ բացվեց Լաչինի և մյուս թաղամասերի վրա: Լաչինցիները հեռացան Կուրաթլու (Ղուբաթլու) տանող ճանապարհով: Մայիսի լույս 9-ի գիշերը Լաչինն ամբողջովին դատարկվել էր: Մնում էր, որ Շուշին ազատագրած մարտիկները արագ մտնեին Լաչինի միջանցք: Դ.Բաղդասարյանը գեներալ Գ.Դալիբալթյանին ուղարկում է հետևյալ ռադիոգիրը. «Լաչինը և ամբողջ միջանցքն ազատ է ազերիներից, բնակչությունն ու զորքը հեռացել են, ձեզ ոչ մի դիմադրություն չի սպասում, առանց հապաղելու առաջ շարժվեք, հակառակորդը կարող է ուշքի գալ և վերադառնալ: «Դնեպր»:¹

Դարաբաղյան ուժերն առաջ շարժվելով՝ մայիսի 18-ին մտան Լաչին, ապա դուրս եկան Հայաստանի Հանրապետության սահմանը: Այսպիսով, երեք տարի պահանջվեց Արցախի շրջափակման օղակը գեների ուժով ձեղքելու համար:

Բացվեց կյանքի ճանապարհը, և Արցախն ընդմիջտ կապվեց մայր Հայաստանի հետ: Դրանով ավարտվեց ԼՂՀ անկախության համար պայքարի առաջին փուլը: Այն ամուր հիմք ստեղծեց հետագա հաղթանակների համար:

Դարաբաղյան պայքարի առաջին շրջանը, որն ընդգրկում է 1985 թվականից մինչև 1992թ. մայիսը ընկած ժամանակաշրջանը, այսինքն՝ մինչև Շուշիի ազատագրումը և Հայաստանի հետ անմիջական կապի հաստատումը, ավելի քան յոթ տարվա պատմություն է: Այն լի է բուռն իրադարձություններով: Գորբաչովյան «վերակառուցման» ժամանակաշրջանում սկսված ժողովրդավարական շարժումն ընդգրկեց կյանքի բոլոր բնագավառները, ամենից առաջ՝ չլուծված ազգային հարաբերությունների ոլորտը, որի որոշակակիրը եղավ արցախահայությունը: Արցախ-Ղարաբաղը 1920-ական թվականների սկզբին խորհրդային և կոմունիստական կայսերապետության կողմից ապօրինի նետվել էր Ադրբեջանի երախը և Լախիջևանի օրինակով տարբեր միջոցներով ենթարկվում էր հայաթափման: Ամբողջ խորհրդային ժամանակաշրջանում արցախահայերը ոչ մի անգամ չդադարեցրին մայր Հայաստանի հետ վերամիավորվելու համար պայքարը:

Արցախում ազգային-ազատագրական պայքարը նոր թափ առավ անցած դարի ութսունական թվականների կեսերից՝ գորբաչովյան «վերակառուցումից» սկսած: Հանդես եկան առաջին գաղտնի կազմակերպությունները, որոնք Հայաստանի հետ վերամիավորվելու համար երկրամասում անցկացրին յուրահատուկ հանրաքվե՝ ատորագրահավաք: Իրար հետևից Մոսկվա մեկնած արցախցիների պատվիրակությունները վերադաս իշխանություններին ներկայացրեցին իրենց պահանջները: Սակայն Մոսկվան մնում էր անտարբեր և չէր ընդառաջում արցախցիների արդար, սահմանադրական պահանջներին:

Արցախահայության ազատագրական պայքարը նոր աստիճանի բարձրացավ, երբ ԼՂԻՄ մարզխորհրդի արտահերթ նստաշրջանը 1988թ. փետրվարի 20-ին հատուկ որոշմամբ վերադաս իշխանություններից պահանջեց մարզը դուրս բերել Ադրբեջանի կազմից և վերամիավորել Հայաստանի հետ: Այդ որոշումը լայն արձագանք գտավ Հայաստանում: Արցախում և Հայաստանում սկիզբ առան զանգվածային հանրահավաքներ, գործադուլներ, ցույցեր ու երթեր: Աշխարհասփյուռ հայությունը սառար կանգնեց արցախահայության ազատագրական պայքարին:

Հայ ժողովրդի խաղաղ և սահմանադրական պայքարին Ադրբեջանը պատասխանեց բիրտ գործողություններով, որի հետևանքը եղան «սումգայիթը», «կիրովաբադը», «բաքուն»: Դրանց պատճառով գոհվեցին հազարավոր հայեր: Իրենց օջախներից

¹ Բաղդասարյան Դ.Ս., նշվ. աշխ., էջ 110-122:

բռնագաղթեցվեցին ավելի քան 300 հազար հայեր, որոնց ունեցվածքն ու սեփականությունը յուրացրին ազերիները: Մինչդեռ Հայաստանից հեռացած 160 հազար աղրբեջանցիների թողած անշարժ ունեցվածքի համար Հայաստանի Հանրապետությունը լրիվ փոխհատուցեց:

1988թ. փետրվարից Ղարաբաղյան շարժումն ընդունեց համաժողովրդական բնույթ: Այդ պայքարը Հայաստանում ղեկավարում էր «Ղարաբաղ» կոմիտեն, իսկ Լեռնային Ղարաբաղում՝ «Կոունկ» միությունը: Հայաստանում և Արցախում հանրահավաքներին, ցույցերին և երթերին մասնակցում էին հարյուր հազարավոր մարդիկ: Նման նախադեպ երկիրը չգիտեր: Խորհրդային կայսերապետությունը դա չհանդուրժեց, և «Ղարաբաղ» կոմիտեն ու «Կոունկը» արգելվեցին: Չնայած դրան՝ նրանք շարունակեցին գործել: Հետագայում՝ 1989-ի ամռանը, Լեռնային Ղարաբաղում վերացված իշխանություններին մարզում փոխարինած Ազգային խորհուրդն էական դեր խաղաց Արցախի ազգային-ազատագրական պայքարի ղեկավարման գործում:

1988-ից մինչև 1991-ի սեպտեմբեր, մինչև Լեռնային Ղարաբաղի Հանրապետության ստեղծումը Մոսկվա-Բաքու ուժերը Արցախն ու Հայաստանը առնելով շրջափակման մեջ՝ կազմակերպեցին տարաբնույթ հակահայկական բիրտ գործողություններ, որոնց հետևանքով հայ ժողովուրդը տվեց հարյուրավոր զոհեր: Այդ ամենը ստիպեց արագացնել Արցախի և Հայաստանի վերամիավորումը: Դրանում կարևոր դեր խաղաց Հայաստանի Գերագույն խորհրդի և Լեռնային Ղարաբաղի Ազգային խորհրդի 1989թ. դեկտեմբերի 1-ին տեղի ունեցած համատեղ նստաշրջանը, որը որոշում ընդունեց Լեռնային Ղարաբաղի և Հայաստանի վերամիավորման մասին:

Ծավալվող համաժողովրդական պայքարը և ԽՍՀՄ քայքայման գործընթացը Լեռնային Ղարաբաղի և Շահումյանի շրջանի թուլոր մակարդակների ժողպատգամավորներին ստիպեց 1991թ. սեպտեմբերի 2-ին որոշում ընդունել Լեռնային Ղարաբաղի Հանրապետության /ԼՂՀ/ կազմավորման մասին: Նույն թվականի դեկտեմբերի 10-ին և 28-ին հանրապետությունում անցկացված հանրաքվեներ և Գերագույն խորհրդի ընտրությունները ցույց տվեցին, որ Արցախը գնում էր ժողովրդավարական ճանապարհով:

Արցախի բնակավայրերը, մանավանդ մարզկենտրոն Ստեփանակերտը, շարունակ հրետակոծվում էին աղրբեջանական բնակավայրերում տեղակայված կրակակետերից, որոնց ոչնչացումը դարձել էր հրատապ խնդիր: 1991թ. դեկտեմբերից մինչև 1992թ. փետրվարի վերջը վերացվեցին բազմաթիվ կրակակետեր: Սակայն

Շուշիի և նրա հարևանությամբ որոշ կրակակետեր շարունակում էին սփռել մահ և ավերածություններ: Ուստի կարևոր էր Շուշիի ազատագրումը և Շուշի-Լաչին-Գորիս ճանապարհի բացումը: Այդ կարևոր խնդիրը լուծվեց 1992թ. մայիսի 8-18-ը: Շուշիի ազատագրման գործողությունը եզակի երևույթ էր, որը հանդիսացավ հայ ռազմագիտական մտքի արգասիքը: Ավելի քան 70 տարի գերության մեջ գտնված հայոց Շուշին ազատագրվեց, և ոչնչացվեցին Ստեփանակերտն ու մյուս հայկական բնակավայրերն ավերող հակառակորդի կրակակետերը: Հայոց ինքնապաշտպանական ուժերը այնուհետև շարունակելով իրենց հաղթարշավը՝ դուրս եկան Հայաստանի սահմանը: Այսպիսով, Հայաստանի հետ հաստատվեց անմիջական կապ, և Արցախը կապվեց մայր հայրենիքի հետ:

Ղարաբաղյան պայքարի այս շրջանի պատմությունը ցույց տվեց, որ կարելի է հաղթանակի հասնել՝ ամենից առաջ հենվելով սեփական համազգային ուժի և միասնության վրա: Դրա փայլուն ապացույցը հանդիսացան հաջորդ տարիներին Ղարաբաղյան պատերազմում հայության տարած փայլուն հաղթանակները:

Այսպիսով, Արցախ-Ղարաբաղում արցախյան հիմնահարցի լուծման էական միջոց հանդիսացավ Լեռնային Ղարաբաղի Հանրապետությունը, որի վճռական գործունեության հետևանքով ձևավորվեցին հանրապետության զինված ուժերը, անցկացվեց անկախության հանրաքվե և կազմավորվեցին հանրապետության պետական մարմինները: Ամենահրատապը 1991թ. դեկտեմբերից ազերիների կողմից Արցախի դեմ սկսված ռազմական գործողություններին դիմակայելն էր և հայկական բնակավայրերը ոչնչացնող ազերի կրակակետերի վերացումը: Այդ ուղղությամբ Արցախի և Հայաստանի իշխանությունների գործադրած ջանքերը պսակվեցին փայլուն հաղթանակով, և մինչև 1992թ. մայիսը վերացվեցին Արցախի տարածքում գտնվող հակառակորդի բոլոր կրակակետերը, ազատագրվեց Շուշին, և բացվեց Ստեփանակերտ-Գորիս ճանապարհը: Հայաստանի հետ Արցախի անմիջական կապի հաստատումը ունեցավ պատմական մեծ նշանակություն, որը հնարավորություն ստեղծեց պաշտպանել պատմական Հայաստանի 10-րդ նահանգը՝ Արցախը:

Արցախյան ազատագրական պայքարը հայոց հերոսապատումի նոր էջ է: ԽՍՀՄ փլուզումից հետո Լեռնային Ղարաբաղի հիմնահարցին միջրկյան բնարկումներն ու դրա լուծման ուղիների որոնումները ստացան միջազգային բնույթ՝ դարձնելով այն ԼՂՀ-ի հայության և Աղրբեջանի հակամարտության հիմնահարցը, որից տրանսբաբանորեն սկիզբ առնող գոյապայքարը ձեռք բերեց դասա-

կան պատերազմին հատուկ բոլոր հատկանիշները: Խաղաղ բնակչության տեղահանում և ոչնչացում, շրջափակում, բռնագաղթ, տարածքների գրավում, նորագույն ռազմական տեխնիկայի կիրառում, հազարավոր զոհեր և վիրավորներ, ռազմագերիներ, պատանդներ, անհայտ կորածներ:

Հղված և օգտագործված աղբյուրների ու գրականության ցանկ

Ա. Արխիվային նյութեր

ՀՀ հասարակական-քաղաքական կազմակերպությունների փաստաթղթերի կենտրոնական պետական արխիվ /ՀՀ ՀԲԿՓ ԿՊԱ/:
Ֆ.1, ՀԿԿ կենտկոմ, ց.82, 83, 84, 85, 87, 127:
Ֆ.4516, Հայոց համազգային շարժում /ՀՀԸ/:
ՀՀ Պատմության կենտրոնական պետական արխիվ /ՀՀ ՊԿՊԱ/, ֆ. 409, ց. 1, գ. 2710:

Բ. Պարբերական մամուլ

Թերթեր

1. Ազատամարտ, 1990-1991:
2. Ազատ Հայք, 1988-1990:
3. Ազգ, 1990-2001:
4. Ազդակ /Բեյրութ/, 1967-1972, 1988-1994:
5. Ազդակ, Բացառիկ /Բեյրութ/, 20.02.1998:
6. Ամարաս, 1989:
7. Անկախություն, 1987-1992:
8. Առավոտ, 1994-2001:
9. Արցախականց, 1990-1991:
10. Արցախի համալսարան, 1998-1999:
11. Ավանգարդ, 1988-1995:
12. Գարդմանք, 1996-1999:
13. Գրական թերթ, 1985-2000:
14. Եղիցի լույս, 2000-2002:
15. Երեկոյան Երևան, 1988-2000:
16. Երկիր, 1991-1993:
17. Երկրապահ, 2001-2002:
18. Իրավունք, 1989-2002:
19. Խորհրդային Հայաստան, 1985-1990:
20. Խորհրդային Ղարաբաղ /հետագա անվանումներով/, 1985-2002:
21. Հայրենիքի ձայն, 1988-1991:
22. Հայք, 1989-2000:
23. Հայոց աշխարհ, 1996-2002:
24. Հնչակ Հայաստանի. Ա տարի:
25. Միացում /տեղեկագիր/, 1989:

26. Մեափի դողանքները, 1993-2002:
27. Պոլիտեխնիկ, 1991:
28. 10-րդ նահանգ, 1999-2000:
29. Տնտեսագետ, 1989:
30. Ուրբաթ, 1989-1992:
31. Аргументы и факты, 1988-1995.
32. Бакинский рабочий, 1988-1990.
33. Голос Армении, 1991-2002.
34. Зов Арцаха, 1991-1993.
35. Известия, 1988-1992.
36. Комсомольская правда, 1988-1992.
37. Коммунист, 1988-1990.
38. Московские новости, 1990-1995.
39. Независимая газета, 1990-1995.
40. Правда, 1985-1995.
41. Социалистическая индустрия, 1989.

Ամսագրեր և հանդեսներ

1. Արցախ, 1989-1991:
2. Բազին /Բեյրութ/, 1993 և 1996:
3. Դրոշակ, 1988-2000:
4. Կրթությունը և գիտությունը Արցախում, 2000-2002:
5. ՀՀ ՊԱԱ Լրագրեր հասարական գիտությունների, 1985-2000:
6. Аврора, 1988.
7. Огонек, 1992.
8. Семья, 1988.

Գ. Ժողովածուներ, հաշվետվություններ, որոշումներ, փաստաթղթեր

1. **Թովմայան Վ.Գ., Աթաջանյան Վ.Ա., Ներսիսյան Յու.Բ.,** Ղարաբաղյան հարց, Ստեփանակերտ, 1991:
2. Լեռնային Ղարաբաղի հիմնախնդրի որոշ իրավաբանական հարցեր, Երևան, 1994:
3. Լեռնային Ղարաբաղի ինքնավար մարզի ազգաբնակչության լիազոր ներկայացուցիչների համագումարի նյութերը, Ստեփանակերտ, 1989:
4. Կանթեղ, գիտական հոդվածների ժողովածու, Երևան,

2002:

5. Հայոց պատմության հարցեր, N 3, Երևան, 2002:
6. Մեղադրվում են, Երևան, 1989:
7. Азербайджанская аргументация и ее опровержение, Ереван, 1989.
8. Геноцид армян в Азербайджане и Нагорном Карабахе, Степанакерт, 1998.
9. Глазами независимых наблюдателей: Нагорный Карабах и вокруг него. Сборник материалов, Ереван, 1990.
10. Заключение комитета Верховного Совета РСФСР по правам человека по итогам слушаний, посвященных нарушению прав человека в районе вооруженного конфликта в ряде районов Азербайджанской республики и республики Армения (конец апреля-май 1991 года), Ереван, 1992.
11. Закон Азербайджанской Советской Социалистической республики о Нагорно-Карабахской автономной области, Баку, 1987.
12. Конфликт в Нагорном Карабахе, Баку, 1990.
13. К истории образования Нагорно-Карабахской области Азербайджанской ССР 1918-1925, документы и материалы, Баку, 1989.
14. Нагорный Карабах в девятой пятилетке, Степанакерт, 1976.
15. Нагорный Карабах в 1918-1923гг., Ереван, 1992.
16. Нагорный Карабах и вокруг него. Глазами независимых наблюдателей, Ереван, 1991.
17. Нагорный Карабах. Историческая справка, Ереван, 1988.
18. Нагорный Карабах, весна-осень 1990, документы и материалы, Ереван, 1990.
19. Народное хозяйство Азербайджанской ССР в 1984 году, Баку, 1985.
20. Сумгаит...Геноцид...Гласность? Ереван, 1989.
21. Статус Нагорного Карабаха. В политико-правовых документах и материалах, Ереван, 1995.
22. Хроника НКАО, февраль 1988- февраль 1990, Баку, 1990.

Դ. Գրականություն

1. **Աբրահամյան Զրանտ**, Արցախյան գոյամարտ, Երևան, 1991:
2. **Աբրահամյան Զրանտ**, Երբ հայրենիքը վտանգի մեջ է, Երևան, 1997:
3. **Աբրահամյան Զրանտ**, Ճակատագրին ընդառաջ, Երևան, 2001:
4. **Աբրահամյան Զրանտ, Սկրտչյան Շահեն**, Արցախի համար գոհված դիզակցիները, Երևան, 2000:
5. **Ազիզբեկյան Ռ.Լ.**, Հայաստանը վերակառուցումից մինչև անկախություն: Համառոտ ակնարկ, Երևան, 1992:
6. **Աթայան Իվան**, Ընդմիջտ մեզ հետ, Ստեփանակերտ, 1995:
7. **Այվազյան Արմեն**, 'Լարաբաղյան հակամարտության կարգավորումը և Հայաստանի ռազմավարական անվտանգությունը, Երևան, 1998:
8. **Առաքելյան Վ.Բ., Ազիզյան Գ.Ն.**, Նրանք փառքով անմահացան, Երևան, 1999:
9. **Առտամյան Գալյա**, Իմ սերը ծեղ հետ է, ողջեր և նահատակներ, Երևան, 1999:
10. **Արշակյան Անդրանիկ**, Մահ չիմացյալ՝ մահ, մահ իմացյալ՝ անմահություն, Երևան, 1993:
11. **Բալայան Զորի**, Դժոխք և դրախտ, Երևան, 1995:
12. **Բալայան Զորի**, Բժիշկ Մարությանը և նրա «Պատերազմի հետքը երկար կմնա», Երևան, 1999:
13. **Բաղդասարյան Դ.Ս.**, Դիմակայություն, Երևան, 1998:
14. **Դանիելյան Արմեն**, Բեկորը ինչպես որ կար /հուշապատում/, Ստեփանակերտ, 2000:
15. **Դանիելյան Կոմիտաս**, Արցախը չսանձված մտույզ, Երևան, 2001:
16. **Եսայան Էսենտ**, Բույլ նահատակաց, Երևան, 1996:
17. **Թարևոսյան Ռաֆիկ**, Շուշիի ազատագրումը և Լաչինի միջանցքի բացումը, Երևան, 1999:
18. **Իշխանյան Բ.**, Բաքվի մեծ սարսափները, Թիֆլիս, 1920:
19. **Խոջաբեկյան Վ.Ն.**, Արցախը փորձության ժամին, Երևան, 1991:
20. **Կարապետյան Բակուր**, ...Եվ նրա շուրջը, Երևան, 1990:
21. **Կարապետյան Բակուր**, Անգլուհու արցախյան ողիսականը, Երևան, 1994:
22. **Հարությունյան Մ.Ա.**, Արցախյան պատերազմի սկիզբը և Շուշիի ազատագրումը, Երևան, 2000:
23. **Հակոբջանյան Արտաշես**, Արցախյան ազատամարտի

- ակունքների մոտ, Երևան, 2001:
24. **Հասրաթյան Սենոր**, Ղարաբաղյան պատերազմ, Երևան, 2001:
 25. **Ղահրամանյան Կիմ**, Հյուսիսային Արցախ. գոյության պայքար, գիրք Բ, Երևան, 1993:
 26. **Ղարիբյան Գ.**, Արթուրը: Արծվի թռիչք էր նա, Երևան, 1999:
 27. **Մարգարյան Սիրվարդ**, Մարտակերտ: Չհայտարարված պատերազմի կիզակետ, Ստեփանակերտ, 1999:
 28. **Մելիք-Շահնազարյան Լևոն**, Ադրբեջանի ռազմական հանցագործությունները Լեռնային Ղարաբաղի Հանրապետության խաղաղ բնակչության դեմ, Երևան, 1998:
 29. **Մելքունյան Սերգեյ**, Լեռնային Ղարաբաղի Հանրապետություն, Երևան, 1997:
 30. **Միրզոյան Վազգեն**, Մարգասաշեն, Ստեփանակերտ, 1997:
 31. **Մկրտչյան Արթուր**, Ի՞նչ է տեղի ունեցել Հաղորթում, Երևան, 1992:
 32. **Մկրտչյան Լևոն**, Արցախ-Ղարաբաղը իր անցյալով և ներկայով, Արենք, 1988:
 33. **Մկրտչյան Շահեն**, Արցախ, Երևան, 1991:
 34. **Մոսետովա Ի., Հովնանյան Ա.**, Բաքվի ջարդերը, Երևան, 1992:
 35. **Մուսաբեկյան Բաբկեն**, Հանուն Արցախի և հայրենի Մարտունու, Ստեփանակերտ, 1998:
 36. **Նանազուլյան Սեդրակ**, Արծիվները բարձունք են տենչում, Գիրք Ա, Բ, Գ, Երևան, 1992-1993:
 37. **Պետրոսյան Ռազմիկ**, Արցախ. պատերազմ. զինադադար, Երևան, 2001:
 38. **Սողոմոնյան Նվարդ**, 1991. «Կոլցո»: Մարդորություն, մաս I, Ստեփանակերտ, 1994, մաս II, Ստեփանակերտ, 1995:
 39. **Ուլուբաբյան Բագրատ**, Արցախյան գոյապայքար, Երևան, 1994:
 40. **Ուլուբաբյան Բագրատ**, Արցախյան գոյապայքարի տարեգրություն, Երևան, 1997:
 41. **Օհանջանյան Փաշա**, Ղարաբաղի ազատագրական պատերազմը, Երևան, 2000:
 42. **Авакян Григор**, Нагорный Карабах. Ответ фальсификаторам, Ереван, 1991.
 43. **Андрей Сахаров** о Нагорном Карабахе, Ереван 1996.
 44. **Арабян И.А.**, Геноцид и его наказуемость, Ереван, 1999.
 45. **Арутюнян В.Б.**, События в Нагорном Карабахе, ч.1-6, Ереван, 1990-1997.

46. **Алиев И.**, Нагорный Карабах. История, факты, события, Баку, 1989.
47. **Бабанов Игорь, Воеводский Константин**, Карабахский кризис, Санкт-Петербург, 1992.
48. **Балаян Грайр**, Нагорный Карабах и национальные конфликты в союзе, Ереван, 1991.
49. **Барсегов Ю.Г.**, Право на самоопределение – основа демократического решения межнациональных проблем. К проблеме нагорного Карабаха, Ереван, 1989.
50. **Барсегов Ю.Г.**, Народ Нагорного Карабаха – субъект права на самоопределение, Москва, 1996.
51. **Барсегов Ю.Г.**, Самоопределение и территориальная целостность, Москва, 1993.
52. **Барсегян Хикар**, Истина дороже... К проблеме Нагорного-Карабаха-Арцаха, Ереван, 1992.
53. **Вермишева Седа**, Депортация населения армянских сел НКАО и прилегающих районов: апрель-июнь 1991 года, Ереван, 1995.
54. **Григорян Владимир**, Армения- 1988-1989, Ереван, 1999.
55. **Золян Сурен**, Нагорный Карабах: проблема и конфликт; Ереван, 2001.
56. **Кокс Керолайн, Айбнер Джон**, Этническая чистка продолжается. Война в Нагорном Карабахе, Ереван, 1998.
57. **Манасян А.С.**, Карабахский конфликт: ракурсы правового подхода, Ереван, 1998.
58. **Мелик-Шахназарян Левон**, Гандзак. Неутраченный мир, (воспоминание очевидца), Степанакерт, 1996.
59. **Оганян Николай**, Карабахский конфликт. Этапы, подходы, решения, Ереван, 1997.
60. **Хуршудян Л.А.**, Истина-единственный критерий исторической науки, Ереван, 1989.
61. **Чобанян С.С.**, Государственно-организованный терроризм, SOS! Геноцид армян 1988-1992 гг., Ереван, 1992.

Առաջաբան	5
ԳԼՈՒԽ I	
Արցախյան շարժման սկզբնավորումը	14
1. Շարժման սկզբնավորումն Արցախում.....	14
2. Շարժման վերաճումը համազգային պայքարի	26
ԳԼՈՒԽ II	
Զինված ընդհարումներից մինչև Արցախի անկախացում /1988թ. գարուն – 1991թ. սեպտեմբեր/	40
1. Իրավիճակը 1988թ. մարտի վերջից մինչև հունիսի 18-ի ԽՍՀՄ Գերագույն խորհրդի նախագահության նիստը	40
2. Մոսկվայի և Բաքվի հակահայկական դիրքորոշման նոր դրսևորումները /1988թ. հուլիս – 1989թ. մայիս/.....	53
3. Արցախի և Հայաստանի վերամիավորման համազգային շարժման նոր փուլը /1989թ. հունիս – 1991թ. սեպտեմբեր/	87
4. Հայերի տեղահանումները որպես Ադրբեջանի պետական քաղաքականություն.....	169
ԳԼՈՒԽ III	
Հայ-ադրբեջանական չհայտարարված պատերազմի առաջին փուլը	201
1. ԼՂՀ կայացումը որպես արցախյան հիմնահարցի լուծման միջոց /1991թ. սեպտեմբեր–1992թ. հունվար/.....	201
2. Շուշիի ազատագրումը և Արցախ-Հայաստան անմիջական կապի հաստատումը.....	210
Վերջաբան	235
Հղված և օգտագործված աղբյուրների ու գրականության ցանկ	239

Համակարգչային ծնավորումը ԵրՊԼՀ-ի համակարգչային կենտրոն
(ղեկավար դոց. Վ.Վ.Վարդանյան)

Համակարգչային էջավորումը Հ.Ս. Էլչակյան
Ս.Վ. Առաքելյան

Ստորագրված է տպագրության՝ 05. 03. 2004թ.
Հանձնված է տպագրության՝ 05. 03. 2004թ

Տպաքանակ 1000

Տպագրված է



ք. Երևան, Պուշկինի 48
Հեռ.՝ 53 96 47, (09) 42 51 63

E-mail: lusabats@mail.ru, lusabats_2002@yahoo.com

Նվիրում են ըմբռանարտի աշխարհի կրկնակի
գավաթակիր, Համաշխարհային
ունիվերսիադայի, Եվրոպայի, ԽՍՀՄ կրկնակի,
ԽՍՀՄ ժողովուրդների սպարտակիադայի,
Հայաստանի բազմակի չեմպիոն, միջազգային
մրցաչարերի բազմակի հաղթող, վետերան
ըմբռանարտիկների աշխարհի
չեմպիոն՝ Գուրգեն Բաղդասարյանի
50-ամյա հոբելյանին



Անդրանիկ Արշակյան-
պատմական գիտու-
թյունների թեկնածու,
ներկայում՝ Երևանի Վ.
Բրյուսովի անվան պետա-
կան լեզվաբանական
համալսարանի առաջին
պրոֆեսոր:

Ծնվել է 1960 թ. Երևա-
նում: Ավարտել է Երևանի
Գեղարվեստաբանա-
կան ինստիտուտը 1981 թ.,
Մոսկվայի Մշակույթի ինս-
տիտուտի արվեստագիտա-
բանություն /1988թ./,
Սանկտ-Պետերբուրգի

Արտաբժին տնտեսական կայերի, տնտեսագիտության և
իրավունքի ինստիտուտի իրավաբանական ֆակուլտետը,
Մոսկվայի Քաղաքական հետազոտությունների դպրոցի
չրջանավարտ /1996-1999թթ./: Աշխատել է ԳՀ Մշակույթի
նախարարությունում որպես առաջատար մասնագետ
/1988-92թթ./, Երևանի ԽՍՀ Արվեստի անվան պետական
մանկավարժական ինստիտուտի կուլտուրայի ֆակուլ-
տետում որպես լաբորանտ, դասախոս, ավագ դասախոս
/1988-1995թթ./, ԳՀ Պաշտպանության նախարարությունում
որպես վարչության պետ /1992-1994թթ./, Երևանի գոտում
ԳՀ Կառավարության լիազոր ներկայացուցչի առաջին
տեղակալ /1994-1996թթ./:

Մասնակցել է Արցախյան ազատամարտին: Գեղիմակ է
«Մահ չիմացյալ՝ մահ, մահ իմացյալ՝ անմահություն» գրքի
տասնյակ գիտական հոդվածների, արցախյան հիմնա-
հարցին նվիրված բազմաթիվ հրապարակումների:
Հայկական Հանրագիտարանի «Ուրարադյան պատերազմ
1988-1994» հանրագիտարանի գիտահրատարակչական
խորհրդի անդամ է: Անունացած է, ունի երկու դուստր և մեկ
որդի: